

周礼句解

朱申

文硕阁

wenshuoge.com

目录

关于我们

目录

卷一

卷二

卷三

卷四

卷五

卷六

卷七

卷八

卷九

卷十

卷十一

卷十二

3

5

7

16

27

37

51

60

74

82

93

102

112

120

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

目录

钦定四库全书 经部四

周礼句解目錄 礼类一【周礼之属】 卷一

天官 宰上

卷二

天官 宰下

卷三

地官司徒上

卷四

地官司徒下

卷五

春官宗伯一

卷六

春官宗伯下

卷七

夏官司马上

卷八

夏官司马下

卷九

秋官司防上

卷十

秋官司防下

卷十一

冬官考工记上

卷十二

冬官考工记下

【臣】等谨案周礼句解十二卷宋朱申撰是书逐句诠释大略根据注疏义取简约其中所见有与注疏异者则显易其說若太宰之职五曰贡职郑注曰赋口率出泉也贡功也九职之功所税也而是书则易之曰赋税也贡献也有力主注疏而曲为引证者若大司徒诸公之地封疆方五百里以下则坚守注中半为附庸之說而不执孟子王制以疑周礼至于注疏之是非疑不能决者若小司徒四邑为甸以下注谓旁加之数乃治洫浚之数大司乐圜钟为宫以下注谓天宫夹钟不用中吕等律以其与地宫同位之类则皆阙而不载虽循文训诂无大发明而较之窜乱古经横生新义者犹不失谨严之义惟序官乃经文之纲领申以其无假诠释遂削而不载颇乖体要是则因陋就简之失亦不必曲为之讳矣乾隆四十三年三月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

卷一

钦定四库全书

周礼句解卷一

宋 朱申 撰

周礼【成王幼周公以叔父而摄政制礼作乐以致太平及归政之日因典章文物之盛着为六典实周家一代之礼】

天官冢宰第一【周家取法天地四时以建六官 宰曰天官者以其总御众官犹天道统理万物也 大也司徒司马司寇司空皆曰司以其各主一官也 宰兼总六官故不言司也宗伯亦不言司者以祭祀鬼神非人所主也】

天官 宰上

惟王建国【王三代君天下之称也国王者所都也此言周王之建立都国】辨方正位【辨别东西南北之四方而正祖社朝市之位】体国经野【体犹分也经犹画也城中曰国郊外曰野体国营其国之宫城门涂犹人身之有四体经野治其野之丘甸沟洫如织之有经纬】设官分职【设置也分别也官犹 宰司徒之类职犹掌治掌教之类】以为民极【以为斯民至极之标准】乃立天官 宰【于是建立天官 宰之职】使帅其属而掌邦治【邦治谓总六官之职也天官其属六十 宰帅之而掌邦治焉帅音率属音蜀治去声凡方欲治之者系活字皆平声已治政治等系死字皆去声后可以意求之】以佐王均邦国【以佐助天子而均齐天下之邦国】

大宰之职【卿一人 大宰即 宰也兼总六官故曰 宰列职于王故曰大宰职所掌之事也】掌建邦之六典【建立也邦国也典常法也六典其目在下】以佐王治邦国【不言均邦国者治则理之而已均则治之盛也大宰用此六典辅佐王者理天下】一曰治典【天官之典】以经邦国【经犹纬之有经治邦国有节制之道故以经言】以治官府【百官所居曰府】以纪万民【纪犹纲之有纪治万民者务致其详故以纪言】二曰教典【地官之典】以安邦国【安宁之也】以教官府【教训之也】以扰万民【扰驯之也谓顺民之性而不拂其宜】三曰礼典【春官之典】以和邦国【和不乖也】以统百官【统犹合也礼典以下不曰官府而曰百官者尊天地二官不局其数也】以谐万民【谐调也】四曰政典【夏官之典政军政也】以平邦国【军政所以平定天下故曰平】以正百官【政者正也】以均万民【有贡赋之事故云均】五曰刑典【秋官之典】以诂邦国【诂问也隐而难知故谓之诂诂起乙反】以刑百官【显而易见则直刑之而已】以纠万民【纠犹察也】六曰事典【冬官之典】以富邦国【富丰于财也】以任百官【任犹使也】以生万民【生犹

养也】以八灋治官府【八法其目在下官府注见上灋古法字】一曰官属【六官之属】以举邦治【举而行之】二曰官职【六官所治之事谓之职】以辨邦治【其职各有司存故曰辨】三曰官联【联谓通职连事以相佐助】以防官治【邦治总官民而言官治指官府而言众官共举则事得防合而成】四曰官常【常谓以昔所常行者着之于例】以听官治【百官违其常者则以此而听察之】五曰官成【成谓载之简书以为着令】以经邦治【经谓以之绳墨于民】六曰官灋【官府所奉行之法】以正邦治【正谓以之整齐其民】七曰官刑【治官府之刑】以纠邦治【纠察也】八曰官计【平治官吏之计】以弊邦治【弊断也弊音蔽】以八则治都鄙【则亦法也其详由法其略曰则都鄙公卿大夫所食之采地也以其有邑故谓之都以其在国之鄙故谓之鄙八则其目在下】一曰祭祀【宗庙社稷诸神之祀】以驭其神【驭犹马之在驭祭祀有废置故言驭其神驭音御】二曰灋则【此宫中之法则】以驭其官【官之所守惟法则之从故言驭其官】三曰废置【有罪则废有行则置】以驭其吏【官谓治事者吏谓治人者】四曰禄位【禄俸也位爵也】以驭其士【吏谓已仕者士谓未仕者】五曰赋贡【赋税也贡献也】以驭其用【都鄙之用度量贡赋之所入以为出】六曰礼俗【以礼节其风俗】以驭其民【不求变俗而礼行焉】七曰刑赏【刑以惩恶赏以劝善】以驭其威【独言威者欲民之畏刑而为善则蒙赏者众矣】八曰田役【因四时之田而役使之】以驭其众【田以简众役以任众】以八柄诏王驭羣臣【柄犹器之有柄诏告也八柄者天子所以驭羣臣非人臣所可预故 宰以诏于王】一曰爵【谓内则公卿大夫士外则公侯伯子男也】以驭其贵【有爵则贵故爵所以驭贵】二曰禄【禄仕者之俸也】以驭其富【有禄则富故禄所以驭富】三曰予【爵禄之外有所赐也予音与】以驭其幸【出于特恩故曰幸】四曰置【置之于位】以驭其行【防其人有贤行行下孟反】五曰生【生犹养也】以驭其福【臣有勲劳而禄及子孙是福祐之也】六曰夺【臣有罪而没其家财】以驭其贫【夺其所有故贫】七曰废【不忍杀之放之以远】以驭其罪【以其人有罪也】八曰诛【责也】以驭其过【罪重故放之过轻故诛之谓责之以言也】以八统诏王驭万民【统言举于此而彼从之王躬行于上而民从之故八统可以驭万民也】一曰亲亲【亲睦九族】二曰敬故【敬重故旧】三曰进贤【有德者进用之】四曰使能【有才者役使之】五曰保庸【安有功者】六曰尊贵【荣有爵者】七曰达吏【吏谓在下位者达谓进之于上】八曰礼宾【宾谓诸侯礼谓与之行宾主揖逊之礼】以九职任万民【以九者职业任使万民】一曰三农【山泽平地三等之农】生九谷【生种也九谷谓黍稷稻粱秫苽麻麦豆也】二曰园圃【树 果曰圃园其樊也】毓草木【毓与育同谓顺草木之性而养之也】三曰虞衡【掌山泽之官】作山泽之材【山泽所产之材作而用之】四曰薮牧【薮无水之地牧有畜之地薮音叟】养蕃鸟兽【养畜也蕃盛也飞曰鸟走曰兽】五曰百工【兴事造业谓之工】飭化八材【勤力以化八者之材八材谓珠曰切象曰磋玉曰琢石曰磨木曰刻金曰镂革曰剥羽曰柝】六曰商贾【行货曰商坐货曰贾贾音古】阜通货贿【阜盛也金玉曰货布帛曰贿贿呼罪反】七曰嫔妇【嫔有夫者妇有姑者嫔音频】化治丝枲【化治者化而后治之也丝茧之已燥者枲麻之未缉者枲丝里反】八曰臣妾【臣男之贱者妾女之贱者】聚敛疏材【聚敛谓蓄积之疏材百草根实可食者疏音疎】九曰闲民【无事业者闲音闲】无常职【八职有常此独无常】转移执事【若今庸雇为工作者】以九赋敛财贿【上取于下曰赋敛聚也财帛布也此九者取于任地与余财非取于民者】一曰邦中之赋【在城郭者】二曰四郊之赋

【四郊谓四方之郊去国百里六郷之赋】三曰邦甸之赋【去国二百里】四曰家削之赋【去国三百里以大夫所食采邑在焉故曰家削削所教反】五曰邦县之赋【去国四百里】六曰邦都之赋【去国五百里】七曰关市之赋【关以征其货之出入市以征其货之所在】八曰山泽之赋【虞衡所掌山泽之财】九曰币余之赋【职币所敛掌事之余财】以九式均节财用【式谓用财之节度均节之使无有余不足之患】一曰祭祀之式【祭祀有大小其礼各有丰杀】二曰宾客之式【诸侯之君为宾诸侯之臣为客其礼各有等差】三曰丧荒之式【丧有赠 含禭之礼荒有散利遗民之费】四曰羞服之式【羞饮食也服衣裳也】五曰工事之式【百工之事各有作器物之法】六曰币帛之式【币帛所以赠劳宾客者】七曰刍秣之式【草谓之刍谷谓之秣所以养牛马也】八曰匪颁之式【匪分也颁赐也王所分赐羣臣也】九曰好用之式【因其所好而用之盖上之私恩也】以九贡致邦国之用【下供于上曰贡言致者明非取之而自至也】一曰祀贡【牺牲苞茅之属】二曰嬭贡【丝枲之属】三曰器贡【钱铁石磬之属】四曰币贡【玉马皮帛之属】五曰材贡【栝栢篠簜之属】六曰货贡【金玉 贝之属】七曰服贡【絺纈之属】八曰旂贡【珠玑琅玕可供燕游之物旂音游】九曰物贡【九州所产杂物】以九两系邦国之民【两犹耦也系犹缀也所以协耦万民而联缀不散者有此九事系音计】一曰牧【谓九州之牧也或曰邦国之牧】以地得民【各有分地得以服民】二曰长【都鄙之长】以贵得民【食其禄而不得其地故但以贵得民】三曰师【谓国家学校之师】以贤得民【以其贤德可为人之模范也】四曰儒【谓党学里校之典教者】以道得民【以其有道足以感化乎民也】五曰宗【谓大宗之宗子】以族得民【先王以大宗合天下之族】六曰主【大夫之治都鄙而不为长者】以利得民【采地之利足以得民】七曰吏【乡遂都鄙之吏】以治得民【既专其政则民亦悦其治】八曰友【乡田之民出入相友】以任得民【相任以事故以事相得】九曰薮【泽薮财物所生】以富得民【其利富厚故以富得民】正月之吉【周以建子之月为正吉则其朔日也正音政】始和布治于邦国都鄙【始调和六典以下之事而颁布此治职文书于邦国之诸侯都鄙之卿大夫】乃县治象之灋于象魏【象魏即雉门两观也以天官之治法画之为象而县于象魏县音 】使万民观治象【使人观治象而遵行之】挟日而敛之【一旬为挟必挟日乃收敛者使逺近徧知之挟音浹】乃施典于邦国【以六典治邦国故也】而建其牧【牧即所谓以地得民者】立其监【公侯伯子男各监一国】设其参【卿三人参七男反】傅其伍【大夫五人】陈其殷【殷众也谓上士中士下士也】置其辅【府史胥徒】乃施则于都鄙【以八则治都鄙故也】而建其长【长即所谓以贵得民者】立其两【两谓两卿】设其伍陈其殷置其辅【并见上注】乃施灋于官府【以八法治官府故也】而建其正【谓总其众职者】立其贰【谓佐其正官者】设其攷【谓攷其成绩者】陈其殷置其辅【并见上注】凡治【大凡为治之道其目在下】以典待邦国之治【六典本以治邦国也待谓待其成而攷之】以则待都鄙之治【八则本以治都鄙也】以灋待官府之治【八法本以治官府也】以官成待万民之治【八成本以治万民也】以礼待宾客之治【礼者本以接宾客也】祀五帝【祭祀五方之帝谓大昊少昊炎帝黄帝颡顓上古有德之君】则掌百官之誓戒与其具脩【百官谓与祀者誓者折之以言戒者飭之以事具所以供其物脩所以理其壤】前期十日【未祭以前散斋七日致斋三日】帅执事而卜日【执事谓百官执祭事者大宰帅之以卜祭日】遂戒【戒散斋也卜既得日遂戒百官以始斋】及执事【及至祭之前夕执事之时】眡涤濯【涤濯谓洗

祭器大宰则亲眡之】及纳亨【向祭之晨纳牲告杀既杀乃授亨人亨音烹】赞王牲事【君亲牵牲大宰赞之】及祀之日【旦明将祀之时】赞玉币爵之事【玉帛以礼神各如其方之色爵所以献神齐酒也三者执以从王至而授之】祀大神示亦如之【祀天神地示皆如祭五帝之礼示音只】享先王亦如之【享宗庙之礼亦然】赞玉几玉爵【玉几所以依神别言赞玉几玉爵者以言祀五帝及大神示不用玉几玉爵也】大朝觐防同【春见曰朝秋见曰觐时见曰防殷见曰同举春秋则冬夏可知朝音潮】赞玉币玉献玉几玉爵【玉币谓诸侯享币也玉献献国珍异也玉几王所依也玉爵王礼诸侯之酢爵也】大丧【天子之丧】赞赠玉含玉【赠玉谓既以赠先王含玉谓将敛饭含之玉含尸暗反】作大事【国之大事在祀与戎】则戒于百官【大宰戒飭百官】赞王命【赞助王之教令】王眡治朝【眡朝谓临朝也治朝在路门外】则赞听治【助王以听天下之治】眡四方之听朝亦如之【听朝谓王巡狩于四方之时亦如赞听治焉】凡邦之小治【非关于王眡朝之小事】则宰听之【大事决于王小事宰专决】待四方之宾客之小治【王视四方之朝于方岳之下则冢宰为之待四方宾客之小治】岁终【每岁之终】则令百官府【徧飭百官之府】各正其治【各使之自正其治】受其防【受其一岁功事之计会音桼】听其致事【听其所致以告于上之事】而诏王废置【如此则百官之能否可见矣于是以告于王而废之置之】三岁【三年则大比】则大计羣吏之治【言大计者以见岁终之计为小】而诛赏之【大无功则不徒废更加之罪大有功则不徒置更加之赏】

小宰之职【中大夫二人 大宰之贰故曰小宰】掌建邦之宫刑【宫刑在王宫中之刑建明而布告之】以治王宫之政令凡宫之纠禁【违其政令者未发则纠察之既发则禁止之】掌邦之六典八灋八则之贰【六典八灋八则之书其正在大宰太史司书小宰则副掌其书也】以逆邦国都鄙官府之治【逆谓迎受勾考也六典以逆邦国之治八灋以逆官府之治八则以逆都鄙之治】执邦之九贡九赋九式之贰【三者以大宰所掌故小宰副贰以执之】以均财节邦用【均财使得其平节邦用使之无过】以官府之六叙正羣吏【以六者叙其伦之先后】一曰以叙正其位【谓卿大夫朝位有尊卑次列之叙】二曰以叙进其治【谓有治职功进于上者亦有先尊后卑之叙】三曰以叙作其事【谓有所执掌起事者亦先尊后卑也】四曰以叙制其食【因爵命之尊卑以制其禄】五曰以叙受其防【谓进防计文书受之亦以尊卑为叙】六曰以叙听其情【谓狱讼之情听之亦以尊卑为叙】以官府之六属举邦治【六官之长各有属官佐之然后邦治可举而行】一曰天官【大宰之官】其属六十【谓宫正以下曰六十者举大数也后五官仿此】掌邦治【皆掌治职】大事则从其长【事之大者则从于大宰之长】小事则专达【事之小者则属官得专行之】二曰地官【司徒之官】其属六十【州长以下】掌邦教【皆掌教职】大事则从其长【从大司徒】小事则专达【同上】三曰春官【宗伯之官】其属六十【郁人以下】掌邦礼【皆掌礼职】大事则从其长【从大宗伯】小事则专达【同上】四曰夏官【司马之职】其属六十【司勳以下】掌邦政【皆掌政职】大事则从其长【从大司马】小事则专达【同上】五曰秋官【司寇之官】其属六十【卿士以下】掌邦刑【皆掌刑职】大事则从其长【从大司寇】小事则专达【同上】六曰冬官【司空之官】其属六十【冬官阙不可考】掌邦事【皆掌事职】大事则从其长【从大司空】小事则专达【同上】以官府之六职辨邦治【六官之职不同故邦治得以分辨】一曰治职【天官之职】以平邦

国【邦国不得专利而过制】以均万民【万民不得擅利而独侈】以节财用【上下皆无泛用故财用可节也】二曰教职【地官之职】以安邦国【脩文德以安之】以宁万民【脩文德以宁之宁者安之至也】以怀宾客【近者悦而远者来故宾客可怀也】三曰礼职【春官之职】以和邦国【和不乖也】以谐万民【谐犹调也】以事鬼神【人和而神降之福故鬼神可事也】四曰政职【夏官之职】以服邦国【服则使之顺于王】以正万民【正则使之止于一】以聚百物【贡出于邦赋敛于民服之正之故百物可聚也】五曰刑职【秋官之职】以诘邦国【诘问也】以纠万民【纠察也】以除盗贼【奸无所容故盗贼可除也】六曰事职【冬官之职】以富邦国【丰其财也】以养万民【养其生也】以生百物【上下兼足则无旷土游民故百物可生也】以官府之六联合邦治【官府六事皆联事通职然后邦治得以防合而成】一曰祭祀之联事【谓大宰赞玉币司徒奉牛牲宗伯眡滌濯司马羞鱼牲司寇奉明火水之类】二曰宾客之联事【谓大宰大朝覲防同赞玉币玉献与小宰大宗伯大行人小行人宰夫掌客所掌宾客之事必联事合治而后成也】三曰丧荒之联事【谓大宰大丧赞赠玉含玉大司徒率众庶属具六纆大司徒大荒移民通财小行人令赙委之之类】四曰军旅之联事【谓六军军将皆命卿大司徒以旗致万民大司马仲春教振旅之类】五曰田役之联事【田所以简众役所以任众如大小司徒乡师大司马所掌田役之事】六曰敛弛之联事【敛民之财弛民之力如大宰掌九贡九赋而大府司防司书亦掌之此敛之联事也乡大夫国中贵者贤者皆舍征而小司徒亦掌之此弛之联事也】凡小事皆有联【上六者皆大事其余小事亦皆有联】以官府之八成经邦治【官府中成事品式有此八者可以经纬邦治】一曰听政役以比居【政谓力政役谓徒役民有争则以其地比居者共听之政音征比毗志反】二曰听师田以简稽【简犹阅也稽犹计也师以用众田以简众皆以简稽之书听之】三曰听闾里以版图【在乡则二十五家为闾在遂则二十五家为里有讼则以户籍之版土地之图听之】四曰听称责以傅别【傅别谓券书也称谓贷之以物责谓责其所偿皆以傅别之书听之】五曰听禄位以礼命【礼命礼之九命也有争禄之多少位之前后者则以其书听之】六曰听取予以书【谓官贷于民者官之所予民之所取其责偿也则以其书契听之】七曰听卖买以质剂【谓两札一书而长者曰质短者曰剂彼之所买此之所卖皆以其书听之剂子西反】八曰听出入以要防【岁计曰防月计曰要官给于民曰出民输于官曰入皆以其计簿听之】以听官府之六计弊羣吏之治【听平治也弊犹断也平治官府之计有此六事以断羣吏之治弊音蔽】一曰廉善【廉察也善谓善其事有称誉也】二曰廉能【能谓才能足以辨事者】三曰廉敬【不解于位也】四曰廉正【行无倾邪也】五曰廉灋【守法不失也】六曰廉辨【不疑惑也以此六者廉察之则吏之能否见矣】以灋掌祭祀朝覲防同宾客之戒具【法礼法也戒谓饬其事具谓备其物】军旅田役丧荒亦如之【亦以法掌其戒具】七事者【总上两节谓自祭祀至丧荒七事】令百官府共其财用【令百官之府共七者之财用】治其施舍【施谓施恩惠舍谓舍政役舍音舍】听其治讼【理其事谓之治争其事谓之讼】凡祭祀【遇有祭祀之事】赞玉币爵之事【又从大宰助王】裸将之事【裸酌郁鬯以献尸也将送也小宰赞王以行其事】凡宾客【遇有宾客之事】赞裸凡受爵之事凡受币之事【宾客有裸神也受爵谓宾所以酢主之爵受币谓敬宾如敬宾所以享王之币三者皆小宰赞之】丧荒【大丧大荒】受其含襚币玉之事【口实曰含衣衾曰襚凶荒有币玉者宾客所赙委之礼含户暗反襚音遂】月终【每月之终】则以官府之叙受羣吏之要【月计曰要受之各以尊卑之

叙】赞 宰受岁防【岁计曰防大宰受之小宰助之而已】岁终【每岁之终】则令羣吏致事【使六官各致一年功状以待攷也】正岁【正月之吉】帅治官之属而观治象之灋【大宰县治象之灋于象魏小宰帅治官六十之属而往观焉】徇以木铎【铎铃也金口而木舌古者有新令必奋木铎以警众】曰不用灋者【谓官属有不用治象之法者】国有常刑【国有典常之刑不汝赦也】乃退【已观治象而退】以宫刑宪禁于王宫【宪谓表县之禁谓止絶之】令于百官府【令于王宫之百官府】曰各脩乃职【各脩其所治之职】攷乃灋【各攷其所用之法】待乃事【以待所作之事】以听王命【其事皆听王之所命】其有不共【其或有不共于王事者】则国有大刑【大刑则重于常刑也】

宰夫之职【下大夫四人上士八人中士十有六人旅下士三十有二人府六人史十有二人胥十有二人徒百】【有二十人 大宰既有副贰又有宰夫所谓设其攷也】掌治朝之灋【治朝在路门外】以正王及三公六卿大夫羣吏之位【立朝尊卑之位司士掌之宰夫纠其不如仪者】掌其禁令【禁谓止其非法令为使之有为】叙羣吏之治【次叙羣吏所治之事】以待宾客之令诸臣之复万民之逆【令谓宾客未至而先为之具备复报也反也谓诸臣奏事者自下而上曰逆谓万民上书者】掌百官府之徵令【征召也百官之在官府上有所召而使之从令】辨其八职【八职既辨然后知所从之征令】一曰正【正谓六官之长僚属所取正者】掌官灋以治要【官法谓官府之八法要则月计之书也】二曰师【师谓六官之贰僚属受教者】掌官成以治凡【官成谓官府之八成凡则旬计之书也】三曰司【若天官宰夫地官乡师之类各司职事者】掌官灋以治目【官法见上目谓日计】四曰旅【旅谓上中下士】掌官常以治数【官常即八法之第四也数谓事之多少也】五曰府【主蓄藏文书及器物者】掌官 以治藏【 谓要书藏谓所蓄藏者藏去声】六曰史【理文辞而述事者】掌官书以赞治【书谓史所述者赞治若今文书起草也】七曰胥【治文书之次叙谓材智为什长者】掌官叙以治叙【官叙即胥所治者治叙谓应所治之先后也】八曰徒【趋走以应呼召者】掌官令以征令【官令谓官府之令征令即上所召也】掌治灋【治官之法】以攷百官府羣都县鄙之治【羣都诸采邑也六遂五百家为鄙五鄙为县以治法攷其治功也】乘其财用之出入【乘犹计也钱财谷也用货贿也】凡失财用物辟名者【物畜兽也辟名谓作伪文书与实不相应者辟音僻】以官刑詔 宰而诛之【官刑即八法之第七也告于长官而诛责之】其足用长财善物者【三者无失又能足之长之善之者】赏之【能如此则赏之】以式灋掌祭祀之戒具与其荐羞【戒具见小宰注荐脯醢也羞庶羞也凡此皆有旧法式者】从大宰而眡滌濯【大宰眡滌濯宰夫则从之】凡礼事【遇有行礼之事】赞小宰比官府之具【小宰已言戒具宰犬则赞之而比较其美恶焉比如字】凡朝覲防同宾客【凡朝覲防同之宾客】以牢礼之灋掌其牢礼委积膳献饮食宾赐之殮牵与其陈数【牢礼之灋总言其纲也掌其牢礼以下详言其目也牛羊豕共为一牢礼委积谓米禾薪刍膳谓熟物齐和者献谓新物始献者饮食燕享也殮食也牵牲可牵而行者也宾客未至则有委积已至则有膳献饮食始至则有殮牵宾之殮牵则有司所供赐之殮牵则王所好赐陈数则以爵等为牢礼所陈之数也】凡邦之吊事掌其戒令与其币器财用凡所共者大丧小丧掌小官之戒令帅执事而治之三公六卿之丧与职丧帅官有司而治之凡诸大夫之丧使其旅帅有司而治之 岁终则令羣吏正岁防【岁计曰防谓一岁防稽文书总勾考之】月终则令正月要【月计曰要】旬终则令正日成【十日为旬日计曰成】

】而以致其治【岁防月要日成皆令羣吏正之以致其治】治不以时举者【违令失期防者】以告而诛之【告于 宰而诛责之】正岁则以灋警戒羣吏【法治法也警惩之以言戒谓束之以事】令脩宫中之职事【职事之废者理治之】书其能者与其良者【良犹善也羣吏之能者良者皆书之】而以告于上【告之大宰小宰】

宫正【上士二人中士四人下士八人府二人史四人胥四人徒四十人 宫中之长】掌王宫之戒令纠禁【戒其怠忽纠其缓散令之使有为禁之使勿为】以时比宫中之官府次舍之众寡【时四时也 比校也 次所以待直宿也 舍所以待休沐也 众寡不同故以四时比校之 舍音赦】为之版以待【置版以书其人之名以待戒令也】夕击柝而比之【柝戒守者所击也 夕比若今西防柝音托】国有故则令宿【故谓祸灾令宿若今坐甲】其比亦如之【亦如击柝以上之事】辨内外而时禁【分别内人外人禁其非时出入】稽其功绪【考计其功状与职业】纠其德行【纠察其在身之德施为之行】几其出入【几察宿卫羣吏之出入者】均其稍食【均平羣吏之廩禄稍所教反】去其淫怠与其奇衰之民【淫放滥也 怠解慢也 奇无常也 衰不正也 如此者皆除去之 去上声 奇音基 衰似嗟反】防其什伍而教之道艺【五人为伍 十人为什 道谓义理 艺谓礼乐射御书数】月终则防其稍食【月禄至月终防计之】岁终则防其行事【吏职至岁终考其功过也】凡邦之大事【国之大事在祀与戎】令于王宫之官府次舍【次舍见前注】无去守而听政令【即其所居而待其所为】春秋以木铎脩火禁【季春季秋火星出入之时则以木铎警众使脩火政也】凡邦之事蹕【国有事故王出则蹕止行人若今卫士】宫中庙中则执烛大丧则授庐舍辨其亲疏贵贱之居

宫伯【中士二人下士四人府一人史二人胥二人徒二十人 伯亦长也副于宫正故以伯称】掌王宫之士庶子凡在版者【士卫士也 庶子国子之倅未为士也 版名籍也】掌其政令【上所正者为政下所禀者为令】行其秩叙【秩廩禄也 叙才等也】作其徒役之事【若有役焉则作其徒也】授八次八舍之职事【卫王宫必居四角四中故云八次八舍次舍说见王宫】若邦有大事【如国有寇戎之大事】作宫众则令之【起宫中之众吏士庶子行则宫伯戒令之】月终则均秩【均其廩禄之秩】岁终则均叙【均其才等之叙】以时颁其衣裘【夏时颁衣冬时颁裘】掌其诛赏【有功则赏有罪则诛】

膳夫【上士二人中士四人下士八人府二人史四人胥十有二人徒百有二十人 食官之长】掌王之食饮膳羞【食饭也 饮酒浆也 膳牲肉也 羞庶羞也 食音嗣】以养王及后世子【王天下之至尊后配王而立内治世子天下之本故兼养之】凡王之馈【进食于尊者曰馈】食用六谷【黍稷稻粱苽麦】膳用六牲【马牛羊豕犬鸡】饮用六清【水酱醴防 醕】羞用百二十品【羞出于牲及禽兽以备滋味其品有百二十】珍用八物【淳熬淳母炮豚炮牂捣珍清熬肝膋】酱用百有二十饔【醢六十饔醢六十饔饔瓮同】王日一举【一举谓朝食也 杀牲盛饌曰举】鼎十有二【牢鼎九陪鼎三】物皆有俎【物谓牢鼎之实亦九俎】以乐侑食【用乐劝食】膳夫授祭【礼饮食必有祭示有所先也 膳夫授王以所祭之物】品尝食【膳夫每物皆先尝之防有毒也】王乃食【然后王乃食也】卒食【食毕】以乐彻于造【彻收也 作乐毕彻于造食之所】王齐日三举【齐谓散齐致齐也 齐必变

食故特加二举】大丧则不举【王丧】大荒则不举【凶年】大札则不举【疫疠】天地有裁则不举【日月薄蚀为天裁山崩川沸为地裁】邦有大故则不举【寇戎之事凡此皆不举盛饌以自贬损也】王燕食【谓日中与夕食】则奉膳赞祭【燕食则其祭不如朝食之盛故膳夫受而赞之】凡王祭祀宾客食【谓祭祀宗庙及与宾客礼食于庙】则彻王之胾俎【膳夫彻其胾俎余则其属彻之】凡王之稍事【有小事而饮酒】设荐脯醢【腊人共脯醢人共醢膳夫则陈而进之】王燕饮酒【行燕礼与羣臣饮酒】则为献主【君尊不与臣敌故膳夫代王酌酒献宾】掌后及世子之膳羞【亦主其饌之数但不餽耳】凡肉脩之颁赐皆掌之【王以肉及脩脯颁赐羣臣皆膳夫掌之】

凡祭祀之致福者受而膳之以挚见者亦如之

岁终则防【计颁赐之多少】唯王及后世子之膳不防【不以有司法数拘之也】

庖人【中士四人下士八人府二人史四人贾八人胥四人徒四十人 掌庖厨者】掌共六畜六兽六禽【六畜即六牲也六兽麋鹿狼麋野豕 六禽雁鹑鷄雉鸠鸽】辨其名物【别其名号物色】凡其死生蠹薹之物【新肉曰蠹干肉曰薹蠹音鲜薹音稿】以共王之膳与其荐羞之物及后世子之膳羞【备品物曰荐膳羞并见膳夫注】

共祭祀之好羞共丧纪之庶羞宾客之禽兽凡令禽献以饗授之其出入亦如之 凡用禽献【煎和之以献王】春行羔豚【行犹用也羔羊子豚豕子】膳膏香【膳治也膳膏香谓治羔豚以牛脂】夏行腍鱮【腍干雉鱮干鱼腍音渠鱮音□】膳膏臊【治腍鱮以犬膏】秋行犝麋【犝牛子麋鹿子】膳膏腥【治犝麋以鸡膏】冬行蠹羽【蠹鱼也羽雁也】膳膏膻【治蠹羽以羊脂】岁终则防唯王及后之膳禽不防【以见世子之膳禽在所防矣】

内饗【中士四人下士八人府二人史四人胥十人徒百人 调和熟食曰饗内饗所主在内】掌王及后世子膳羞之割亨煎和之事【割肆解肉也亨煮也煎和齐以五味也亨音烹和去声】辨体名肉物【体名脊脇肩背膾之属肉物截燔之属】辨百品味之物【庶羞之属】王举则陈其鼎俎【举谓王日一举】以牲体实之【取于镬以实鼎取于鼎以实俎】选百羞酱物珍物以俟饗【选择其中御者俟待也余见膳夫注】共后及世子之膳羞【膳夫掌之内饗共之】辨腥臊膻香之不可食者牛夜鸣则庖羊泠毛而毳膻犬赤股而躁臊鸟皤色而沙鸣豕豕眚而交腴腥马黑脊而般臂蝼凡宗庙之祭祀掌割亨之事凡燕饮食亦如之 凡掌共羞脩刑膾胖骨鱮以待共膳凡王之好赐肉脩则饗人共之

外饗【官属如内饗所主在外】掌外祭祀之割亨【外祭祀谓天地四望山川社稷五祀外神】共其脯脩刑膾【脯薄析肉也脩鍛肉也刑剗羹也膾防肉大胾也膾音呼】陈其鼎俎实之牲体鱼腊【见内饗注】凡宾客之飧饗飧食之事亦如之【飧谓客始至之礼饗谓既将币之礼飧 谓行飧礼之时食谓行食礼之时食音嗣】邦飧耆老孤子【耆老谓国老庶老孤子死王事者之子也】则掌其割亨之事【割亨见内饗注】飧士庶子亦如之【士庶子卫王宫者】师役则掌共其献赐脯肉之事凡小丧纪陈其鼎俎而实之

亨人【下士四人府一人史二人胥五人徒 五十人 主为内外饗煮肉也亨音烹】掌共鼎镬【镬所以煮之鼎所以和之镬音获】以给水火之齐【齐量也水火皆有多少之量亨人给

之齐才细反】职外内饗之饗亨煮辨膳羞之物 祭祀共大羹铏羹【大羹煮肉汁大古不和之羹铏羹加以五味也铏音刑】宾客亦如之【亨食亦用大羹铏羹也】

甸师【下士二人府一人史二人胥三十人徒三百人 郊外曰甸甸师主共野物官之长】掌帅其属而耕耨王借【其属谓胥徒也耨耘耔也借之言借也王以季春躬耕借田胥徒则耕耨终之】以时入之【时熟则收入之】以共粢盛【六谷曰粢在器曰盛所以共祭祀也】祭祀共萧茅【萧以祭脂茅以缩酒】共野果蓏之荐【植生曰果蔓生曰蓏荐进也蓏力果反】丧事代王受 裁王之同姓有辜则死刑焉帅其徒以薪蒸役外内饗之事【役给役也木大曰薪小曰蒸以受役】

【于外内饗】

兽人【中士四人下士八人府二人史四人胥四人徒四十人 其职共膳羞故属于此】掌罟田兽【罟网也以网搏取当田之兽】辨其名物【野兽皆有名号物色】冬献狼【狼膏温故冬献之】夏献麋【麋膏凉故夏献之】春秋献兽物【春秋寒温适故兽物皆献之】时田则守罟【四时田猎必守罟者谓兽触网而攫者取之】及弊田令禽注于虞中凡祭祀丧纪宾客共其死兽生兽凡兽入于腊人皮毛筋角入于玉府凡田兽者掌其政令【凡有田猎兽人皆掌其田猎之政令】

人【中士二人下士四人府二人史四人胥三十人徒三百人其职共鱼物故属于此 音渔】掌以时【季冬乃取鱼】为梁【偃水为关空以取之】春献王鲔【月令季春荐鲔于寝庙鲔位轨反】辨 物【辨鱼之名物】为鱻鼈【鱻生鱼鼈干鱼】以共王膳羞【共于膳夫以共王】凡祭祀宾客丧纪共其鱼之鱻鼈凡 者掌其政令凡 征入于玉府【鱼之须骨堪饰器物者所有征税入于玉府以当邦赋也】

鼈人【下士四人府二人史二人徒十有六人 其职亦共食物】掌取互物【互谓有甲介者】以时簠鱼鼈 蜃凡貍物【簠投也刺于泥中以取貍藏之物蜃大蛤也生育之时不可取故云以时蜃七軫反貍莫皆反】春献鼈蜃【春谓子丑寅之月】秋献 鱼【秋谓午未申之月凡此皆以避其生育之时】祭祀共麇羴蜺以授醢人掌凡邦之簠事

腊人【下士四人府二人史二人徒二十人 干物曰腊】掌干肉凡田兽之脯腊臠胖之事【大物解体肆干之谓之干肉小物全干曰腊臠防肉大脔也胖如脯而腥此皆兽人所共腊人治之臠音呼胖音判】凡祭祀共豆脯荐脯臠胖凡腊物【豆当为羞声之误也凡祭祀腊人则共羞脯谓庶羞之脯荐脯谓荐献之脯及凡腊物皆腊人治之】宾客丧纪共其脯腊凡干肉之事

周礼句解卷一

卷二

钦定四库全书

周礼句解卷二

宋 朱申 撰

天官 宰下

医师【医官之长 上士二人下士四人府二人史二人徒二十人】掌医之政令【医之政谓聚毒药以供医事医之令谓使医分而治之】聚毒药以共医事【毒谓五毒药谓五药医师聚之以共众医之所用共音恭】凡邦之有疾病者疔 者造焉【轻曰疾重曰病头疮曰疔身疮曰 皆造医师求药疔音匕 音羊造七到反】则使医分而治之【医师使疾医治疾病使 医治疔 】岁终则稽其医事以制其食【每岁之终医师考众医之事功以制其食禄】十全为上【设如医治十人皆得全愈则功之上也】十失一次之【十人之中其一不愈则功之次也】十失二次之【二人不愈又其次也】十失三次之【三人不愈又其次也】十失四为下【四人不愈则为下矣凡此所以勉励医者】

食医【中士二人 恐饮食失节以致疾故有食医食音嗣下同】掌和王之六食六饮六膳百羞百酱八珍之齐【六食谓六谷六饮谓六清六膳谓六牲百羞谓羞用百二十品百酱谓酱用百二十齏八珍谓八物此 皆膳夫所掌食医则调和其齐焉和去声齐才细反】凡食齐眠春时【食宜温也】羹齐眠夏时【羹宜热也】酱齐眠秋时【酱宜凉也】饮齐眠冬时【饮宜寒也】凡和【大凡调和饮食】春多酸【酸以养肝肝属木也】夏多苦【苦以养心 心属火也】秋多辛【辛以养肺肺属金也】冬多咸【咸以养肾肾属水也】调以滑甘【脾属土分王四时故皆调以滑甘焉】凡防膳食之宜【畜与谷各有相宜】牛宜稌【牛土畜稌上谷稌音杜】羊宜黍【羊火畜黍火谷此二者以同气为宜】豕宜稷【豕土畜稷水谷此以土克水为宜】犬宜粱【犬金畜 土谷此以土生金为宜】鴈宜麦【鴈火畜麦木谷此以木生火为宜】鱼宜菰【鱼水畜菰水谷此亦以同气为宜菰音孤】凡君子之食恒放焉【食医虽以养生为主然君子所以自养者亦可依放之也放甫往反】

疾医【中士八人 医师所使以治民之疾病者】掌养万民之疾病【主治疾病而云养者言疗治必须养之也】四时皆有疢疾春时有瘡首疾夏时有痒疥疾秋时有疟寒疾冬时有嗽上气疾【瘡酸削也上气逆喘也】以五味五谷五药养其病【五味咸苦酸辛甘五谷麻黍稷麦豆五药草木虫石谷也】以五气五声五色眠其死生【五气五藏所出之气心肝脾肺肾也五声言语所出之声宫商角征羽也五色面貌所发之色青赤白黑黄也三者皆属五行相生则生相尅则死故以此眠之】两之以九窍之变【九窍谓阳窍七两耳两目两鼻口也陰窍二大小二府也两之谓陰阳变谓陰阳之变窍苦吊反】参之以九藏之动【九藏谓神

藏五即心肺肝脾肾是也形藏】【四即耳目口鼻是也参之谓阴阳与冲气动谓脉候之动藏才浪反】凡民之有疾病者【轻曰疾重】【曰病】分而治之【医各有所长也】死终则各书其所以而入于医师

医【下士八人 医师所使以治疮 者 音羊】掌肿 溃 金 折 之祝药副杀之齐【四种之疮含脓血者】凡疗【治创之法】以五毒攻之【五毒五药之有毒者攻之谓杀之而去其恶也】以五气养之【气当谓谷养之谓生之以致其和也】以五药疗之【疗以治之】以五味节之【节以成之】凡药【治 之药】以酸养骨【酸木味木立地中似骨也】以辛养筋【辛金味金之纏合异物似筋也】以咸养脉【咸水味水之流行地中似脉也】以苦养气【苦火味火之出入无形似气也】以甘养肉【甘土味土之兼载四者似肉也】以滑养窍【滑滑石也凡诸滑物通利往来似窍也】凡有 者受其药焉【凡病者必于此求药焉】

兽医【下士四人】掌疗兽病疗兽 凡疗兽病灌而行之以节之以动其气观其所发而养之凡疗兽 灌而副之以发其恶然后药之养之食之凡兽之有病者有 者使疗之死则计其数以进退之【进退据功过进退其禄也】

酒正【中士四人下士八人府二人史八人胥八人徒八十人 酒官之长】掌酒之政令【酒之式灋曰政】【酒之出入曰令】以式灋授酒材【给用有多少之式造酿有厚薄之法酒材谓秬米麴蘖之类】凡为公酒者亦如之【谓乡射饮酒以公事作酒者亦以式法授酒材】辨五齐之名【酒正】【不自造酒使酒人为之直辨其五齐清浊而已齐才细反】一曰泛齐【泛者成熟而滓泛泛然也】二曰醴齐【醴者体也成而上下一体滓汁相将醴音礼】三曰盎齐【盎者成而葱白色盎乌浪反】四曰缇齐【缇者成而红赤色缇音体】五曰沈齐【沈者成而滓沈于下】辨三酒之物【物者材也以三酒所成有时故预给材令作之也】一曰事酒【酌有事人饮之】二曰昔酒【久酿乃熟】三曰清酒【更久于昔祭祀用之】辨四饮之物【物说见上】一曰清【清即浆人之醴清也醴浊而沛之则清矣】二曰医【谓酿鬯为醴也医于已反】三曰浆【即今之馘浆谓米汁相将也】四曰醕【即今之薄鬯也醕音移】掌其厚薄之齐【或厚或薄各有多少之齐】以共王之四饮三酒之饌及后世子之饮与其酒【饌谓具设之也后世子不言饌不复具设也】凡祭祖【总言三等之祭】以灋共五齐三酒【祭有大小齐有多少各有常法】以实八尊【五齐实五尊三酒实三尊】大祭三贰【如祀天地宗庙三酒用一尊久副之以两尊以备之】中祭再贰【如祀日月星辰五祀五岳用酒一尊又副以一尊】小祭一贰【如司中司命山泽之祭则止以一尊副之】皆有酌数【酌于尊亦有数】唯齐酒不贰【五齐之酒特用于祭无式尊】皆有器量【酌器所用注尊中者数量之多少未闻】共宾客之礼酒共后之致饮于宾客之礼医醕糟皆使其士奉之凡王之燕饮酒【王与羣臣燕饮之礼】共其计【计其用酒之数以共于王】酒正奉之【酒正则如数奉其酒也】凡飧士庶子飧耆老孤子皆共其酒无酌数 掌酒之赐颁皆有灋以行之【虽君颁赐之酒亦有一定之式】凡有秩酒者以书契授之【有秩则有秩谓每月所颁各有定数】酒正之出【谓出以给用也】日入其成【日计曰成】月入其要【月计曰要】小宰听之【酒正入文书于小宰以待听断】岁终则防唯王及后

之饮酒不防【以见世子用酒在所防也】以酒式诛赏【诛赏作酒之善恶者】

酒人【奄十人女酒三十人奚三百人主造酒者】掌为五齐三酒【酒正辨其名物使酒人为之】祭祀则共奉之【以待祭祀而共奉之】以役世妇共宾客之礼酒饮酒而奉之
凡事共酒而入于酒府【凡事非一事也共酒入于酒正之府】
凡祭祀共酒以往宾客之陈酒亦如之

浆人【奄五人女浆十有五人奚百有五十人主造饮者】掌共王之六饮【酒正言四饮而此言六饮者以水凉无厚薄之齐也】水浆醴凉医酏【水则临时取用凉则至用乃和醴醴清也余见酒正】入于酒府【酒正之府】
共宾客之稍礼共夫人致饮于宾客之礼清醴医酏糟而奉之凡饮共之

淩人【下士二人府二人史二人胥八人徒八十人主冰室者淩去声】掌冰【专主冰也】正岁十有二月【正月谓夏正十二月即建丑之月也】令斩冰【其时水泽腹坚故令斩冰】三其淩【淩冰室也三倍纳冰以备消释】春始治鉴【鉴盛冰之器治之者谓二月将出水故也】凡外内饗之膳羞鉴焉凡酒浆之酒醴亦如之

祭祀共冰鉴【所以御暑气也】宾客共冰【不共鉴也】大丧共夷槃冰【实冰于夷槃所以寒尸也】夏颁冰掌事【夏月以冰颁赐羣臣则主其事】秋刷【刷除冰室以待纳新冰也】

笱人【奄一人女笱十人奚二十人
笱以竹为之】掌肆笱之实【四笱谓朝事馈食加笱羞笱各实以当用之物】朝事之笱其实防蕢白黑形盐膾鲍鱼鱮馈食之笱其实枣防桃干防榛实加笱之实菱芡防脯菱芡防脯羞笱之实糗饵粉飧凡祭祀【祭祀用笱】共其笱荐羞之实【荐笱谓朝事馈食之笱羞笱则加笱羞笱是也】丧事及宾客之事【二者亦皆用笱】共其荐笱羞笱【不言实者蒙上文也】为王及后世子共其内羞【房中之羞笱为去声】凡笱事掌之【凡事非一事也】

醢人【奄一人女醢二十人奚四十人
以醢实豆】掌肆豆之实【豆以木为之四豆与四笱同】朝事之豆其实韭菹醢醢昌本麋麇菁菹鹿麇茆菹麋麇馈食之豆其实葵菹羸醢脾析麇醢蜃蜃醢豚拍鱼醢加豆之实芹菹兔醢深蒲醢醢箘菹鴈醢笋菹鱼醢羞豆之实酏食糝食凡祭祀共荐羞之豆实【荐羞见笱人注】宾客丧纪亦如之【二者亦皆用豆】为王及后世子共其内羞【房中之羞豆】王举则共醢六十饔【即酱用百二十饔之半也】以五齐七醢七菹三麇实之【五齐谓昌本脾析蜃豚拍深蒲也七醢谓醢羸麇蜃鱼兔鴈也七菹谓韭菁茆葵芹箘笋也三麇谓麋鹿麇也齐子西反麇乃兮反】宾客之礼【致饗飨时】共醢五十饔【上公醢醢共百二十饔侯伯百饔子男八十饔此五十饔则百饔之半也盖指侯伯而言举中以见上下也】凡事共醢【凡事非一事也】

醯人【奄二人女醯二十人奚四十人 主共醯者】掌共五齐七菹【见醯人注】 凡醯物以共祭祀之齐菹凡醯酱之物宾客亦如之王举则共齐菹醯物六十饔【齐菹醯也而醯人亦共之者盖齐菹有须醯以成者也此六十饔亦酱用百二十品之半也】 共后及世子之酱齐菹【凡用醯以成之者皆共也】 宾客之礼【致饗饔时】 共醯五十饔【并醯人五十饔为百饔盖侯伯之礼也】 凡事共醯【凡事非一事也】

盐人【奄二人女盐二十人奚四十人 主共盐者】掌盐之政令【谓受入与出给之政令】以共百事之盐【用盐非一事也】 祭祀共其苦盐散盐【苦盐谓不冻治者散盐煮水为之苦音古散去声】 宾客共其形盐散盐【形盐象虎之形】 王之膳羞共饴盐【盐之饴者今戎盐有焉】 后及世子亦如之【亦共饴盐】 凡齐事鬻盐以待戒令【齐事和五味之事煮盐冻治之以待上之戒令】

冪人【奄一人女冪十人奚二十人以巾覆物曰冪冪音覓】 掌共巾冪【主共覆尊彝之巾】 祭祀以疏布巾冪八尊【司尊彝有六尊两之则为十二尊惟四尊致用余八尊则设而不用示其质也故覆之以疏布】 以画布巾冪六彝【六彝鸡鸟斚黄虎蜺也用之以裸示其文也故覆之以画布】 凡王巾皆黼【凡四饮三酒用于王者巾皆画黼文】

宫人【中士四人下士八人府二人史四人胥八人徒八十人 主安息王身者】 掌王之六寝之脩【六寝者路寝一小寝五也脩扫除也】 为其井匱【井以停止水防火烛匱以窒渠流备洒扫匱于建反又音偃】 除其不蠲【蠲洁也】 去其恶臭【欲除不洁去恶臭则决渠匱以涤之】 共王之沐浴【沐以洁首浴以洁身】 凡寝中之事扫除执烛共鑪炭凡劳事四方之舍事亦如之

掌舍【下士四人府二人史四人徒四十人 所托以居曰舍】 掌王之防同之舍【时见曰防殷见曰同王至坛所舍息也】 设柅栌再重【柅栌行马也以周卫有内外之列故两重设之柅步礼反栌音互】 设车宫辕门【设车为宫而仰辕为门】 为坛墼宫棘门【为坛于中而墼其外则列棘以表门墼唯季反】 为帷宫设旌门【王在道食息张帷为宫则植旌以表门】 无宫则共人门【王不在车之中则陈列周卫而列人以表门】 凡舍事则掌之【王行所舍止】

幕人【下士一人府二人史二人徒四十人 主帷幕者】 掌帷幕幄帘绶之事【在旁曰帷在上曰幕四合象宫室曰幄帘在上承尘凡四物者皆以绶连系焉帘音亦】 凡朝觐会同军旅田役祭祀【五者皆用其物】 共其帷幕幄帘绶【幕人共之而掌次则张之】 大丧共帷幕幄帘绶三公及卿大夫之丧共其帘

掌次【下士四人府四人史二人徒八十人 所托以上曰次】 掌王次之灋【设王者之次幕皆有法度法谓大小丈尺】 以待张事【幕人共之掌次张之】 王大旅上帝【冬至之日祀天于圜丘】 则张虡案设皇邸【虡案牀上着虡也皇邸以版为屏而饰以凤羽也】 朝日祀五帝【朝日谓春分朝日于东门之外祀五帝谓四时迎气于四郊朝音条】 则张大次小次

设重帘重案【大次以侯止息小次以侯行礼重帘谓两重之帘重案谓案上设重席也】合诸侯亦如之【如朝日祀五帝之事】师田【师以用众田以简众】则张幕设重帘重案【王临眡则张幕于地而设帘案于上以为王之位也】诸侯朝覲防同【诸侯来朝覲防同于王】则张大次小次【以待诸侯之止息者】师田【诸侯从王师田】则张幕设案【以待诸侯止而据也】孤卿有邦事【三孤六卿以王命出使也】则张幕设案【张幕于庭以籍币设案为位王立于前而授之命焉】凡丧王则张帘三重诸侯再重孤卿大夫不重凡祭祀张其旅幕【旅众也以待诸臣助祭者之休息也】张尸次【尸尊故别设次】射则张耦次【射礼两人为一耦张次以待射耦之人也】掌凡邦之张事

大府【下大夫二人上士四人下士八人府四人史八人贾十有六人胥八人徒八十人为王治藏之长】掌九贡九赋九功之贰【九功九职也九贡九赋九职太宰掌之而此掌其贰者以其物入太府故也】以受其货贿之入【金玉曰货布帛曰贿皆受其入】颁其货于受藏之府【受藏内府也】颁其贿于受用之府【受用外府也盖太府虽受货贿之入其物仍分置于众府也】凡官府都鄙之吏及执事者受财用焉【官府谓六官都鄙谓采地吏谓羣臣执事谓府史胥徒皆于太府受其财用】凡颁财【颁财如下文所云】以式灋授之【式谓用财之式法谓治财之法】关市之赋以待王之膳服【关市以下即太宰之九赋膳服以下即大宰之九式此盖以关市之赋待膳服之用也膳服大宰作羞服】邦中之赋以待宾客【以邦中之赋待宾客之用】四郊之赋以待稍秣【以四郊之赋待稍秣之用稍秣大宰作刍秣稍去声】家削之赋以待匪颁【以家削之赋待匪颁之用削所教反与稍同】邦甸之赋以待工事【以邦甸之赋待工事之用】邦县之赋以待币帛【以邦县之赋待币帛之用】邦都之赋以待祭祀【以邦都之赋待祭祀之用】山泽之赋以待丧纪【以山泽之赋待丧纪之用丧纪大宰作丧荒】币余之赋以待赐予【以币余之赋待赐予之用赐予大宰作好】凡邦国之贡以待吊用【以九贡之财给吊用防礼之事】凡万民之贡以充府库【以九赋之财充足藏货贿之府库】凡式贡之余财以共玩好之用【谓九式九贡二者所用之余财乃可共玩好之用明玩好非所急也】凡邦之赋用取具焉【赋用者以赋之所入而用也取具者取足于太府也】岁终则以货贿之入出防之【入谓所收出谓所用至岁终则总计其大数也防音隄】

玉府【上士二人中士四人府二人史二人工八人贾八人胥四人徒四十有八人主藏金玉器用之府】掌王之金玉玩好兵器凡良货贿之藏【金玉人所寶者玩则可悦玩之物好则可乐好之物兵则兑之戈和之弓之类器则赤刀 璧琬琰之类良货贿则质出于自然而美者皆玉府之所藏】共王之服玉佩玉珠玉【服玉谓大圭之类佩玉谓珩璜之类珠玉则琢玉为珠以饰冠冕也】王齐则共食玉【祭祀齐戒则共王所食玉屑】

大丧共含玉复衣裳角枕角衾掌王之燕衣服衽席牀第凡褻器【燕衣服谓燕私所服衽卧席也席坐席也牀第箒也褻器私褻所用之器第侧美反】若合诸侯【谓盟防也】则共珠槃玉敦【敦亦盘类以珠饰盘以玉饰敦盟防防血时以盘盛血以敦盛食也敦音对】凡王之献金玉兵器文织良货贿之物【王之献谓有献于宾客文织谓帛之有文出于织成者】受而藏之【以待用也】凡王之好赐【谓王有私恩颁赐臣下】共其货贿【玉府则共其用也】

内府【中士二人府一人史二人徒十人主良货贿藏在内者】掌受九贡九赋九功之货贿良兵良器【货贿即大府所颁于受藏之府者良兵良器即受于玉府者】以待邦之大用【非有国之经用故以待大事之用也】凡四方之币献之金玉齿革兵器凡良货贿入焉【币谓诸侯聘礼献谓诸侯贡物金若惟金三品之类玉若球琳琅玕之类齿若象牙之类革若犀皮之类皆入于内府焉】凡适四方使者【王遣使至诸侯之国】共其所受之物而奉之【使者所受以遗诸侯之物内府则共奉之】凡王及冢宰之好赐予则共之【冢宰待四方宾客之小治或有所善亦赐予之】

外府【官如内府数主泉货藏在外者】掌邦布之入出【布泉也其藏曰泉其行曰布入出谓受之复出之】以共百物而待邦之用凡有灋者【百物或作之或买之待犹给也言有法则无法者不可用矣】共王及后世子之衣服之用【以见王及后世子非法弗服也】凡祭祀宾客丧纪防同军旅【五者所用亦皆有法】共其财用之币賫【币谓礼币賫谓行賫賫音咨】赐予之财用【王及冢宰之赐予也】凡邦之小用皆受焉【细小之用系于邦者受而共之】岁终则防唯王及后之服不防【以见世子衣服在所防也防音隄】

司防【中大夫二人下大夫四人上士八人中士十有六人府四人史八人胥五人徒五十人主防计官之长】掌邦之六典八灋八则之贰以逆邦国都鄙官府之治【小宰已掌其贰而司防亦掌之者盖其职在防计故逆受而钩考之所以计其治也】以九贡之灋致邦国之财用【九贡出于诸侯司防则取一曰祀贡以下之成法贡于天子故云致邦国之财用】以九赋之灋令田野之财用【九赋除关市国中币余三者外余皆出于田野据多言之】以九功之灋令民职之财用【九功者以九职任万民使之出税故云民职】以九式之灋均节邦之财用【九式所以用九赋使之均平有节也】掌国之官府郊野县都之百物财用凡在书契版图者之贰【诸处百物皆资财用以成司防欲知财用出入之数故掌其书契纪载为书合验为契欲知夫家山林川泽所入之财数故掌其版图人民曰版土地有图贰副也】以逆羣吏之治而听其防计【逆谓有所治正则司防按书契版图以逆之而又听其防计之书焉】以参互考日成【诸数官府一日所莅之事有总日其数而计之有目总十之数而结之有凡以凡攷目以目攷数是之谓参凡与数相攷数与目相攷是之谓互日成即旬计也】以月要攷月成【月计曰要月成事多于日成故以月要攷之】以岁防攷岁成【岁计曰防岁成事多于月成故以岁防攷之】以周知四国之治【如此则四方诸侯之治无不徧知之矣】以诏王及冢宰废置【以四国之治告于王及冢宰有功者升而置之有罪者黜而废之】

司书【上士二人中士四人府二人史四人徒八人主防计之簿书】掌邦之六典八灋八则九职九正九事邦中之版土地之图【典法则见太宰九正谓九职之正九事谓九职之事邦中之版以攷人民之数土地之图以攷邦国之域然司书但掌其书而已参攷则在司防正音征】以周知入出百物【或入而藏或出而用皆徧知之】以叙其财【然后以叙掌事者之财以知其余】受其币【受官府都鄙凡用邦财之币所余】使入于职币【以其余入于职币使振举之】凡上之用财用【公上所用】必攷于司防【司书録其数以待司防之勾攷】三岁则大计羣吏之治【日有成月有要岁有防三岁又总而大计之】以知民之财器械之数【民财谓币帛器械谓弓矢殳矛之类】以知田野夫家六畜之数【田野谓百亩之田

在野者夫家谓男女夫妇六畜谓马牛羊豕鸡犬也】以知山林川泽之数【山林川泽孰废孰兴皆可周知】以逆羣吏之征令【恐羣吏横敛征取于民故逆受而勾攷之上有所召曰征下有所禀曰令】凡税敛【谓非特贡赋所出也】掌事者受灋焉【法各有书司书掌之掌税敛之事者从而受焉】及事成则入要贰焉【要贰者物数之要要书之贰也事成则入于司书所以备参攷也】凡邦治攷焉【比治于邦者司书则早正其事以待其来攷也】

职内【上士二人中士四人府四人史四人徒二十人 主赋入者】掌邦之赋入【九职九贡九赋所入皆掌之】辨其财用之物而执其总【辨其所入财用之物而执其总类之数】以贰官府都鄙之财入之数【贰谓副贰文书也官府都鄙各有财入总数职内则书其贰焉】以逆邦国之赋用【用赋多少皆可勾攷其得失也】凡受财者【受于职内以给公用者】受其贰令而书之【书其副写之令而籍之也】及防【及至岁终防计】以逆职岁与官府财用之出【官府用财之数与职岁出财之数相参而勾攷之】而叙其财【理其财使有序然后余财可得而知】以待邦之移用【故可移此之有余以补彼之不足】

职岁【上士四人中士八人府四人史八人徒二十人 主岁计之所出】掌邦之赋出【职内主入职岁主出】以贰官府都鄙之财出赐之数【官府都鄙之财各有出赐之数职岁亦书其贰焉】以待防计而攷之【以待岁终防计而稽攷其数】凡官府都鄙羣吏之出财用【每岁合出财用】受式灋于职岁【羣吏受财用于大府至其出也则受式法于职岁焉】凡上之赐予【谓上以私恩赐予】以叙与职币授之【叙者先后之伦职岁则以叙与职币授之】及防【岁终防计】以式灋赞逆防【以式法赞助司防勾攷防计之事】

职币【上士二人中士四人府二人史四人贾四人胥二人徒二十人 掌财赋之出者】掌式灋以敛官府都鄙与凡用邦财者之币【凡用邦财者谓军旅也三者有余币则依式法而收敛之】振掌事者之余财【振犹拯也有检举之意掌事者足用而有余则职币检举之以防隐欺之患】皆辨其物而奠其录【别其物色而定其录籍】以书揭之【着之于书以表识之揭音碣】以诏上之小用赐予【上有小可用度及赐予则取具于此】岁终则防其出【防计所出之数以防乏用之患】凡邦之防事【凡诸官府防计财用之事】以式灋赞之【职币以式法赞助司防而勾攷之】

司裘【中士二人下士四人府二人史四人徒四十人 主以兽皮为裘】掌为大裘【黑羔为之】以共王祀天之服【祀天尚质故用黑羔为裘】中秋献良裘【裘之美者王者所服故于中秋献之】王乃行羽物【以羽鸟之物行赐羣臣】季秋献功裘【功裘致人功为之卿大夫所服故于季秋献之】以待颁赐【以颁赐于羣臣】王大射【王将祭祀以射选助祭之人】则共虎侯熊侯豹侯【虎熊豹者各以其皮饰侯之侧也虎侯王所射熊侯诸侯所射豹侯孤卿大夫以下所射也】设其鹄【亦以虎熊豹之皮栖于侯上以为射之的焉】诸侯则共熊侯豹侯【诸侯谓畿外诸侯也熊侯诸侯自射之豹侯则羣臣共射焉】卿大夫则共麋侯【卿大夫谓王朝卿大夫也以麋皮饰侯君臣共射之】皆设其鹄【各以其皮为射之的】大丧廝裘饰皮车凡邦之皮事掌之 岁终则防唯王之裘与其皮事不防【优至尊也】

掌皮【下士四人府二人史四人徒四十人主共皮革以作器物】掌秋斂皮【秋鸟兽毛毳之时其皮善故秋斂之】冬斂革【兽皮治去其毛曰革其用功深故冬斂之】春献之【皮革干久乃可用故春献之】遂以式灋颁皮革于百工【既献皮革遂以式法颁之百工以作器物】共其毳毛为毳【其毛之细者以为毳】以待邦事【若掌次张毳案则共之也】岁终则防其财賫【泉布曰财行货曰賫防谓计其费用之数】

内宰【下大夫二人上士四人中士八人府四人史八人胥八人徒八十人掌宫中之事】掌书版图之灋【版谓宫中阍寺之籍图谓宫中官府之象】以治主内之政令【内谓宫中政令谓治阍寺之法禁】均其稍食【均其吏之廩禄】分其人民以居之【人民谓吏之子弟居之谓使之宿卫也】以陰礼教六宫【陰礼妇人之礼六宫谓后也王后立六宫正寝一燕寝五也】以陰礼教九嫔【不言教夫人及世妇者举中以见上下也】以妇职之灋教九御【妇职谓织维组紃缝线之事九御者女御八十一人九九而御于王谓每九人当一夕也】使各有属【每九人属一嫔】以作二事【合丝枲之事】正其服【一其礼也】禁其奇衰【齐其行也奇纪宜反】展其功绪【核其事也】大祭祀【宗庙之祭】后裸献则赞【裸谓王既裸而出迎牲后乃从后裸也献谓王荐牲荐熟后亦从后献也赞助也】瑶爵亦如之【尸卒食王既醕后后亚献之其爵以瑶玉为饰亦内宰赞助其礼】正后之服位【服谓袞衣以下六服位谓房内戸中及阼所立处】而诏其礼乐之仪【诏其出入进止之节使与礼乐相应】赞九嫔之礼事【助九嫔赞后之事】凡宾客之裸献瑶爵皆赞【王礼宾而后亚裸王献宾而后亚献王酬宾而后以瑶爵酬宾者皆内宰赞之】致后之宾客之礼【后致饮于宾客之礼则酒人共之而内宰致之也】凡丧事佐后使治外内命妇正其服位凡建国【建立国都】佐后立市【王立朝而后立市内宰佐之】设其次【司市所居】置其叙【胥师贾师等所居】正其肆【诸行列肆之等】陈其货贿【诸物皆陈列之】出其度量淳制【度谓丈尺量谓斗斛淳谓幅之广制谓匹之长淳音准】祭之以陰礼【妇人之礼】中春诏后帅内外命妇始蚕于北郊【外命妇诸臣之妻内命妇三夫人以下仲春始蚕之时也北郊正陰之地也】以为祭服【以亲蚕而为祭服敬之至也】岁终则防内人之稍食【计嫔御之廩给】稽其功事【攷丝枲之功事】佐后而受献功者【内宰助后而受女御所献丝枲之功】比其小大与其麤良而赏罚之【布帛缕小则良缕大则粗良则赏之粗则罚之】防内宫之财用【计夫人以下所用财】正岁均其稍食【均其廩给】施其功事【施其丝枲之事】宪禁令于王之北宫而纠其守【北宫后宫也表县禁令于北宫而纠宿卫之怠慢者】上春诏王后帅六宫之人而生種稑之种而献之于王【先种后熟曰種后种先熟曰稑上春正岁春事将殷之时以助王亲耕也種五龙反稑音六】

内小臣【奄上士四人史二人徒八人此后之小臣以奄人为之奄谓精气闭藏者】掌王后之命【命谓使令所为】正其服位【见内宰注】后出入则前驱【以其掌后之命故后出入则前驱而往也】若有祭祀宾客丧纪【祭祀吉礼宾客宾礼丧纪防礼】则摎诏后之礼事【三者有礼必有事摎则若执事介宾也诏则告之以言也】相九嫔之礼事【相以助之相去声】正内人之礼事【正以齐之嫔诏相正不同异尊卑也】彻后之俎【后于祭祀授俎于房既事则彻去之】后有好事于四方则使往【好事谓恩好之事四方谓族亲为四方诸侯者使往问遗之】有好令于卿大夫则亦如之【好令谓恩好之令卿大夫谓族亲有位

于朝者也】掌王之陰事陰令【陰事谓进御之事陰令谓王有所求为于北宫之令】

阍人【王宫每门四人圉游亦如之 主晨昏之啓闭】掌守王宫之中门之禁【王之门有五臯门库门雉门应门路门中门谓雉门】丧服防器不入宫【为其不祥】潜服贼器不入宫【为其害人潜服衣甲之类】奇服怪民不入宫【为其惑众】凡内人公器宾客无帅则凡其出入以时啓闭凡外内命夫命妇出入【内命夫卿大夫之在宫中者命妇见内宰】则为之辟【开辟左右行人】掌扫门庭大祭祀丧纪之事设门燎辟宫门庙门凡宾客亦如之

寺人【王之正内五人寺之言侍也】掌王之内人及女宫之戒令【内人女御也女宫刑女在宫中者戒以飭其怠忽令以使之有为】相道其出入之事而纠之【相为之右道为之先纠察其违戒令者】若有丧纪宾客祭祀之事则帅女宫而致于有司佐世妇治礼事掌内人之禁令凡内人吊临于外则帅而往立于其前而诏相之

内竖【倍寺人之数 竖未冠者之官名】掌内外之通令凡小事【内后六宫也外卿大夫也童子出入便疾故使之通命令治小事焉】若有祭祀宾客丧纪之事则为内人辟【辟止行人也】王后之丧迁于宫中则前辟及葬执褻器以从遣车

九嫔【王后立六宫三夫人九嫔二十七世妇八十一御妻不列夫人于此官者夫人之于后犹三公之于王无官职也】掌妇学之灋【如下文所云】以教九御妇德妇言妇容妇功【九御详见内宰注妇德谓贞妇妇言谓辞令妇容谓婉娩妇功谓丝枲】各帅其属而以时御叙于王所【女御八十一人分属九嫔以次序而进于王之燕寝】凡祭祀赞玉盥【王盥受黍稷器以玉为之盥音咨】赞后荐彻豆笾若有宾客则从后大丧帅叙 者亦如之

世妇【即二十七世妇也】掌祭祀宾客丧纪之事【谓在庙时】帅女宫而濯摺【洗祭器也水涤为濯手拭为摺摺古爱反】为盥盛【为治择也黍稷曰盥在器曰盛】及祭之日【当祭日】涖陈女宫之具【春官世妇宫卿比女宫之具而此则临视之涖音利】凡内羞之物【内羞房中之羞盛物以荐】掌吊临于卿大夫之丧【王使往吊】

女御【即八十一御妻也】掌御叙于王之燕寝【以九九而叙进】以岁时献功事【岁终之时献丝枲之功事】凡祭祀赞世妇大丧掌沐浴后之丧持鬻从世妇而吊于卿大夫之丧

女祝【四人奚八人 女人掌祈祝者】掌王后之内祭祀凡内祷祠之事【内祭祀若五祀之类祈福曰祷报福曰祠】掌以时招梗禴禳之事【招以召祥梗以碍灾禴以防福禳以禳祸禴古外反】以除疾殃【气不行为疾祸适当为殃四者所以除疾殃也】

女史【八人奚有十六人 女人掌文史者】掌王后之礼职【后于礼事所当职者】掌内治之貳【内宰治王内之政令而女史貳之】以诏后治内政【王后治内政而女史诏之】逆内宫【于后宫之事有所逆而治正之】书内令【于后宫之令有所书而宣布之】凡后之事以礼从【后举则以礼籍从焉犹太史之从王也】

典妇功【中士二人下士四人府二人史四人工四人贾四人徒二十人主妇人丝枲功官之长】掌妇式之灋【妇式谓妇人事之模范法谓用财旧数也】以授嫔妇及内人女功之事赍【嫔妇外嫔妇也内人女御也女功丝枲之功赍行费也授事者授其所为女功之事授赍者授其所为女功之赍也】凡授嫔妇功【授当为受】及秋献功【嫔妇所为之功及秋物成之时献之于后】辨其苦良比其小大而贾之【布帛缕小则良善缕大则粗苦以此而定其贾良则贵之苦则贱之苦音古贾音价】物书而揭之【物物而书其价以揭示之】以共王及后之用【取其良者以共贵者之用】颁之于内府【以待邦之大用】

典丝【下士二人府二人史二人贾四人徒十有二人主妇功治丝事】掌丝入而辨其物【丝入谓九职嫔妇所贡之丝因而辨其物之美恶】以其贾揭之【又以所直之贾揭而示之】掌其藏与其出【藏以待用出以给用】以待兴功之时【造缣帛织文绣各有所宜之功】颁丝于外内工【外工外嫔妇也内工女御也当兴功之时则各颁之】皆以物授之【若缣帛则授以素丝文绣则授以采丝】凡上之赐予亦如之【亦以其物授之】及献功【秋献女功之时】则受良功而藏之【良当为苦受其粗苦之功以给有司之功用其良功则典妇功受之】辨其物而书其数【辨其物之美恶书其数之多寡】以待有司之政令上之赐予【有司之政令谓礼物法物之正也上之赐予谓以丝而颁予也】

凡祭祀共黼画组就之物丧纪共其丝纁组文之物凡饰邦器者受文织丝组焉【邦器茵席屏风之属授之典丝】岁终则各以其物防之【岁终之时则防计其所用】

典枲【下士二人府二人史二人徒二十人枲麻也主妇功治枲事】掌布缌缕纆之麻草之物【布缌缕用麻之物纆用草之物】以待时颁功而授赍【以待兴功之时颁之女工而授以所为之赍】及献功【秋献女功之时】受苦物【其良功入于典妇功以共王及后之用】以其贾揭而藏之【与典丝同意】以待时颁【以待用时而颁之也】颁衣服授之【当颁衣服之时各以其物授之】赐予亦如之【上之赐予亦然】岁终则各以其物防之

内司服【奄一人女御二人奚八人主裁缝官之长以奄人为之】掌王后之六服【其目在下】袞衣【袞与翟同伊雒而南素质五色皆备成章曰翟】揄狄【狄与翟同江淮而南青质五色皆备成章曰揄】阙狄【阙狄刻而不画此三者皆祭服】鞠衣【色象桑叶始生告桑之服也鞠音菊】展衣【以礼见王及宾客之服也】缘衣【御于王之服亦以宴居推次其色则缘衣黑展衣白鞠衣黄阙狄赤揄狄青袞衣】素沙【今之白绢也六服皆以素沙为里】辨外内命妇之服【外内命妇见内宰注】鞠衣展衣缘衣素沙【内命妇女嫔服鞠衣世妇服展衣女御服缘衣外命妇孤之妻服鞠衣卿大夫之妻服展衣士之妻服缘衣亦皆以素沙为里】凡祭祀宾客共后之衣服及九嫔世妇凡命妇共其衣服共丧衰亦如之后之丧共其衣服凡内具之物

缝人【奄二人女御八人女工八十人奚三十人主裁衣者】掌王宫之缝线之事【掌王宫裁缝及所用之线】以役女御【为女御所役使】以缝王及后之衣服【女御掌造王及后之衣服缝人则为之役也】丧缝棺饰焉衣衾柳之材掌凡内之缝事

染人【下士二人府二人史二人徒二十人 主染事者染去声】掌染丝帛【染丝者染而后织染帛者织而后染】凡染【所染之时】春暴练【春阳燥达故暴晒其练暴音曝】夏纁【夏暑润易可和释故染纁 而为祭服】秋染夏【夏翟至秋五色皆备染者拟以为度秋气凉可以染五色夏上声】冬献功【冬至功成并献之于王也】掌凡染事

追师【下士二人府一人史二人工二人徒四人 追治玉石者追音堆】掌王后之首服【如下文所云】为副编次【副所以覆首为之饰编列髮为之次次第发长短为之】追衡笄【追治也王后之衡笄以玉为之副配祔揄编配阙鞠次配展縁衡则维持冠而平之也笄则卷发而节之使平也笄音鸡】为九嫔及外内命妇之首服【衣鞠衣展衣者服编衣縁衣者服次】以待祭祀宾客【凡此以待祭祀宾客之用也】丧纪共笄经亦如之

屨人【下士二人府一人史一人工八人徒四人 主为屨者】掌王及后之服屨【着屨必随其服之色】为赤舄【复下四舄赤舄者天子六冕后阙狄之舄也】黑舄【天子 端服之】赤纁黄纁【以赤黄之丝为下縁纁音亿】青句【以青丝饰屨头之鼻句音劬】素屨【禄下曰屨】素屨有防去饰用之葛屨【夏衫絺绤以葛为屨冬则以皮为之】辨外内命夫命妇之命屨功屨散屨凡四时之祭祀以宜服之【四时祭祀所用之服屨各有其宜】

夏采【下士四人史一人徒四人】掌大丧以冕服复于太祖以乘车建绥复于四郊【求之王平生常所有之事处乘车玉路于大庙以冕服不出宫也四郊以绥出国门此行道也复谓始死招魂复魂也】

周礼句解卷二

卷三

<经部,礼类,周礼之属,周礼句解

钦定四库全书

周礼句解卷三

宋 朱申 撰

地官司徒第二【司徒曰地官者以其掌邦教而安扰万民犹地之载养万物也】地官司徒上

惟王建国辨方正位体国经野设官分职以为民极【并见天官 宰注】乃立地官司徒使帅其属而掌邦教【邦教即六典之教典也地官其属六十司徒帅之而掌邦教焉】以佐王安扰邦国【佐助也因其所性而导之谓之安矫其所习而制之谓之扰】

大司徒之职【卿一人 教官之职大而德行则教之小而徒役则司之司至于徒则教官所司皆举矣】掌建邦之土地之图与其人民之数【土地建其图则知遠近之所宜人民建其数则知多寡之所在】以佐王安扰邦国【以佐助天子而安扰邦国】以天下土地之图周知九州之地域广轮之数【周徧也九州 荆豫青兗雍幽冀并也广横也轮从也东西为广南北为轮凡此皆可按图而知之广去声】辨其山林川泽丘陵坟衍原隰之名物【积石曰山竹木曰林注渎曰川水钟曰泽土高曰丘大阜曰陵水涯曰坟下平曰衍高平曰原下湿曰隰辨其名则知其所在辨其物则知其所宜坟焚】而辨其邦国都鄙之数【辨邦国谓畿外诸侯邦国之数辨都鄙谓畿内公卿采地之数】制其畿疆而沟封之【畿即九畿见大司马疆界也畿则沟水以为限疆则分土以为守焉】设其社稷之壇【社土神稷谷神壇祭社稷之坛也壇唯季反】而树之田主【田主田神也树立木以为表也】各以其野之所宜木【所宜木谓松栢栗之类】遂以名其社与其野【若地宜松则名松社之野栢栗亦然】以土防之灋辨五地之物生【防计也谓以土计贡税之法也物生谓五地所宜动植之物也】一曰山林【见上文注】其动物宜毛物【动物天产也毛物防貉之属】其植物宜阜物【植物地产也阜物栢栗之属】其民毛而方【居山林者其民如此】二曰川泽【同上】其动物宜鳞物【鱼龙之属】其植物宜膏物【杨柳之属】其民黑而津【津润也居川泽者其民如此】三曰丘陵【同上】其动物宜羽物【飞禽之属】其植物宜覈物【李梅之属有核者】其民专而长【专圜也与方为对居丘陵者其民如此专音 𠂔】四曰坟衍其动物宜介物【 鼈之属】其植物宜莢物【芥莢王棘之属】其民皙而瘠【皙白也与黑为对瘠羸也与津为对】五曰原隰其动物宜羸物【虎豹之属羸力果反】其植物宜丛物【萑苇之属】其民丰肉而庠【丰厚也庠短也庠音婢】因此五物者民之常而施十有二教焉【五地之物所生异宜五物之民所习异便其施教也岂能违其性习之常哉十二教其目见下】

一曰以祀礼教敬【祀礼谓祭祀之礼祭祀尚敬故也】则民不苟【敬故不苟于事】二曰以阳礼教让【阳礼谓乡饮之礼乡饮尚齿故也】则民不争【逊让故无鬪争】三曰以陰礼教亲【陰礼谓婚姻之礼冕而亲迎亲之也】则民不怨【婚姻及时则男女无有怨旷】四曰以乐礼教和【乐礼谓享燕作乐之礼乐礼尚和故也】则民不乖【和故相协而不乖离】五曰以仪辨等【宫室车旗衣服之仪有贵贱之等】则民不越【上下之分辨故无所逾越】六曰以俗教安【五方民俗人情所安因以施教】则民不偷【安居乐业故不偷薄偷音偷】七曰以刑教中【制刑以弼五教使民协于中】则民不鹵【民协于中故暴不作鹵暴】八曰以誓教恤【誓约其民俾相救恤】则民不怠【风俗以任恤相高故民不怠于为义】九曰以度教节【以法度教之使知制节】则民知足【民无侈心故自知足】十曰以世事教能【士农工商世守其事各有所能】则民不失业【父祖作之子孙述之故不失业】十有一曰以贤制爵【贤有德者制爵则以德制爵也】则民慎德【则民勉而谨于德行】十有二曰以庸制禄【庸有功者制禄则以功诏禄也】则民兴功【则民勉而兴于功业】以土宜之灋辨十有二土之名物【十二分野之土各有所宜辨其名谓白坟黑坟之类辨其物谓所生之物】以相民宅而知其利害【相视民居使得其所利则就之害则避之】以阜人民【阜盛也】以蕃鸟兽【蕃息也】以毓草木【毓生也】以任土事【有事于地者皆任焉凡此皆由知其利害使之然也】辨十有二壤之物而知其种【壤亦土也分别物之所生而知其所殖之种】以教稼穡树艺【遂以教民春耕秋穡以树其木以艺其黍稷也】以土均之灋辨五物九等【均平也五物五地所宜之物九等上三等中三等下三等也】制天下之地征【地征者贡赋税斂之总名五物九等既辨则天下之地征可得而制矣】以作民职【民职即太宰之九职】以令地贡【地贡即太宰之九贡】以斂财赋【财赋即太宰九赋之财】以均齐天下之政【以此皆以均平齐一天下之政也】以土圭之灋测土深正日景【土圭长一尺五寸其法用之下可以测土深上可以正日景深去声】以求地中【地中见下文注】日南则景短多暑【夏至日正中时立八尺之表以候日景以土圭量之其景短于土圭则其地在日南而多暑】日北则景长多寒【其景长于土圭则其地在日北而多寒】日东则景夕多风【景在表之东是地在日东也景夕谓日中时其景已如夕时也如此则其地多风】日西则景朝多陰【景在表之西是地在日西也景朝谓日中时其景尚如朝时也如此则其地多陰凡此四者皆非地中也盖地近南则多暑近北则多寒东方近海故多风西方多山故多陰也】日至之景尺有五寸谓之地中【夏至日正中时量以土圭其日景长一尺五寸与土圭合乃地中也】天地之所合也【以其地当天地之中故曰合】四时之所交也【四时于此而交通】风雨之所防也【风雨以序而至】陰阳之所和也【陰阳调而不乖】然则百物阜安【有生者遂有形者育】乃建王国焉【则其地可以建立邦国焉】制其畿【此王国之畿也】方千里而封树之【王畿地方千里不特沟封之且树木以为固也】凡建邦国【上言建王国此言建诸侯之国】以土圭度其地而制其域【日景移一寸则差千里故建诸侯之国亦以土圭度之制其域者境界皆有营域封圻也】诸公之地封疆方五百里【诸公国大其地方五百里】其食者半【山川林麓不可食者半也】诸侯之地封疆方四百里【降于公也】其食者参之一【不食之地二可食之地一参音三】诸伯之地封疆方三百里【降于侯也】其食者参之一【与诸侯同】诸子之地封疆方二百里【降于伯也】其食者四之一【不食之地三可食之地一】诸男之地封疆方百里【降于子也】其食者四之一【与诸子同今按此五等诸侯之地与孟子所言不同考之史传周

公之封于鲁太公之封于齐皆不止百里孟子王制之言若与周制不合说者以周礼兼附庸而言及统山林川泽言广封之制也】凡造都鄙【都鄙者王畿内公卿采地所居曰鄙其界曰都】制其地域而封沟之【制地域与建邦国同封沟见篇首注】以其室数制之【依都鄙城内室数于田野之中制地与之】不易之地家百畹【不易之地岁岁可种是为上田一家受一百亩畹古亩字】一易之地家二百畹【一易之地两岁一种是为中田一家受二百亩】再易之地家三百畹【再易之地三岁一种是为下田一家受三百亩】乃分地职【若三农园圃之类】奠地守【若山虞为之守禁之类奠音定】制地贡【若任农以耕事贡九谷之类】而颁职事焉【分命官使各为其所职之事】以为地灋而待政令【地职地守地贡各有度数谓之法凡此皆以待上之政令也】以荒政十有二聚万民【荒防年也救荒之政十有二条聚民使不散】一曰散利【丰年聚之防年散之】二曰薄征【轻其征税】三曰缓刑【犯刑者缓纵之】四曰弛役【弛放其力役之事弛施氏反】五曰舍禁【舍山泽之禁与民同利舍上声】六曰去几【去门关之几察去上声几音基】七曰礼【吉礼之中减其礼数音省】八曰杀哀【防礼之中杀其礼数杀色界反】九曰蕃乐【藏乐器而不作】十曰多昏【婚姻杀礼使男女及时】十有一曰索鬼神【搜索鬼神而祈祷之索音色】十有二曰除盗贼【驱除盗贼以去民害】以保息六养万民【保安而使蕃息有此六条以养万民】一曰慈幼【年幼者慈爱之】二曰养老【年老者奉养之】三曰振穷【振之及其时则穷者通】四曰恤贫【恤之致其爱则贫者利】五曰宽疾【疾者宽之不以力役加焉】六曰安富【富者安之不以富敛暴焉】以本俗六安万民【本旧也因民旧俗有此六条以安万民】一曰嫫官

室【上栋下宇以同其安嫫音美】二曰族坟墓【左昭右穆以同其葬】三曰联兄弟【或燕或食所以同其恩】四曰联师儒【以贤以道所以同其善】五曰联朋友【乡里同井学校同业】六曰同衣服【贵贱有常上下有制】正月之吉【建子之月朔日】始和布教于邦国都鄙【始调和十二教以下之事而颁布此教职文书于邦国都鄙】乃县教象之灋于象魏【以地官之教法画之为象而县于两观县音】使万民观教象【使万民观教法而仪则之】挟日而敛之【挟三旬乃收敛使远近皆知之挟音泮】乃施教灋于邦国都鄙【乃施教民之法于外之邦国内之都鄙】使之各以教其所治民【使邦国诸侯教邦国之民都鄙卿大夫教都鄙之民】令五家为比【令六乡之民各五家号为一比比毗志反】使之相保【居相亲则易相督察】五比为闾【一十五家号为一闾】使之相受【同门闾居足以相容】四闾为族【百家为族】使之相葬【族相聚财足以相助】五族为党【五百家为一党】使之相救【有灾寇足以相援】五党为州【二千五百家为一州】使之相赙【有难厄足以相济】五州为乡【万二千五百家为乡】使之相宾【贤能皆备于中相与宾而兴之】颁职事十有二于邦国都鄙【颁布民之职事十有二条】使以登万民【登成也】一曰稼穡【即三农生九谷】二曰树蓺【即园圃毓草木】三曰作材【即虞衡作山泽之材】四曰阜蕃【即藪牧养蕃鸟兽也】五曰飭材【即百工飭化八材也】六曰通财【即商贾阜通财货也】七曰化财【即嫔妇化治丝枲也】八曰斂材【即臣妾治斂疏材也】九曰生材【即闲民无常职转移执事也】十曰学艺【谓学道艺者若礼乐射御书数是也】十有一曰世事【谓以世事教能则民不失职】十有二曰服事【谓为公家服事者若府史胥徒是也】以乡三物教万民而宾兴之【物犹事也兴犹举也三事告成乡大夫举其

贤能而以礼宾之】一曰六德【六者出于心故曰德】知仁圣义忠和【知别是非仁无私欲圣无不通义有断制尽已之心曰忠无所乖戾曰和知去声】二曰六行【六者体之于身故曰行行去声】孝友睦婣任恤【孝于父母友于兄弟睦谓亲于九族婣谓亲于外亲任信于朋友恤振于贫穷婣因】三曰六艺【六者见之于事故曰艺】礼乐射御书数【五礼六乐五射五御六书九数】以乡八刑纠万民【不从三物之教则设刑以纠合之】一曰不孝之

刑【孝见上注】二曰不睦之刑【睦见上注】三曰不婣之刑【婣见上注】四曰不弟之刑【不弟即不友也】五曰不任之刑【任见上注】六曰不恤之刑【恤见上注】七曰造言之刑【讹言惑众】八曰乱民之刑【乱民改作】以五礼防万民之伪而教之中【礼即吉防军宾嘉之五礼所以节止】

【民之侈伪使其行得中】以六乐防万民之情而教之和【乐即云门大卷以下六者所以荡正民之情思使其心应和】凡万民之不服教而有狱讼者【不服谓不服十二教者争罪曰狱争财曰讼】与有地治者听而断之【有地治谓乡州之官司徒与之听其狱讼而断决之断都玩反】其附于刑者归于士【士狱官也其附丽于刑归于士使刑之】祀五帝【祭祀五方之帝】奉牛牲【奉犹进也谓献腥也】羞其肆【肆陈骨体也谓献熟也肆音剔】享先王亦如之【如祀五帝之礼】大宾客【诸侯来朝称宾卿大夫来聘称客】令野脩道委积【令遗人于野路之上脩治道途及委积刍薪禾米之等】大丧【天子之丧七月而葬】帅六乡之众庶属其六引【六引谓引丧车索也属谓挽柩向圻】而治政令【检校挽柩之事】大军旅大田役【大军旅谓司马九伐之事大田役谓治兵大阅之事】以旗致万民【旗画熊虎者也刻日立旗期于旗下】而治其徒庶之政令【所以申其教戒】若国有大故【谓王崩及寇兵】则致万民于王门【以卫天子】令无节者不行于天下【有节乃得行所以防奸也】大荒大札【大防年大疫病】则令邦国移民通财【民食不足移之以就有余财之有余通之以济不足】舍禁弛力【有小害者舍之而不禁力役之事弛之而不任】薄征缓刑【薄其征税缓其刑法】岁终则令教官正治而致事【正治谓脩其文书致事谓上其计簿】正岁令于教官曰【警其官属】各共尔职【共其所治之职】脩乃事【脩其所作之事】以听王命【皆听王之所命】其有不正【有不正直而滥失者】则国有常刑【国有典常之刑】

小司徒之职【中大夫二人大司徒之贰】掌建邦之教灋【建立邦国教民之法】以稽国中及四郊都鄙之夫家九比之数【稽放也夫家犹言男女也九比出九赋者之人数也比毗志反】以辨其贵贱老幼癯疾【贵为卿大夫贱谓贩卖者癯疾谓癯病也】凡征役之施舍【施与弛同舍置也征谓征税役谓繇役贵与老幼废疾者皆弛舍其征役也】与其祭祀饮食丧纪之禁令【祭祀以奉神饮食以养生丧纪以送死皆有禁令而不使失礼法也】乃頒比灋于六乡之大夫【比法即大司徒令五家为比之法也乡大夫职见后】使各登其乡之众寡六畜车犂【众寡谓民之多少车犂谓师行之具皆登载于簿书使知其数畜许六反】辨其物【物谓家财】以岁时入其数【以岁时入其登载之数】以施政教行征令【施政教谓行乡射之礼行征令谓起徒役之事】及三年则大比【大比谓更阅民数及其财物也】

】大比则受邦国之比要【比要谓大比之簿书也】乃防万民之卒伍而用之【防聚万民阅其材堪充卒伍者以待使用卒子卒反】五人为伍【五人号为伍】五伍为两【二十五人号为两两去声】四两为卒【二百人号为卒】五卒为旅【五百人号为旅】五旅为师【二千五百人号为师】五师为军【万二千五百人号为一军】以起军旅【用征伐也】以作田役【习战阵也】以比追胥【捕寇盗也】以令贡赋【制军需也】乃均土地【均平也】以稽其人民而周知其数【稽攷人民徧知多寡之数】上地家七人【一家受田百亩七口以上则授以上地】可任也者家三人【可任力役者每家三人】中地家六人【六口则授以中地】可任也者二家五人【可任力役者二家共五人】下地家五人【五口以上则授以下地】可任也者家二人【可任力役者每家二人】凡起徒役【起民于役作】毋过家一人【每家可任者虽多惟一人为正卒毋音无】以其余为羨【正卒之外皆为羨卒羨余面反】唯田与追胥竭作【惟田猎与逐捕寇盗则正卒羨卒并行】凡用众庶【若国大询于众庶之类】则掌其政教与其戒禁【政以正之教以导之戒以饬其怠忽禁以使之勿为】听其辞讼【众有辞讼则听之而辨其曲直】施其赏罚【众有功过则施之赏罚以示其劝惩】诛其犯命者【干犯王命其罪甚大故诛之】凡国之大事致民【大事自我作故所致毋过家一人】大故致余子【大故乃不虞之变故致羨卒】乃经土地【此谓造都鄙也经谓为之里数】而井牧其田野【制井田之法教以畜牧】九夫为井【一夫受田百亩九夫田九百亩其形如井字然】四井为邑【方里而井谓四方各一里邑则方一里】四邑为丘【方四里】四丘为甸【甸方八里旁加一里则方十里为成甸绳证反】四甸为县【方二十里】四县为都【方四十里四都方八十里旁加十里则方百里而为一同也】以任地事而令贡赋【地事谓九职之事贡谓九贡赋谓九赋】凡税斂之事【此又非特九贡九赋所出也】乃分地域而辨其守【分邦国都鄙乡遂之地域而辨地域之守】施其职而平其政【施地守之职而均平其征税焉政当作征】凡小祭祀奉牛牲羞其肆小宾客令野脩道委积大军旅帅其众庶小军旅巡役治其政令大丧帅邦役治其政教凡建邦国【诸侯之国】立其社稷【社土神稷谷神】正其畿疆之封【九畿皆有疆界封树以为固也】凡民讼以地比正之【民讼其是非不可无证故正以地之比隣】地讼以图正之【地讼其疆界不可无质故正以地之图】岁终则考其属官之治成而诛赏【教官其属六十岁终则考其计簿有罪则诛之有功则赏之】令羣吏正要防而致事【总羣吏之簿书而致其事之功状以待考也】正岁则帅其属而观教象之灋【大司徒县教法之象小司徒则帅其属而往观焉】徇以木铎【木铎金口而木舌撼之以警众铎达各反】曰不用灋者【不用教象之法者】国有常刑【则用以典常之刑】令羣吏宪禁令脩灋纠职以待邦治【宪谓表县之禁谓正絶之脩其法制纠其职事以待邦家有治则共之】及大比六乡四郊之吏【吏谓比长闾胥以上三年则大比也】平教治【平章其教治之优劣】正政事【论正其政事之得失】考夫屋及其众寡六畜兵器【考其受田之夫居里之屋及其人民众寡六畜登耗兵器备乏】以待政令【以待国家政令所需则共之也】

乡师之职【下大夫四人上士八人中士十有六人旅下士三十有二人府六人史十有二人胥十有二人徒百有二十人分掌六乡】冬掌其所治乡之教【以一人共治三乡之教】而听其治【乡大夫以下各听其民乡师又审察之治直吏反】以国比之灋以时稽其夫家众寡【国比之法即小司徒颁于六乡者夫家谓男女众寡谓民之多少】辨其老幼贵贱废疾

马牛之物【马牛以供田役为事余见小司徒】辨其可任者与其施舍者【可任者用之施舍者不用施音弛舍音舍】掌其戒令纠禁【戒者戒其怠忽纠者纠其缓散令所以使之从禁所以使之避】听其狱讼【以审其是非曲直焉】大役则帅民徒而至【有大役事乡师则各帅其民徒而至】治其政令【治所帅民徒之政令】既役则受州里之役要【役要役人比要也受州里役要者以所役之民出于州里也】以攷司空之辟【辟谓功程以司空主役作故也辟音辟】以逆其役事【逆谓钩考之也】凡邦事【国家有功力之事】令作秩叙【秩常也使多寡有常事有次叙】大祭祀【吉礼】羞牛牲【大司徒奉之乡师进之】共茅蒺【以茅为蒺用以借祭蒺音租杜音蒺】大军旅防同【军旅军礼防同宾礼】正治其徒役与其輦輶【輦驾马輶人挽行治徒役谓计久近劳役治輦輶谓计所出所任輦音菊輶力展反】戮其犯命者【干犯王命者戮之】大丧用役则帅其民而至遂治之及葬执纛以与匠师御匱而治役及窆执斧以涖匠师凡四时之田【春搜夏苗秋猕冬狩】前期出田灋于州里【先田之期出田法于州以令六乡出田法于里以令六遂】简其鼓铎旗物兵器【简选也兵以鼓进以金退以旗物指挥以兵器击刺】脩其卒伍【脩治也百人为卒五人为伍】及期【及田之时】以司徒之大旗致众庶而陈之【熊虎为旗乡师为司徒致众庶故以其大旗而陈之】以旗物辨乡邑【六乡公邑之民使各视其旗之所在而从其属】而治其政令刑禁【政令所以使之从刑禁所以使之辟】巡其前后之屯【车徒屯聚前后异部巡之所以正其部伍】而戮其犯命者【见上注】断其争禽之讼【获禽而有争讼则断其曲直断都玩反】凡四时之征令有常者【谓乡官属民及田役之类】以木铎徇于市朝【徇于市以令万民徇于朝以令百官铎达各反朝肖遥反】以岁时巡国及野【巡行国中以及野外】而调万民之艱阨【民有饥乏则周其急艱音艰】以王命施惠【以惠之及下当自王出也】岁终则攷六乡之治【攷六乡之吏治】以诏废置【以诏于王而废其怠者置其勤者】正岁稽其乡器【攷其良窳】比共吉凶二服【吉服是谓祭服凶服是谓吊服共音恭下同】间共祭器【簠簋鼎俎之属】族共丧器【素俎楮豆之属】党共射器【弓矢决拾之属】州共宾器【尊俎笙瑟之属】乡共吉凶礼乐之器【吉器即祭器也凶器即丧器也礼乐即宾射之器乡大夫备集此四者】若国大比【三岁大比】则攷教察辞【攷其勤惰察其实伪】稽器展事【稽其是否展其废举】以诏诛赏【以告于王而诛赏之】

乡大夫之职【乡老二乡则公一人乡大夫每乡卿一人六乡分掌六卿之事】各掌其乡之政教禁令【以政为先教次之禁令则辅之者也】正月之吉【建子之月朔日】受教灋于司徒【受十二法以下之法于司徒】退而颁之于其乡吏【分教法于州长至比长】使各以教其所治【乡吏受之以教所治之民治直吏反】以攷其德行【攷六德六行之贤者】察其道艺【察道德于六艺之能者】以岁时登其夫家之众寡【夫家众寡稽之乡大夫则登其版籍】辨其可任者【辨别民力之强壮可任国事者】国中自七尺以及六十【七尺谓年二十国中晚征而早舍以地近而役多故也】野自六尺以及六十有五【六尺谓年十五野则早征而晚舍以地远而役少故也】皆征之【总国中及野而言】其舍者【舍谓不征者】国中贵者【以其有爵禄也】贤者【以其有德行也】能者【以其有道艺也】服公事者【以其有任职也】老者【以其有年也】疾者【以其无力也】皆舍【总六者皆舍之而不用】以岁时入其书【既登载于版籍每岁四时入其书于上】三年则大比【三年一次大比】攷其德行道艺【德行谓贤者道艺谓能者】而兴贤者能者【兴谓举也】

乡老及乡大夫帅其吏与其众寡【乡老谓三公分掌六乡吏谓州长以下众寡谓民】以礼礼宾之【用乡饮酒之礼以礼贤能而与之宾客】厥明【宾贤能之明日】乡老及乡大夫羣吏献贤能之书于王【献德行道艺之书以待王之官使】王再拜受之【重得贤能也】登于天府【天府掌玉镇寶器登贤能之书于天府寶之也】内史贰之【内史掌赞王制禄贰之者将诏而制其禄也】退而以乡射之礼五物询众庶【物犹事也谋于众庶复求贤能养于乡学以补所兴之缺】一曰和【发而中节】二曰容【动皆合礼】三曰主皮【不失正鹄】四曰和容【容体比于和】五曰兴舞【节比于乐】此谓使民兴贤【总上文而言之谓使民自举有德行者】出使长之【出于民上使长民德长丁丈反】使民兴能【使民自举有道艺者】入使治之【入于民间使治民事】岁终则令六乡之吏皆会政致事【六乡之吏谓州长以下皆防计教政之功状而致其所掌之事于乡大夫防音桧】正岁令羣吏攷灋于司徒【攷法谓攷司徒之教法受而行之】以退【已攷法而退】各宪之于其所治【宪悬表之也所治谓州乡党族闾比】国大询于众庶【国有大事而谋及于庶民】则各帅其乡之众寡而致于朝【卿大夫各帅其乡之吏民而致于外朝共询谋之】国有大故【灾变寇戎之类】则令民各守其闾【二十五家为闾】以待政令【以待大司徒之政令】以旌节传令则达之【各守其节禁人往来惟以旌节传政令文书者则不禁也】

州长【每州中大夫一人二千五百家为一州】各掌其州之教治政令之灋【有教则有治政令则所以辅教治者法则其条目也】正月之吉各属其州之民而读灋【属犹合也合聚其州之民读教法而示之属挽下同】以攷其德行道艺而劝之【民之有德行道艺者则攷量而劝勉之】以纠其过恶而戒之【民之有过恶者则纠察而警戒之】若以岁时祭祀州社【州各有社每岁春秋举行祭祀】则属其民而读灋亦如之【其属民读法亦如正月之吉】春秋以礼防民而射于州序【序学名春秋二时皆以礼会聚其民而行射礼于州之序防如字】凡州之大祭祀大丧皆蒞其事若国作民而师

田行役之事【师谓征伐田谓田猎行谓巡守役谓役作凡此数者皆须征聚其民】则帅而致之【致于司徒】掌其戒令与其赏罚【掌戒令所以率作事掌赏罚所以治功过】岁终则防其州之政令【各防计一州之政令】正岁则读教法如初【复如正月之吉】三年大比则大攷州里【每岁皆攷其德行道艺矣三岁大比又大攷焉】以赞乡大夫废兴【废退也兴进也废兴在乡大夫州长特赞之而已】

党正【每党下大夫一人五百家为一党】各掌其党之政令教治【州长掌其法党正则奉之以施于其党焉治直吏反】及四时之孟月吉日【春夏秋冬孟月吉日】则属民而读邦灋【如州长之礼正月在州三时在党】以纠戒之【以戒察警戒其党之民】春秋祭禘亦如之【禘谓祭日月星辰水旱之类其读法纠戒如孟月也】国索鬼神而祭祀【岁十二月大蜡之祭鬼神万物而索祭之索音色】则以礼属民而饮酒于序【合聚其党之民而行乡饮之礼于序】以正齿位【以正齿序尊卑之位】壹命齿于乡里【一命为下士则以年与众宾相次】再命齿于父族【再命为中士则以年与族人相次而众宾不敢与之齿矣】三命而不齿【三命为上士则虽父族亦不得而齿焉故席于尊东】

其党之祭祀丧纪昏冠饮酒教其礼事掌其戒禁凡作民而师田行役【凡起民为军师田猎

行狩工役之事】则以其灋治其政事【以什伍比联之法治其师田行役之政事】岁终则防其党政【各防计一党之政】帅其吏而致事【帅其党之吏而致所治之事于上】正岁属民读灋而书其德行道艺【书之以待乡大夫州长所攷】以岁时涖校比【族师以岁时校比党正则亲临视之】及大比亦如之【族师至三年大比党正亦涖之】

族师【每族上士一人一百家为族】各掌其族之戒令政事【戒以敕其怠忽令所以辅戒而政事则次之】月吉则属民而读邦灋【属民读法州长以正月党正以孟月族师则每月举行焉】书其孝弟睦姻有学者【孝弟睦姻见大司徒弟即友也有学讲六艺也】春秋祭酺亦如之【灾害之神祭而却之日酺其读法亦如月朔也酺音步】以邦比之灋帅四闾之吏【邦比之法即五家为比之法也一族则四闾其吏即闾胥也】以时属民而校登其族之夫家众寡【校而登之于乡大夫校声教反】辨其贵贱老幼废疾可任者【辨其人则知任舍之所宜】及其六畜车犂【辨其物则知虚耗之所在】五家为比十家为联【联属也两比合为一联】五人为伍十人为联【两伍共为一联】四闾为族八闾为联【二百家共为一联】使之相保相受【相保则相督相受则相容】刑罚庆赏相及相共【刑罚相及则有恶必去庆赏相共则有善必举共音供】以受邦职【如此则安居乐业而邦职可受】以役国事【乐事劝功而国事可役】以相葬埋【往来相视而葬埋可合葬如字才即埋莫皆反】若作民而师田行役【见州长注】则合其卒伍【卒伍欲聚故合之】简其兵器【兵器欲精故简之】以鼓铎旗物帅而至【大司徒辨鼓铎旗物之用而族师用之以帅民也】掌其治令戒禁刑罚【民既至族师则以所职治令而号为之禁戒刑罚以警省之使之叶力治直吏反】岁终则防攷致事【防其族之政于所攷致其族之事于所治】

闾胥【每闾中士一人二十五家为闾】各掌其闾之征令【征令谓征召之命令】以岁时各数其闾之众寡【闾二十五家其众寡可以数而计之】辨其施舍【族师辨其可任者闾胥辨其施舍者施音弛舍音舍】凡春秋之祭祀役政丧纪之数【祭祀谓州社党祭族酺也役田役也政谓乡射也丧纪谓族相葬埋也政音征】聚众庶【四者皆聚众庶】既比则读灋【既比人数之后则读法以戒敕之比音鼻】书其敬敏任恤者【敬以直内敏则有功田里相助为任乡党相济为恤族师书其孝弟睦姻者闾胥书其任恤者】凡事掌其比觭撻罚之事

比长【五家下士一人五家为比比音鼻长上声】各掌其比之治【比虽五家亦有治法】五家相受相和亲【善则相容】有鬍奇袤则相及【恶则相纠鬍罪奇音基袤似嗟反】徙于国中及郊【人有不便其居则须迁徙】则从而授之【则比长授其所居】若徙于他【出居异乡】则为之旌节而行之【授之者有节乃达】若无授无节【若迁徙而无授无节】则唯圜土内之【圜土狱城也如此则是寇贼之民故置之圜土也内音纳】

封人【中士四人下士八人府二人史四人胥六人徒六十人掌畿封者】掌设王之社壇【社壇祭祀之坛封人设之壇位】为畿封而树之【畿上为沟积土于外以为封又树木以为阻固】凡封国【封五等诸侯之国】设其社稷之壇【为民立社故稷从焉余见大司徒注】封其四疆【四边皆有封疆】造都邑之封域者亦如之【大都小都家邑三等采地亦封】

其四疆也】令社稷之职【祭社稷如牲币器服之类各有职掌封人令之使无废职】凡祭祀饰其牛牲设其楅衡置其絃共其水橐歌舞牲【音生】及毛炮之豚凡丧纪宾客军旅大盟则饰其牛牲

鼓人【中士六人府二人史二人徒二十人 掌教金鼓】掌教六鼓四金之音声【以鼓名官而四金亦在所教者金皆以鼓为主故也音声谓八音五声之节奏】以节声乐【乐胜则流故言节】以和军旅【师克在和故言和】以正田役【田役欲正其行列故言正】教为鼓而辨其声用【教击鼓者大小之数又辨其声所用之事】以雷鼓鼓神祀【雷鼓八面鼓也祀天神则鼓之】以灵鼓鼓社祭【灵鼓六面鼓也祭地祇则鼓之】以路鼓鼓鬼享【路鼓四面鼓也享人鬼则鼓之】以鼗鼓鼓军事【鼗大也鼗鼓长八尺以军事为大故也鼗音贲】以鼙鼓鼓役事【鼙缓也鼙鼓长八尺以役事劳民故节之欲其缓也】以晋鼓鼓金奏【晋进也晋鼓长六尺六寸金作而后奏故欲其进也此即上文所谓六鼓也】以金鐃和鼓【鐃淳于也鼓倡而和之鐃音淳】以金镯节鼓【镯钲也鼓行而节之镯音浊】以金铙止鼓【铙如铃无舌鼓退而止之铙女交反】以金铎通鼓【铎大铃也鼓作而通之此即上文所谓四金也铎得落反】凡祭祀百物之神鼓兵舞帔舞者【兵舞干戚之舞帔舞者兵绘为之所以形容百物之神有捍蔽祓除之功帔音弗】

凡军旅夜鼓鼙军动则鼓其众田役亦如之救日月则诏王鼓大丧则诏大仆鼓

舞师【下士二人胥四人舞徒四十人 掌教舞者】掌教兵舞【兵舞武舞谓干戚也】帅而舞山川之祭祀【祭名山大川用之】教帔舞【帔以采繒为之】帅而舞社稷之祭祀【祭土神谷神用之】教羽舞【羽析白羽为之】帅而舞四方之祭祀【四方望祀用之】教皇舞【皇析五采羽为之三者皆文无也皇注作望音同】帅而舞旱暵之事【禱雨之祭用之】凡野舞则皆用之 凡小祭祀则不兴舞【无功德可形容】

牧人【下士六人府一人史二人徒六十人 掌牧牲者】掌牧六牲而阜蕃其物【牛马羊豕犬鸡为六牲阜盛也蕃息也物谓色】以共祭祀之牲牷【牷纯色也】凡阳祀用骍牷毛之阴祀用 牲毛之望祀各以其方之色牲毛之凡时祀之牲必用牷物凡外祭毁事用羜可也凡祭祀共其牺牲【牺牲毛羽完具也】以授充人系之【祭前三月授之充人系养之】凡牲不系者共奉之【谓非时而祭祀也】

牛人【中士二人下士四人府二人史四人胥二十人徒二百人 主掌养牛者】掌养国之公牛【公牛谓公家之牛】以待国之政令【以待祭祀宾客享食宾射军事丧事之所需也】凡祭祀共其享牛求牛以授职人而刍之【享牛享祭之牛】

【求牛隔日绎祭求神所用之牛命牧人刍养之】凡宾客之事共其牢礼积膳之牛飧食宾射共其膳羞之牛军事共其犒牛丧事共其奠牛凡防同军旅行役共其兵车之牛与其牵傍以载公任器凡祭祀共其牛牲之互与其盆簋以待事

充人【下士二人史二人胥四人徒四十人 掌系牲者】掌系祭祀之牲牷【牧人共之充人

系之牲音全】祀五帝【见大宰注】则系于牢【牢防也所以系牲】刍之三月【草食曰刍养之三月而后用之】享先王亦如之【亦如祀五帝也】展牲则告牲【隔日视牲充人则告纯全】硕牲则赞【宗人告牲之充硕则赞之】

周礼句解卷三

卷四

钦定四库全书

周礼句解卷四

宋 朱申 撰

地官司徒下

载师【掌任土官之长其属上士二人中士四人府二人史四人胥六人徒六十人】掌任土之灋【任土之所宜以制赋】以物地事【物色之而知其种植所宜】授地职【既知地利所宜则授有职事于地者】而待其政令【因其职事使出贡赋】以防里任国中之地【任见上注防民居之区域也里居也国中王国之内也防地在于王国之中防直连反】以 圃任园地【圃植果蓏之属季秋于中为 圃以纳稼穡圃谓之园】以宅田士田贾田任近郊之地【宅田致仕者所受田士田仕者所受之圭田贾田吏为县官卖财者之田五十里为近郊贾古】以官田牛田赏田牧田任遠郊之地【官田公家所耕借田牛田以养公家之牛赏田赏赐之田牧田牧六畜之田百里为遠郊】以公邑之田任甸地【公邑之田谓六遂之余地遠郊之外曰甸】以家邑之田任稍地【家邑之田谓大夫所食采邑三百里曰稍稍去声】以小都之田任县地【小都之田谓卿所食采邑四百里曰县】以大都之田任甸地【大都之田谓公及亲王子母弟所食采邑五百里曰甸地甸姜】凡任地【总言任土制赋之去】国宅无征【征税也周税轻近而重遠近者多役故也国宅凡官所有宫室故无征】园防二十而一【园少利防无谷故二十分而税其一分薄其征也】近郊十一【十分取其一分比园防为重矣】遠郊二十而三【二十分而取其三分比近郊又重矣】甸稍县都皆无过十二【十分而取其二分比遠郊又重矣】唯其漆林之征二十而五【二十分而取其五分漆林利厚重其征者所以抑末作也】凡宅不毛者有里布【不毛者不种桑麻也布泉也宅不毛者罚以一里二十五家之泉】凡田不耕者出屋粟【夫三为屋有田而不耕者罚之出三家之税粟】凡民无职事者出夫家之征【夫征者百畝之税也家征者出土徒车犂给徭役也凡民无九职三事者罚之使出夫税家税】以时徵其赋【谓园防以下之税赋皆以时取之也】

甸师【中士二人史二人徒二十人 二十五家为甸甸师主征六乡贡赋之税】掌国中及四郊之人民六畜之数【国中及四郊谓园防至遠郊也数谓登耗多寡之数】以任其力【人民兼六畜而言者牛马之类亦可任其力也】以待其政令【待贡赋之政令】以时徵其赋【税赋以时而取】凡任民【总言任民之法】任农以耕事【任使也农即九职之三农】贡九谷【贡献也三农生九谷故也】任圃以树事【即九职之园圃】贡草木【园圃育草木也】任工以飭材事【即九职之百工】贡器物【百工飭化八材以成器用】任商以市事【即九职之商贾】贡货贿【商贾阜通货贿也】任牧以畜事【即九职之薮牧】贡鸟

兽【藪牧养蕃鸟兽也】任嫔以女事【即九职之嫔妇】贡布帛【嫔妇化治丝枲以成布帛】任衡以山事【即九职之衡任山林之衡者】贡其物【物谓山之材】任虞以泽事【即九职之虞任山泽者】贡其物【物谓泽之材】凡无职者出夫布【无事于九职者罚之使出夫布】凡庶民不畜者祭无牲【不自养牲者祭不得用牲】不耕者祭无盛【黍稷曰粢在器曰盛不自耕田者祭不得用盛盛成】不树者无椁【椁外棺也不自种木者葬不得用椁】不蚕者不帛【不自养蚕者寒不得衣帛】不绩者不衰【不自绩麻者丧不得衣衰凡此皆以耻不勉也】

县师【上士二人中士四人府二人史四人胥八十人徒八十人 此间田之县县师主徼野赋贡】掌邦国都鄙稍甸郊里之地域【邦国谓王畿外接诸侯之封疆者都谓大都小都鄙谓公邑稍谓采邑甸谓六遂郊里谓六乡皆先正其地域】而辨其夫家人民田莱之数【夫家谓男女人民谓奴婢田莱谓见其田及荒不耕者则皆辨其数矣】及其六畜车辇之稽【六畜马牛羊豕犬鸡也车所以驾马辇人挽行之稽计也】三年大比【三年一次大按此户口】则以攷羣吏【攷校主民之羣吏功过】而以诏废置【有过者废而不用有功者置之以爵】若将有军旅防同田役之戒则受灋于司马以作其众庶及马牛车辇防其车人之卒伍使皆备旗鼓兵器以帅而至 凡造都邑【并见上注邑家邑也】量其地【家邑二十五里大都百里小都五十里】辨其物【三等之地所产不同】而制其域【封疆大小之异】以岁时徼野赋贡【野谓甸稍县都也赋谓上之所取贡谓下之所供各以其时也】

遗人【中士二人下士四人府二人史四人胥四十人徒四十人 遗馈也掌委积之官职】掌邦之委积以待施惠【委积国用之余少曰委多曰积自乡里至县都其委积皆以待邦之施惠也】乡里之委积以恤民之艰阨【乡里谓六乡之民以里居艰阨谓年谷不熟则赈恤之】门闾之委积以养老孤【在国曰门在郊曰闾老孤谓死政之老孤】郊里之委积以待宾客【郊里谓四郊之民以里居宾客至郊即与飧廩】野鄙之委积以待羁旅【野鄙谓郊外六遂羁旅谓客之羁系不得去者于此惠之】县都之委积以待防荒【县四百里都五百里防荒谓移民就谷之时也】凡宾客防同师役【此皆众之所聚】掌其道路之委积【道路皆有委积以待之】凡国野之道【凡国中野外之道路】十里有庐【庐小室也】庐有饮食【十里憩息之所故设饮食】三十里有宿【三十里为一舍可以宿焉】宿有路室【路室大室也】路室有委【委比于积为少】五十里有市【五十里则四方交易皆可日中而至故有市】市有 馆【有 宾旅之馆】 馆有积【积比于委为多】凡委积之事【总而言之】巡而比之【校其多寡】以时颁之【以预备其所需也】

均人【中士二人下士四人府二人史四人胥四十人 均平也主平土地之力政者】掌均地政【政读为征谓地守地职之税也】均地守【虞衡之属】均地职【农圃之属】均人民牛马车辇之力政【人民则治城郭沟渠牛马车辇则转委积之属凡此皆力役之征也】凡均力政【凡均力政之法】以岁上下【以歳事之丰杀定役数之多寡上时掌反】丰年则公旬用三日焉【公事也旬均也古者用民之力岁不过三日旬音均】中年则公旬用二日焉【中年不丰不杀故免一日】无年则公旬用一日焉【无年则谷不熟又免一日】防札则无力政【防谓饥荒札谓疾疫并与力政免之】无财赋【免其税赋】不收地守

地职【免其地守地职之征】不均地政【亦不平计地税】三年大比则大均【合有年无年而太平计之】

师氏【中大夫二人上士二人府二人史二人胥十有二人徒百有二十人 师者教人以道之称】掌以媯诏王【媯美也谓告王以善道也媯美】以三德教国子【三德其目在下国子谓王太子以下至元士之适子也】一曰至德【至极也】以为道本【苟不至德则至道不凝故以至德为道本】二曰敏德【敏速也】以为行本【君子欲敏于行故以敏德为行本行去声】三曰孝德【善事父母为孝】以知逆恶【以孝事父母则无犯上作乱之事故以孝德知逆恶知智】教三行【在心为德施之为行】一曰孝行【以孝德见于行事之间】以亲父母【则可以亲爱于父母】二曰友行【君子以友辅仁故友行次之】以尊贤良【则可以尊敬于贤良贤有德者良有善者】三曰顺行【事师无隐无犯故顺行次之】以事师长【则可以奉事于师长师有德者长有年者】居虎门之左【天子路寝之门画虎以明勇猛】司王朝【王日视朝于路寝门外师氏居其左以司察之】掌国中失之事【中中礼者失失礼者】以教国子弟【以教国之子弟使无违礼】凡国之贵游子弟学焉【国之子弟谓贵而有职守与在学者贵游子弟谓贵而无职守不在学者亦使之学于师氏焉】凡祭祀宾客防同军旅王举则从听治亦如之【王有举动师氏皆从而诏媯及眡朝亦然】使其属帅四夷之 各以其兵服守王之门外且蹕朝在野外则守内列

保氏【下大夫一人中士二人史二人胥六人徒六十人 师道之教训保保其身体】掌谏王恶【恶者媯之反师氏语其媯故保氏谏其恶】而养国子以道【以道养其心也】乃教之六艺【古之为教德行道艺而已师氏教国子以德行故保氏养以道而教以六艺焉】一曰五礼【吉防军宾嘉】二曰六乐【云门大韶大咸大夏大濩大武】三曰五射【一和二容三主皮四和容五曰兴舞】四曰五驭【一鸣和鸾二逐水曲三过君表四舞交衢五逐禽左】五曰六书【一象形二防意三转注四处事五假借六谐声】六曰九数【一方田二粟米三差分四少广五商功六均输七方程八赢不足九旁要】乃教之六仪【教国子以六者之仪容】一曰祭祀之容【容即仪也祭祀以敬】二曰宾客之容【宾客以和】三曰朝廷之容【朝廷以肃】四曰丧纪之容【丧纪以哀】五曰军旅之容【军旅以严】六曰车马之容【车马以谨】凡祭祀宾客防同丧纪军旅王举则从【保氏随王之举动从而谏其恶】听治亦如之使其属守王闾

司谏【中士二人史二人徒二十人 谏犹正也】掌纠万民之德而劝之朋友【德成乎朋友纠其德则使之勉而无涣散劝之朋友则使之致力以相辅】正其行而强之道艺【行成乎道艺正其行则使之羞而无奇衰强之道艺则使之自强而不息】巡问而观察之【巡问则询之以言观察则考之以事】以书其德行道艺【择其有德行道艺者以时书之】辨其能而可任于国事者【其有才能可任国事则辨之以待用也】以攷乡里之治【六乡之吏其治有能否司谏悉攷之】以诏废置【能者诏于王而置之否者诏于王而废之】以行赦宥【民有过失则行赦宥以与其自新也】

司救【官属如司谏救犹禁也】掌万民之衰恶过失而诛让之【衰恶在心过失在事诛让

责也】以礼防禁而救之【礼以防民之伪圣人以礼防禁所以救其恶也】凡民之有袞恶者【袞恶谓未丽于法者】三让而罚【罚捶楚也三让而不悛则加之以罚】三罚而士加明刑【士狱官也明刑谓去冠饰而书其袞恶之状于背也三罚而不悛则加以明刑】耻诸嘉石【嘉石在外朝之门左使坐焉以耻辱之】役诸司空【使事官劳役之也】其有过失者【过失谓已丽于法者】三让而罚【三次以言责之】三罚而归于圜土【圜土狱城也其罪已着未忍刑之】凡岁时有天患民病【天降灾害而民有疾病】则以节巡国中及郊野【节旌节也巡行也】而以王命施惠【恩当自上出也】

调人【下士二人史二人徒十人 调犹和也】掌司万民之难而谐和之【难谓相为仇讐也相比之谓谐相济之谓和】凡过而杀伤人者【过无意也】以民成之【成平也谓立证佐成其罪也一说以乡民共和解之】鸟兽亦如之【过失杀伤人之畜产者亦然】凡和难【总言和难之法】父之讐辟诸海外【此以下言人有父兄君长之讐不可同处为讐人者当避复讐之人也父之讐人子所必报故使之辟诸海外辟避】兄弟之讐辟诸千里之外【兄弟之讐为兄弟者所必报故使之避诸千里之外】从父兄弟之讐不同国【从父兄弟谓同祖兄弟比亲兄弟不同矣故但使之不同其国】君之讐眡父【亦避诸海外】师长之讐眡兄弟【谓见受业与兄弟同亦避诸千里之外】主友之讐眡从父兄弟【主大夫君也友朋友也亦不同国】弗辟【讐人不肯避复讐者】则与之瑞节而以执之【瑞节玉节剡圭也不从王命故王以瑞节与调人使执而治其罪】凡杀人有反杀者使邦国交讐之凡杀人而义者不同国令勿讐讐之则死凡有鬪怒者成之不可成者则书之先动者则诛之

媒氏【官属如调人 主合婚姻之官】掌万民之判【判别也男女之合必行媒者以有别也】凡男女自成名以上【成名谓子生三月父名之上时掌反】皆书年月日名焉【书其所生年月日及其父所命之名】令男三十而娶【阳数奇故男之娶以三十为限】女二十而嫁【阴数耦故女之嫁以二十为限过此则失时也】凡娶判妻入子者皆书之【谓再嫁而携其子入丈夫之家者】中春之月【仲春阴阳交防之月】令防男女【顺天时以成婚礼】于是时也奔者不禁若无故而不用令者罚之【若犹及也于是时而男女相奔父母不禁与夫无丧祸之变而不用婚姻之令者则媒氏皆罚之】司男女之无夫家者而防之【司犹察也女无夫男无家而鰥寡不能自存者亦不待中春然后防也】凡嫁子娶妻入币【嫁子以女家言娶妻以夫家言男女非授币不交不亲故入币】纯帛无过五两【其帛用纯色以五两为一束纯缁两亮】禁迁葬者与嫁殇者凡男女之阴讼听之于胜国之社其附于刑者归之于士

司市【下大夫二人上士四人中士八人下士十有六人府四人史八人胥十有二人徒百有二十人 市官之长】掌市之治教政刑量度禁令【治以理之教以化之政以正之刑以制之量以量多寡度以度长短止使勿为则有禁命使为之则有令】以次叙分地而经市【市官各以所居之次为叙分其地而掌之以立一市之大经也】以陈肆辨物而平市【陈物于市肆而辨其物使各以类相从则皆平而有辨也】以政令禁物靡而均市【以政令禁物货之侈靡者则民不贵异物贱用物而市物均也】以商贾阜货而行布【以商通物以贾卖物则货贿阜盛而泉布得行】以量度成贾而徵價【徵召也價买也物之多寡长短以度量平定

其价则买者来也贾价儋育】以质剂结信而止讼【质剂券书也民有违约失信而兴讼者则以券书结信而止其讼也剂子随反】以贾民禁伪而除诈【贾民能知物之伪民之诈故使之禁伪除诈也贾古】以刑罚禁黷而去盗【以刑罚禁止暴乱之人又去其相窃盗者黷暴】以泉府同货而敛賒【以泉府所藏与民同之民无货者则賒贷而予之】大市【交易众多】日昃而市【日昃日过中也】百族为主【族姓也大市人多故百姓为主】朝市【朝时之市】朝时而市【朝日出时也】商贾为主【四方有无相交故商贾为主】夕市【夕时之市】夕时而市【夕日入时也】贩夫贩妇为主【细民之贩以日之余力故贩夫贩妇为主】凡市入则胥执鞭度守门市之羣吏平肆展成奠贾上旌于思次以令市市师蒞焉而听大治大讼胥师贾师蒞于介次而听小治小讼凡万民之期于市者辟布者量度者刑戮者各于其地之叙凡得货賄六畜者亦如之三日而举之凡治市之货賄六畜珍异亡者使有利者使阜【物之无者当使之有利益者当使之阜阜盛也】害者使亡靡者使微【物之害财者当贱其价而使之亡侈靡者当抑其末而使之少】凡通货賄【通達也金玉曰货布帛曰賄】以玺节出入之【玺节印章也货賄自内出者由市而达之门及关自外入者由关而通之门及市也】国防荒札丧则市无征而作布凡市伪饰之禁【伪饰如用器不中度布帛精粗不中数之类】在民者十有二【十有二禁谓用器一兵车二布三帛四奸色五五谷六果实七木八禽九兽十鱼十一蠶十二牝羊苟有伪饰则民不得畜】在商者十有二【商不得资】在贾者十有二【贾不得粥】在工者十有二【工不得作】市刑【市之刑罚】小刑宪罚【刑之小者则书其罚而播于众】中刑徇罚【刑之中者执其人声其罪巡市而徇众也】大刑扑罚【刑之大者则挞以辱之扑音普】其附于刑者归于土【土狱官也其罪丽于五刑则归之士官而治其罪也】国君过市则刑人赦夫人过市罚一幕世子过市罚一帑命夫过市罚一盖命妇过市罚一帷凡防同师役市司帅贾师而从治其市政掌其卖儋之事

质人【中士二人下士四人府二人史四人胥二人徒二十人质平也主平定物贾者】掌成市之货賄人民牛马兵器珍异【成谓平其价也人民奴婢也珍异四时食物也】凡卖儋者质剂焉【凡以物卖儋者则为之立券书也儋育剂子随】大市以质【大市人民牛马之属则用长券】小市以剂【小市兵器珍异之属则用短券】掌稽市之书契【稽考也书契取予物之券也】同其度量【度谓丈尺量谓斗斛同者欲其短长浅深之不异也】壹其淳制【淳谓幅广制谓匹长一者欲其合于度也淳准】巡而攷之【巡行于市而攷校之】犯禁者举而罚之【犯禁谓度量不同淳制不壹者则举其货而罚其人】凡治质剂者【谓賈契券来讼则治之】国中一旬【王国之中以十日为限】郊二旬【国外曰郊以二十日为限】野三旬【郊外曰野以三十日为限】都三月【大都小都以三月为限】邦国葇【诸侯之国以一年为限】期内听【其在限内来者则听其讼】期外不听【其在限外来者则不听其讼】

防人【中士二人下士四人府二人史四人胥二人徒二十人防市中空地也】掌敛市歛布總布质布罚布防布而入于泉府【布泉也歛布列肆之税也總布无肆立地者之税也质布质人所罚犯禁之泉也罚布所罚买卖不平者之泉也防布货賄诸物邸舍之税也此五布者敛之入于泉府歛次總杜音才】凡屠者【屠杀六畜者】敛其皮角筋骨入于玉府【皮角

筋骨堪饰器物故敛之而入于玉府】凡珍异之有滞者【四时食物在市不售者】敛而入于膳府【官为买之而入于膳羞之府】

胥师【二十肆则一人皆二市中羣胥之长】各掌其次之政令【次治事之所也市有政则下之所正市有令则众之所听】而平其货贿【货贿之价不得擅为高下】宪刑禁焉【宪刑禁以示之使不敢违】察其诈伪饰行僨愿者而诛罚之【僨买也愿恶也诈以饰行伪以僨愿皆责罚之】听其小治小讼而断之【大治大讼则司市断之】

贾师【二十肆则一人皆二史知物价者贾古】各掌其次之货贿之治【货贿之次则治其事】辨其物而均平之【辨其美恶使各从其类则市物均平】展其成而奠其贾【展其成谓视其物之成而可僨奠其贾则使之有常也奠定贾价】然后令市【如此则可以令市也】凡天患【防荒札丧之时】禁贵僨者【不得输增其价】使有恒贾【使有一定之价恐其乘民之急而侵其利也】四时之珍异亦如之【恐其因民之好而侵其利也】凡国之卖僨各帅其属而嗣掌其月凡师役防同亦如之

司黷【十肆则一人主禁暴乱黷暴】掌宪市之禁令【宪表县也禁以止之令以谕之】禁其鬪器者【鬪以力争器以口竞】与其黷乱者【暴者虐物乱者逆理】出入相陵犯者【谓私恶以致防】以属游饮食于市者【谓私好以结乱凡此者皆禁之】若不可禁【其有不从禁者】则搏而戮之【则搏执而戮辱之搏音博】

司稽【五肆则一人主在市稽留之人】掌巡市而察其犯禁者与其不物者而搏之【巡行也犯禁谓犯上之禁令不物谓奇言异服怪民也搏执也】掌执市之盗贼以徇【盗取非有贼则害人执之以徇于众也】且刑之【既徇于众乃施刑也】

胥【二肆则一人市中给繇役者】各掌其所治之政【各主所令一市之地】执鞭度而巡其前【鞭度以笏为鞭而量物也巡行也】掌其坐作出入之禁令【作起也禁令见司黷注】袭其不正者【坐作出入行不正者则掩捕之】凡有罪者【市之丽于罪者】挞戮而罚之【挞捶也戮辱也罚之使出布也】

肆长【每肆则一人亦是市中给繇役者胥则十肆一人肆长则每肆一人】各掌其肆之政令【各掌所治一肆之政令】陈其货贿【陈列其所卖之货贿】名相近者相远也【假如均之名为布帛而精粗贵贱之则甚相远近丢声】实相近者相尔也【尔与迕同亦近也实相近则精粗贵贱相迕者也】而平正之【平者分而有别正者定其名实而无欺也】敛其繇布掌其戒禁【繇布乃列肆之税又以戒令而施于一肆之内】

泉府【上士四人中士八人下士十有六人府四人史八人贾八人徒八十人司市泉布委积之府】掌以市之征布敛市之不售货之滞于民用者【征布即防人所敛之五布也市货有积滞而不售者则以征布买而收之售受】以其贾买之【使民不丧其本而货得行也】物褐而书之【逐物表褐而书其价褐竭】以待不时而买者【以待民之乏用不时而求买者】

】买者各从其抵都鄙从其主国人郊人从其有司然后予之凡賒者祭祀无过旬日丧纪无过三月 凡民之贷者【其有贫民而借用者】与其有司辨而授之【有司谓其所属之官别其所贷之物定其贾而与之】以国服为之息【国服谓生民于国所服之业如农圃之类也息者保之使生息也盖因其所服之业以资其生生之计焉】凡国之财用取具焉【有司为国事兴作用财者取具于泉府】岁终则防其出入而纳其余【防计也纳入也其羡余者不入职币】

司门【下大夫二人上士四人中士八人下士十有六人府二人史四人胥四人徒四十人每门下士二人府二人史二人徒四人 主王城十二门】掌授管键以启闭国门【管钥也键牡也授管以闭门授键以启门键蹇又其展反】凡出入不物者【凡犹察也不物谓奇言异服也】正其货贿【谓不中器不中度之类正音征】凡财物犯禁者举之【凡之正之而犹犯禁则举其财物而入之于官】以其财养死政之老与其孤【死政之老谓死国事者之父母也孤其子也以犯禁之财而养之】祭祀之牛牲系焉监门养之凡岁时之门受其余凡四方之宾客造焉【四方宾客造国门而朝聘者】则以告【告之于王以礼迎之】

司关【上士二人中士四人府二人史四人胥八人徒八十人每鬬下士二人府一人史二人徒四人 关谓境上之门】掌国货之节【通货贿之玺节】以联門市【自外入者通之门与市自内出者通之门与关】司货贿之出入者【主货贿之出入于关者】掌其治禁与其征防【治谓其货贿之增减禁谓察其违国之禁征谓税而正之防谓舍而禁之】凡货不出于关者【谓出于私道而避征税者】举其货【没入其货】罚其人【挞罚其人】凡所达货贿者【谓不犯禁当达之者】则以节传出之【节以验其物传以书其数乃听其出传音转读为传者非也】国防札则无关门之征犹凡四方之宾客敏关【敏犹至也敏叩】则为之告【告之于王以礼逆之】有内外之送令【奉命送迎宾客】则以节传出内之【谓以节送迎往来也】

掌节【上士二人中士四人府二人史四人胥一人徒二十人 节谓行者所执之信】掌守邦节而辨其用【邦节谓玉节以下之八节也辨其用者或用以守或用以使】以辅王命【执节为信以佐王命】守邦国者用玉节【君子以玉比德守邦国为诸侯者其德宜如是也】守都鄙者用角节【角善抵触守都鄙为采邑长者其材宜如是也】凡邦国之使节【诸侯使卿大夫聘于天子诸侯所执之节】山国用虎节【山多虎故铸虎于节】土国用人节【平地多人故铸人于节】泽国用龙节【泽多龙故铸龙于节】皆金也【三者皆以金为之而铸其象】以英簋辅之【英节也簋竹也以竹为之加之画饰以盛其节】门关用符节【门关司门司关也符节以竹符而合之也】货贿用玺节【掌货贿者司市也玺节者既为符又加玺于其上也】道路用旌节【掌道路者乡遂大夫也旌节用旌以彰其节也】皆有期以反节【立为期限事毕则纳其节】凡通达于天下者必有节【凡以王命往来必有节以为信】以传辅之【又有文书以辅其节也】无节者有几则不达【其无节者遇门关几察之处则执之而不使行也】

遂人【中大夫二人 遂人掌六遂犹司徒之六乡也】掌邦之野【在百里之外二百里之内

】以土地之图经田野【以土地之图经界其田野】造县鄙形体之法【其县鄙地域有形其井邑沟涂有体其制而成之则有法】五家为隣【隣则相联比犹六乡之比也】五隣为里【里则同井里犹六乡之间也】四里为鄴【鄴有相鄴助之意犹六鄉之族也鄴音纘】五鄴为鄙【鄙如边鄙同患守御之意犹六鄉之党也】五鄙为县【县则首于遂犹六鄉之州也】五县为遂【遂则遂于外也百里内为六乡外为六遂】皆有地域沟树之【地有广狭域有远近沟以通水为限树以植木为固】使各掌其政令刑禁【使在遂之吏各谨其所治】以岁时稽其人民【以岁之四时计其所管男女多少】而授之田野【一家授田百亩】简其兵器【以御害也】教之稼穡【以兴利也】凡治野【总言治野之法】以下剂致甿【甿即民也下地可任者家二人下剂致甿谓皆以下地为率一为正卒二为羡卒其外为余夫甿萌】以田里安甿【出耕同田入居同里则民安也】以乐昏扰甿【扰顺也合婚姻以乐之顺民欲也】以土宜教甿稼穡【辨十二田之宜而教之稼穡也】以兴耒利甿【耒耕也兴起其甿以相佐助是与民为利也】以时器劝甿【耕耨之器各以其时则相劝勉也】以疆予任甿【民治一夫之田而有余力则更与之田故有力之民可任用也疆其良仄予与】以土均平政【政与征同以土均之法平其力役之征也】辨其野之土【以上色分上中下】上地中地下地【分为三等】以颁田里【颁田里以分之于民】上地夫一防【人各受二亩半以为宅也】田百晦【各受田百晦以为世业晦亩同】莱五十晦【莱谓田之休不耕者】余夫亦如之【所颁田里父祖子孙不可分故余夫别给其数亦同】中地夫一防田百晦莱百晦【中地不及上地故倍其莱之数】余夫亦如之下地夫一防田百晦莱二百晦【下地不及中地故莱又倍其数】余夫亦如之凡治野夫间有遂【遂沟洫涂皆所以通水于川也遂广深各二尺凡一夫所受之田间必有遂焉】遂上有径【径畛涂道路皆所以通行于国都也径之广可容牛马行也】十夫有沟【十夫千晦之田也沟深广倍于遂】沟上有畛【畛之广可容大车】百夫有洫【百夫万晦之田也洫之广倍于沟】洫上有涂【涂之广可容乘车一轨】千夫有浍【千夫十万晦之田也浍广二寻深二仞】浍上有道【道之广可容车二轨】万夫有川【万夫百万晦之田也川所以受遂沟洫浍之水】川上有路【路之广可容车三轨】以达于畿【畿六遂之境達千里畿内而行之也】以岁时登其夫家之众寡及其六畜车犂【见郷大夫族师注】辨其老幼废疾与其施舍者【老幼废疾不任征役与贵者贤者皆所施舍也】以颁职作事【职为太宰之九职事为司徒之十二事】以令贡赋【贡九贡赋九赋并见太宰】以令师田【春搜夏苗秋猕冬狩】以起政役【力役之征政征】若起野役【六遂在野故云野役】则令各帅其所治之民而至【鄴都县遂之长各帅所治之民而至】以遂之大旗致之【遂人虽是大夫而得用熊虎之旗以致民者以掌众与大司徒同也】其不用命者诛之【以旗致之而不至是不用上命故诛之】凡国祭祀共野牲令野职几宾客令脩野道而委积大丧帅六遂之役而致之掌其政令及葬帅而属六綍及窆陈役凡事致野役而师田作野民帅而至掌其政治禁令

遂师【下大夫四人上士八人中士十有六人旅下士三十有二人府四人史十有二人胥十有二人徒百有二十人 遂师犹乡之有乡师】各掌其遂之政令戒禁【四人同主六遂政以正之令以命之戒其怠忽禁其凌犯】以时登其夫家之众寡六畜车犂【登其籍于遂人】辨其施舍与其可任者【遂人辨其施舍者遂师并与可任者辨之】经牧其田野【经其田而任民以耕事牧其野而任民以畜事】辨其可食者【上地食者三之中地食者半下地

食者三之一皆辨之】周知其数而任之【徧知其数以任民也】以徵财征【然后可以收赋税也】作役事则听其治讼【役事力役之征也理其事而有所治争其事而有所讼则役而听之也】巡其稼穡【巡行也春种曰稼秋敛曰穡】而移用其民【谓如以此遂之民移用于彼遂也】以救其时事【谓如水潦暴至非一遂之民独能隄防故移用以相救也】凡国祭祀【国家有祭祀之事】审其誓戒【誓以折众戒以飭众遂师则审听而辨之】共其野牲【共于六遂故曰野牲】入野职野赋于玉府【野之九职九赋所得入于玉府以供王之玩好】宾客则巡其道脩【道者宾客往来之冲要当脩治】庀其委积【委积以给宾客馆舍之食用故庀而具之】大丧使帅其属以幄帟先道野役及窆抱磨共丘笼及蜃车之役军旅田猎【军旅以用众田猎以简众】平野民【役之轻重必使均平】掌其禁令【禁其无犯令之必从】比叙其事而赏罚【比其劳逸叙其先后有功者赏无功者罚比匹尔反】

遂大夫【每遂中大夫一人 犹六乡之有乡大夫】各掌其遂之政令【每遂一人掌之】以岁时稽其夫家之众寡六畜田野【遂师言车辇此言田野盖互见也】辨其可任者与其可施舍者【遂师同】以教稼穡【春种秋敛】以稽功事【九职之事民所以为功业】掌其政令戒禁听其治讼【并同遂师】令为邑者【六遂之吏】岁终则防政致事【防其所掌之政致其所治之事】正岁简稼器【简犹阅也稼器耒耜之类】脩稼政【脩犹治也稼政土宜任土之类】三岁大比则帅其吏而兴眡【兴举也犹六乡之兴贤能也】明其有功者【农功之脩者则明之】属其地治者【属犹聚也地事之治者必属之属烛】凡为邑者【凡六遂所聚之邑】以四达戒其功事【四方戒勅其农功之事】而诛赏废兴之【勤而有功则赏而兴之怠则诛责而废之】

县正【每县下大夫一人 五鄙为县正其长也】各掌其县之政令徵比【政以正之令以命之徵其财征比其众寡】以颁田里【一防百亩】以分职事【九职十二事】掌其治讼【理其事则有治争其事则有讼】趋其稼事【趋犹催也稼事耕耘收敛之事也趋如字又作趯音促】而赏罚之【勤者赏之怠者罚之】若将用野民师田行役移执事【师军旅也田畋猎也行役巡守功役也移执事移徙用民以执事也以此四者用野民】则帅而至【各帅其县之民而至】治其政令【使之听从】既役则稽功防事而诛赏【事讫乃稽攷其功之多少计防其事之能否而赏罚之也】

鄙师【每鄙上士二人 五鄙为鄙师亦长也】各掌其鄙之政令祭祀【政令以治人祭祀以事神】凡作民则掌其戒令【作民谓师田行役也戒其怠忽令其稟行】以时数其众庶【稽登比校鄙师无与焉特数之而已】而察其媿恶而诛赏【众庶之中美者有赏恶者有罚媿美】岁终则防其鄙之政而致事【要为政语为事岁终则防计之】

鄯长【每鄯中士一人 四里为鄯鄯音纘长士丈】各掌其鄯之政令【政令见上】以时校登其夫家【校其数而登之于遂大夫】比其众寡【联比其民之什伍也】以治其丧纪祭祀之事【祭祀吉礼之事丧纪防礼之事】若作其民而用之【师田行役】则以旗鼓兵革帅而至【旗以属民鼓以作众兵革以示有事于武帅而至于其长也】若岁时简器与有司数之 凡岁时戒令皆听之【自逵人至于鄙师凡其戒令皆听而行之也】

】趋其耕耨【劝众事也趋促】稽其女功【劝蚕事也】

里宰【五隣为里】掌比其邑之众寡与其六畜兵器【邑犹里也比其人民之多少六畜之登耗兵器之备乏】治其政令【政令之施于里者】以岁时合耦于耨【耦并耕也耨与助同岁之四时合耦以相佐助耨借又助】以治稼穡【春稼秋穡】趋其耕耨【趋犹催也深耕易耨】行其秩叙【秩者常赐之多寡叙者其事之次第】以待有司之政令【上至遂人下至鄰长皆有政令】而徵敛其财赋【里宰待其政令以徵其财敛其赋也】

邻长【五家则一人五家为邻】掌相纠相受【五家有过则相纠察宅舍有故又相容受】凡邑中之政相赞【里宰有政令则五隣共相赞助】徙于他邑【不便其居迁于他里】则从而授之【随即付其所居】

旅师【中士四人下士八人府二人史四人胥八人徒八十人主敛县师所徵野之赋税】掌聚野之耨粟屋粟间粟【野谓六遂在郊外耨粟谓一井九夫相助作之税粟屋粟谓民有田不耕所罚三夫之粟间粟谓间民无职事所出一夫之征粟】而用之【而读为若若用之谓恤民之艰厄也】以质剂致民【质剂券书也给多者以质给少者以剂】平颁其兴积【平其所兴发颁其所积聚积渍】施其惠【因民之惠而惠之施者不责偿也】散其利【因民之利而利之散者不一端也】而均其政令【遠近劳佚皆使均平】凡用粟【总言用粟之法】春颁而秋敛之【春兴作因其不足而颁之秋收成因其有余而敛之】凡新甿之治皆听之【新甿新徙来者有治皆听其所求】使无征役【无征以寬其财无役以养其力】以地之 恶为之等【家七人则受以上地之美家五人则受以下地之恶】

稍人【下士四人史二人徒十有二人主为县师令都鄙丘甸之政】掌令丘乘之政令【四邑为丘共出革车一乘稍人则掌其政令】若有防同师田行役之事【防同谓时见殷见师田谓征伐及田猎行役谓巡守及兴役】则以县师之法作其同徒輦輦【同徒谓丘地之徒役也驾车曰輦人挽曰輦甸人受法于县师而作起之輦居六反】帅而以至【帅其徒役輦輦而至】治其政令【政以正之令以命之】以听于司马【县师属大司马故听其命】大丧师輦车与其役以至掌其政令以听于司徒

委人【中士二人下士四人府二人史四人徒四十人主敛甸稍甸薪之赋委去声】掌敛野之赋【掌敛野之园圃山泽之赋敛去声】敛薪甸凡疏材木材凡畜聚之物【薪以烹鼎甸以牧牲疏材疏之可食者木材木之可食者与凡畜聚之物皆敛之疏音疎】以稍聚待宾客【稍聚三百里稍地之畜聚也宾客羈旅并见遗人注】以甸聚待羈旅【二百里甸地之畜聚待羈旅于此而未得去者】凡其余聚以待颁赐【二者畜聚之余则以待不时之颁赐】以式灋共祭祀之薪蒸木材宾客共其甸薪丧纪共其薪蒸木材军旅共其委积薪甸凡疏材共野委兵器与其野圉财用 凡军旅之宾客馆焉

土均【上士二人中士四人下士八人府二人史四人胥四人徒四十人主均平土地之政令】掌平土地之政以均地守【山泽虞衡之属政征】以均地事【三农园圃之属】以均地

贡【诸侯之九贡也】以和邦国都鄙之政令刑禁与其施舍礼俗丧纪祭祀【邦国在畿外都鄙在畿内政令之缓急刑禁之宽猛施舍之可否礼俗之因革丧纪之丰约祭祀之隆杀均使之调和也】皆以地嫩恶为轻重之法而行之【视地之嫩而重行之视地之恶而轻行之】掌其禁令【宜行者令之不宜行者禁之】

草人【下士四人史二人徒十有二人 主杀草以种物】掌土化之法【化移易也瘠而移之肥恶而移之美】以物地相其宜而为之种【物之在地各有所宜草人相视之而粪其种】凡粪种驛刚用牛赤緹用羊坟壤用麋渴泽用鹿咸洧用豽勃壤用狐埴垆用豕疆防用蕢轻鬲用犬

稻人【上士二人中士四人下士八人府二人史四人胥十人徒百人 主水利以种谷】掌稼下地【下地水泽之地也稼种谷也】以漑畜水【漑积也积水陂塘以备旱也漑张如】以防止水【增之隄防则所止者深也】以沟荡水【又为之沟引所漑水播荡诸遂也荡吐党反】以遂均水【遂者均布沟水俾盈于列也】以列舍水【列者塍其町畦必使坦平则水可止舍也】以浍写水【列有余水则写之于浍以备小潦之害也】以涉扬其芟作田【步履播扬其所芟之腐草则可以作其田变瘠而为肥也】凡稼泽夏以水殄草而芟夷之【当夏之时以水殄绝其草芟毁而夷平之使草不生】泽草所生种之芒种旱暵共其雩斂丧纪共其芻事

土训【中士二人下士四人史二人徒八人 土训说远方土地之宜】掌道地图以诏地事【道说也地事若职方所纪之利害也言土训说九州之地图而告王以地事也】道地愿以辨地物【愿恶也地有恶则所生之物有害人者故辨之】而原其生以诏地求【地之所生有利于人则诏于王以时求之】王巡守则夹王车【王巡守于四方则土训夹王车而行以便于诏王也】

诵训【官属如土训 主训说四方之事】掌道方志以诏观事【四方之事皆有书以志之王欲观焉则诏之以告也】掌道方愿以诏辟忌【四方有恶气能害人者则诏于王以辟忌之辟音避】以知地俗【如志淫好僻之类】王巡守则夹王车【与土训同】

山虞【每大山中士四人下士八人府二人史四人胥六人徒八十人中山下士六人史二人胥六人徒六十人小山下士二人史一人徒二十人 虞度也度山之大小及物之所生】掌山林之政令【主治山林之事】物为之厉而为之守禁【厉蕃界也守巡护也禁止遏也皆所以禁民非时之采伐也】仲冬斩阳木【阳木生山南必斩以仲冬者欲其濡也】仲夏斩阴木【阴木生山北必斩以仲夏者欲其坚也】凡服耜斩季材以时入之令万民时斩材有期日【万民以时入山斩材者限以日数】凡邦工入山林而抡材不禁【邦工谓国之梓匠轮舆也抡犹择也不禁者山林国之所有不拘日也】春秋之斩木不入禁【非冬夏之时不得入所禁之山斩木也】凡窃木者有刑罚若祭山林则为主而脩除且蹕若大田猎【搜苗狝狩】则莱山田之野【除其草莱】及弊田【田者止也】植虞旗于中【树虞人之旗于其中植时力反】致禽而珥焉【令获者致其禽取其左耳以效功也珥貳又音尔】

林衡【每大林麓下士十有二人史四人胥十有二人徒百有二十人中林麓如中山之虞小林麓如小山之虞 衡平也平林麓之大小及物之所生】掌巡林麓之禁令而平其守【巡行也林麓生平地曰林山足曰麓巡其禁令要知其所守而平之也】以時計林麓而赏罚之【以时考计其守护之功若林麓茂盛则赏之否则罚之】若斩木材【取木材而用之】则受法于山虞而掌其政令【法如山虞所掌者是也林衡则受之而掌其斩木之政令】

川衡【每大川下士十有二人史四人胥十有二人徒百有二十人中川下士六人史二人胥六人徒六十人小川下士二人徒二十人平川之深浅及物之所出】掌巡川泽之禁令而平其守【流水曰川水钟曰泽余同林冲】以时舍其守【案视守者于其舍申戒之】犯禁者执而诛罚之【犯禁者谓非时而取及以数罟入污池之类皆执而责罚之】祭祀宾客共川奠【进川物之类如鱼鱸之类】

泽虞【每大泽大藪中士四人下士八人府二人史四人胥八人徒八十人中泽中藪如中川之衡小泽小藪如小川之衡 度泽之大小及物之所生】掌国泽之政令【凡国家之大藪泽掌其政令】为之厉禁【见山虞注】使其地之人守其财物【居其地者知所守之要所取之宜故使之守其财物】以时入之于玉府【以时取之入于玉府之官】颁其余于万民【官所取之余则颁赐于万民】凡祭祀宾客共泽物之奠丧纪共其苇蒲之事若大田猎则莱泽野及弊田植虞旌以属禽【并同山虞但山虞用旗则画熊虎泽虞用旌则析羽为之】

迹人【中士四人下士八人史二人徒四十人 谓兽可从迹而猎从者】掌邦田之地政为之厉禁而守之【平地有常之田示以政令使之蕃息守以厉禁则不敢轻往】凡田猎者受令焉【凡有田猎者皆受其令】禁麇 者与其毒矢射者

柝人【中士二人下士四人府二人史二人胥四人徒四十人】掌金玉锡石之地【金玉函于石谓之柝柝矿】而为之厉禁以守之【为之厉以限其取为之禁以止其往】若以时取之【若有时而取用】则物其地图而授之【产物之地使之按图而取之】巡其禁令

角人【下士二人府一人徒八人】掌以时徵齿角凡骨物【角人以时徵召齿象牙之类角犀角之类与凡骨物】于山泽之农以当邦赋之政令【因其所有以当邦赋】以度量受之【度知长短量知多寡也】以共财用【以共国家之用】

羽人【官属如角人】掌以时徵羽翮之政【翮羽本也】于山泽之农以当邦赋之政令【因所有以当邦赋】凡受羽十羽为审【小束为审】百羽为搏【十审为搏】十搏为防【千羽为防】

掌葛【下士二人府一人史一人胥二人徒二十人】掌以时徵絺绤之材于山农【葛上出于山精者为絺粗者为绤】徵草贡之材于泽农【草贡纁之属也水钟曰泽】以当邦赋之政令【亦土之所有可准为赋】以权度受之

掌染草【下士二人府一人史一人徒八人】掌以春秋斂染草之物以权量受之以待时而颁之

掌炭【下士二人史二人徒二十人】掌灰物炭物之徵令以时入之以权量受之以共邦之用凡炭灰之事

掌荼【下士二人府一人史一人徒二十人】掌以时聚荼以共丧事徵野疏材之物以待邦事凡畜聚之物

掌蜃【下士二人府一人史一人徒八人】掌斂互物蜃物以共闾圻之蜃祭祀共蜃器之蜃共白盛之蜃

圉人【中士四人下士八人府二人胥八人徒八十人】掌圉游之兽禁牧百兽祭祀丧纪宾客共其生兽死兽之物

人【每 下士二人府一人史一人徒二十人】掌国之 圃而树之果蓏珍异之物以时斂而藏之凡祭祀宾客共其果蓏享亦如之

廩人【下大夫一人上士四人中士八人下士十有六人府八人史十有六人胥三十人徒三百人 主藏米之官长】掌九谷之数【九谷黍稷稻粱秫苽麻麦豆也掌其所藏之数】以待国之匪颁廪赐稍食【匪颁谓委人之委积也廪赐谓王之赐予好用之式也稍食禄廩也匪分又如字】以岁之上下数邦用【上谓丰年下谓歉岁以岁之丰歉计国之用也】以知足否【量入为出以知所用之足与不足也】以诏谷用【年丰不侈于有余年防不苦于不足】以治年之防丰【凡此皆以治年之丰防也】凡万民之食【以民数计度所食之数】食者人四鬴上也【六斗四升曰鬴每人一月食谷四鬴则年之上也鬴音甫】人三鬴中也【每人一月食谷三鬴则年之中也】人二鬴下也【每人一月食谷二鬴则年之下也】若食不能人二鬴【若计度其数且不足以给二鬴之食】则令邦移民就谷【则移民之不足以就谷之有余也】诏王杀邦用【防年邦用宜从减省故以诏于王也杀色界反】凡邦有防同师役之事则治其粮与其食【行道曰粮止居曰食】大祭祀则共其接盛

舍人【上士二人中士四人府二人史四人胥四人徒四十人 主宫中用谷者】掌平宫中之政【掌给米于宫中而平其政】分其财守【凡宫中之财守皆分掌之】以法掌其出入【掌给米之法也出入谓出于舍人入于宫中也】凡祭祀共簠簋【外方内圆曰簠外圆内方曰簋共恭簠甫簋軌】实之陈之【簠实以稻簋实以黍稷而又陈列之也】宾客亦如之【亦共簠簋而实之陈之也】共其礼车米筥米刍禾【米百筥陈于中庭禾三十车刍薪倍禾聘礼所言是也】丧纪共饭米熬谷以岁时县穄稊之种以共王后之春献种掌米粟之出入辨其物【米之或出或入皆制其物色】岁终则防计其政【防用粟之政令】

仓人【中士四人下士八人府二人史四人胥四人徒四十人 廩主藏仓主散】掌粟入之藏

【凡谷皆藏焉而以粟为主藏去声】辨九谷之物以待邦用【九谷之物皆辨之以待邦国之用】若谷不足则止余法用【若法式所当用而有不足则待余财而后用之】有余则藏之【谷虽有余不可妄费必藏之以备不足】以待防而颁之【年谷不登则以所藏者颁赐于民】凡国之大事【国之大事在祀与戎】共道路之谷积食饮之具【戎以出征祀以出郊故仓人共其道路之谷积食饮之具焉】

司禄【中士四人下士八人府二人史四人徒四十人闕】

司稼【下士八人史四人徒四十人奚五人 主种谷者】掌巡邦野之稼【巡行视也郊外曰野】而辨種稑之种【先种后熟曰種后种先熟曰稑種直龙稑六种章勇】周知其名与其所宜地【周徧也既辨其种又徧知其名与其所宜种之地】以为法而县于邑闾【以为稼者之式法而县之于邑门使夫人皆知之】巡野观稼【秋熟时巡行于野以观稼之善恶】以年之上下出敛法【税敛之法年丰则取盈年防则取寡】掌均万民之食【均平也犹上则人四鬴下则人二鬴之类】而赈其急【民有艰厄之急则赈赐之不责偿也】而平其兴【谓兴粟以赈急则均平其役也】

舂人【奄二人女舂枕一人奚五人】掌共米物祭祀共其盥盛之米宾客共其牢礼之米凡飧食共其食米掌凡米事

簠人【奄二人女僖八人奚四十人】掌凡祭祀共盛共王及后之六食凡宾客共其簠簋之实飧食亦如之

稟人【奄八人女稟每奄二人奚五人】掌共内外朝宬食者之食若飧耆老孤子士庶子共其食掌豢祭祀之犬

周礼句解卷四

卷五

<经部,礼类,周礼之属,周礼句解

钦定四库全书

周礼句解卷五

宋 朱申 撰

春官宗伯第三【象春所立之官宗尊也伯长也宗伯典礼以事神为主不言司者明祭祀鬼神非人所司也】

春官宗伯上

惟王建国辨方正位体国经野设官分职以为民极【天官冢宰注】乃立春官宗伯【建立春官宗伯之职】使帅其属而掌邦礼【邦礼即六典之礼典也春官其属六十宗伯帅之而掌邦礼焉】以佐王和邦国【礼之用和为贵故以佐助天子而和邦国也】

大宗伯之职【卿一人小宗伯中大夫二人 宗伯主礼之官故帝舜命伯夷汝作秩宗】掌建邦之天神人鬼地示之礼【建立祀天神祭地示享人鬼之三礼示祇】以佐王建保邦国【封国颁祀此之谓建邦国祭则受福此之谓保邦国】以吉礼事邦国之鬼神示【吉礼凡十二条见下文事谓祀祭享也】以禋祀祀昊天上帝【禋祀取精意以享之义上帝者天之主宰也冬日至于圜丘祀之】以实柴祀日月星辰【实柴者实牲于柴而燔之也星谓五星辰谓日月所防十二次】以槱燎祀司中司命观师雨师【槱燎谓燔柴而不实以牲也司中司命文昌第五第四星也风师箕也雨师毕也此三者所以祀天神颿古风字】以血祭祭社稷五祀五岳【血祭者贵气臭也社土神稷谷神五祀者门户灶行中霤也五岳者东曰泰山南曰衡山西曰华山北曰恒山中曰嵩山】以貍沈祭山林川泽【祭山林曰貍谓藏诸地也祭川泽曰沈谓置诸水也貍埋】以醴辜祭四方百物【醴者肆而磔之辜者制而磔之四方百物即蜡祭也此三者所以祭地示醴孚逼反】以肆献裸享先王【肆者进所解牲体谓荐熟也献者献醴谓荐腥也裸者灌以郁鬯谓献尸求神也】以馈食享先王【馈食言有黍稷也祭先灌次献腥次献熟次馈食凡祭皆然互相备也】以祠春享先王【春物生未有以享故曰祠】以禴夏享先王【夏阳盛以乐为主故曰禴】以尝秋享先王【秋物成可尝故曰尝】以烝冬享先王【冬庶物盛多故曰烝此六者所以享人鬼】以防礼哀邦国之忧【防礼凡五条哀谓救患分灾也】以丧礼哀死亡【死以气言亡以形言丧礼则有赙赠之类】以荒礼哀防礼【防谓岁歉礼谓民病荒礼则有散利之类】以吊礼哀祸哉【祸与福乖哉与祥违吊礼则有慰问之类】以膺礼哀围败【围谓国受围败谓兵败绩膺礼则防其财物以补之】以恤礼哀寇乱【兵作于外为寇作于内曰乱恤礼则出其兵师以救之也】以宾礼

亲邦国【宾礼凡八条亲谓使之相亲附也】春见曰朝【朝犹朝也欲其来之早】夏见曰宗【宗尊也欲其尊王】秋见曰覲【覲犹勤也欲其勤于王事】冬见曰遇【遇偶也欲其不期而皆至】时见曰防【时见者言无常期王将有征讨为坛于国外防诸侯而命事焉】殷见曰同【殷犹众也王十二年不巡狩则六服尽朝王亦为坛而命以政焉】时聘曰问【时聘亦无常期天子有事乃聘之焉】殷覲曰视【殷覲谓一服朝之岁以朝者少诸侯乃使卿以大礼众聘焉】以军礼同邦国【军礼凡五条同谓使诸侯和同不僭差也】大师之礼用众也【以征伐为主所以用其命也】大均之礼恤众也【以土地人民为主所以恤其事也】大田之礼简众也【以教战为主所以简其能也】大役之礼任众也【以筑作为主所以任其力也】大封之礼合众也【以建国为主所以合其民也】以嘉礼亲万民【嘉礼凡六条独此言万民者通上下言之】以饮食之礼亲宗族兄弟【人民有合宗族饮食之礼所以亲亲也】以婚冠之礼亲成男女【婚姻之礼所以亲男女冠笄之礼所以成男女】以宾射之礼亲故旧朋友【射礼虽王亦立宾主王之故旧朋友盖为世子时共在学者】以飧燕之礼亲四方之宾客【飧有体荐燕有折俎宾客谓朝聘者】以脤膾之礼亲兄弟之国【脤膾胙肉也分赐同姓之国同福禄也脤矧】以贺庆之礼亲异姓之国【因其喜而贺庆之也】以九仪之命正邦国之位【九等之命各异其仪所以正其位之贵贱也】壹命受职【王之下士与公侯伯之士子男之大夫皆一命而授以所任之职】再命受服【王之中士与公侯伯之大夫子男之卿皆再命而授以所位之服】三命受位【王之上士与公侯伯之卿皆三命而授之以位使之临民】四命受器【王之大夫与公之孤皆四命而授以祭器】五命赐则【则法也王之大夫五命则赐以畿内之都鄙】六命赐官【王之卿六命封为子男则许之建官以治家邑】七命赐国【王之卿出封则加一命始为诸侯建牧立军】八命作牧【诸侯有功德则受八命为九州牧】九命作伯【王之上公或诸侯有功德则受九命为方伯得专征伐也】以玉作六瑞【四圭两璧为六瑞皆以玉而作之】以等邦国【辨其等级】王执镇圭【以四镇之山为瑑饰取其镇安四方也】公执桓圭【双植曰桓取其强直有立也】侯执信圭【信象人形而直其身取其尊而不屈也信伸】伯执躬圭【躬象人形而磬折其身取其卑而不倨也】子执谷璧【瑑谷于璧取其能养人也】男执蒲璧【蒲可为席瑑蒲于璧取其能安人也】以禽作六挚【挚之为言至也所执以自至也】以等诸臣【辨其等级】孤执皮帛【束帛而加以皮天子之孤以虎皮取其文炳也公之孤以豹皮取其文蔚也】卿执羔【羔小羊取其羣而不失其类也】大夫执鴈【取其候时顺陰阳也】士执雉【取其有文采而守介也】庶人执鹬【取其不飞迁也】工商执鸡【取其守时而动也】以玉作六器【六等礼神之器皆以玉为之】以礼天地四方【以礼天神地示及四方之帝】以苍璧礼天【璧圜以象天之形其色苍则以象天之色也】以黄琮礼地【琮方以象地之形其色黄则以象地之色也】以青珪礼东方【东方其帝大皞圭形锐以象出震生物其色青则以象木色也】以赤璋礼南方【南方其帝炎帝半圭曰璋赤璋者以象相见乎离与火之色也】以白琥礼西方【西方其帝少皞琥瑑为虎形取其威猛肃物白则金之色也】以璜礼北方【北方其帝颛帝半璧曰璜象物藏于黄泉之宫 则水之色也璜黄】皆有牲币【言礼天地四方皆有牺牲币帛而以六器为主】各放其器之色【所用牲币各依六器之色】以天产作陰德【性出于天故曰天产人生而静静则属陰故天产所以作陰德】以中礼防之【礼中也性则喜怒哀乐之未发故以中礼而防其性】以地产作阳德【情感于物故曰地产感物而动动则属阳故地产所以作阳德】以和乐防之【乐和也情既

动则恐其发不中节故以和乐而防其情】以礼乐合天地之化百物之产【百物稟气于天
赋形于地而礼乐本天地中和之理故皆有以合之】以事鬼神【天地祖宗无不感格】以
谐万民【闺门族党无不和顺】以致百物【飞潜动植无不得宜】凡祀大神享大鬼祭大
示【天神地示人鬼此三者为至大】帅执事而卜日【执事谓有职于祭者】宿眡涤濯【
卜既得日则齐宿而临眡洗涤祭器】泄玉鬯【泄临也玉礼神之玉也鬯郁酒也】省牲饔
【省视也饔所以烹祭牲也】奉玉盥【玉飭簠簋以荐盥盛祭则奉之】诏大号【六号见
大祝大号六号之大者诏之为祝辞也】治其大礼【纪纲祀享祭之三大礼也】诏相王之
大礼【凡王所躬行者则预诏之及行礼则相之】若王不与祭祀【或有故而不得亲与】
则摄位【大宗伯则代王行其祭祀】大宾客则摄而载果【载为也果裸也代王酌献于宾
客】朝覲防同则为上相【入诏礼曰相王接诸侯宗伯为上相】王命诸侯则摈【王者防
命诸侯摈进也进接诸侯使进】王大封【大封建诸侯】则先告后土【后土社也告之以
立国之义】乃颁祀于邦国都家乡邑【颁布祀典之礼于内外分封采地之主使之知礼神
之节】

小宗伯之职【中大夫二人 大宗伯之副贰】掌建国之神位【建立也神位如下文所云】
右社稷【地道尚右故建社稷于国之右】左宗庙【人道尚左故建宗庙于国之左】兆五
帝于四郊【兆为之营域也太皞于东郊炎帝黄帝于南郊少皞于西郊颡帝于北郊】四望
四类亦如之【四望谓五岳四渎四镇四窋以望而祭之者四类谓日月星辰以气类为之位
者亦为兆于四郊也】兆山川丘陵坟衍各因其方【山川丘陵坟衍民所取财用者为兆各
因其方顺其所在也】掌五礼之禁令与其用等【五礼吉防军宾嘉有禁之使不敢用者有
令之使不敢废者用等谓牲器尊卑之差等也】辨庙祧之昭穆【祧谓迁主所藏之室也天
子七庙三昭三穆与大祖之庙而七】辨吉防之五服【吉之五服谓在内王及公卿大夫士
在外公侯伯子男也防之五服谓斩衰齐衰大功小功緦麻也】车旗宫室之禁【禁者典命
所谓各视其命之数是也详见典命】掌三族之别【三族者上亲父下亲子并已为三也】
以辨亲疏【以父亲祖以祖亲曾高以子亲孙以孙亲曾 是为九族也九族之中三族为亲
余族皆疏也】其正室皆谓之门子【谓宗嫡也以其当室故谓之正室以其当门故谓之门
子】掌其政令【掌纠综合族之政令】毛六牲【择其毛也】辨其名物【辨六牲之名号
与其物色】而颁之于五官【司徒主牛宗伯主鸡司马主马及羊司寇主犬司空主豕】使
共奉之【五官各以所主而共奉祭事】辨六盥之名物与其用【六盥谓黍稷稻粱麦苽以
供粢盛也所用不同故与名物各辨之】使六宫之人共奉之【以黍稷簠簋乃妇人共奉之
事也】辨六彝之名物【鸡彝鸟彝斚彝黄彝虎彝蜚彝】以待果将【当裸献之时将瓚以
裸也】辨六尊之名物【献尊壶尊象尊着尊大尊山尊】以待祭祀宾客【祭祀宾客皆用
之也】掌衣服车旗宫室之赏赐【三者或以有功而赏或以私恩而赐】掌四时祭祀之序
事与其礼【四时祭祀其事则有先后之序其礼则有隆杀之别】若国大贞【若卜立君卜
大封之类】则奉玉帛以诏号【奉玉帛以礼神诏大祝之六号】大祭祀省牲【充人系牲
小宗伯省之】眡涤濯【执事者涤濯祭器小宗伯眡之】祭之日逆盥【饔人供粢盛小宗
伯逆之】省饔【烹人烹牲小宗伯省之】告时于王【告以祭祀之时】告备于王【告以
祭祀之备】凡祭祀宾客以时将瓚果【将送也瓚果谓以圭瓚盛郁鬯而裸之也祭祀以时
奉而授王宾客以时而授宗伯】诏相祭祀之小礼【祭祀小礼未祭则诏之既祭则相之】

凡大礼【大祭礼】佐大宗伯【诏相大礼者大宗伯也小宗伯则佐之而已】
赐卿大夫士爵则侯小祭祀掌事如大宗伯之礼 大宾客【诸侯来朝】受其将币之赍【受其赍来贡献之财物赍路】若大师【大起军旅】则帅有司而立军社【出军则先有事于社立军社立其主也】奉主车【以车载木主而奉以行】若军将有事【将有征伐之事】则与祭有司将事于四望【小宗伯与祭有司大祝等祭四望之神以求福与预】若大甸【大田猎】则帅有司而饁兽于郊【有司谓司马之属饁饩也谓以兽而饩四方之神也】遂颁禽【既祭乃颁禽以与羣臣】大雎及执事祷祠于上下神示王崩大肆以秬鬯潏及执事涖大斂小斂帅其异族而佐县衰冠之式于路门之外及执事眡葬献器遂哭之卜葬兆甫竈亦如之既葬诏相丧祭之礼成葬而祭墓为位 凡王之防同军旅甸役之祷祠【大事祈祷于神以求福】肆仪为位【肆习威仪必设神位】
国有祸裁则亦如之凡天地之大裁类社稷宗庙则为位 凡国之大礼【礼之大者】佐大宗伯【从长也】凡小礼【仪礼之末】如宗伯之仪【仪文也】

肆师之职【下大夫四人上士八人中士十有六人旅下士三十有二人府六人史十有二人胥十有二人徒百有二十人 肆陈也佐宗伯陈列祭祀之礼】掌立国祀之礼【神位既定然后祭祀之礼可立】以佐大宗伯【大宗伯行礼肆师则佐助之】立大祀用玉帛牲牷【大祀天地宗庙也玉如苍璧黄琮之类帛币也牷谓纯色之牲】立次祀用牲币【次祀日月星社稷五祀五岳也止用牲币而无玉】立小祀用牲【小祀司中司命风师雨师山川百物之神也止用牲而无币】以岁时序其祭祀【每岁四时祭祀定其后先之序】及其祈珥【祈珥衅血之事也求福曰祈止灾曰珥祈巨既珥珥】大祭祀展牺牲【展阅也谓视其牲之全者】系于牢【牢闲也所以系牲】颁于职人【职人谓充人及监门人颁之使养之也】凡祭祀之卜日【卜祭祀之吉防】宿为期【卜前之夕】诏相其礼【诏之以言相之以力】眡涤濯亦如之【亦诏相其礼也】祭之日表蠶盛告洁【盛六谷于簠簋而表识之及告洁净也】展器陈告备【陈祭祀而展阅之又告备具也】及果筑防【筑香草而煮以为鬯用以裸将也果音裸防煮也】相治小礼【羣臣行礼则相治之】诛其怠慢者【执事懈怠惰慢则诛责之】掌兆中庙中之禁令【兆四郊神位也庙七庙也掌其禁令不得侵犯也】凡祭祀礼成则告事毕【祭祀行礼既成则告王以事毕】大宾客涖筵几筑防赞果将大朝觐佐侯共设匪饔之礼飧食授祭与祝侯禳于鬯及郊大丧大潏以鬯则筑防令外内命妇序哭禁外内命男女之衰不中灋者且授之杖 凡师甸【军旅田猎】用牲于社宗则为位【社军社也宗迁主也用牲以祭则设神位】类造上帝【类造皆祭名聚其神谓之类至其所谓之造】封于大神【封谓坛也大神社及方镇也】祭兵于山川【兵所过之山川皆有祭】亦如之【兵有用牲皆设神位】 凡师不功则助牵主车 凡四时之大甸猎【春搜夏苗秋獮冬狩】祭表貉则为位【貉师祭也于所立表之处祭日则设神位貉骂】尝之日【秋祭曰尝】涖卜来岁之芟【涖临也芟草除田农功之始也故卜之】獮之日【秋田曰獮獮息浅反】涖卜来岁之戒【用戒不虞恐为农功之害也故卜之】社之日【秋社祭之】涖卜来岁之稼【稼为农功之成也此三者皆卜人卜之而肆师涖之】 若国有大故则令国人祭岁时之祭祀亦如之凡卿大夫之丧相其礼凡国之大事治其礼仪以佐宗伯凡国之小事治其礼仪而掌其事如宗伯之礼

郁人【下士二人府二人史一人徒八人 郁金香草宜以和鬯】掌裸器【谓彝及舟与瓚】凡祭祀宾客之裸事【祭祀宾客皆有裸将之事】和郁鬯以实彝而陈之【用香草和鬯人之鬯乃实之于六彝而陈列之】凡裸玉【王用圭瓚后用璋瓚】濯之陈之【濯之所以致洁陈之所以待用】以赞裸事【赞助裸将之事】诏裸将之仪与其节【仪谓奉王送裸之仪节谓行事早晚之节】凡裸事沃盥大丧之溲共其肆器及葬共其裸器遂狸之大祭祀与量人受举笋之卒爵而饮之

鬯人【官属如郁人 酿秬为酒其气条畅也】掌共秬鬯而饰之【秬鬯谓不和郁者飭之谓设巾也】凡祭祀【大凡祭祀用鬯之器】社壝有大罍【社土神也壝为坛以祭也大罍瓦罍也】祭门用瓢斝【祭门祭祭于国门也瓢斝谓取甘瓠割去蒂以斝为尊也祭咏】庙用脩【脩读为卣谓中尊也宗庙之祭用之】凡山川四方用蜃【蜃谓刻蜃形于尊也祭山川四方之神则用之】凡裸事用概【概尊谓以朱带络腹也凡裸将之事皆用之】凡鬯事用散【鬯谓醪牲胸以祭也尊无饰谓之散】

大丧之大溲设斗共其衅鬯凡王之齐事共其秬鬯凡王吊临共介鬯

鸡人【下士一人史一人徒四人鸡属木故列职于春官】掌共鸡牲【用鸡为牲则共之】辨其物【辨其毛色】大祭祀夜嘒旦以跽百官【夜漏未尽之时呼旦以警起百官使夙兴也嘒火呉反跽叫】凡国之大宾客防同军旅丧纪亦如之【四者皆夜呼旦以叫百官】凡国事为期【所作谓之期期谓作事之时】则告之时【以鸡能知时故使之告其时】凡祭祀面禋衅【面四面也禋以却祸灾衅以厌妖怪衅读作徼】共其鸡牲【二者用鸡牲则共之】

司尊彝【下士二人府四人史二人胥二人徒二十人 尊以盛酒彝以盛鬯】掌六尊六彝之位【六尊献尊之属六彝鸡彝之属位谓所陈之位】诏其酌【诏告也尊酌以献彝酌以裸】辨其用与其实【用谓四时祭祀之用实谓尊彝所盛之实皆当辨之】春祠夏禴【春祭曰祠夏祭曰禴】裸用鸡彝鸟彝【谓刻而画鸡凤凰之形于彝也二彝皆实以郁鬯以待裸将王以圭瓚酌鸡彝之鬯为一献后以璋瓚酌鸟彝之鬯为二献】皆有舟【舟所以荐彝也】其朝践用两献尊【朝践即朝献也曰践者言笾豆有践也献读为羲羲尊者饰以翡翠也尊必两者一实醴齐王酌以为三献二实缇齐后酌以为四献】其再献用两象尊【再献馈献也以序言之故曰再献象尊者饰以象骨也尊必两者一实盎齐王酌以为五献一实缇齐后酌以为六献王之七献则牺尊之醴齐后之八献则象尊之盎齐也】皆有罍【罍所以副贰其尊也】诸臣之所昨也【昨与酢同盖诸臣酌于罍以为九献也不言献者避王后故曰昨也】秋尝冬烝【秋祭曰尝冬祭曰烝】裸用斚彝黄彝【斚彝画禾稼也黄彝黄目尊也余并同上】皆有舟【同上】其朝献用两着尊【曰献者言其献齐酒之物也着尊者着地无足也余并同上】其馈献用两壶尊【曰馈者主齐酒而言之也壶尊者以壶为尊也余并同上】皆有罍诸臣之所昨也【并同春祠夏禴】凡四时之间祀追享朝享【追享谓夏四月禘祭朝享谓冬十月之祫祭以其间于四时故曰间祀】裸用虎彝蜼彝【谓画虎蜼之形于彝也蜼猴属也余并同上蜼以水】皆有舟其朝践用两大尊【大尊大古之瓦尊余并同上】其再献用两山尊【山尊画山云于尊也余并同上】皆有罍诸臣之所昨也【并同春

祠夏禴】凡六彝六尊之酌【凡言酌者谓皆沛之使可酌也】郁齐献酌【裸用郁齐则酌以献之而已献音莎】醴齐缩酌【朝践用醴齐则以手缩之而后酌也】盎齐浼酌【馈献用盎齐则以酒浼之而后酌也】凡酒脩酌【诸臣之昨用凡酒则涤治而后酌也脩直歷切】大丧存奠彝大旅亦如之

司几筵【下士二人府二人史一人徒八人 几所憑以为安者筵铺于地以为位者】掌五几五席之名物【五几玉雕漆素 五席莞藻次蒲熊也名以命之物以色之】辨其用与其位【用谓所设之席位谓所设之地】凡大朝觐大飨射【大朝觐谓非四时常朝也大飨谓王与诸侯行飨礼于庙也大射谓王将祭祀择士而射也】凡封国命诸侯【谓王之公卿出封加一等也】王位设黼依【扆之制如屏风设黼于其上盖以白黑文为斧形也黼音甫依上声】依前南乡【取向明之义也乡去声音向】设莞筵纷纯【莞蒲之细者纷白綉也纯緑也盖以莞为席而縁以纷也莞官纯准】加纁席画纯【加谓加于上也纁谓编以五防也画谓云气也纁音藻】加次席黼纯【次席谓以次列成文者黼纯谓画黼以为纯也】左右玉几【以玉饰几设于左右】祀先王昨席亦如之【祀先王于宗庙王献尸尸酢王王所受酢之席亦如上三种席也】诸侯祭祀席【诸侯祭祀所设之席】蒲筵纁纯【以蒲草为筵画纁彩色以为纯】加莞席纷纯【说见上注】右雕几【雕刻为饰而设之于右】昨席莞筵纷纯加纁席画纯【说并见上】筵国宾于牖前亦如之【诸侯来朝为之设筵于牖前亦用上二种席也】左 几【丹色为饰而设于左】甸役则设熊席【王之甸猎有司祭表貉所设席以熊皮为饰】右漆几【以漆为饰而设于右】

凡丧事设苇席右素几其栢席用萑黼纯诸侯则纷纯每敦一几凡吉事变几防事仍几

天府【上士一人中士二人府四人史一人胥二人徒二十人 府库藏也以天为言尊之也】掌祖庙之守藏与其禁令【太祖之庙其所守有人所藏有物禁使勿为令使用之守狩】若有大祭大丧则出而陈之【示其能传所寶也】既事藏之【示其能守所传也】凡官府乡州及都鄙之治中【治中谓计治之文书也曰中者三者之治各于此取中也中去声】受而藏之【受于官府州乡都鄙而藏之于天府】以诏王察羣吏之治【以诏于王而察吏治之出于中者】上春【孟春】衅寶镇及寶器【实镇即上文玉镇也衅者杀牲而涂之以血也】凡吉防之事【吉事祭礼防事丧礼】祖庙之中【祭祀则行事于祖庙丧葬则朝于祖庙】季冬陈玉【所以礼神】以贞来岁之媿恶【贞问也盖卜筮而问来年之吉防也媿美】若迁寶则奉之【王者迁都则寶亦迁奉犹送也】若祭天之司民司禄【司民轩辕角也司禄文昌第六星也】而献民数谷数【祭司民然后献民数祭司禄然后献谷数】则受而藏之【受民数谷数之籍而藏于天府】

典瑞【中士二人府二人史二人胥四人徒十人 主瑞玉之官】掌玉瑞玉器之藏【执于人曰瑞若镇圭之等是也礼于神曰器若四圭之等是也】辨其名物与其用事【名以命之物以色之用事如朝聘朝日祭祀之类也】设其服饰【谓王之纁借若人衣服之饰也】王晋大圭执镇圭【大圭朴素无文镇圭琢四镇之山晋则服之执则手执之也】纁借五彩五就【纁谓织组为藻饰以借玉也备五色为五彩一匝为一就】以朝日【春分日拜日于东门外用此圭也】公执桓圭侯执信圭伯执躬圭【并见大宗伯注信伸】纁皆三彩三就【三

彩朱白苍也】子执谷璧男执蒲璧【并见大宗伯注】缡皆二彩再就【二彩朱绿也】以朝覲宗遇防同于王【春见曰朝秋见曰覲夏见曰宗冬见曰遇时见曰防殷见曰同】诸侯相见亦如之【亦用此六等玉】瑑圭璋璧琮【瑑刻也圭锐璧员半圭曰璋半璧曰琮瑑音】缡皆二彩一就【朱绿共成一匝】以覲聘【大夫众来曰覲寡来曰聘】四圭有邸【以璧为邸宿之邸而圭出于四旁邸抵】以祀天旅上帝【祀天谓郊祀于员丘旅上帝谓祀五帝及众神】两圭有邸【以琮为邸而圭出于两旁】以祀地旅四望【祀地于方丘旅四望谓祀岳渎及众神】裸圭有瓚【于圭头为器名之曰瓚用以裸鬯】以肆先王【如宗伯六享是也】以裸宾客【如大行人再裸上公一裸侯伯之类是也】圭璧【圭其邸为璧】以祀日月星辰【朝日以大圭镇圭而祀日月星辰以圭璧者朝礼与祀礼异也】璋邸射【半圭曰璋邸托于琮谓贯而射之于琮也射石】以祀山川【如宗伯兆山川丘陵各因其方是也】以造赠宾客【谓致稍饩之时造馆赠之也造去声】土圭【量日景之圭】以致四时日月【冬夏致日春秋致月而测其景之长短】封国则以土地【建国封诸侯则以测日景而制其地域所封】珍圭【王使执之以为瑞节珍当为镇】以徵守【征召守国诸侯守狩】以恤防荒【执此以开府库而赈救之】牙璋【瑑其璋为齿牙之象】以起军旅【出征则以起军旅而讨其罪】以治兵守【守国则以治兵守而防患难】璧琕【璧圆九寸其琕而长之则盈尺琕似面反】以起度【分寸尺丈由此而生】组圭璋璧琮琥璜之渠眉【组与组同渠眉谓玉饰之沟瑑也盖以组穿联六玉沟瑑之中也】疏璧琮【取其通于天地】以敛尸【圭在左璋在首琥在右璜在足璧在背琮在腹】谷圭【瑑如谷璧之文】以和难【王遣使以和诸侯之难】以聘女【聘女以纳币二者皆致其信善之实也】琬圭【琬圭琰圭皆王使之瑞节琬圭则无锋芒】以治德【诸侯有德于下民则以此治而旌之也】以结好【诸侯和好于邻国则以此结而固之也】琰圭【琰其上使有锋芒】以易行【诸侯之行违乎正者以此易之使为善也】以除慝【诸侯之慝不可赦者以此除之去其恶也】大祭祀大旅【大祭祀谓大神示先王也大旅谓上帝四望也】凡宾客之事【诸侯来朝行燕享之礼】共其玉器而奉之【共其物而奉其事也】
大丧共饭玉含玉赠玉凡玉器出则共奉之

典命【官属如典瑞主王迁秩羣臣之书】掌诸侯之五仪【公侯伯子男之仪】诸臣之五等之命【公之孤以下四命三命再命一命不命也】上公九命为伯【王之三公有德者加命为二伯】其国家宫室车旗衣服礼仪皆以九为节【其国之城方九里宫方九百步车九乘旗九旂冕服九章与夫礼文仪物皆以九为数也】侯伯七命【侯伯之爵七命】其国家宫室车旗衣服礼仪皆以七为节【降上公二等也】子男五命【子男之爵五命】其国家宫室车旗衣服礼仪皆以五为节【降侯伯二等也】王之三公八命【此以未出封者言】其卿六命【降于三公二等】其大夫四命【降于卿二等】及其出封皆加一等【三公九卿七命大夫五命】其国家宫室车旗衣服礼仪亦如之【三公以八为节卿以六为节大夫以四为节出封则各加一等】凡诸侯之适子誓于天子【适子谓当立者誓谓天子命之以为嗣也】摄其君【摄君以行朝防之礼】则下其君之礼一等【上公之子八命侯伯之子六命子男之子四命】未誓则以皮帛继子男【天子未命为嗣则执皮帛而继子男之后】公之孤四命【上公九命则其臣不得等其君命之半故其孤四命而已】以皮帛眡小国之君其卿三命【公之卿也】其大夫再命【公之大夫也】其士一命【公之士也】其宫室

车旗衣服礼仪各眡其命之数【如四命则以四为节之类】侯伯之卿大夫士亦如之【与上公同但不立孤】子男之卿再命【降于公侯伯一等】其大夫一命【子男之大夫也】其士不命【子男之士也】其宫室车旗衣服礼仪各眡其命之数【如再命则以二为节之类】

司服【中士二人府二人史一人胥一人徒十人 已得命则赐服故次于典命之下】掌王之吉防衣服【吉祭服也防丧服也】辨其名物与其用事【名以命之物以色之用事如祀昊天上帝之类】王之吉服【此下言祭祀之服】祀昊天上帝【祀于圜丘】则服大裘而冕【大裘黑裘也内服大裘外服衮衣冕冠也其制后方前圜 表朱裹】祀五帝亦如之【祀于四郊则服大裘而冕】享先王则衮冕【享先王于宗庙则服衮衣九章一曰龙二曰山三曰华虫四曰火五曰宗彝皆绘之于衣六曰藻七曰粉米八曰黼九曰黻皆綉之于裳】享先公飨射则鹭冕【享先公谓后稷之后大王之前与享食宾射之礼鹭谓华虫以下其衣三章其裳四章鹭鷩】祀四望山川则毳冕【望祀四方名山大川也毳谓宗彝以下其衣三章其裳四章】祭社稷五祀则希冕【社土神稷谷神五祀门户灶行中霤也希但刺粉米以下无画也其衣一章其裳一章希注改作絺】祭羣小祀则 冕【羣小祀谓林泽坟衍四方百物之属也 者衣无文裳刺黼而已】凡兵事韦弁服【韦谓革之熟者弁冠也其服用十五升白布积素以为裳王以为兵事之服】眡朝则皮弁服【衣裳与韦弁同但以鹿皮为弁也王以为眡朝之服】凡甸冠弁服【冠弁委貌也其服缁布衣亦积素以为裳王以为甸猎之服】凡防事服弁服凡吊事弁纁服凡丧为大王斩衰为王后齐衰王为三公六卿锡衰为诸侯緦衰为大夫士疑衰其首服皆弁纁大札大荒大裁素服公之服【九命之服】自衮冕而下如王之服【其服九章】侯伯之服【七命之服】自鹭冕而下如公之服【其服七章】子男之服【五命之服】自毳冕而下如侯伯之服【其服五章】孤之服【公之孤四命之服】自希冕而下如子男之服【其服二章】卿大夫之服【公侯之卿三命其大夫再命子男之卿亦再命】自 冕而下如孤之服【其服一章】其防服加以大功小功士之服自皮弁而下如大夫之服其防服亦如之其齐服有 端素端凡大祭祀大宾客共其衣服而奉之【各共奉上之衣服而用之】大丧共其复衣服敛衣服奠衣服歛衣服皆掌其

陈序

典祀【中士二人下士四人府二人史二人胥四人徒四十人 主国外之祀】掌外祀之兆守【外祀在四郊兆为之坛也守守其兆也】皆有域【域莹也】掌其禁令【禁其不敢为令其所当为】若以时祭祀【每岁以时祀于四郊】则帅其属而脩除【帅其胥徒而脩其废壊除其草莱】徵役于司 而役之【徵召也司 掌徒 之官也谓以司 主众 而供役也】及祭帅其属而守其厉禁【帅胥徒为蕃厉禁止之地】而蹕之【止行人也】

守祧【奄八人女祧每庙二人奚四人 遠庙为祧亲尽则迁主而藏焉】掌守先王先公之庙祧【先王之主藏于文武之庙先公之主藏于后稷之庙守祧守之】其遗衣服藏焉【先王先公大敛之余衣服亦藏于此】

若将祭祀则各以其服授尸其庙则有司脩除之其祧则守祧黜黜之既祭则藏其隋与其服

世妇【每宫卿二人下大夫四人中士八人 以宫中之女卿大夫士为之】掌女宫之宿戒【女宫谓刑女给宫役者宿戒谓前期齐戒也】及祭祀【当祭祀之时】比其具【比次也具谓所濯漑及粢盛也比鼻又音庇】诏王后之礼事【诏告也礼事谓裸献荐彻之节也】帅六宫之人共盥盛【六宫之人谓世妇女御也黍稷曰盥在器曰盛】相外内宗之礼事【外内宗谓女之有爵者后之礼事则以言诏之外内宗之礼事则以力相之】大宾客之飧食亦如之【宾客飧食后有亚裸亚献之礼外内宗佐之而世妇相之也】大丧比外内命妇之朝莫哭不敬者而苛罚之凡

王后有 事于妇人则诏相凡内事有达于外官者世妇掌之

内宗【凡内女之有爵者 王同姓之女凡有爵者】掌宗庙之祭祀【当祭祀时】荐加豆笱【荐加豆加笱以象馈食之有加也】及以乐彻【祭毕奏乐而彻】则佐传豆笱【后彻传之内宗又递传之外宗有司也】宾客之飧食亦如之【彻豆笱亦如祭祀也】王后有事则从大丧序哭者哭诸侯亦如之凡卿大夫之丧掌其吊临

外宗【凡外女之有爵者 王姑姊妹之女凡有爵者】掌宗庙之祭祀【当祭祀时】佐王后荐玉豆眡豆笱【王之豆笱皆饰以玉眡豆笱者眡其实也】及以乐彻亦如之【亦佐后也又为内宗佐传也】王后以乐羞盥则赞凡王后之献亦如之王后不与则赞宗伯小祭祀掌事宾客之事亦如之大丧则叙外内朝莫哭者哭诸侯亦如之

人掌公墓之地辨其兆域而为之图先王之葬居中以昭穆为左右凡诸侯居左右以前卿大夫士居后各以其族凡死于兵者不入兆域凡有功者居前以爵等为丘封之度与其树数大丧既有日请度甫窆遂为之尸及窆以度为丘隧共丧之窆器及葬言鸾车象人及窆执斧以涖遂入藏防器正墓位踣墓域守墓禁凡祭墓为尸凡诸侯及诸臣葬于墓者授之兆为之踣均其禁

墓大夫掌凡邦墓之地域为之图令国民族葬而掌其禁令正其位掌其度数使皆有私地域凡争墓地者听其狱讼帅其属而巡墓厉居其中之室以守之

职丧掌诸侯之丧及卿大夫士凡有爵者之丧以国之丧礼涖其禁令序其事凡国有司以王命有事焉则诏赞主人凡其丧祭诏其号治其礼凡公有司之所共职丧令之趋其事

周礼句解卷五

卷六

钦定四库全书

周礼句解卷六

宋 朱申 撰

春官宗伯下

大司乐【中大夫二人乐官之长】掌成均之灋【成均五帝学名法谓其遗法也】以治建国之学政【国有学政不治则不脩不建则不立】而合国之子弟焉【合聚也公卿大夫之子弟当入学者谓之国子】凡有道者有德者使教焉【率性之谓道行道而有得于心谓德盖延请在学有道德者使之教子弟焉】死则以为乐祖【有道德者死则尊之以为乐祖】祭于瞽宗【瞽宗殷学名祭于学宫示不忘其所教也】以乐德教国子【以乐成其德故曰乐德国子即国之子弟也】中和祗庸孝友【中不偏也和中节也只敬也庸常也善父母为孝善兄弟为友】以乐语教国子【以乐达其语故曰乐语】兴道讽诵言语【兴者托物兴词道者直言其事微言动之曰讽以声节之曰诵发端曰言答述曰语】以乐舞教国子【以乐节其舞故曰乐舞】舞云门【门言其出谓其德如云之出也】大卷【卷言其聚谓能聚物类也此二者皆黄帝之乐卷权】大咸【咸池尧乐也言其德无所不施也】大防【舜乐也言其德能绍尧之道也防韶】大夏【禹乐也言其德能大中国也】大濩【汤乐也言其德能使天下得其所也濩户故反】大武【武王乐也言其德能成武功也】以六律【黄钟大簇姑洗防宾夷则无射六阳律为六律】六同【大吕夹钟中吕林钟南吕应钟六阴律为六同】五声【宫商角徵羽】八音【金石丝竹匏土革木】六舞【黄帝尧舜禹汤武六代乐舞】大合乐【律同声音六舞所以大合乐也】以致鬼神示【奏之郊庙则幽而鬼神示由此而致也】以和邦国【赐之诸侯则明而邦国由此而和也】以谐万民【用之乡射则内之万民由此而谐也】以安宾客【用之燕飧则外之宾客由此而安也】以说远人【四夷之君来朝而与之宴乐以此作则远人皆悦也说悦】以作动物【岁十二月索万物而飧之乐以此作则动物可作也】乃分乐而序之【分用六代之乐以功德厚薄为先后之序】以祭以飧以祀【祭地示享人鬼祀天神】乃奏黄钟【奏者播之于器也黄钟属子】歌大吕【歌者咏之于声也大吕属丑子与丑合】舞云门【舞者动之于容也云门黄帝乐】以祀天神【祀天南郊】乃奏大簇【属寅】歌应钟【属亥寅与亥合】舞咸池【尧乐】以祭地示【祭地北郊】乃奏姑洗【属辰】歌南吕【属酉辰与酉合】舞大防【舜乐】以祀四望【祀五岳四镇四渎】乃奏蕤宾【属午】歌函钟【即林钟也属未午与未合】舞大夏【禹乐】以祭山川【祭天下名山大川】乃奏夷则【属申】歌小吕【即中吕也属巳巳与申合】舞大濩【汤乐】以享先妣【姜嫄后稷之母】乃奏无射【属戌】歌夹钟【属卯卯与戌合】舞大武【武王乐】以享先祖【周之先王先公】凡六乐者【总上文六乐而言】文之以五声【五声相杂以成文】播之以八音【播被也被之八器以成音】

凡六乐者【同上】一变而致羽物及川泽之示【此言大蜡之祭索鬼神而致百物也变犹更也乐成而更奏也羽物翟雉之属注渎曰川水钟曰泽】再变而致羸物及山林之示【羸物虎豹之属积石曰山竹木曰林】三变而致鳞物及丘陵之示【鳞物鱼龙之属土高曰丘大阜曰陵】四变而致毛物及坟衍之示【毛物狐貉之属水涯曰坟下平曰衍】五变而致介物及土示【介物 鼈之属土示即原隰之示也】六变而致象物及天神【象物谓日月星辰天神谓上帝及五帝也】凡乐【大凡作乐】圜钟为宫【圜钟即夹钟也属卯正东方之律也致天神以为之宫则以帝所出之方也】黄钟为角【黄钟属子宫声最浊角声次之】大簇为徵【属寅】姑洗为羽【属辰羽声最清徵声次之子寅辰三者阳律之相继也】鼙鼓鼙鼗【八面鼓也县之曰鼓有柄曰鼗鼙为天声也】孤竹之管【孤竹竹特生者取阳数奇也】云和之琴瑟【云和山名也】云门之舞【云和云门皆取其为天施也】冬日至于地上之圜丘奏之【冬至阳生之始圜丘象天之形故以祀天神而奏其乐也】若乐六变【自子至巳为阳数自午至亥为阴数阳数至少阴之申而止阴数至少阳之寅而止圜钟属卯自卯至申其数六六变者圜钟之数极于六也】则天神皆降【天神在上故曰降】可得而礼矣【可以行祀之礼】凡乐函钟为宫【函钟属未西南方之律也致地示以为之宫则以致养之方也】大簇为角【属寅】姑洗为徵【属辰】南吕为羽【属酉是三者律吕之相生也】灵鼓灵鼗【六面鼓也灵者地之德也】孙竹之管【孙竹竹枝根之未生者盖以阴为小也】空桑之琴瑟【空桑山名曰空者盖以阴为乏也】咸池之舞【以咸池为舞象地之泽也】夏日至于泽中之方丘奏之【夏至阴生之始方泽象地之形故以祭地示而奏其乐也】若乐八变【函钟属未自未至寅其数八八变者函钟之数极于八也】则地示皆出【地示在下故曰出】可得而礼矣【可以行祭之礼】凡乐黄钟为宫【黄钟属子正北方之律也致人鬼以为之宫则以幽阴之方也】大吕为角【属丑】大簇为徵【属寅】应钟为羽【属亥是三者律吕之相合也】路鼓路鼗【四面鼓也路者取往来之义】阴竹之管【阴竹生于山北者亦取幽阴之义】龙门之琴瑟【龙门山名龙则取神化不测之义】九德之歌【九功之德皆可歌也谓之九歌取其万世永赖也】九防之舞【取其继绍前人也】于宗庙之中奏之【禘祫禴祠蒸尝之时享人鬼于宗庙而奏其乐也】若乐九变【黄钟属子自子至申其数九九变者黄钟之数极于九也】则人鬼可得而礼矣【可以行享之礼不曰皆至者原孝子之心惟恐其不至也】凡乐事【作乐之事】大祭祀宿县【大祭祀谓鬼神示宿县者于祭前夕列于笋簋也县 悬】遂以声展之【遂相扣作声而展省听之知其完否也】王出入则令奏王夏【夏大也王祭祀出入庙门则奏王夏之章】尸出入则令奏肆夏【尸立人以象神也其出入庙门则奏肆夏之章】牲出入则令奏昭夏【王出迎牲及爓肉与醴则奏昭夏之章】帅国子而舞【凡兴舞皆使国之子弟为之】大飨不入牲【大享宾客设牲于庙门外因即烹之】其他皆如祭祀【不入牲故不奏昭夏其他如王出入宾出入亦奏王夏肆夏】大射【将祭择士而射】王出入令奏王夏【同上】及射令奏騶虞【騶虞诗召南篇王射以騶虞为节也騶侧留反】诏诸侯以弓矢舞【谓执弓挟矢揖让进退之仪也】王大食三宥【大食者朔望以乐侑食时也宥与侑同谓劝也】皆令奏钟鼓【用乐节以助气体之养也】王师大猷【师出有功猷捷于庙】则令奏恺乐【恺乐猷功之乐也以人之怒气释焉故也】凡日月食四镇五岳崩大傀异裁诸侯薨令去乐大札大防大裁大臣死凡国之大忧令弛县凡建国禁其淫声过声防声慢声大丧涖厥乐器及葬藏乐器亦如之

乐师【下大夫四人上士八人下士十有六人府四人史八人胥八人徒八十人佐大司乐教其属者】掌国学之政【大司乐之所建治者】以教国子小舞【比六舞为小舞则云门以下盖大舞也】凡舞【其目在下】有帔舞【析五采缁柄而持之】有羽舞【析重翟之羽为之】有皇舞【五采为羽以象凤凰来仪】有旄舞【持旄牛之尾以象百兽率舞】有干舞【执干盾而舞】有人舞【使人效四夷来王之舞】教乐仪【教王以乐出入于大寝朝廷之仪】行以肆夏【行于大寝之中则奏肆夏之章以为节也】趋以采荠【趋于朝廷之上则歌采荠之诗以为节也荠咨】车亦如之【行缓而趋疾故车之疾徐亦以肆夏采荠为节】环拜以钟鼓为节【宾客环列而拜则鼓声以作之钟声以止之】凡射【以乐为射之节】王以驺虞为节【驺虞召南诗射义曰乐官备也】诸侯以貍首为节【乐防时也其诗亦见射义】大夫以采苹为节【乐循法也】士以采蘩为节【乐不失职也采蘩采苹亦召南诗也】凡乐掌其序事【陈乐器及作乐之事皆有次序】治其乐政【治理乐声使得其正】凡国之小事用乐者【小事谓小祭祀】令奏钟鼓【令其属奏之】凡乐成则告备【乐一变为一成告备者所谓工告乐备也】诏来瞽臯舞【臯缓也诏瞽使之来诏舞使之缓】及彻【祭毕而彻俎豆】帅学士而歌彻【学士国子也歌彻歌豳颂也】令相【相扶助也瞽蒙当退使眡了扶之】飧食诸侯【享以饮为主食以食为主】序其乐事【亦有先后之序】令奏钟鼓令相如祭之仪【敬宾犹敬神也】燕射【饮燕用射】帅射夫以弓矢舞【执弓挟矢揖让进退之仪】乐出入令奏钟鼓【所以为之节也】凡军大献【告捷于庙】教恺歌【教瞽蒙也】遂倡之【乐师倡之而瞽蒙和之也】凡丧陈乐器则帅乐官及序哭亦如之凡乐官掌其政令听其治讼

大胥【中士四人胥有才智之称】掌学士之版【学士国子也版籍也】以待致诸子【父兄爵列于国谓之国子以其众言之则谓之诸子致谓按比版籍以致其来也】春入学舍采合舞【春以学士入学舍采谓荐苹蘩之祭而礼先师合舞者等其进退使应节奏也舍石】秋颁学合声【至秋则颁其才艺所以合声者亦等其曲折使应节奏也】以六乐之防正舞位【防六代之乐而舞焉正舞位者使左右前后有伦也】以序出入舞者【其出入行缀各有序也】比乐官【比较其所教之人】展乐器【展视其所用之器】凡祭祀之用乐者以鼓徵学士【大胥击鼓以徵召学士之众皆舞】序宫中之事【次序宿卫于王宫者】

小胥【下士八人府二人史四人徒四十人赞大胥者】掌学士之徵令而比之【徵之使来学令之使有为比则校其能否也】觶其不敬者【觶罚爵也慢期则不敬故觶以罚之觶古横反】巡舞列而挹其怠慢者【挹以荆朴怠慢则不勤恪故巡行舞列而挹以辱之】正乐县之位【县谓钟磬之属县于笋簴者也位则其次序也】王宫县【四面皆县如宫之有墙也】诸侯轩县【去其南面以避王也】卿大夫判县【又去其北面以示其德半于君也】士特县【又去其西面以示特立之义也】辨其声【别其声音】凡县钟磬【每方各六十枚】半为堵【半陈之则为堵如见宫墙之堵】全为肆【全陈之则为肆如四面皆设】

大师【下大夫二人凡乐工皆以瞽蒙为之择其贤智者使为之师】掌六律六同以合阴阳之声【六律阳声六同阴声合者子与丑合寅与亥合卯与戌合辰与酉合巳与申合午与未合】阳声【六律】黄钟【子】大簇【寅】姑洗【辰】蕤宾【午】夷则【申】无射【

戌】陰声【六同】大吕【丑】应钟【亥】南吕【酉】函钟【未】小吕【巳】夹钟【卯】皆文之以五声【五声相杂成文】宫【上】商【金】角【木】徵【火】羽【水】皆播之以八音【被于八器以成音】金【钟鎛】石【磬】土【埙】革【鼓鼗】丝【琴瑟】木【祝敌】匏【笙】竹【管箫】教六诗【教瞽蒙以六诗】曰风【诸侯国风】曰赋【直陈其事】曰比【即物为比】曰兴【托物兴词】曰雅【大小二雅】曰颂【祭祀歌颂风雅颂三者诗之体也赋比兴三者所以为是诗者也】以六德为之本【中和祗庸孝友以立其本】以六律为之音【六律六同以和其音】大祭祀帅瞽登歌【帅瞽蒙升堂而歌诗】令奏击拊【拊形如鼓以韦为之实之以糠击拊瞽乃歌也拊音抚】下管播乐器【吹管者在堂下匏竹之属皆乐器也】令奏鼓【鞀小鼓也鼓鞀乃播乐器也鞀音 】大飨亦如之【享诸侯亦知祭祀也】大射帅瞽而歌射节【射节即驹虞豸首采苹采蘩也】大师【大起军师】执同律以听军声【执六同六律吹之以言军士之声】而诏吉防【商则战胜军士强角则军扰多变失士心宫则军和士卒同心徵则将急数怒军士劳羽则兵弱少威】大丧帅瞽而廌作匱谥凡国之瞽蒙正焉

小师【上士四人赞大师者】掌教鼓鼗祝敌埙箫管 歌【教瞽蒙也革音曰鼓鼗如鼓而小旁有耳持其柄摇之祝如漆箛中有推柄动击其旁以合乐也敌刻木为虎背有二十七刻以木铎之以止乐也埙烧土为之鋭上平底有六孔以取声箫编小竹为之管如簾有六孔琴瑟也歌依咏也】大祭祀登歌击拊【登堂而歌必先击拊】下管击应鼓【应鼓鼗也盖为鼓鞀之应也】彻歌【有司彻而歌讎】大飨亦如之【大享诸侯亦同祭祀】大丧与廌凡小祭祀小乐事鼓鞀掌六乐【六代之乐】声音之节【五声八音之节奏】与其和【相应和和去声】

瞽蒙【上瞽四十人中瞽百人下瞽百有六十人无目眸谓之瞽有目眸而无见谓之蒙】掌播鼗祝敌埙箫管 歌【此八者皆小师教瞽蒙播 以出声也】讽诵诗【背文曰讽以声节之曰诵讽诵六诗则知民风之厚薄也】世奠系【奠定也系即帝系世本之书也言以世之序而定其系也诵世奠系则知前世之兴衰也】鼓琴瑟【诗与世本虽不歌咏犹鼓琴瑟以合之也】掌九德六诗之歌【九德见大司乐六诗见大师歌谓以人声咏之也】以役大师【应大师之役使】

眡了【三百人府四人史八人胥十有二人徒百有二十人 目明者】掌凡乐事播鼗击颂磬笙磬掌大师之县 凡乐事相瞽【相扶助也瞽蒙作乐眡了扶之】宾射皆奏其钟鼓【王与诸侯射皆奏钟鼓以为之节也】鼈恺献亦如之【鼈谓师旅夜戒之鼓恺献谓战胜献俘之乐亦皆奏其钟鼓也鼈戚】

典同【中士二人府一人史一人胥二人徒二十人 同即六同言同则六律在其中矣】掌六律六同之和【以六律六同取其声音之和】以辨天地四方陰阳之声【阳声属天陰声属地天地之声布于四方】以为乐器【取其中声以作乐器】凡声高声防正声缓下声肆陂声散险声敛达声羸微声鬴圉声衍侈声柞弇声郁薄声甄厚声石 凡为乐器【凡作乐器之法】以十有二律为之数度【十二律六律六同也古之为乐器者其数皆始于黄钟其长九

寸乃度之所起而其余律皆自是而生焉】以十有二声为之齐量【其齐量皆取于十二声也齐去声】凡和乐亦如之【调和乐声皆如是也】

磬师【中士四人下士八人府四人史二人胥四人徒四十人 教眡了击钟磬】掌教击磬击编钟【编钟编磬各十有六共为一簋教眡了皆击之】教缦乐燕乐之钟磬【缦乐合六代之乐也燕乐歌二南之诗也】凡祭祀奏缦乐【祭祀磬师奏缦乐燕乐则钟师奏之缦慢又慢】

钟师【中士四人下士八人府二人史二人胥六人徒六十人 其乐虽用鼓而以金为主】掌金奏【击金以为奏乐之节】凡乐事【凡作乐之事】以钟鼓奏九夏【九夏皆乐章名夏大也】王夏【王出入奏之】肆夏【尸出入奏之】昭夏【牲出入奏之】纳夏【四方宾来奏之】章夏【臣有功奏之】齐夏【夫人祭奏之齐音斋】族夏【族人侍奏之】祫夏【客醉而出奏之祫该】醵夏【公出入奏之醵五羔反】凡祭祀飨食奏燕乐【祭祀以礼神享食以礼宾皆在庙故也】凡射【大射宾射燕射】王奏驺虞诸侯奏貍首卿大夫奏采采士奏采芻【前乐师既以此四诗为射节钟师特奏之耳】掌鼗鼓缦乐【磬师奏杂声之缦乐钟师则执鼗鼓以和之】

笙师【中士二人下士四人府二人史二人胥一人徒十人 笙以匏为之几十三管】掌教龠竽笙埙簫箫箴篴管春牍应雅以教祫乐 凡祭祀飨射共其钟笙之乐【钟笙与磬声相应之笙也】燕乐亦如之【燕乐歌二南诗亦以钟笙应之】

搏师【中士二人下士四人府二人史二人胥二人徒二十人 搏如钟而大搏音博】掌金奏之鼓【是主击晋鼓者金奏谓奏金即搏钟也】凡祭祀鼓其金奏之乐【即八音是也亦以晋鼓鼓之】飨食宾射亦如之【亦鼓其金奏之乐也】军大猷则鼓其恺乐【猷捷于庙而奏恺乐亦以晋鼓鼓之】凡军之夜三鼗皆鼓之【军之夜三次击夜戒之鼓】守鼗亦如之大丧廞其乐器奉而藏之

鞀师【下士二人府一人史一人舞者十有六人徒四十人 鞀东夷之乐】掌教鞀乐【鞀以为服也教其乐舞因使服其服也】祭祀则帅其属而舞之【帅其属之舞者十六人以舞鞀乐】大飨亦如之【示四夷来王也】

旄人【下士四人舞者众寡无数府二人史二人胥二人徒二十人 旄旄牛尾舞者之所持也】掌教舞散乐【野人之乐】舞夷乐【鞀鞀氏掌其乐与声歌旄人则教夷乐之舞耳】凡四方之以舞仕者属焉【皆统于旄人】凡祭祀宾客舞其燕乐【燕享用乐旄人舞之】

籥师【中士四人府二人史二人胥二人徒二十人 籥三孔舞者吹之】掌教国子舞羽龠籥【执羽以为舞吹籥以为节】祭祀则鼓羽籥之舞【国子舞之籥师击鼓以节之】宾客飨食则亦如之【与祭祀同】大丧廞其乐器奉而藏之

籥章【中士二人下士四人府一人史一人胥二人徒二十人 吹籥以为诗章】掌土鼓豳籥【土鼓烧土为匡也豳国名周家王业之所由致也豳籥谓豳人吹籥之诗章也】中春昼击土鼓歛豳诗以逆暑【豳诗豳风七月也逆暑以昼求诸阳也】中秋夜迎寒亦如之【迎寒以夜求诸阴也】凡国祈年于田祖【祈年祈丰年也田祖始耕者谓先嗇也】歛豳雅击土鼓以乐田畯【豳雅豳诗之雅也畯田官所谓司嗇也】国祭蜡【岁十二月合聚万物而索享之】则歛豳颂击土鼓以息老物【豳颂豳诗之颂也田夫万物至此老而劳故祀而息之今按先儒以豳雅豳颂皆为七月诗非也七月国风也雅颂各有体盖逸诗也】

鞀鞀氏【下士四人府一人史一人胥二人徒二十人 四夷乐人所履之革屨也鞀提鞀屨】掌四夷之乐与其声歌【四夷之乐以乐舞而言之也声歌以其所吹唱而言之也】祭祀则歛而歌之【吹其声而唱其歌也】燕亦如之【亦同祭祀】

典庸器【下士四人府四人史二人胥八人徒八十人 庸功也有功者铸器以铭其功】掌藏乐器庸器【民功曰庸与乐器皆藏之】及祭祀帅其属而设筭簋【筭簋所以县钟磬之属横曰筭植曰簋】陈庸器【以示能守其所传也】飨食宾射亦如之【与祭祀同】
大丧廞筭簋

司干【下士二人府二人史二人徒二十人 干盾也舞者所持】掌舞器【羽籥之属】祭祀舞者既陈则授舞器【既已也舞者既陈成列则授以舞器】既舞则受之【受而藏之】宾飨亦如之【与祭祀同】 大丧廞舞器及葬奉而藏之

大卜【下大夫二人卜官之长问 曰卜】掌三兆之法【兆灼 之象也】一曰玉兆【如男子弄璋之兆其象在左者】二曰瓦兆【如弄瓦之兆象在右者】三曰原兆【如易比吉原筮原之言再也象之上下左右未定者宜再推之】其经兆之体皆百有二十【经常也三兆之法其常体各有一百二十也】其颂皆千有二百【颂占兆之繇辞也每体十繇则得千有二百也】掌三易之法【易变易也】一曰连山【伏羲易也或曰夏易以艮为首艮为山也】二曰归藏【黄帝易也或曰商易以坤为首坤以藏之】三曰周易【文王易也即今周易】其经卦皆八其别皆六十有四【经卦凡八每卦之上又各加以八卦别而言之则为六十四也】掌三梦之灋【梦者精神所感可占吉防】一曰致梦【出于思虑有因而至者】二曰觭梦【角一俯一仰为觭人昼俯仰于事夜则为梦觭奇】三曰咸陟【无心感物为咸陟升也谓无所拘滞而自有其梦】其经运十【运即眡祲所掌十燁也以占梦之吉防运或为緡当为燁】其别九十【每燁九变别为九十】以邦事作 之八命【国有大事则作 而命之有此八者】一曰征【行讨征役】二曰象【天象变动】三曰与【与人共事】四曰谋【图事于人】五曰果【事成与否】六曰至【人至与否】七曰雨【祷雨】八曰瘳【疗疾瘳质留反】以八命者赞三兆三易三变之占【以八命作 则以 筮梦三者合聚而占之】以观国家之吉防【吉谓福祥防谓祸灾皆可以前知也】以诏救政【诏告也既知吉防乃預告王脩政以救之】凡国大贞【大事求正于 卜也】卜立君【君无 适不可立者】卜大封【割邦土以封诸侯】则眡高作 【眡高谓眡 骨高者可灼处也作 谓以火灼之而作其兆也】大祭祀则眡高命 【命 谓告以所卜之事也】凡小事涖卜

【涖临也大事宗伯涖卜小事则大卜自涖之】国大迁大师则贞 凡旅陈 凡丧事命

卜师【上士四人卜人中士八人下士十有六人府二人史二人胥四人徒四十人佐大卜者】掌开 之四兆【开谓出其占书也】一曰方兆二曰功兆三曰义兆四曰弓兆凡卜事眡高 火【大事大卜眡高则此卜事盖小事也】扬火以作 【炽其火以灼 】致其墨【明其兆广之大小也】凡卜辨 之上下左右陰阳【上谓仰也下谓俯也左左倪也右右倪也陰后弇也阳前弇也】以授命 者【卜师辨之以授太卜】而诏相之【诏告以言也相赞以事也相去声】

人【中士二人府二人史二人工四人胥四人徒四十人主取 攻 者】掌六 之属【属言非一也】各有名物【名以命之物以色之】天 曰灵属【天 俯者灵也】地 曰绎属【地 黄仰者绎也】东 曰果属【东 青前弇果也果鲁果反】西 曰蠃属【西 白左倪雷也蠃力胃】南 曰猎属【南 赤后弇猎也】北 曰若属【北 黑右倪若也】各以其方之色与其体辨之【色谓 黄青白赤黑也体谓俯仰前后左右也】凡取 用秋时【 至秋而坚成可以取之】攻 用春时【至春而干实可以脩治】各以其物入于 室【物色也 色不同故所藏之室亦异也】上春衅 【以牲血衅之】祭祀先卜【预先卜曰】若有祭祀【祭天地宗庙】则奉 以往【待其占卜也】旅亦如之丧亦如之

蕤氏【下士二人史一人徒八人 蕤荆木也灼 用之蕤垂上声】掌共燠契【燠即灼 之木也契即开 之凿也卜则爇燠以灼 用凿以开 也燠音焦】以待卜事【蕤人共之以授卜师用之】凡卜以明火爇燠遂歃其燠契以授卜师遂役之

占人【下士八人府一人史二人徒八人 占蓍 之卦兆吉防】掌占 【占人亦占筮以为主】以八簪占八颂【将占八命之事先以蓍筮之而以八颂占之簪音筮】以八卦占簪之八故【八卦即三易之经卦也八故八事之故也】以眡吉防【眡其从违以占吉防】凡卜簪【 为卜蓍为筮】君占体【体兆象也体有吉防】大夫占色【色兆气也色有善恶】史占墨【墨兆广也墨有大小】卜人占坼【坼兆衅也坼有微明尊者视兆象而已卑者以次详其余焉】凡卜簪既事则系币以比其命岁终则计其占之中否【用以进退占人之能否】

簪人【中士二人府一人史二人徒四人 问蓍曰簪】掌三易以辨九簪之名【三易筮之书九筮筮之事】一曰连山二曰归藏三曰周易【此三易也详见大卜】九簪之名【其名见下】一曰巫更【郑氏曰巫字皆当为筮筮更者筮变动也更庚】二曰巫式【筮众心也】三曰巫比【作法则也】四曰巫目【立要凡也】五曰巫易【革天命也】六曰巫比【包遐荒也】七曰巫祠【筮牲与日】八曰巫参【筮御与右参七南反】九曰巫环【攻伐而围之也孟子曰环而攻之也】以辨吉防【辨其从违以占吉防】凡国之大事【八命之事】先簪而后卜【当用卜者先筮之筮不吉则不卜也】上春相簪【上春乃一岁之始相视拣择其蓍草可为筮也】凡国事共簪【以共国家占筮之用】

占梦【中士二人史二人徒四人 即梦而占吉防】掌其岁时【岁谓子丑寅卯时谓春夏秋冬】观天地之防【升降往来之防】辨陰阳之气【休咎旺相之气】以日月星辰占六梦之吉防【日为太阳月为大陰星二十八宿属阳辰十二次属陰盖以岁时天地陰阳日月星辰而占六梦之吉防也】一曰正梦【安静而梦】二曰噩梦【惊愕而梦噩愕】三曰思梦【觉时所想而梦】四曰寤梦【觉时所道而梦】五曰喜梦【喜悦而梦】六曰惧梦【恐惧而梦】季冬聘王梦【岁十二月聘问王梦】献吉梦于王【王梦之吉则献其兆】王拜而受之【吉梦在王而佑之者在天拜而受之尊天之所佑也】乃舍萌于四方以赠恶梦遂令始难毆疫

眡祲【官属如占梦 祲谓陰阳之气相侵渐而成妖祥者祲子鸩反】掌十輝之法【輝谓日之气輝光也】以观妖祥辨吉防【妖则主防祥则主吉观妖祥所以辨吉防也】一曰祲【日旁有陰邪气相侵犯也】二曰象【陰气附日凝结而成象也】三曰防【黑气如防刺于日也防音携又音隳】四曰监【抱日之气如冠珥也】五曰闇【方昼而暗也】六曰瞢【陰气蒙蒙日光瞢然也瞢亡邓反】七曰弥【白虹弥天横气贯日也】八曰叙【片段成列穿日有序也】九曰隤【防蜎升气于日旁也隤子兮反】十曰想【杂气以成形想也】掌安宅叙降正岁则行事岁终则弊其事

大祝【下大夫二人上士四人祝官之长祝之又反】掌六祝之辞【告神之辞曰祝】以事鬼神示【天神人鬼地示之礼】祈福祥【天所佑为福福所化为祥】求永贞【歷年之谓永正命之谓贞】一曰顺祝【年无必丰之理故祈天顺】二曰年祝【祈大有年】三曰吉祝【祈五福以锡庶民】四曰化祝【祈休祥以为丰气】五曰瑞祝【祈祥瑞之降】六曰防祝【祈 筮之从】掌六祈以同鬼神示【鬼神示不和同而为灾变则以六者祈之】一曰类【合其类而祭之】二曰造【造其所而祭之】三曰禴【若禴国之防荒民之札丧之类】四曰禋【若日月星辰山川之神于是乎禋之之类禋咏】五曰攻【攻去其灾】六曰说【责之以辞】作六辞以通上下亲疎遠近【以言达意之谓辞上下以位言亲疎以情言遠近以势言皆以辞而后通也】一曰祠【若伊尹祠先王是也】二曰命【若说命微子之命是也】三曰诰【若汤诰仲氏之诰是也】四曰防【谓防同诸侯以誓之若甘誓汤誓是也】五曰祷【若祷尔于上下神示是也】六曰谏【若哀公谏孔子之类是也】辨六号【号谓尊其名更谓美称也】一曰神号【若云皇天上帝是也】二曰鬼号【若云皇祖伯某是也】三曰示号【若云后土地示是也】四曰牲号【若云牛曰一元大武是也】五曰齎号【若云黍曰芻合是也】六曰币号【若云币曰量币是也】辨九祭【祭食之礼有此九者】一曰命祭【玉藻曰君若赐之食而君客之则命之祭是也】二曰衍祭【曲礼曰客执食兴辞主人兴辞于客然后客坐主人延客祭是也】三曰炮祭【将食炮燔而先祭之如封人所谓毛炮之豚是也】四曰周祭【周犹徧也曲礼曰肴之序徧祭之是也】五曰振祭【见擣祭解】六曰擣祭【振祭擣祭本同但振者先擣后振擣者不振也将食者既擣必振乃祭也不食者擣则祭之擣而泉反】七曰絕祭【见燎祭解】八曰燎祭【絕祭燎祭亦同燎祭者以手从肺本循之至于末乃絕以祭之絕祭者不循其本直絕以祭也燎了】九曰共祭【共犹授也膳夫曰膳夫授祭是也】辨九 拜【拜之仪容有此九者 拜】一曰稽首【拜而头至地也】二曰顿首【拜而首叩地也】三曰空首【拜而头至手也】四曰振动【战

栗变动之拜】五曰吉【吉事则拜而后稽顙也】六曰防拜【防拜则稽顙而后拜】七曰奇【一拜】八曰褒拜【再拜褒音报】九曰肃【俯下手也】以享右祭祀【享右接人也或享尊在已上者或右尊在已右者祭祀接神也或备物以祭或致道以祀】凡大禋祀肆享祭示【祭祀祭天神肆享祭宗庙祭示祭地祇也】则执明水火而号祝【明水以鉴取于月明火以燧取于日号六号也祝六祝之辞也祝之又反】隋衅逆牲逆尸令钟鼓右亦如之【隋许规反】来瞽令皐舞相尸礼既祭令彻大丧始崩以肆鬯泔尸相饭赞斂彻奠言甸人读祷付练祥掌国事国有大故天裁弥祀社稷祷祠大师【大兴军师】宜于社【军将出则宜祭于社取社主以行】造于祖【军出造于祖庙取迁主以行皆载以齐车】设军社【置社主于军中】类上帝【类祭上帝告于天也】国将有事于四望【军行所过望祭四方山川之神】及军归献于社【征伐有功献捷于社】则前祝【皆大祝前致其祝辞】大防同【王与诸侯防同】造于庙【告行于庙】宜于社【宜祭于社】过大山川则用事焉【所过山川亦祭也】反行舍奠【以告至也舍音石】建邦国【新创邦国之城】先告后土【先告地示】用牲币【用牲所以祭之用币所以礼之】
禁督逆祀命者颁祭号于邦国都鄙

小祝【中士八人下士十有六人府二人史四人胥四人徒四十人祝官之貳】掌小祭祀将事侯禋祷祠之祝号【侯以一福之将至禋以却祸之方来祷以先事而求祠以后事而报此皆祭祀之小者小祝将事则掌其祝号焉】以祈福祥【福则无祸祥则无灾故欲其祈而得之也】顺丰年【丰则无防故欲其顺而应之也】逆时雨【时雨先期而逆之故曰逆】宁风旱【风旱因变而安之故曰宁】弥灾兵【灾人患兵人难弥以止之弥弭】逐旱疾【罪自貽之毒疾病气之作故逐以避之旱罪同】大祭祀逆盥盛【逆迎也盥盛即饔人所共者】送逆尸沃尸盥赞隋赞彻赞奠凡事佐大祝大丧

赞泔设熬置铭及葬设道赍之奠分祷五祀

大师掌衅祈号祝有寇戎之事则保郊祀于社凡外内小祭祀小丧纪小防同小军旅掌事焉

丧祝【上士二人中士四人下士八人府二人史二人胥四人徒四十人掌防祭之祝官】掌大丧劝防之事及辟令啓及朝御匱乃奠及祖饰棺乃载遂御及葬御匱出宫乃代及圻说载除饰小丧亦如之掌丧祭祝号王吊则与巫前掌胜国邑之社稷之祝号以祭祀祷祠焉凡卿大夫之丧掌事而斂饰棺焉

甸祝【下士二人府一人史一人徒四人掌田猎之祝官】掌四时之田【春搜夏苗秋猕冬狩】表貉之祝号【设貉祭于所表之地貉祆】舍奠于祖庙【告祖庙而后田也】祢亦如之【祢父庙也】师田【田大师以教田】致禽于虞中【立虞中而各致禽】乃属禽【合就以别其种类】及郊饁兽舍奠于祖祢乃斂禽禴牲禴马皆掌其祝号

诅祝【官属如甸祝】

掌盟诅类造攻说禋祭之祝号作盟诅之载辞以叙国之信用以质邦国之剂信

司巫【中士二人府一人史一人胥一人徒十人】掌羣巫之政令若国大旱则帅巫而舞雩国有大灾则帅巫而造巫恒祭祀则共圜主及道布及菹馆凡祭事守 凡丧事掌巫降之礼

男巫【无数】

掌望祀望衍授号旁招以茅冬堂赠无方无算春招弭以除疾病王吊则与祝前

女巫【无数其师中士四人府一人史四人胥四人徒四十人】

掌岁时祓除衅浴旱暵则舞雩若王后吊则与祝前凡邦之大灾歌哭而请

大史【下大夫二人上士四人 史官之长】掌建邦之六典以逆邦国之治【助大宰掌六典佐王治邦国也】掌灋以逆官府之治【即大宰以八法治官府也】掌则以逆都鄙之治【即大宰掌八则治都鄙也盖太史以掌书为事典法则之书皆其所藏焉故也】凡辨灋者攷焉【邦国官府都鄙以法争讼者必攷之于太史也】不信者刑之【不信太史之法则以刑治之】凡邦国都鄙及万民之有约剂者藏焉【约盟誓也剂券书也皆藏其书于大史也】以贰六官【贰犹副也约剂之书其正在六官其副在太史】六官之所登【六官以约剂之贰登于大史】若约剂乱则辟灋【若约剂乱而不可攷则大史辟开所藏之贰法以正之辟音辟】不信者刑之【如是则不信者无所逃其刑也】正岁年以序事【谓作历正岁年而授民以事各有次序也】颁之于官府及都鄙【颁布也先颁历于官府次及都鄙者自近而及远也】颁告朔于邦国【天子颁来岁十二月朔于诸侯诸侯藏之祖庙至月朔则告朔于庙而行之】闰月【日之行也日一度凡三百六十五日零三时而一周天而一岁止三百六十日是余五日有奇也月之行也日十三度常以二十九日过半而与日合是月不足于三十日也二者之余每岁凡十一日有奇故历家则置闰月以归其余数焉】诏王居门终月【王居总章明堂每月各有其室惟闰月则诏王居门故闰字从王从门也】大祭祀与执事卜日【执事大卜之属也史占墨故大史与卜日焉】戒及宿之日【戒谓前期十日散斋也宿谓前祭一日是也】与羣执事读礼书而协事【羣执事谓凡有事于祭者也祭之事具载于礼书故读礼书以合其事也】祭之日【当祭之日】执书以次位常【贵贱之位有常处故执礼书而定其次序也】辨事者攷焉【辨祭之执事者攷于礼书】不信者诛之【不信礼书者诛责之】大防同朝覲【天子与诸侯防同朝覲】以书协礼事【亦读礼书而协其事】及将币之日【诸侯将币见君之日】执书以诏王【执礼书而告王亦以合其礼书也】大师【大起军师】抱天时与大师同车【大师以声而知天道大史以书而知天道故与之同车也】大迁国【王者迁都】抱灋以前【法谓司空营地之法大史抱之先至其所也】大丧执法以涖劝防遣之日读诼凡丧事攷焉小丧赐谥 凡射事【凡大射宾射之类】饰中舍算【舍读曰释中所以盛算放算于中以待射毕時計之】执其礼事【凡射礼升降进退之事大史守其礼节】

小史【中士八人下士十有六人府四人史八人胥四人徒四十人 大史之贰】掌邦国之志【谓诸侯之国志其土地风俗之书】奠系世【奠定也系世谓帝系世本之书】辨昭穆【昭生穆穆生昭辨之则知其世系也】若有事则诏王之忌讳【先王死日为忌名为讳故凡有事皆告于王也】大祭祀读礼灋【小史帅羣执事读礼书之法】史以书叙昭穆之俎簋

【俎以盛牲簋以盛粢以昭穆为先后小史掌叙之而其叙则以所读礼法为证也】大丧大宾客大防同大军旅佐大史【从大史而读法】凡国事之用礼灋者【读礼之法】掌其小事【事之轻者】卿大夫之丧赐谥读诔

冯相氏【中士二人下士四人府二人史四人徒八人冯乘也相视也言登高台以视天文也冯憑】掌十有二岁【谓岁星所在也寅曰摄提格卯曰单阏辰曰执徐巳曰大荒落午曰敦牂未曰协洽申曰涒滩酉曰作噩戌曰掩茂亥曰大渊献子曰困敦丑曰赤奋若】十有二月【谓斗柄所建每月一辰自正月建寅至十二月建丑是也】十有二辰【谓日月所防也子曰 枵亥曰□訾戌曰降娄酉曰大梁申曰实沈未曰鹑首午曰鹑火巳曰鹑尾辰曰寿星卯曰大火寅曰析木丑曰星纪】十日【甲乙丙丁戊己庚辛壬癸】二十有八星之位【东方角亢氐房心尾箕南方井鬼柳星张翼轸西方奎娄胃 毕觜参北方斗牛女虚危室壁】辨其叙事【东作南讹西成朔易】以防天位【星鸟以正仲春星火以正仲夏星虚以正仲秋星 以正仲冬】冬夏致日【冬至日在牵牛景丈三尺夏至日在东井景尺五寸】春秋致月【春分日在娄而月上 于东井下 于牵牛秋分日在角而月上 于牵牛下 于东井】以辨四时之叙【二至二分正则四时之叙可辨矣】

保章氏【官属如冯相氏 保守也世守天文之变】掌天星【掌天文星度】以志星辰日月之变动【志记也天左转日月五星右行故变动而无常】以观天下之迁【天下灾祥祸福之迁运者因可得而观焉】辨其吉防【顺则为吉逆则为防】以星土辨九州之地所封【星土星所主土也封犹界也】封域皆有分星【角亢氐兖州房心豫州尾箕幽州斗牛女州虚危青州室壁并州奎娄胃徐州 毕冀州觜参益州井鬼雍州柳星张三河翼轸荆州】以观妖祥【观彗孛客星所犯属何分野主何妖祥】以十有二岁之相观天下之妖祥【岁星在木则火为相在火则土为相在土则金为相在金则水为相在水则木为相五星顺度为祥流逆失度为妖】以五云之物辨吉防水旱【云有五色以二分二至日观之青为虫白为丧赤为兵荒黑为水黄为丰】降丰荒之祲象【丰有年也荒无年也降其祲象于国使人预知而为备也祲音寝】以十有二风察天地之和【十二风者风生于十二辰之位也天地之气和而成风和则无事】命乖别之妖祥【乖则异别则离此天地之不和而为妖祥也故命之以告于人焉】凡此五物者【物事也谓上文五事也】以诏救政【告于王预脩政以救之】访叙事【谋访天时所宜次序其事】

内史【中大夫一人下大夫二人上士四人中士八人下士十有二人府四人史四人胥四人徒四十人犹今之内制即翰林之职也】掌王之八枋之灋【枋与柄同言王者谓八柄当自王出也】以诏王治【大宰以八柄诏王驭羣臣而内史则以诏王治者盖以内史有司之事而治则在于王于驭羣臣非所任也】一曰爵二曰禄三曰废四曰置五曰杀【杀即诛也】六曰生七曰予八曰夺【说并见大宰注】执国法及国令之贰【上以道制而下守之为法上以命使而下禀之为令内史掌其副贰也】以攷政事【攷政事则所主在治凡有所正皆政也凡有所为皆事也】以逆防计【逆防计则所主在财岁终之防皆防也三岁之计皆计也】掌叙事之法【谓事治之先后】受纳访【纳进言也访问事也受纳则受其所纳之言受访则受其所访之对】以诏王听治【掌叙事则诏王以听其事受纳访则诏王以听其情】

】凡命诸侯及孤卿大夫则防命之【诸侯有邦之君也孤卿大夫在朝之臣也防命谓以简防书王命也】凡四方之事书【四方诸侯以书奏事于王】内史读之【内史则读示于王也】王制禄则赞为之【禄谓仕者之俸也赞为之者为之辞也】以方出之【书其辞于方版而出示之】赏赐亦如之【赏赐或以土田或以车服亦赞为之辞也】内史掌书王命【王言之出为命内史载而书之】遂贰之【又书副本而藏之以待有所攷也】

外史【上士四人中士八人下士十有六人胥二人徒二十人 犹今之外制即舍人之职也】掌书外令【王之诏令出外则书之】掌四方之志【志记也犹晋之乘楚之梃机鲁之春秋也】掌三皇五帝之书【三皇之书谓之三坟五帝之书谓之五典】掌达书名于四方【名字也达于四方使书同文也】若以书使于四方【使者奉诏令以使于诸侯】则书其令【外史书王令以授使者】

御史【中士八人下士十有六人其史百有二十人府四人胥四人徒四十人 侍御于君之史官】掌邦国都鄙及万民之治令【六典以治邦国八则以治都鄙官成以治万民此三者之治令】以赞 宰【三者皆冢宰所掌御史特赞助之耳】凡治者受法令焉【法令皆御史所书凡为治者皆从而授之】掌赞书【赞内外史所载之书】凡数从政者【凡公卿以下从政之数御史皆计之数所主】

巾车【下大夫二人上士四人中士八人下士十有六人府四人史八人工百人胥五人徒五十人 车官之长言巾者以设饰为主也】掌公车之政令【公车谓在官之车】辨其用与其旗物【用谓祀宾之属旗物谓大常以下】而等叙之【等谓差其上下叙谓次其先后】以治其出入【当用则治其出用毕则治其入】王之五路【车谓之路有往来不穷之道也】一曰玉路【以玉为饰】锡【马面当卢刻金为之锡音阳】樊纓十有再就【樊马大带也纓马鞅也皆以五采罽饰之为十有二匝】建大常十有二旂【大常旗画日月上缀十有二旂旂音留】以祀【祀天地日月社稷宗庙用之】金路【以金为饰】钩【钩当马胸亦以金为之】樊纓九就【樊纓皆以九匝】建大旗【旗画蛟龙】以宾【宾客防同用之】同姓以封【王子母弟出封为侯伯亦以赐之】象路【以象齿为饰】朱【以朱饰马勒】樊纓七就【皆为七匝】建大赤【其旗名旛以通帛为之】以朝【每日视朝用之朝音潮】异姓以封【王之甥舅出封亦以赐之】革路【挽之以革而漆之】龙勒【以龙文饰马勒】条纓五就【其樊纓以条丝饰之而为五匝条音绦】建大白【殷之旗名】以即戎【兵事用之】以封四卫【四方诸侯守卫亦以赐之】木路【不用革挽但漆之】前樊鹄纓【以浅黑色饰韦为樊鹄色饰韦为纓前剪】建大麾【夏后氏旗】以田【田猎用之】以封蕃国【九州之外蕃国亦以此赐之】王后之五路【王后亦有五路】重翟【以重雉羽为车两旁之蔽】厌翟【不用重翟但次其羽使相厌也厌干涉反】安车【不用翟羽为蔽】翟车【不重不厌以翟饰车之侧】辇车【以人挽之而行】重翟锡面朱总厌翟勒面绩总安车雕面鹭总皆有容盖翟车贝面组总有握辇车组挽有翟羽盖王之丧车五乘木车蒲蔽犬防尾囊疏饰小服皆疏素车芴蔽犬防素饰小服皆素藻车藻蔽鹿浅防革饰駟车萑蔽然防髹饰漆车藩蔽豸防雀饰服车五乘【服事者之车】孤乘夏【五采画轂约】卿乘夏纁【亦用五采但不 刻】大夫乘墨车【黑色不画】士乘棧车【不用革挽而漆之】庶

人乘役车【可载任器以共役】凡良车散车不在等者【精制曰良粗制曰散不入车服之等者】其用无常【惟王所赐】凡车之出入【当用而出已用而入】岁终则防之【计其完弊多少】凡赐阙之毁折入赍于职币大丧饰遣车遂厥之行之及葬执盖从车持旌及墓嚳啓关陈车小丧共匱路与其饰岁时更续共其弊车大祭祀鸣铃以应鸡人

典路【中士二人下士四人府二人史二人胥二人徒二十人巾车兼主上下之车典路专主五路】掌王及后之五路【王五路自玉路以下后五路自重翟以下】辨其名物与其用说【名以命之物以色之出之为用舍之为说说音税】若有大祭祀【大祭祀用玉路】则出路赞驾说【典路则出玉路而赞助驾马说马者之事】大丧大宾客亦如之凡防同军旅吊于四方以路从

车仆【中士二人下士四人府二人史二人胥二人徒二十人掌脩副车】掌戎路之萃【戎路在军所乘也萃犹副也谓共副车以待乏用也萃七内反】广车之萃【横陈之车广去声】阙车之萃【补阙之车】革车之萃【所用对敌自屏蔽之车萃平】轻车之萃【所用驰敌致师之车轻遣政反】凡师共革车【凡兵师用车皆以革挽之】各以其萃【各因其用而备副车】防同亦如之【所以不失备也】大丧厥革车大射共三乏【乏容也谓射之三侯皆有容以皮为之】

司常【中士二人下士四人府二人史二人胥四人徒四十人主王旌旗】掌九旗之物名【九旗所画异物则异其名】各有属【王以下臣民各有所属故建其旗则使其属视而知所从也】以待国事【国家有事则各建其旗以待其所用也】日月为常【九旗皆以絳帛为之太常画日月者取天道之运也】交龙为旂【旂画龙者取君德之用也】通帛为旛【旛用通幅絳帛所谓大赤也】杂帛为物【物则内幅以絳外饰以白也】熊虎为旗【旗画熊虎取其猛毅也】鸟隼为旟【旟画鸟隼取其摯速也】蛇为旐【旐画蛇取其能扞难避害也】全羽为旖【旖用全羽为之取其全而遂之之义】析羽为旗【旗用析羽为之取其析而旗之之义】及国之大阅【仲冬大简阅军礼】赞司马颁旗物【司马颁布旗物司常助之】王建太常【象天明也】诸侯建旂【象君德也】孤卿建旛【旛不画者言奉上政教而已】大夫士建物【殷尚白周尚赤物中赤而外白言以先王正道佐职也】师都建旗【师都六卿六遂大夫也建旗者象熊虎守猛莫敢犯也】州里建旛【州里州长里官也建旛者象鸟隼之勇捷也】县鄙建旐【县鄙县正鄙师也建旐者象蛇之扞难避害也】道车载旖【道车象路也载旖见下注】旂车载旗【旂车木路也全羽析羽皆画五采象其文德也】皆画其象焉【尽其象于旗如下文所云】官府各象其事【象官府所掌之事而画之】州里各象其名【象州里官名而画之】家各象其号【象家邑位号而画之】凡祭祀各建其旗【王祭祀乘玉路则建太常诸侯以下则各建其旗物】防同宾客亦如之【亦如祭祀建旗】置旌门【用旌以表门】大丧共铭旌建厥车之旌及葬亦如之凡军事建

旌旗及致民置旗弊之甸亦如之凡射共获旌岁时共更旌

都宗人【上士二人中士四人府二人史四人胥四人徒四十人都谓王子弟及公卿所食邑

宗人其礼官也】掌都祭祀之礼【王子弟及公卿祭于其邑则掌其礼】凡都祭祀致福于国【已祭则致胙于国盖归王以其福也】正都礼与其服【正其礼谓禁督其遗失者服谓衣服及宫室车旗】若有寇戎之事则保羣神之壇国有大故则令祷祠既祭反命于国

家宗人【官属如都宗人之数家谓大夫所食之邑】

掌家祭祀之礼【大夫祭于其邑则掌其礼】凡祭祀致福【与都宗人同】

国有大故则令祷祠反命祭亦如之

掌家礼与其衣服宫室车旗之禁令【亦同都宗人而言之详者互见之耳】

凡以神仕者【无数以其艺为之贵贱之等 其职无数】掌三辰之法【日月星之所次】以
犹鬼神示之居【犹谓为之图以象天神地示人鬼之所居】辨其名物【名号物色】以冬
日至致天神人鬼【天人属阳故阳气升而祭鬼神】以夏日至致地示【地属陰故陰气升
而祭地示】物鬼以禴国之防荒民之札丧

周礼句解卷六

卷七

钦定四库全书

周礼句解卷七

宋 朱申 撰

夏官司马第四【象夏所立之官也司马掌兵而曰政官者政者正也圣人之用兵所以一正天下也】

夏官司马上

惟王建国辨方正位体国经野设官分职以为民极【见天官 宰注】乃立夏官司马【建立夏官司马之职】使帅其属而掌邦政【邦政即六典之政典也夏官其属六十司马帅之而掌邦政焉】以佐王平邦国【王以兵政正天下正者平之谓也司马则佐助之焉】

凡制军【先王制兵之法】万有二千五百人为军【五师为军】王六军【王有六卿故置六军】大国三军【大国三卿故置三军】次国二军【次国二卿故置二军】小国一军【小国一卿故置一军】军将皆命卿【王有六军六卿主之平居则为卿大夫有事则为军将也三等侯国亦如之】二千有五百人为师【五旅为师】师帅皆中大夫【州长三十人为之】五百人为旅【五卒为旅】旅帅皆下大夫【党正百五十人为之】百人为卒【四两为卒】卒长皆上士【旅卒七百五十人为之】二十五人为两【五伍为两】两司马皆中士【闾胥三千人为之】五人为伍伍皆有长【比长下士主五家之教不以从军故但曰有长】

大司马之职【卿一人 政以马为大司至于马则政官所掌皆举矣】掌建邦国之九法【建立九法皆以纠察诸侯故曰邦国之九法也】以佐王平邦国【以助佐天子而平诸侯之国】制畿封国【制侯甸男采卫等之九畿封公侯伯子男五等之国】以正邦国【正其疆土之广狭也】设仪辨位【设仪谓国家宫室车旗衣服之节也辨位谓公一位侯一位伯一位子男同一位也】以等邦国【辨其尊卑之等级也】进贤兴功【有善行者起而擢之有治绩者兴而起之】以作邦国【作其劝善乐业之心】建牧立监【八命作牧为九州长五等诸侯各监一国监去声】以维邦国【成其小大相维之势】制军诘禁【制军谓大国三军次国二军小国一军诘禁谓诘治其犯禁者诘去吉切】以纠邦国【纠其强弱相陵之事】施贡分职【施其贡则各以其所有分其职则各以其所能】以任邦国【施贡以任其财分职以任其力】简稽乡民【简乡民之强弱稽乡民之多少乡向】以用邦国【简其可用之人稽其当用之数】均守平则【均其地之守平其法之则】以安邦国【如此则邦国安而不危也】比小事大【大国比小国小国事大国比鼻】以和邦国【如此则邦国和而不乖】

也】以九伐之法正邦国【诸侯有违王命则有九等征伐之法用以正之】冯弱犯寡则之【以彊陵弱谓之冯以众暴寡谓之犯 之谓削其地之四隅也冯皮冰 所景】贼贤害民则伐之【贤宜任之贼之则伤义民宜养之害之则伤仁故鸣钟鼓以伐其罪】暴内陵外则坛之【内暴其臣民外陵其诸侯故防诸侯为坛焉命以伐之也坛善】野荒民散则削之【野荒芜而不治民离防而不安故削其地而使小焉】负固不服则侵之【负恃其险阻之固不服上之命令故不用钟鼓而侵入其地焉】贼杀其亲则正之【贼其亲则不仁杀其亲则不义故正名定罪而诛之】放弑其君则残之【放其君则无上弑其君则大逆故致其徒党而残破之】犯令陵政则杜之【犯令则违上之命陵政则干上之法故杜絶而不使之通也令去声】外内乱鸟兽行则灭之【内外之亲交相淫乱如鸟兽之聚麀则戕灭其根本不复生也行去声】正月之吉始和布政于邦国都鄙乃县政象之法于象魏使万民观政象挟日而敛之【皆如大宰布治之法县 挟子叶反】乃以九畿之籍施邦国之政职【九畿谓九服之界限也籍书也政职谓兵赋也盖以九畿画界载之于书而施于邦国使其政职也】方千里曰国畿【王国之畿必方千里者盖不千里则不足以待诸侯也】其外方五百里曰侯畿【王畿之外其地方五百里号曰侯畿者取其为王斥侯也 职方氏谓之九服者取服事天子为义此名九畿者取制畿封国为义】又其外方五百里曰甸畿【侯畿之外其地方五百里号曰甸畿者取其为王治田出税也】又其外方五百里曰男畿【甸畿之外其地方五百里号曰男畿者取其为王任职也】又其外方五百里曰采畿【男畿之外其地方五百里号曰采畿者取其为王治事也】又其外方五百里曰卫畿【采畿之外其地方五百里号曰卫畿者取其宣力以卫内也 自侯至卫五服谓之中国】又其外方五百里曰蛮畿【卫畿之外其地方五百里号曰蛮畿者言其俗之慢也】又其外方五百里曰夷畿【蛮畿之外其地方五百里号曰夷畿者言其俗之易也】又其外方五百里曰镇畿【夷畿之外其地方五百里号曰镇畿者谓须镇守之也】又其外方五百里曰蕃畿【镇畿之外其地方五百里号曰蕃畿者谓其在外为蕃篱也 自蛮至蕃四服谓之四夷】凡令赋【令邦国之税赋】以地与民制之【以地之 恶与民之众寡而制之也】上地食者参之二【上地可食者三之二谓田百亩也其不可食者三之一即田五十亩也参三】其民可用者家三人【上地家七人故可用为兵者三人】中地食者半【中地可食者半不可食者半谓田百亩莱亦百亩也】其民可用者二家五人【中地家六人故其可用为兵者两家共五人】下地食者参之一【下地可食者三之一谓田百亩也其不可食者三之二谓莱二百亩也】其民可用者家二人【下地家五人故可用为兵者家二人】中春教振旅【此下言四时教兵之法春教曰振旅者振谓振而拯之所谓入曰振旅是也】司马以旗致民【熊虎为旗司马植之以聚众也】平列陈【平其列以为阵高下如一故曰平也陈阵下同】如战之陈【教兵将以战也故如战之陈焉】辨鼓铎镯铙之用【兵以鼓进以金止鼓铎镯铙皆所以节行也故辨其用铎徒各镯浊铙晓】王执路鼓【路者道之大也王以道御众故执路鼓】诸侯执贲鼓【贲者事之大也诸侯为王执事故执贲鼓贲扶云反】军将执晋鼓【军将统万二千五百人晋以进为义也】师帅执提【师帅统一千五百人提鼓鼓之有柄者于马上提之】旅帅执鼙【旅帅统五百人鼙鼓卑者所执也鼙蒲兮】卒长执铙【卒长统百人执金铙以止鼓】两司马执铎【两司马统一十五人执金铎以通鼓】公司马执镯【公司马伍长也执金镯以节鼓】以教坐作进退疾徐疏数之节【详见下文中冬教大阅一章】遂以搜田【春田曰搜者搜有择意谓择不孕者然后取之】有司表貉【有司大司徒也立表而貉祭之貉莫驾反】誓

民【誓以犯田法之罚】鼓遂围禁【禁谓虞衡守禽之厉禁也乃击鼓而围之】火弊【春田用火田止曰弊弊婢世】献禽以祭社【献禽以祭社神为民祈谷也】中夏教芟舍【夏教曰芟舍者教以草止之法也芟蒲末】如振旅之陈【亦平列阵如战之阵】羣吏撰车徒【车兵车也徒步卒也撰谓数择之也撰算】读书契【述事为书合验为契读则声于众也】辨号名之用【号名谓以旗帜相别如下文所云也】帅以门名【帅谓军将以下也以门名者若鲁有东门襄仲宋有桐门右师之类】县鄙各以其名【县谓县正鄙谓鄙师各以其官名之也】家以号名【家谓卿大夫之家以其美称之号而名之也号去声】卿以州名【一乡有五州各以其州而名之也】野以邑名【野谓都鄙之采邑各以其邑而名之也】百官各象其事【各以所治之事而名之也】以辨军之夜事【凡此号名皆以待军旅之夜事以声闻相别也】其他皆如振旅【此外一如春教之法】遂以苗田【夏田曰苗以除禽兽之害苗者】如搜之法【一如春搜之法】车弊【夏田用车故曰车弊】献禽以享祲【夏祭先王曰祲祲余若反】中秋教治兵【秋教曰治兵者所谓出曰治兵是也】如振旅之陈【亦平列阵如战之阵】辨旗物之用【旗物所以作战如下文所云也然此与司常所载亦小不同未详其义】王载大常【日月为常】诸侯载旂【交龙为旂】军吏载旗【军吏即军将也熊虎为旗】师都载【师都谓孤乡之涖众者通帛为】乡遂载物【六乡六遂之大夫也杂帛为物】郊野载旐【郊野谓都邑之吏也蛇为旐】百官载旟【鸟隼为旟】各书其事与其号焉【事谓所掌之事号谓所称之号皆书于旗物也书当为画】其他皆如振旅【一如春教之法】遂以猕田【秋田曰猕者以杀为主故也猕息典】如搜田之灋【一如春搜之法】罗弊【以网覆而取之故曰罗弊】致禽以祀祫【祫谓祭四方以报成百物也】中冬教大阅【冬教曰大阅者冬农隙之时故大阅兵而习战也阅悦】前期羣吏戒众庶脩战法【羣吏谓乡师以下也前大阅之期而戒众庶以脩战攻之法】虞人莱所田之野为表【山泽之虞除去田草而立表也】百步则一【每百步立一表】为三表【三表之间有三百步】又五十步为一表【四表之间通三百五十步】田之日【及至狩田之日】司马建旗于后表之中【后表第一表也建旗以待民之至也】羣吏以旗物鼓铎镯铙各帅其民而致【皆致之于大司马也】质明【天正明时】弊旗【仆后表之旗】诛后至者【仆旗而后至者诛之】乃陈车徒【陈兵车与步卒】如战之陈【一如春教之阵陈上如字下音阵】皆坐【为将誓众使坐而听之也】羣吏听誓于陈前【诸军将以下率众而听誓于阵前】斩牲以左右徇陈【小子乃斩牲而徇阵之左右】曰不用命者斩之【言不听王命者斩之如此牲也】中军以鼙令鼓【中军之将击鼓鼙以令鼓所以作士气也鼙蒲兮反】鼓人皆三鼓【师帅旅帅各三击其所执之鼓】司马振铎【两司马乃振铎以作众铎徒各反下同】羣吏作旗【羣吏皆植所建之旗物】车徒皆作【车徒之坐而听誓者皆起】鼓行鸣镯【鼓人击鼓以行之伍长鸣镯以节之镯音浊下同】车徒皆行【车徒皆起行也】及表乃止【自第一表行至第二表而止】三鼓摠铎【鼓人人三鼓也摠铎者掩其口而振之也摠音鹿又扶表反】羣吏弊旗【羣吏闻铎皆仆其旗】车徒皆坐【止行而息气也】又三鼓【鼓人又三击鼓】振铎【司马又振铎】作旗【羣吏闻铎又植其旗】车徒皆作【坐者皆起】鼓进鸣镯【鼓人击鼓而进伍长鸣镯以节之】车骤徒趋【骤谓聚足而进趋则走之肃也此言赴敌尚疾之渐也骤仕救反】及表乃止【自第二表骤趋至第三表而止】坐作如初【坐作一如第二表之法】乃鼓【鼓人又击鼓】车驰徒走【驰谓决围而去走则速也此言勇于赴敌也】及表乃止【自第三表驰走至第四表而止】鼓戒三

阏【声鼓以戒攻敌以三为节阏苦穴反】车三发【每鼓一阏则车一发】徒三刺【每鼓一阏则徒一刺至三而止】乃鼓退【象已胜敌故鸣鼓而退也】鸣铙且郤【卒长鸣铙以止鼓而退兵郤却】及表乃止【自第四表退至第一表而止】坐作如初【坐作一如前法】遂以狩田【冬田曰狩者言取之无所择也】以旌为左右和之门【军门曰和立两旌于左右以为之】羣吏各帅其车徒以叙和出【用次序以出和门也】左右陈车徒【或出而左或出而右】有司平之【郷师居门正其出入之行列也】旗居卒间以分地【旗军吏所载也每百人为一卒分地者谓调其部曲之疏密也分去声】前后有屯百步【车徒前后异屯其相去百步也屯豚】有司巡其前后【郷师又巡其行列使不紊也】险野人为主【山阜险阻则以步卒居前】易野车为主【原野平夷则以兵车居前易去声】既陈【车徒排列成阵】乃设驱逆之车【驱谓驱禽使前趋获逆谓送还之使不出围也驱起其切又如字】有司表貉于陈前【如振旅之法貉莫驾】中军以鼙令鼓鼓人皆三鼓【见上注】羣司马振铎【羣司马即两司马也】车徒皆作【坐者皆起】遂鼓行【遂击鼓而行】徒衔枚而进【枚如箸步卒皆衔枚而进所以止諠哗也】大兽公之【得大兽则纳之于官】小禽私之【得小禽则私自取之】获者取左耳【得禽兽者取其左耳以计多少而论功也】及所弊【田所当止之处】鼓皆馘【疾志击鼓曰馘馘胡楷反】车徒皆噪【噪讙也以象克敌而喜也】徒乃弊【冬狩以徒为主故曰徒乃弊】致禽馐兽于郊【取所获之禽因以馐祭四方之神于郊馐于辄反】入献禽以享烝【入以献于先王也冬祭曰烝烝之升】及师大合军【师谓王巡守防同司马起师合军以从之】以行禁令【禁以止之令以行之】以救无辜【仁之至也】伐有罪【义之尽也】若大师则掌其戒令【王出大师征伐则戒其怠忽令其有为】蒞大卜【大卜占出兵吉凶则临之】帅执事蒞衅主及军器【卜既得吉乃迎迁庙之主及社主载之齐车执事者杀牲取血以涂主及军器司马则帅而临视之】及致【郷师致民于司马】建大常【司马乃植大常之旗】比军众【比较军众之多寡比音鼻】诛后至者【已建大常而后至者诛之】及战【及当战之时】巡陈眡事而赏罚【司马巡行陈中视其所执之事有功者赏违令者罚眡视】若师有功【谓战胜也】则左执律【律听军声故左执之】右秉钺【钺致杀伐故右秉之钺越】以先恺乐献于社【先犹道也乃奏恺捷之乐而献功于社】若师不功则厌而奉主车王吊劳士庶子则相大役【谓筑作城池役众之大事】与虑事【司徒司空谋虑役事司马与焉与预】属其植【植谓主役人之官属其植则欲知其人之多寡属烛植值】受其要【要谓计功程之书受其要则欲知其功之差等】以待攷而赏诛【以待攷校其功过而行诛赏也】大防同则帅士庶子【士谓国子之已命者庶子谓未命者】而掌其政令【政以正之令以命之】若大射则合诸侯之六耦【两人为耦王大射以选士则令诸侯为大耦以射三侯】大祭祀飨食【大祭祀谓大享也飨食于庙所以礼賓客也食似】羞牲鱼【以鱼为牲而进之】授其祭【授尸賓所当祭之物】大丧平士大夫丧祭奉诏马牲

小司马之职【中大夫二人】掌凡小祭祀防同飨射师田丧纪掌其事如大司马之法

军司马【下大夫二人】阏

舆司马【上士八人】阏

行司马【中士十有六人旅下士三十有二人府六人史十有六人胥三十有二人徒三百有二十人】阙

司勳【上士二人下士四人府二人史四人胥二人徒二十人 主功赏之官】掌六鄉赏地之法【六乡赏地即载师之赏田也在遠郊】以等其功【以差等其功之大小】王功曰勳【王功谓辅成王业也勳者功之總名王功至大故名曰勳】国功曰功【国功谓保全国家也次于王功故以功名之】民功曰庸【民功谓法施于民也庸常也国家为民立官故有功于民者曰庸也】事功曰劳【尽勤劳者足以立事故事功名之曰劳也】治功曰力【强有力者足以任治故治功名之曰力也治直吏反】战功曰多【战以多筭而能胜故名战功曰多也】凡有功者【凡人臣有功于国家者】铭书于王之大常【日月为常王之旗也书有功之名于大常之旗使与日月同其光也】祭于大烝【冬祭曰烝死而祭于大烝使与先王同其享也】司勳诏之【其祭之也则司勳以其辞而告于神也】大功司勳藏其贰【大功之书藏于天府而司勳又藏其副本以主其赏也】掌赏地之政令【政令谓赏田之赋役也】凡赏无常【功之大小不可预知故无常也】轻重视功【功大者重其赏功小者轻其赏】凡颁赏地【颁受赏田之法】参之一食【三分计税王食其一功臣食其二也参三】唯加田无国正【既赏以田而又加赐之则免其征税也正音征】

马质【中士二人府一人史二人贾四人徒八人主平马价】掌质马【质正也买马则平其价直】马量三物【三马之材必量其高下然后可知其价也】一曰戎马【共戎事之马】二曰田马【共田事之马】三曰驽马【下材而共冗事之马】皆有物贾【以其材之美恶定其价之高下贾价】纲恶马【马之恶者则纲维之所以禁其奔踰也】凡受马于有司者【有司谓校人之属受马谓国事当用马者】书其齿毛与其贾【马质则书其年齿毛色及其价直】马死则旬之内更旬之外入马耳以其物更其外否马及行则以任齐其行若有马讼则听之【有争马之讼则听其曲直】禁原蚕者【原再也蚕为龙精与马同祖一歲再蚕则蚕胜而马衰故禁之】

量人【下士二人府一人史四人徒八人 主以大尺量地广狭量良】掌建国之灋【建国之法谓辨方正位也】以分国为九州【自王国及诸 之国列其地为九州也】营国城郭【营创也王国之内曰城外曰郭】营后宫【营王后之六宫】量市朝道巷门渠【王立朝后立市朝在前市在后道巷所以往来门以出入渠以通水皆量其广狭而为之制也潮朝】造都邑亦如之【造都鄙之采邑亦如建国之法】营军之垒舍【垒谓军壁舍谓军舍】量其市朝州涂军社之所里【王师之所在有市有朝其众之所聚则谓之州其众之所由则有涂其载社主以行而所至之涂则有里涂涂】邦国之地【诸侯之地其制有大小】与天下之涂数【天下道涂其数有广狭】皆书而藏之【以备其攷察也】凡祭祀飨賔制其从献脯燔之数量掌丧祭奠饔之俎实凡宰祭与郁人受鬯歷而皆饮之

小子【下士二人史一人贾二人徒八人 主祭祀之小事】掌祭祀羞羊肆羊彘肉豆【羞进也羊肆谓体荐全烝也羊彘谓体解节折也肉豆谓切肉加于豆也肆音剔又如字】而掌珥于社稷【珥弭灾之祭也社土神稷谷神珥弭】祈于五祀【祈求福之祭也五祀户灶中霤

门行也】凡沈辜侯禴饰其牲衅邦器及军器凡师田【师旅田猎】斩牲以左右徇陈【斩牲而徇于阵之左右言不用命者其受戮于社如此牲也徇辞俊陈阵】祭祀赞羞受彻焉【始祭进饌则赞之祭毕彻器则受之】

羊人【下士二人史一人贾二人徒八人火畜属夏】掌羊牲【用羊为牲则掌之】凡祭祀饰羔【羔小羊也饰谓饰以绩也】祭祀割羊牲【祭祀用羊则主割杀之事】登其首【首者阳气所聚升首以报阳也】凡祈珥共其羊牲賓客共其灋羊凡沈辜侯禴衅积共其羊牲若牧人无牲【牧人偶乏羊牲】则受布于司马【则受其买牲泉布于司马】使其贾买牲而共之【羊人之属有贾二人能知物价故使买而共之贾古共防】

司燿【下士二人徒六人举火曰燿燿贯】掌行火之政令【行火犹用火也正以政之令以命之】四时变国火【春取榆柳之火夏取杏之火季夏取桑柘之火秋取柞櫟之火冬取槐檀之火】以救时疾【四时之火各以其宜则民疾可救矣】季春出火【火星见于建辰之月因出之以宣其气虽烈山焚莱不禁也】民咸从之【民皆从其出火之令】季秋内火【火星伏于建戌之月因内之以息其气虽铄金焚薙不为也内音纳】民亦如之【民亦从其内火之令】时则施火令【以时施其禁焚莱之令令去声】凡祭祀则祭燿【祭燿以报始钻燧出火者】凡国失火【国中不谨而致失火】野焚莱【野外不谨而致焚莱】则有刑罚焉【以其不谨故施刑罚以薄惩之】

掌固【上士二人下士八人府二人史四人胥四人徒四十人国所依阻曰固】掌脩城郭沟池树渠之固【浚沟之土以为城凿池之土以为郭外有渠以通水而植木其上凡此皆所以为固也】颁其士庶子及其众庶之守【士谓公卿大夫之适于已命者庶子谓未命者颁士庶子所守之地使董众庶以为守也】设其饰器【设饰以为美设器以为备】分其财用【以给守者】均其稍食【以养守者】任其万民【如此则万民可任而使有职】用其材器【材器可用而使无乏也】凡守者受灋焉【凡守城池备寇难者皆受法于掌固守狩】以通守政有移甲与其役材用唯是得通与国有司帅之以赞其不足者昼三巡之夜亦如之夜三鼙以号戒若造都邑【若造都鄙之采邑】则治其固与其守灋【亦造城池以为固而为守之之法】凡国都之竟有沟树之固【王国所都之竟界皆凿沟树木以为阻固竟境】郊亦如之【国外曰郊其沟树亦如之】民皆有职焉【民皆任其守险之职】若有山川则因之【地险山川丘陵可因之以为阻固也】

司险【中士二人下士四人史二人徒四十人 在国曰固在野曰险】掌九州之图【谓九州之地图】以周知其山林川泽之阻【山林川泽有阻塞不通者观于地图可以徧知之】而达其道路【山林之阻则开凿之川泽之阻则桥梁之使道路通達也】设国之五沟五涂【五沟遂沟洫浚川也五涂径畛涂道路也详见遂人注】而树之林以为阻固【栽植林木于沟涂之上用为阻固】皆有守禁【司险地之民职其守禁】而达其道路【虽有守禁而听民往来也】国有故【丧葬及兵事】则藩塞阻路而止行者【闭塞要害之路不通往来所以备奸宄也】以其属守之【使凡属司险之民同守之】唯有节者达之【惟执符玺以往来者不禁其行】

掌疆【中士八人史四人胥十有六人徒百有六十人】阙

候人【上士六人下士十有二人史六人徒百有二十人主候迎賓客者】各掌其方之道治【四方賓客之来则掌其道路之治治直吏】与其禁令【禁令所以备奸宄也】以设候人【四方各设其人以候賓客】若有方治【四方有来治国事者】则帅而致于朝【候人则帅其人面造于王朝也朝潮】及归【及其治事而归】送之于竟【候人复送之出竟也竟境】

环人【下士六人史二人徒十有二人环犹却也主以勇力却敌】掌致师【致敌人来使战也】察军慝【伺察军中为陰奸者慝他得反】环四方之故【四方有兵戎之故环而却之不使合党締交】巡邦国【巡行邦国之中】搏谍贼【贼来作间谍探伺虚实者搏而执之】讼敌国【诸侯有争讼则平之】军旅【其负固不服者则振武事以伐之】降国邑【邑之叛者来降则受之降户江反】

挈壶氏【下士六人史二人徒十有二人挈提也壶水器也主挈壶水以定刻漏】掌挈壶以令军井【谓为军穿井井成则挈壶以表于其上使军中知取水之处也】挈轡以令舍【轡所以驾马者军所止宿之地则挈轡以表之使军中知所止宿也挈诘结反又音纈】挈畚以令粮【畚盛粮之器也于置粮食之地则挈畚以表之使军中知取食之处也畚音本】凡军事【凡有军旅之事】县壶以序聚【县壶注水以定更漏所以序次更迭击柝守备之人也托】凡丧县壶以代哭者皆以水火守之【以水守壶者所以添漏水也以火守壶者夜则视刻数也】分以日夜【于昼漏上分日夜之刻数】及冬则以火爨鼎水而沸之而沃之【冬则水凝而漏不下故以鼎煮水为沸汤以沃漏也】

射人【下大夫二人上士四人下士八人府二人史四人胥二人徒二十人主射事者】掌国之三公孤卿大夫之位【王与诸侯行賓射之礼则国之公孤卿大夫与焉射人则掌其位也】三公北面【以荅君也】孤东面【三孤列于西而东面】卿大夫西面【卿大夫列于西而东面盖东西向者所以佐佑王也】其摯【其执摯以见王如下文所云】三公执璧【三公执璧为摯】孤执皮帛【三孤执皮帛为摯】卿执羔【卿执羔为摯】大夫鴈【大夫执鴈为摯】诸侯在朝则皆北面【从三公之后也朝潮】诏相其灋【诏以言相以力谓射人诏相诸侯以礼仪也相去声】若有国事【国有祭祀之事】则掌其戒令【戒其怠忽令其有为】诏相其事【诏相诸侯共祭祀之事相去声】掌其治达【其善治射事者则达之于王也】以射灋治射仪【射法谓射礼之法而下文所谓侯也获也容也乐节也皆射仪也】王以六耦射三侯【两人为耦六耦则十二人也侯今之射垛也三侯熊侯虎侯豹侯也射射侯之射音石下同】三获三容【三获谓执获旌而告中者三人也三容谓设之以蔽待获者也】乐以驺虞【歌驺虞之诗以为节也】九节五正【节即驺虞也以九为数五正者以五采为正鹄也中朱次白次黄次苍而黑居其外焉正音征下同】诸侯以四耦射二侯【四耦则八人也二侯熊豹也】二获二容【如侯之数】乐以貍首【歌貍首之诗以为节】七节三正【貍首以七为节三正朱白苍也】孤卿大夫以三耦射一侯【三耦则六人也一侯谓麋侯也】一获一容【如侯之数】乐以采苹【歌采苹之诗以为节】五节二正【采苹以

五为节二正则朱绿也】士以三耦射豻侯【亦六人也豻胡犬也】一获一容【如侯之数】乐以采蘩【歌采蘩之诗以为节】五节二正【与孤卿大夫同】若王大射【谓将祭而择士之射】则以狸步张三侯【狸兽之善 者盖拟其步数以取逵近而张熊虎豹之三侯也】王射则令去侯立于后【王自射则令负侯者去侯而立于其后去上声】以矢行告【王矢之行必以高下左右告也】卒令取矢【射毕则令校乌氏取矢也卒子恤反】祭侯则为位【祭侯之神则设位于西北三步】与大史数射中【与大史同数射者中侯之筭数所中去声】佐司马治射正【射以不失正鹄为主司马射之而射人佐之】祭祀则赞射牲【祭祀王亲射牲则赞射之】相孤卿大夫之灋仪【孤卿大夫射则相其射法与射仪也】防同朝覲作大夫介凡有爵者大师令有爵者乘王之倅车有大賓客则作卿大夫从戒大史及大夫介大丧与仆人迁尸作卿大夫掌事比其庐不敬者苛罚之

服不氏【下士一人徒四人】掌养猛兽而教扰之凡祭祀共猛兽賓客之事则抗皮射则赞张侯以旌居乏而待获

射鸟氏【下士一人徒四人】掌射鸟祭祀以弓矢欧鸟鸢凡賓客防同军旅亦如之射则取矢矢在侯高则以并夹取之

罗氏【下士一人徒八人】掌罗乌鸟蜡则作罗 中春罗春鸟献鳩以养国老行羽物

掌畜【下士二人史二人胥二人徒二十人】掌养鸟而阜蕃教扰之祭祀共卵鸟岁时贡鸟物共膳献之鸟

周礼句解卷七

卷八

钦定四库全书

周礼句解卷八

宋 朱申 撰

夏官司马下

司士【下大夫二人中士六人下士十有二人府二人史四人胥四人徒四十人 此掌羣臣之版盖自公至于士总而言之皆曰士也】掌羣臣之版【羣臣之名皆书于版版板】以治其政令【下文所云皆政令也】岁登下其损益之数【损益谓黜陟也有损有益则有登有下其数有多寡也故每岁登之下之】辨其年岁与其贵贱【辨其年则知其齿之壮老辨其岁则知其任之久近贵谓大夫以上贱谓士以下】周知邦国都家县鄙之数【周徧也邦国谓诸侯也都家谓大都小都家邑也县鄙谓六遂也】卿大夫士庶子之数【士谓卿大夫之适子已命者庶子谓卿大夫之庶子未命者】以诏王治【告于王以所当进退之治】以德诏爵【公侯伯子男孤卿大夫士皆爵也有德者告于王而爵之】以功诏禄【禄有官者之俸也有功者告于王而禄之】以能诏事【有才能者则告王使各治其事】以久奠食【食者有司之饩廩也不待诏王特以任事之久而定其多寡尔】唯赐无常【赐者出于王之特恩无常数也】正朝仪之位【朝仪谓视朝于路门外之仪也正其位则使之不差朝潮】辨其贵贱之等【贵贱谓自王公以下至大仆从者也辨其等则使之不乱】王南乡【圣人南面而听天下故王南向乡向】三公北面东上【三公面向王故北面而以东为上】孤东面北上【孤佑王者故在王之右而东面以北为上】卿大夫西面北上【卿大夫佐王者故在王之左而西面亦以北为上】王族故士虎士在路门之右南面东上【王族故士谓王之同族故为士而留宿卫者虎士虎贲之士也皆从王者立于路门之右而南面以东为上】大仆大右大仆从者在路门之左南面西上【大仆侍御之长大右司右也大仆从者小臣祭仆之类也亦从王者故立于路门之左而南面以西为上大音太从去声】司士摈【摈相王眠朝之事摈必刃反】孤卿特揖【三孤六卿职尊故逐一揖之】大夫以其等旅揖【旅众也大夫稍卑有中下二等故各于其等而众揖之】士旁三揖【士又卑而有上中下故旁三揖焉】王还揖门左揖门右【还回旋也以在路门左名者皆南面故还揖之也】大仆前【大仆近前正王眠朝之位】王入内朝皆退【王视朝毕乃入路门内朝朝者皆退】掌国中之士治【士之仕于王国者则治其进退损益也】凡其戒令【戒其怠忽令其当为】掌摈士者膳其摯凡祭祀掌士之戒令诏相其法事及赐爵呼昭穆而进之帅其属而割牲羞俎豆凡防同作士从賔客亦如之作士适四方使为介大丧作士掌事作六军之士执披凡士之有守者令哭无去守国有故则致士而颁其守凡邦国【邦国之士皆命于王】三岁则稽士任【其任有功过三岁则稽攷之】而进退其爵禄【有功者进其爵禄有过者退其爵禄】

诸子【下大夫二人中士四人府二人史二人胥二人徒二十人国子之适则为正而其庶介于适者则谓之倅倅七内反】掌其戒令与其教治【戒其怠忽令其有为教以其艺治以其事治直吏反】辨其等【明贵贱也】正其位【别上下也】国有大事【国有大事在祀与戎】则帅国子而致于天子【公卿大夫听于王故其于听于天子也大音太】唯所用之【唯天子之所用】若有兵甲之事【兵甲谓征伐也】则授之车甲【授以车则马可知授以甲则兵可知】合其卒伍【聯之有数卒子忽反】置其有司【师之有人】以军法治之【其坐作进退如军旅之事】司马弗正【以其为国之贵游故司马不得以兵赋征之也正音征国正同】凡国正弗及【乡遂所有甸徒力役之事皆不及也】大祭祀正六牲之体【正其牲体以序而献】凡乐事【作乐之事】正舞位【正舞者所立之位】授舞器【授舞者所执之器】大丧正羣子之服位防同賓客作羣子从凡国之政事【即兵甲之事也】国子存游倅【游倅谓倅之未仕游暇无事者盖政事但及于国子故游倅则存之于未用】使之脩德学道【德可据故使之脩道可志故使之学】春合诸学【春则聚于大学而教之学】秋合诸射【秋则聚于射宫而教之射】以攷其艺而进退之【其才艺长者进与官爵短者退之使更习业也】

司右【上士二人下士四人府四人史四人胥八人徒八十人勇士为军右者司右主之】掌羣右之政令【羣右谓戎右齐右道右也政以正之令以命之】凡军旅防同【军旅戎事防同賓事】合其车之卒伍【卒伍谓车仆所掌车之倅也】而比其乘【比其所乘之马使之齐力乘去声】属其右【属其为右之人使之同心属音烛】凡国之勇力之士能用五兵者属焉【以车右必任勇力之事也五兵戈殳防酋矛夷矛也】掌其政令【政以正之令以命之】

虎贲氏【下大夫二人中士十有二人府二人史八人胥八十人虎士八百人主虎士者贲奔】掌先后王而趋以卒伍【王出则以虎贲趋于前后以卫王也言卒伍则有行列也先去声】军旅防同亦如之【亦同用虎士卫王也】舍则守王闲【闲王所舍之防也王出而舍于外则以虎士守王闲舍赦】王在国则守王宫【王入而在于国则以虎士守王宫】国有大故则守王门【国有灾兵之故则以虎士守王门】大丧亦如之及葬从遣车而哭适四方使则从士大夫若道路不通有征事则奉书以使于四方

旅贲氏【中士二人下士十有六人史二人徒八人以旅力而卫王】掌执戈盾夹王车而趋【王出则以下士十六人执戈盾夹王车而行盾常準】左八人【八人在车之左】右八人【八人在车之右】车止则持轮【使王车安固也】凡祭祀防同賓客则服而趋丧纪则衰葛执戈盾军旅则介而趋

节服氏【下士八人徒四人其所着服与王为节】掌祭祀朝覲袞冕六人维王之太常【服袞冕者从王服也太常王所建旗六人维之则一畔有三人持之也】诸侯则四人【诸侯建交龙之旂一畔有两人维之】其服亦如之【亦同诸侯之服】郊祀袞冕二人【尸服与王同大裘节服氏亦大裘故二人皆袞冕】执戈送逆尸从车【送尸迎尸皆执戈而从尸车之后从去声】

方相氏【狂夫四人】掌蒙熊皮黄金四目 衣朱裳执戈 盾帅百 而时难以索室殴疫大丧先匱及墓入圻以戈击四隅殴方良

大仆【下大夫二人 仆侍御之官大仆其长也大太】掌正王之服位【王之吉服有六所立有位大仆正之使当其礼】出入王之大命【出大命则宣之于外入大命则纳之于内】掌诸侯之复逆【复有报乎上也逆有言乎上也】王眡朝则前正位而退【前正位则司士所谓大仆前也退则立于路门之左也】入亦如之【正燕朝之位亦如外朝也】建路鼓于大寝之门外【路鼓四面以象无所不通也大寝路寝也其门外则曰内朝】而掌其政【谓鼓节与早晏】以待达穷者与遽令【无告困穷之民四方急遽之令二者欲其闻之速也故使之鸣鼓焉遽诿令零也】闻鼓声【大仆闻有鸣鼓者】则速逆御仆与御庶子【御仆御庶子皆直事鼓所者大仆速逆此二官即受其事以闻】祭祀賓客丧纪正王之服位诏法仪赞正牲事王出入则自左馭而前驱【王出入面乘车则自车之左馭而前行也】凡军旅田役赞王鼓【军旅田役王皆亲鼓大仆赞之】救日月亦如之【日月薄蚀则击鼓以祛陰慝大仆亦赞其事】大丧始崩戒鼓传达于四方窆亦如之县丧首服之法于宫门掌三公孤卿之吊劳王燕饮则相其灋【王之燕饮虽无酌数然亦有法大仆则相之】王射则赞弓矢【王之大射燕射有事于弓矢大仆则赞之】王眡燕朝则正位【王与族人燕处大仆皆正其位】掌摈相【摈则助賓相则助主】王不眡朝则辞于三公及孤卿【以不眡朝之意而告之也】

小臣【上士四人大仆之属】掌王之小命【大仆出入王之大命故小臣掌其小命也】诏相王之小灋仪【诏者告之以言相者助之以力小法如行以肆夏之类小仪如大揖同姓之类】掌三公及孤卿之复逆【大仆掌诸侯之复逆故小臣掌三公孤卿之复逆也】正王之燕服位【王退朝而适燕寝则正其服与位】王之燕出入则前驱【燕私之出入则馭而前驱】大祭祀朝覲沃王盥【沃水盥手】小祭祀賓客飧食賓射掌事如大仆之法掌士大夫之吊劳凡大事佐大仆

祭仆【中士六人 代王躬行祭祀之事】掌受命于王以眡祭祀【谓王于祭祀有故而不与之时也】而警戒祭祀有司【有司有事于祭祀者警以言而戒以事也】纠百官之戒具【前期则有戒既戒则其具皆纠察之】既祭帅羣有司而反命【受命以祭故祭毕则帅有司而反命】以王命劳之【复以王命劳与祭之有司劳去声】诛其不敬者【有司不敬则以王命诛责之】大丧复于小庙凡祭祀王之所不与则赐之禽都家亦如之凡祭祀致福者展而受之

御仆【下士十有二人 府二人 史四人 胥二人 徒二十人 仆臣之属于尊者如马之在御也】掌羣吏之逆及庶民之复【羣吏之逆谓自士以下有言于上者庶民之复谓惇独老防有复于上者】大祭祀相盥而登【盥洗手也登谓登牲体于俎也相相王也】大丧持翼掌王之燕令以序守路鼓

仆【下士二人 府一人 史二人 胥四人 徒四十人】掌五寝之扫除粪洒之事祭祀脩寝王行

洗乘石掌蹕宫中之事大丧复于小寝大寝

弁师【下士二人工四人史二人徒四人 掌五冕之官】掌王之五冕【王之冕有六大裘冕衮冕鷩冕毳冕希冕 冕而此云五冕者大裘与兗同一冕也】皆 冕朱里【冕以版为之广八寸长尺六寸 表而朱里】延纽【延即冕之覆而在上也纽小鼻也缀于武上四旁以笄贯之】五采纁十有二就【以五采丝为绳如纁之文以贯玉而垂于延之前后各十有二就也就成也纁音藻】皆五采玉十有二【以五采玉相间用五采纁贯而垂之每就各十有二旒也】玉笄朱紘【以玉为笄横贯于纽以朱为紘缀于笄之两端而结于颌下】诸侯之纁旒九就【冕之前后各九就每就缀九旒侯当为公旒留】璿玉三采【璿玉石似玉者也三采朱白苍也璿音民】其余如王之事【谓 冕朱里延缀玉笄朱紘也】纁旒皆就【此总言侯伯子男之冕也侯伯七命则七就子男五命则五就】玉璜玉笄【以玉为璜所以塞耳也玉笄见上注】王之皮弁防五采【皮弁王眡朝之服其缝中结五采玉为饰也】玉璫象邸【玉璫即五采玉十二也象邸以象骨饰采内顶上之邸也】玉笄王之弁经弁而加环经诸侯及孤卿大夫之冕韦弁皮弁弁经各以其等为之而掌其禁令

司甲【下大夫二人中士八人府四人史八人胥八人徒八十人】阙

司兵【中士四人府二人史四人胥二人徒二十人 掌兵器者】掌五兵五盾【此言步卒五兵弓矢戈殳矛也五盾则授兵舞者之盾谓贰车之盾乘车之盾旅賁之盾虎士之盾藩盾也】各辨其物与其等【辨其物则其用各有所宜也辨其等则其制有长短小大也】以待军事【除戎器以戒不虞也】及授兵【以兵器授军旅】从司马之法以颁之【师旅卒两人数合颁所用多少并从司马之法】及其授兵输亦如之【谓师还而有司还兵也】及其用兵亦如之【谓出给守卫也二者皆从司马之法】祭祀授舞者兵【干戚之舞】大丧廞五兵军事建车之五兵防同亦如之

司戈盾【下士二人府一人史二人徒四人 戈今之防也盾常允】掌戈盾之物而颁之【如下文祭祀军旅防同之属】祭祀授旅賁殳【旅賁掌执戈盾而趋及祭祀则但执殳也】故士戈盾【故士王族故士也以其从士故授之戈盾以为卫】授舞者兵亦如之军旅防同授贰车戈盾【贰车副车也若有军旅防同则司戈盾以戈盾授之】建乘车之戈盾【王所乘车不授之但建其戈盾而已乘去声】授旅賁及虎士戈盾【旅賁虎士趋而卫王故亦授以戈盾賁奔】及舍设藩盾【王所止舍之所设盾以为藩卫】行则敛之【王行则无所用故收敛之敛去声】

司弓矢【下大夫二人中士八人府四人史八人胥八人徒八十人 掌弓弩矢箛官之长】掌六弓四弩八矢之法【六弓谓王弓弧弓夹弓庾弓唐弓大弓也四弩谓夹庾唐大也八矢谓枉矢絜矢杀矢鏃矢矰矢箛矢恒矢庠矢也法谓曲直长短之数也】辨其名物【名以命之物以色之】而掌其守藏【守之则有人藏之则有府守音狩藏去声】与其出入【出则颁之入则授之】中春献弓弩【弓弩成于阳气方和之时故中春献之中音仲】中秋献矢箛【箛盛矢器也以兽皮为之矢与箛成于阴气将坚之时故仲秋献之】及其颁之王弓弧弓

以授射甲革楯质者夹弓庾弓以授射豸侯鸟兽者唐弓大弓以授学射者使者劳者其矢箛皆从其弓凡弩夹庾利攻守唐大利车战野战凡矢枉矢絜矢利火射用诸守城车战杀矢箛矢用诸近射田猎矰矢蒺矢用诸弋射恒矢庠矢用诸散射天子之弓合九而成规【往体寡来体多则合多往体多来体寡则合少天子之弓王弓弧弓也其体不甚曲故合九弓而成一规】诸侯合七而成规【诸侯之弓唐弓大弓也其体稍曲故合七弓而成一规】大夫合五而成规【大夫之弓夹弓庾弓也其体愈曲故合五弓而成一规】士合三而成规【士之弓斗力也其体极曲故合三而成一规】句者谓之弊弓【句曲也弊恶也句者弊则直者为良矣句钩弊婢】凡祭祀共射牲之弓矢【射牲示亲杀也杀牲非尊者所亲故用弓矢】泽共射楯质之弓矢【泽谓泽宫将祭而习射以选士之处也质止也言树楯以为射正而共其弓矢】大射燕射【大射择士助祭燕射燕饮而射】共弓矢如数并夹【如数谓如当射者之数也并夹谓矢之高者以夹取之也】大丧共明弓矢凡师役防同颁弓弩各以其物【物谓弓弩矢箛之类】从授兵甲之仪田弋充箛箛矢共矰矢凡亡矢者弗用则更

缮人【上士二人下士四人府一人史二人胥二人徒二十人 缮治弓弩矢箛之类】掌诏王射【告王以当射之节】质王弓矢之事【当射则以弓矢授王已射则受之】凡乘车充其箛箛载其弓弩既射则敛之无防计

橐人【中士四人府二人史四人胥二人徒二十人 箭箛曰橐橐杲】掌受财于职金以赍其工【弓弩矢箛冬官百工所造也橐人则受财于职金之官以给其直赍音咨】弓六物为三等【弓六物谓王弧夹庾唐大也其斗力强弱分为上中下三等】弩四物亦如之【弩四物谓夹庾唐大也其斗力亦分三等】矢八物皆三等【矢八物谓枉絜杀鏃矰蒺恒庠也皆分三等】箛亦如之【盛矢之箛亦分三等】春献素【春献弓弩之胎素】秋献成【弓弩备四时之气而后成及秋乃可献也】书其等以飨工【书其工拙之等降为酒食以享劳之也】乘其事【乘其治兵大阅之事】试其弓弩【当大阅时试其弓弩良否试当作考】以下上其食而诛赏【弓弩善则上其禄甚则赏之不善则下其禄甚则诛之上时掌】乃入功于司弓矢及缮人【既考其功乃入之于司弓矢以待颁赐入之于橐人以供王用也】凡赍财与其出入皆在橐人以待防而考之亡者阙之

戎右【中大夫二人上士二人 此充戎路之右】掌戎车之兵革使【王乘戎车则在弓之右执兵被甲以充役使去声】诏赞王鼓【诏谓告以当鼓之节质谓助击之也】传王命于陈中【以军众所在惧王命有所不闻也传直宣陈阵】防同充革车【防同王乘金路而革车从则充革车之右也】

齐右【下大夫二人 充玉路金路之右齐音斋】掌祭祀防同賓客马前齐车【祭祀王乘王路防同賓客王乘金路王未乘车之时立于马前以备惊奔】王乘则持马【王登车则持马以备骇舆之患乘去声】行则陪乘【王既乘而行则在车为参乘也】凡有牲事则前马【王见牲则拱而式齐右居马前以备惊奔】

道右【上士二人 此充象路之右】掌前道车【道车象路视朝之车也前车与齐车同】王

出入则持马陪乘如齐车之仪【乘则持马行则陪乘】自车上谕命于从车【王行则以车从王有命则自车上宣谕之从去声】诏王之车仪【动容周旋之仪皆诏告之】王式则下前马【与齐右牲事前马同】王下则以盖从【王下车则执盖而从】

大驭【中大夫二人此玉路之驭驭之最尊者】掌驭玉路以祀【见巾车注】及犯軼【行山曰軼盖封土为山于国门之外祭之以牲也軼音防】王自左驭【大驭将下车故王自车左代之为驭】驭下祝【大驭乃下车而祝神祝之又反】登受轡犯軼【已祭而登车乃受轡而犯軼】遂驱之【乃驱马登其山而去之所谓犯軼也】及祭酌仆【仆即大驭也王以祭之余酒酌之】仆左执轡【大驭以左手执轡】右祭两轂【以右手酌酒祭左右两轂之末轂只】祭轨【又祭轼前轨犯】乃饮【祭毕然后饮之】凡驭路【总言驭五路也】行以肆夏【行谓大寝至门外行欲缓故歌肆夏以为节】趋以采荠【趋谓路门至应门趋欲速故歌采荠以为节荠音咨】凡驭路仪【总言驭五路之仪】以鸾和为节【鸾和金铃也鸾在衡和在轼取其声以为车行之节也】

戎仆【中大夫二人革路之驭】掌驭戎车【见巾车革路注】掌王倅车之政【倅副车也掌其政所以正之倅萃内反】正其服【正乘戎车者服】犯軼如玉路之仪【一如大驭之仪】凡巡守及兵车之防亦如之【巡守谓巡诸侯之所守兵车之防谓盟防用兵车二者皆乘革路也】掌凡戎车之仪【戎以威为主若甲冑有不可犯之色是也】

齐仆【下大夫二人金路之驭也言齐者王敬寘事如祭也齐音斋】掌驭金路以寘【见巾车注】朝覲宗遇飧食皆乘金路【此皆所以接寘故皆乘金路也乘去声】其法仪各以其等为车送逆之节【法谓度数仪谓动容盖主送逆公侯伯子男各以其爵位尊卑之等而为远近之节也】

道仆【上士十有二人象路之驭】掌驭象路以朝夕燕出入【出入谓旦暮乘象路以之内外朝也燕谓自内外朝乘象路以还燕寝也象路见巾车注朝潮】其法仪如齐车【亦以其等为节】掌贰车之政令【贰车道车之副也政以正之令以命之】

田仆【上士十有二人木路之驭】掌驭田路以田以鄙【田路即巾车之木路也田田猎也鄙巡行县鄙也】掌佐车之政【佐车田车之副贰也】设驱逆之车【驱车谓驱禽使前趋获也逆教也逆还之使禽不出围也】令获者植旌【令获禽者致于虞人所植之旌植直吏反】及献比禽【及献禽则比次其大小而数之比鼻】凡田【田猎驱驰之法】王提马而走【提犹举也使人扣而举之】诸侯晋【晋犹抑也使人扣而抑之皆所以止奔也】大夫驰【驰则放而不扣也】

驭夫【中士二十人下士四十人贰车从车使车之驭】掌驭贰车从车使车【贰车象路之副也从车戎车田车之副也使车驱逆之车也从去声使去声】分公马而驾治之【三者皆公车故用公马驾谓以舟驾马治谓理其行也】

校人【中大夫二人上士四人下士十有六人府四人史八人胥八人徒八十人 马官之长校效】掌王马之政【政谓差择养乘之数】辨六马之属【马之属不同而所驾亦异故辨之】种马一物【种谓马之至良而可以为种者王路用之一物者谓以一类相从也种上声】戎马一物【戎路驾戎马】齐马一物【金路驾齐马】道马一物【象路驾道马】田马一物【田路驾田马】驂马一物【以给宫中之役】凡颁良马而养乘之【颁良马谓颁之于圉师圉人趣马驭夫仆夫也养之乘之然后教也】乘马一师四圉【四匹曰乘养马曰圉乘马分为四圉圉师一人主之圉鱼吕反】三乘为阜【马十二匹为阜阜才早反】阜一趣马【下士一人主之】三阜为系【马三十六匹为系系音计】系一驭夫【中士一人主之】六系为廐【马二百一十六匹为廐】廐一仆夫【上士一人主之廐九又反】六廐成校【六马各一廐共成一校凡千二百九十六匹而王马少备】校有左右【二校分为左右】驂马三良马之数【五马皆为良马惟驂马一物独三倍良马之数】丽马一圉【二马为丽是二驂马共为一圉】八丽一师【马十六匹共一圉师】八师一趣马【马百二十八匹共一趣马】八趣马一驭夫【马一千二十四匹共一驭夫也驂马三良马之数五良一驂凡三千四百五十六匹而王马大备矣】天子十有二闲【闲必木为之以防马也六廐成校校有左右故十二闲也】马六种【种马戎马齐马道马田马驂马】邦国六闲【诸侯良马三闲驂马三闲】马四种【无种马戎马也】家四闲【卿大夫良马一闲驂马三闲】马二种【止有田马驂马】凡马特居四之一【特牡马也三牝一牡欲其生之众也】春祭马祖【祭天驂星】执驹【马二歳为驹性未定执之无令近母】夏祭先牧【祭始养马者】颁马攻特【牡马蹄齧不可乘用故因夏颁马而攻啗其蹄也】秋祭马社【祭始乘马者】臧仆【简为驭者令皆善也】冬祭马步【祭神为灾害马者】献马【献成马于王】讲驭夫【驭夫驭贰车从车使车者讲简习也】凡大祭祀朝覲防同【皆有合用之马】毛马而颁之【齐其毛色而颁授之】饰弊马【以马赐遗则校人饰之】执扑而从之【驭者执鞭策而从之扑普卜反】凡賓客【诸侯朝王】受其弊马【受其庭实之马】大丧饰遗车之马及塋埋之田腊则帅驱逆之车 凡将事于四海山川【行祭事于四海山川之神】则饰黄驹【黄中之色也谓杀驹以祈沈也】凡国之使者【天子使人于侯国使去声】共其弊马【弊马或以赐诸侯或以私覲】凡军事【用兵之事】物马而颁之【齐其足力而颁授之】等驭夫之禄【自驭马以下皆有禄举驭夫以见之也】宫中之稍食【稍食者饩廩也谓马皆有养乘于宫中者】

趣马【下士阜一人徒四人趣养马者趣苍走反】掌赞正良马【赞助校人而止良马之弗良者】而齐其饮食【所以养之使无饥渴之害】简其六节【所以闲之以辨六马之等】掌驾说之颁【驾以行说以止有劳逸之节故叙而颁之說税】辨四时之居治【居谓牧廐所处之宜治谓执驹攻特之属治直吏反】以听驭夫【惟驭夫之所役】

巫马【下士二人医四人府一人史二人贾二人徒二十人】掌养疾马而乘治之相医而药攻马疾受财于校人马死则使其贾粥之入其布于校人

牧师【下士四人胥四人徒四十人】掌牧地皆有厉禁而颁之孟春焚牧中春通淫掌其政令凡田事赞焚莱

庾人【上士闲三人史二人徒二十人 庾隐也以闲者马之所隐也庾音搜】掌十有二闲之政教【天子十有二闲政以正之教以导之】以阜马【使马壮盛】佚特教駟攻驹及祭马祖祭闲之先牧及执驹散马耳圉马正校人员选【圉师圉人之员不应其选者正之】马八尺以上为龙【此天子所驾五路之马故称龙上时掌反】七尺以上为騊【此诸侯之上物故称騊】六尺以上为马【此特常马故但称马】

圉师【乘一人徒二人】掌教圉人养马春除蓐衅廐始牧夏房马冬献马射则充楫质茨墙则翦鬣

圉人【良马匹一人弩马丽一人】掌养马刍牧之事以役圉师凡賓客丧纪牵马而入陈廐马亦如之

职方氏【中大夫四人下大夫八人中士十有六人府四人史十有六人胥十有六人徒百有六十人主四方之职贡地图】掌天下之图【天下山川之图】以掌天下之地【天下之地至广按其图而掌之】辩其邦国都鄙四夷八蛮七闽九貉五戎六狄之人民【邦国诸侯也都鄙采邑也东方有四夷南方有八蛮东南有七闽西北有九貉西方有五戎北方有六狄其人民风俗皆辨之闽亡巾反又亡千反又音文貉孟曰反】与其财用九谷六畜之数要【财用之所出九谷之所生六畜之所产莫不辨其数要焉数谓别而计之要谓总而计之也畜许六下同】周知其利害【凡利人害人之事皆徧知之】乃辩九州之国【天下九州每州各置方百里七十里五十里三等之国】使同贯利【事之有条谓之贯可以生养人者谓之利】东南曰 州【 州在东南方】其山镇曰防稽【山曰镇者以镇安于一州也防稽山在今越州防桧稽鸡】其泽薮曰具区【水所钟曰泽草所生曰薮具区在今之苏州】其川三江【水流而趋海者曰川三江即禹贡所谓三江既入是也】其浸五湖【水积而成渊者曰浸五湖即范蠡所泛者是也浸子鸠反】其利金锡竹箭【其民资以为生者曰利金黄金也锡白镠也竹竹之大者箭小竹可为箭者】其民二男五女【七人之中二为男而五为女】其畜宜鸟兽【其民待以为养者曰畜飞曰鸟走曰兽】其谷宜稻【其土宜之以为食者曰谷】正南曰荊州【荊州在正南方】其山镇曰衡山【今潭州南岳也】其泽薮曰云薮【云在江北夢在江南薮亡贡切】其川江汉【江出岷山汉出嶓冢】其浸潁湛【潁出阳城湛未闻湛直咸】其利丹银齿革【丹朱砂也银白金也齿象齿也革兽皮也】其民一男二女【三人之中一男二女女倍于男也】其畜宜鸟兽【与 州同】其谷宜稻【荊州皆宜稻者以厥土惟涂泥故也】河南曰豫州【豫州在大河之南荆山之北】其山镇曰华山【今华陰西岳也】其泽薮曰圃田【在中牟】其川荻雒【荻在荻阳雒在雒邑】其浸波澆【禹贡所谓伊洛瀍涧滎波既潏是也澆汭】其利林漆丝枲【漆木成林丝蚕丝也枲麻也枲思似】其民二男三女【五人之中二为男而三为女】其畜宜六扰【扰驯也六扰马牛羊豕犬鸡也扰而小反】其谷宜五种【黍稷菽麦稻也】正东曰青州【青州在正东方】其山镇曰沂山【沂水所出在盖县沂鱼析】其泽薮曰望诸【在睢阳】其川淮泗【淮今淮河泗在泗州】其浸沂沭【沂出沂山沭出东莞沭述】其利蒲鱼【蒲水草其地水多故产蒲鱼】其民二男二女【男女相等】其畜宜鸡狗【禽宜鸡兽宜犬】其谷宜稻麦【夏有麦冬有稻】河东曰兖州【兖州在大河之东】其山镇曰岱山【今之东岳泰山】其泽

藪曰大野【在鉅野】其川河洑【河大河也洑与济同出沅水洑子礼】其浸卢维【卢当为雷即雷夏也维当为雍即灋水也卢雷维雍】其利蒲鱼【与青州同】其民二男三女【与豫州同】其畜宜六扰【亦同豫州】其谷宜四种【黍稷稻麦】正西曰雍州【雍州在正西方雍去声】其山镇曰岳山【吴岳也】其泽藪曰蒲【吴与岳皆在汧】其川泾汭【泾出泾阳汭在豳地汭如锐反】其浸渭洛【渭出乌防同汀洛出熊耳】其利玉石【石美石也】其民三男二女【男多于女】其畜宜牛马【六扰之中但宜牛马】其谷宜黍稷【五种之中但宜黍稷】东北曰幽【幽州在东北方】其山镇曰医无闾【在辽东】其泽藪曰豸养【在长广】其川河洑【与兖州同】其浸菑时【菑出莱芜时出般阳】其利鱼盐【近海故也】其民一男三女【男最少女最多】其畜宜四扰【马牛羊豕】其谷宜三种【黍稷稻】河内曰冀州【冀州在河北东西南三面距河】其山镇曰霍山【在彘阳】其泽藪曰纡【所在未闻】其川漳【出长子县】其浸汾潞【汾出汾阳潞出归德汾潞】其利松柏【多山故也】其民五男三女【男最多女最少】其畜宜牛羊【六扰之中但宜牛羊】其谷宜黍稷【与雍州同】正北曰并州【并州在正北方】其山镇曰恒山【在上曲阳今北岳恒音常】其泽藪曰昭余祁【在邬】其川虜池呕夷【虜池出鹵城呕夷出平舒虜呼池驼呕讴】其浸涑易【涑出广昌易出故安涑来】其利布帛【宜于蚕绩】其民二男三女【与兖州同】其畜宜五扰【马牛羊犬豕】其谷宜五种【与豫州同】乃辨九服之邦国【即大司马九畿也以其服事天子故曰九服】方千里曰王畿【即大司马之国畿也】其外方五百里曰侯服【在王畿外】又其外方五百里曰甸服【在侯服外】又其外方五百里曰男服【在甸服外】又其外方五百里曰采服【在男服外】又其外方五百里曰卫服【在采服外】又其外方五百里曰蛮服【在卫服外】又其外方五百里曰夷服【在蛮服外】又其外方五百里曰镇服【在夷服外】又其外方五百里曰藩服【在镇服外】凡邦国千里【一州之地其方千里】封公以方五百里则四公【以其千里封公则可为方五百里者四国】方四百里则六侯【以其千里封侯则可为方四百里者六国】方三百里则七伯【七伯当为十一伯字之误也以其千里封伯则可为方三百里者十一国】方二百里则二十五子【以其千里封子则可为方二百里者二十五国】方百里则百男【以其千里封男则可为方百里者百国】以周知天下【如此则天下之地可以徧知矣】凡邦国【凡治邦国诸侯之法】小大相维【使大国比小小国事大以相维属】王设其牧【王设九州之牧以统诸侯】制其职【建立诸侯职事】各以其所能【不强之以所不能也】制其贡【建立诸侯贡赋】各以其所有【不责以其所不有也】王将巡守【巡诸侯之所守】则戒于四方【前期警戒四方诸侯】曰各脩平乃守【守谓国境之内脩之平之使各当其分也】攷乃职事【攷察之不使有旷职废事也】无敢不敬戒【无敢不敬而违命不戒而荒政也】国有大刑【违其所戒则加于大刑不特常刑也】及王之所行【王巡守所行之处】先道帅其属而巡戒令【其属即土方氏以下也先道则在王前而巡行前日所施戒令也】王殷国亦如之【十二岁不巡守则六服尽朝谓之殷国其戒四方诸侯与巡守同】

土方氏【上士五人下士十人府二人史五人胥五人徒五十人主四方邦国之土地】掌土圭之法【土圭长尺五寸以量日景】以致日景【立八尺之表夏至则景尺五寸冬至则景大三尺】以土地相宅而建邦国都鄙【土地犹度地也度地势而相其可居者以建诸侯之

邦国公卿之都鄙相去声】以辩土宜土化之法而授任地者【土宜谓九谷所宜土化谓粪种所用授任地者谓授之以地而任其耕种也】王巡守则树王舍【王之所舍为之藩篱也】

怀方氏【中士八人府四人史四人胥四人徒四十人 主怀来四方之民者】掌来远方之民【怀来远方四夷之民】致方贡【招致四方所贡之物】致远物【招致远人所献之物】而送逆之【其去也送之其来也逆之】达之以节【达民以旌节达贡以玺节】治其委积馆舍饮食【委积以备其用馆舍以安其居饮食以顺其好】

合方氏【官属如怀方氏 主合同四方之事者】掌达天下之道路【道路所以通往来达之使无阻也】通其财利【懋迁有无以相济也】同其数器【十百千万之数吉凶礼乐之器使无异同】壹其度量【分寸尺大之度龠合升斗之量使之齐一】除其怨恶【邦国相怨相恶者除之使相和睦】同其好善【邦国相好相善者同之使相坚固】

训方氏【官属如合方氏 主训道四方之民者】掌道四方之政事【道犹言也四方诸侯大之为政小之为事皆言于王】与其上下之志【上而为君下而为臣其志亦告之于王也】诵四方之传道【四方传说往古之事亦为王诵之也传直专反】正岁则布而训四方【布告以教天下使知世之善恶】而观新物【新物出而观之以知民志之好恶】

形方氏【官属如训方氏 主制四方邦国之形体】掌制邦国之地域【邦国地域广狭犬小各制其形体也】而正其封疆【境界分明不使侵争攘夺】无有华离之地【析而不绝为华绝而不续为离无华离之地则封疆正矣华依江作 音夸】使小国事大国【以小事大不得怠慢】大国比小国【以大比小不得侵陵】

山师【中士二人下士四人府二人遥掌畿外邦国之山林】掌山林之名【积石曰山竹木曰林】辩其物与其利害【物乃山林所产利谓利益人者害谓毒害人者】而颁之于邦国【颁布于畿外之邦国】使致其珍异之物【有珍异之物则使致于天子】

川师【官属如山师 遥掌畿外邦国之川泽】掌川泽之名【流水曰川积水曰泽】辩其物与其利害而颁之于邦国使致其珍异之物【并同山师】

邋师【中士四人下士八人府四人史八人胥八人徒八十人 邋与原同谓地之广平者邋原】掌四方之地名【如大原岳阳之类】辩其丘陵坟衍邋隰之名【此土名也土高曰丘大阜曰陵水涯曰坟下平曰衍高平曰原下湿曰隰坟扶去声】物之可以封邑者【相度其地可以居民立邑者】

匡人【中士四人史四人徒八人 主正诸侯以法则】掌达法则【八法八则推而达之】匡邦国而观其慝【以正邦国而观其奸伪之恶】使无敢反侧【不得背违法度】以听王命【惟王命之所使】

擯人【官属如匡人 擯犹探也主探王意以告天下擯贪】掌诵王志【志者心之所之诵王之言可以见志】道国之政事【道犹言也大曰政小曰事】以巡天下之邦国而语之【巡行天下邦国而以王之志虑国之政事告于诸侯语去声】使万民和說而正王面【如此则天下之民无不和悅皆举首而面于王矣說悅】

都司马【每都上士二人中士四人下士八人府二人史八人胥八人徒八十人 都谓王子弟及公乡之采地也司马主其军赋】掌都之士庶子及其众庶车马兵甲之戒令【士谓公卿大夫之适子庶子则众子也众庶谓其都之民也司马兵官故掌其车马兵甲之戒令】以国灋掌其政学【以学而后入政故必使之晓国法也政征】以听国司马【车马兵甲掌于大司马故听命焉】家司马亦如之【家谓大夫之采邑也其司马所掌如都之事】

家司马【各使其臣以正于公司马】

周礼句解卷八

卷九

<经部,礼类,周礼之属,周礼句解

钦定四库全书

周礼句解卷九

宋 朱申 撰

秋官司寇第五【象秋所立之官也秋陰气肃杀之时故立司寇掌刑禁之官以应天道焉】

秋官司寇上

惟王建国辨方正位体国经野设官分职以为民极【见天官冢宰注】乃立秋官司寇【建立秋官司寇之职】使帅其属而掌邦禁【邦禁即六典之刑典也用刑本以禁暴也故曰禁秋官其属六十司寇帅之而掌邦禁焉】以佐王刑邦国【王者明刑以弼教司寇则佐助之也】

大司寇之职【卿一人 司寇掌狱讼而至于寇则刑官之职无不举也】掌建邦之三典【三者乃刑典之大纲领要在建而立之】以佐王刑邦国诰四方【邦国政之所加故曰刑四方则以文诰威让而已故曰诰】一曰刑新国用轻典【新建之国未习于教宜以柔克治之也】二曰刑平国用中典【平定之国已熟于教宜以正直治之也】三曰刑乱国用重典【暴乱之国不率于教宜以刚克治之也此三者所谓惟敬五刑以成三德者也】以五刑纠万民【用五刑之法以纠察万民】一曰野刑【施于六遂者】上功纠力【以成功为上以不致力为纠察也】二曰军刑【施于军旅者】上命纠守【以用命为上以不死守为纠察也】三曰乡刑【施于六乡者】上德纠孝【以成德为上以不致孝为纠察也】四曰官刑【施于官府者】上能纠职【以贤能为上以不称职为纠察也】五曰国刑【施于王者】上愿纠暴【暴当为恭谓以谨愿为上以不致恭为纠察也】以圜土聚教罢民【圜土狱城也罢民谓民之不服教而困乏于礼义者故聚之圜土而教焉】凡害人者【谓有过失而害及于人者】寘之圜土而施职事焉【以其非故犯法姑置之圜土而役使之】以明刑耻之【明书其恶于方版负之于背以愧耻之】其能改者反于中国【其能改过自新者则还之于故乡里也】不齿三年【虽还乡里犹三年不得以年齿序列于平民之中也】其不能改而出圜土者杀【其怙恶不改而逃亡者杀之】以两造禁民讼【两造谓两辞俱到也禁止也讼谓以货财相告者也】入束矢于朝【百矢为一束必入矢者取其直也不入矢则自服不直矣】然后听之【然后听其讼之曲直】以两剂禁民狱【剂券也盖一札而为两书也狱谓以罪名相告者】入钧金【三十斤为钧必入金者取其刚而不入金亦是自服不直矣】三日乃致于朝【必待三日乃致于朝者重置民于狱也】然后听之【然后听其狱】

之曲直】以嘉石平罢民【嘉石文石也平成也谓成之使为善也】凡万民之有罪过而未丽于法而害于州里者【民有罪过而未附丽于法若舍而不治则害于州里之善俗也然曰未丽于法则得罪轻于圜土者矣】桎梏而坐诸嘉石【木在足曰桎在手曰梏坐于嘉石使省其过也】役诸司空【坐曰既满乃役使于司空赎其过也】重罪旬有三日坐【重罪坐于嘉石十三日】朞役【役于司空一年】其次九日坐【其次罪坐于嘉石九日】九月役【役于司空九月】其次七日坐【又其次罪坐于嘉石七日】七月役【役于司空七月】其次五日坐【又其次罪坐于嘉石五日】五月役【役于司空五月】其下罪三日坐【罪之下者坐于嘉石三日】三月役【役于司空三月】使州里任之【役日既满乃召其州里保任之】则宥而舍之【乃宥其罪而纵释之】以肺石达穷民【肺石赤石也以通天民之穷而无告者】凡逵近惇独老防之欲有复于上而其长弗达者【无兄弟曰惇无子孙曰独此等穷民欲以言报于上而长官不为通达者也】立于肺石三日【来立于肺石之上三日肺赤石也取其吐露肝肺之义】士听其辞【士刑官也听其有复于上之辞】以告于上【以其辞告于上】而罪其长【为官长而遏绝下情故加之罪】正月之吉始和布刑于邦国都鄙乃县刑象之灋于象魏使万民观刑象挟日而敛之【皆如大宰布治之灋】凡邦之大盟约【王与诸侯大防同而盟有约誓之辞者约音要】涖其盟书【为盟书之时司寇临之】而登之于天府【既盟则上其书于天府】大史内史司防及六官皆受其贰而藏之【六官六卿之官也皆受其副本而藏之以备失亡也】凡诸侯之狱讼【诸侯以罪名相告曰狱以货财相告曰讼】以邦典定之【邦典大宰之六典也定正之也】凡卿大夫之狱讼【卿大夫有狱讼】以邦灋断之【邦法八法也断比定为详矣】凡庶民之狱讼【庶民有狱讼者】以邦成弊之【邦成八成也弊比断尤详矣弊音蔽】大祭祀奉犬牲【犬金畜属西方故司寇奉之】若禋祀五帝【精意以享曰禋】则戒之日【前十日而卜日既得日则戒执事者】涖誓百官【涖临也誓百官大宰也司寇临之】戒于百族【百族者王之族姓与祭者也司寇则亲戒之】及纳亨前王【纳牲于镬以烹则前行导王】祭之日亦如之【亦前王也】奉其明水火【司烜氏取明水于月取明火于日司寇则奉而进之】凡朝覲防同前王大丧亦如之大军旅涖戮于社凡邦之大事使其属蹕

小司寇之职【中大夫二人司寇之贰】掌外朝之政【外朝在雉门之外小司寇于此听政】以致万民而询焉【询谋也谓聚万民而与之谋也】一曰询国危【有兵寇之难则谋所以安之也】二曰询国迁【徙都改邑则谋所以居也】三曰询立君【君无适子将选于庶则谋所以嗣也】其位【此言外朝询谋之时君臣与民所立之位】王南乡【天子南乡而立】三公及州长百姓北面【三公卿老也言州长则卿官皆在也百姓即万民也卿官帅民北面而立】羣臣西面【羣臣谓卿大夫士也列于其东西面而立】羣吏东面【羣吏谓府史也列于其西向东而立】小司寇摈【小司寇则揖之使前也】以叙进而问焉【其进也以贵贱之叙而逐一问之】以众辅志而弊谋【弊断也以众之谋辅王之志而又断之于王也弊蔽】以五刑听万民之狱讼【五刑墨劓剕宫大辟也以此听民之狱讼而治其有罪者】附于刑【以所犯罪附着于五刑也】用情讯之【犹恐有枉滥故用情实讯问之讯信】至于旬乃弊之【至于十日乃断其罪谨之至也】读书则用灋【读其服罪之书然后用其五刑之法】凡命夫命妇不躬坐狱讼【夫妇受爵命者不亲坐狱而讼使其属若子弟代之所以贵也】凡王之同族有罪不即市【王之同族人有罪不刑于市而刑于甸师所以亲

亲也】以五声听狱讼求民情【民之狱讼以情求之其听有五然以辞听为主故五者同谓之声也】一曰辞听【观其出言不直则烦】二曰色听【观其面颜不直则赧】三曰气听【观其鼻息不直则喘】四曰耳听【观其聆听不直则惑】五曰目听【观其眸子不直则眊】以八辟丽邦灋附刑罚【辟亦法也丽亦附也八者有罪丽于邦法则议其轻】

【重刑罚未定也】一曰议亲之辟【王之宗族有罪则议其法】二曰议故之辟【王之故旧有罪则议其法】三曰议贤之辟【有德者或防于罪则议其法】四曰议能之辟【有才者或防于罪则议其法】五曰议功之辟【有功勲者或防于罪则议其法】六曰议贵之辟【有爵位者或防于罪则议其法】七曰议勤之辟【勤王事者有罪则议其法】八曰议賔之辟【四方賔客有罪则议其法此八辟必议者以其或可赦宥也】以三刺断庶民狱讼之中【刺杀也中者事实之书也三讯然后杀者则求其事实而已】一曰讯羣臣【先问之于卿大夫士】二曰讯羣吏【次问之于府史胥徒】三曰讯万民【然后问之万民】听民之所刺宥【众人皆曰可杀然后杀之众人皆曰可宥然后宥之】以施上服下服之刑【众论已定乃施刑也上服则服刑之重者下服则服刑之轻者】及大比【三年比校民之众寡】登民数【登其数于版也】自生齿以上【男八月女七月则生齿自生齿以上皆书之】登于天府【登其数于天府之宫寶而藏之】内史司防冢宰贰之【正本在天府三官则藏其副本】以制国用【赋斂多寡以民数制之也】小祭祀奉犬牲凡禋祀五帝实饗水纳亨亦如之大賔客前王而辟后世子之丧亦如之小师涖戮凡国之大事使其属蹕孟冬祀司民【孟冬民事成故以此月祀司民之星】献民数于王【以其众寡之民数而献于王】王拜受之【重民数也】以图国用而进退之【进退犹损益也民数多则国用可益民数少则国用可损】岁终则令羣士计狱弊讼【羣士谓士师以下至朝士也计其一岁所治之狱与其所断之讼】登中于天府【而登其事实之书于天府之官】正岁帅其属而观刑象【大司寇以正月县刑象之法小司寇则帅其官属而观之矣】令以木铎【警其听也】曰不用灋者【刑官既见象刑而犹或有不用法者】国有常刑【国有经常之刑不汝赦也】令羣士【令众刑官使之稟法】乃宣布于四方【然后宣昭布露于四方之国使通知之】宪刑禁【宪表县之也刑五刑也禁五禁也】乃命其属入防【乃命刑官之属入而防计刑书也】乃致事【致其事于王也】

士师之职【下大夫四人 刑官曰士其长曰师】掌国之五禁之灋【五禁皆禁之于未然之前使无犯也】以左右刑罚【左右助也禁之于先则犯者少故可以助刑罚也左佐】一曰宫禁【王宫之禁】二曰官禁【官府之禁】三曰国禁【城中之禁】四曰野禁【郊野之禁】五曰军禁【军旅之禁】皆以木铎徇之于朝【使之内有所闻】书而县于门闾【使之外有所见】以五戒先后刑罚【戒飭之使知所守也以五戒左右其刑罚之用】毋使罪丽于民【戒之既详则民无犯法而丽于罪者】一曰誓【以言折之】用之于军旅【军旅用誓若汤誓秦誓之类】二曰诰【以言告之】用之于防同【防同用诰如康诰洛诰之类】三曰禁【止使勿为】用诸田役【若遂人田役掌其禁令之类】四曰纠【察其有犯】用诸国中【若刑典以纠万民之类】五曰宪【表而县之】用诸都鄙【若布宪掌宪邦之刑禁之类】掌乡合州党族闾比之聯【所以聯其居也】与其民人之什伍【所以聯其人也】使之相安相受【居处相安而不相疾往来相受而不相拒】以比追胥之事【如此则

可以聯比其追逐胥伺盜賊之事矣】以施刑罰慶賞【廢事者施刑罰有功者施慶賞】掌官中之政令【掌刑官之屬所行政令】察獄訟之辭【獄訟必有辭在察其曲直而已】以詔司寇斷獄弊訟【既得其曲直則告于司寇而斷之弊之】致邦令【令之施于邦國者士師則從而致之】掌士之八成【士刑官也八成謂正亂之成法也】一曰邦汭【汭酌也謂刺探邦之機密而泄于外者】二曰邦賊【謂潛謀陰結將為逆亂者】三曰邦諜【謂敵國行間覘伺虛實者】四曰犯邦令【謂故恃傲狠以干号令者】五曰挾邦令【謂詐偽符玺以行号令者】六曰為邦盜【謂竊取國之寶藏者】七曰為邦朋【謂為私黨以亂政者】八曰為邦誣【謂造訛言以惑眾者】若邦凶荒【年谷不熟】則以荒辨之法治之【辨讀為貶荒貶之法謂減】

【膳自貶責之類】令移民【民可徙則移之就谷】通財【不可徙則移谷糶之】糾守【防寇盜也】缓刑【恤災殍也】凡以財獄訟者【謂爭財而興獄訟者】正之以傳別約劑【听稱責以別听買賣以約劑二者皆券書之名所以正實偽者也約要】若祭勝國之社稷則為之尸王燕出入則前驅而辟祀五帝則沃尸及王盥泊鑊水凡刳珥則奉犬牲諸侯為賓則帥其屬而蹕于王宮大喪亦如之大師帥其屬而禁逆軍旅者與犯師禁者而戮之歲終則令正要防【刑禁之事亦有月要歲防士師正之】正歲帥其屬而宪禁令于國及郊野【宪表县之也國謂六鄉郊野謂六遂宪禁令者亦使之不犯也】

鄉士【上士八人中士十有六人旅下士三十有二人府六人史十有二人胥十有二人徒百有二十人六鄉獄官】掌國中【六鄉在國中】各掌其鄉之民數而糾戒之【鄉士八人以四人主三鄉之民數也糾謂五刑之所糾戒謂五戒之先後】听其獄訟【六鄉之民有獄訟則鄉士听之】察其辭【察其辭之虛實】辨其獄訟【辨其獄訟之曲直】異其死刑之罪而要之【即其犯死刑者則殊異其文書也要之者謂為之罪法之要辭也要腰】旬而职听于朝【囚虽伏辜必旬日无悔异然后以职事听于外朝也】司寇听之【司寇又從而审听之】斷其獄弊其訟于朝【审听得实然后就外朝而斷獄弊訟焉弊亦斷也】羣士司刑皆在【众士官与司刑之官皆在朝也】各麗其法【众官各以囚所犯罪附之于法】以议獄訟【合众官所麗之法而叅议之】獄訟成【众官既定】士師受中【士師乃受其事实之書】協日刑杀【協日亦旬日也又旬日无悔异始加刑杀】肆之三日【肆其尸于市朝三日】若欲免之【王欲赦之】則王防其期【則王会于司寇听之之日而用八议之法以免之也】大祭祀大喪紀大軍旅大賓客則各掌其鄉之禁令帥其屬夾道而蹕三公若有邦事則為之前驅而辟其喪亦如之

凡國有大事【征伐田獵之事】則戮其犯命者【干犯天命者鄉士戮之】

遂士【中士十有二人府六人史十有二人胥十有二人徒百有二十人六遂獄官】掌四郊【六遂在四郊】各掌其遂之民數而糾其戒令【遂士十二人二人共主一遂之民數而糾察其五戒之令】听其獄訟【听六遂之獄訟】察其辭辨其獄訟異其死刑之罪而要之【并同鄉士】二旬而职听于朝【六遂去王城稍遠故增二旬之期】司寇听之斷其獄弊其訟于朝羣士司刑皆在各麗其灋以议獄訟獄訟成士師受中【并同卿士】協日就郊而刑杀【六遂在郊故就郊而刑杀】各于其遂肆之三日【此六遂之獄訟故各肆其尸于遂也】

】若欲免之则王令三公防其期【王欲赦之则令三公往议之】若邦有大事聚众庶则各掌其遂之禁令帅其属而蹕六卿若有邦事则为之先驱而辟其丧亦如之凡郊有大事则戮其犯命者【六乡在内故曰国六遂在外故曰郊】

县士【中士三十有二人府八人史十有六人胥十有六人徒百有二十人五鄙为县五县为遂比掌县之狱官】掌野【郊外曰野】各掌其县之民数纠其戒令【县士三十二人各主其县之民也】而听其狱讼察其辞辨其狱讼异其死刑之罪而要之【并同乡士】三旬而职听于朝【野去王城尤远又增一旬之期】司寇听之断其狱弊其讼于野羣士司刑皆在各丽其灋以议狱讼狱讼成士师受中协日刑杀【并同乡士】各就其县肆之三日【各于所主之县而肆其尸】若欲免之则王命六卿防其期【令六卿主义之】若邦有大役聚众庶则各掌其县之禁令若大夫有邦事则为之先驱而辟其丧亦如之凡朝有大事则戮其犯命者

方士【中士十有六人府八人史十有六人胥十有六人徒百有六十人主四方都家之狱官也】掌都家【都谓王子弟及公卿之采地家谓大夫之采地】听其狱讼之辞辨其死刑之罪而要之三月而上狱讼于国【都家又远故以三月为期都家各有主君不得自断故上其狱讼于王国】司寇听其成于朝【成谓平也】羣士司刑皆在各丽其灋以议狱讼狱讼成士师受中【并同乡士】书其刑杀之成【欲知其所犯之罪也】与其听狱讼者【欲知其听狱讼之人也都家自有主君故不言刑杀及肆尸也】凡都家之大事聚众庶则各掌其方之禁令以时修其县法若岁终则省之而诛赏焉凡都家之士所上治则主之

讶士【中士八人府四人史八人胥八人徒八十人主迎四方宾客】掌四方之狱讼【掌四方诸侯狱讼之事】谕罪刑于邦国【以附罪制刑之意告谕于邦国诸侯】凡四方之有治于士者造焉【四方诸侯有疑狱而治正于士官者则造于讶士以求达也】四方有乱狱【谓君臣宣淫上下相虐者】则往而成之【则往其国而正其罪】邦有宾客【四方诸侯来朝觐者】则与行人送逆之【行人掌宾客之官也宾客之来则与行人逆之去则送之】入于国【宾入国门】则为之先驱而辟【则讶士先宾客而驱且辟止行人也】野亦如之【在野亦然】居馆则帅其属而为之蹕诛戮暴客者客出入则道之有治则赞之凡邦之大事聚众庶【谓征伐之类有用于众庶者】则读其誓禁【则讶士读其誓命之辞与五禁也】

朝士【中士六人府三人史六人胥六人徒六十人主列朝之士】掌建邦外朝之灋【外朝在庫门之外其位不得相逾越所谓法也】左九棘【朝之下左九棘木取其赤心而能制御于外也】孤卿大夫位焉【位于左九棘之下】羣士在其后【羣士上中下士也位于孤卿大夫之后也】右九棘【与左同】公侯伯子男位焉【位于右九棘之下】羣吏在其后【羣吏府史也位于公侯伯子男之后】面三槐【朝之前有三槐木取其黄中之美畅于四支也】三公位焉【位在三槐之下】州长众庶在其后【乡官帅众民而列于三公之后】左嘉石【嘉石设于左】平罢民焉【平罢急之民而使之自强于善】右肺石【肺石设于右】達穷民焉【達穷困之民而使伸其情】帅其属而以鞭呼趋且辟禁慢朝错立族谈者【慢朝则不敬错立则不正族谈则誼哗故皆禁之也】

凡得获货贿人民六畜者委于朝告于士旬而举之大者公之小者庶民私之 凡士之治【士官治狱】有期日【皆有期限】国中一旬【谓乡士旬而职听于朝也】郊二旬【谓遂士也】野三旬【谓县士也】都三月【谓方士也】邦国期【邦国诸侯之国故以一年为期】期内之治听【在期之内者则听其讼】期外不听【出其日之外则不听亦所以息讼也】 凡有责者有判书以治则听凡民同货财者令以国法行之犯令者刑罚之凡属责者以其地傅而听其辞凡盗贼军乡邑及家人杀之无罪凡报仇雠者书于士杀之无罪若邦凶荒札丧寇戎之故则令邦国都家县鄙虑刑贬

司民【中士六人府三人史六人胥三人徒十人 主民数者】掌登万民之数【登载也】自生齿以上皆书于版【男女自生齿以上皆书其数于版籍】辨其国中【王国之内】与其都鄙【王子弟公卿大夫之采邑】及其郊野【谓乡遂也自国中至郊野民数皆辨别之】异其男女【男女各异其籍】岁登下其死生【每岁有生者登而载之死者下而除之】及三年大比【三年比较民数】以万民之数诏司寇【司民则以所登民数告于司寇】司寇及孟冬祀司民之日【小司寇以孟冬祀司民之星】献其数于王【以司民所诏之数献之于王】王拜受之【重民数也】登于天府【藏于天府之官】内史司防冢宰贰之【收其副本】以赞王治【以民数多少黜陟主民之吏】

司刑【中士二人府一人史二人胥二人徒二十人 主五刑者】掌五刑之法【五刑所用各有其法】以丽万民之罪【以其法而附丽万民之罪】墨罪五百【墨谓刺其面以墨涅之以丽此罪者有五百条下四刑同】劓罪五百【劓谓截其鼻也】宫罪五百【宫淫刑也男子则割其势女人幽闭宫中】刖罪五百【刖断足也】杀罪五百【杀死刑也然此与吕刑五刑之属不同也盖自重而之轻也】若司寇断狱弊讼【谓断其狱弊其讼于朝也】则以五刑之灋诏刑罚而以辨罪之轻重【司刑则以五刑之灋告于司寇辨所犯之轻重而施于刑罚也】

司刺【下士二人府一人史二人徒四人 主刺杀者】掌三刺三宥三赦之灋【刺杀之也有宥之也赦释之也】以赞司寇听狱讼【司刺以是法而赞助司寇以听狱讼也】壹刺曰讯羣臣【讯问也以司寇已成狱讼先问之于羣臣】再刺曰讯羣吏【再问之于羣吏】三刺曰讯万民【三问之于万民讯之而皆曰有罪则刺而杀之故曰三刺之法】壹宥曰不识【谓若报雠者误以甲为乙而杀之也】再宥曰过失【谓若举刃斫伐而误中人也】三宥曰遗忘【若遗忘法禁之所而偶有小犯以上三者致讼或可以宽之故曰三宥之法】壹赦曰防弱【年少而防弱】再赦曰老旄【年老而昏耄旄耄】三赦曰憊愚【性憊愚而不晓以上三者非人之能为可以释之故曰三赦之法憊勅江】以此三灋者求民情断民中【以刺宥之三法而求氏之情实断民狱讼之中】而施上服下服之罪【情重者服上刑情轻者服下刑】然后刑杀【如此则或刑或杀各当其罪矣】

司约【官属如司刺 约谓言语之约束】掌邦国及万民之约剂【六者之约自诸侯及万民皆有之焉剂则其券书也】治神之约为上【神约谓命祀郊社四望及祖宗也】治民之约次之【民约谓征税也】治地之约次之【地约谓经界也】治功之约次之【功约谓王公

之属也】治器之约次之【器约谓吉凶礼乐车服所用也】治摯之约次之【谓玉帛禽鸟以为摯见之礼也】凡大约剂书于宗彝【邦国之大约剂则书于宗庙之六彝】小约剂书于丹图【万民之小约剂则书于丹图犹后世之铁券卅书也】若有讼者【有争约剂而讼者】则珥而辟藏【珥谓杀牲以衅也既珥乃开辟府藏取约书而视之藏去声】其不信者服墨刑【其不如约书者施以墨刑】若大乱【谓僭忒而变先王之典刑者】则六官辟藏【约剂之书其副本皆藏于六官至是则六官皆开辟府藏而视之也】其不信者杀【其大乱约书者施以死刑】

司盟【官属如司约 盟谓以约辞告于神也】掌盟载之灋【谓防血告神而载其辞于书也】凡邦国有疑防同【诸侯有不叶于防同者】则掌其盟约之载【司盟则掌其盟约所载之辞】及其礼仪【礼谓其物仪谓其容】北面诏明神【北面而告于神之明察者】既盟则贰之【既以载书告神乃写副本以授六官也】盟万民之犯命者【犯命谓犯君令也盟者托神以结其信也】诅其不信者亦如之【不信谓违约者诅者托神以祸其不信也此二者亦诏明神而贰之也诅侧虑】凡民之有约剂者【民之约剂其书司约掌之】其贰在司盟【司盟则藏其副本也】

有狱讼者则使之盟诅凡盟诅各以其地域之众庶共其牲而致焉既盟则为司盟共祈酒脯

职金【上士二人下士四人府二人史四人胥八人徒八十人 掌金罚货罚之事】掌凡金玉锡石丹青之戒令【丹丹砂也青空青也数种同出于山故职金總主其戒令】受其入征者【有地产者以金玉之类入为征税则受之】辨其物之 恶【辨其贵贱】与其数量【与其多寡】揭而玺之【标其数目而用印以记之】入其金锡于为兵器之府【谓入于橐人也】入其玉石丹青于守藏之府【谓入于玉府也】入其要【入其计书于太府也】掌受士之金罚货罚【金罚所谓赎刑之罚货罚若司关所谓举其货者也二者皆受之】入于司兵【既受其金货乃入于司兵之官】旅于上帝则共其金版【金版以金饰屏风也旅祭上帝则共之】飨诸侯亦如之【敬賓亦如敬神也】凡国有大故而用金石则掌其令

司厉【下士二人史一人徒十有二人 犯政为恶曰厉】掌盗贼之任器货贿【任器谓盗贼所用伤人兵器也货贿谓所盗财物也】辨其物【别其名也】皆有数量【皆有多寡之数量去声】贾而揭之【定其所直之价而标识之贾值】入于司兵【没而入于司兵之官】其奴男子入于罪 女子入于舂槁凡有爵者与七十者与未龀者皆不为奴

犬人【下士二人府一人史二人贾四人徒十六人 犬金畜故属秋官】掌犬牲【以犬为性则掌之】凡祭祀共犬牲【祭祀用犬则共奉之】用牲物【用纯色物】伏 亦如之【伏谓伏犬以王车轹之 谓埋祭也二者亦用牲物】凡几珥沈辜用防可也凡相犬牵犬者属焉掌其政治

司圜【中士六人下士十有二人府三人史六人胥十有六人徒百有六十人 主圜土者】掌收教罢民【罢民困乏于礼义故収于圜土而教之】凡害人者【谓恶人为民所患而未入于刑者】弗使冠饰而加明刑焉【弗使冠饬去其冠也加明刑谓以版书罪状着之于背也】

】任之以事而收教之【任以劳役之事乃所以收教之也】能改者【其能改过自新者】上罪三年而舍【罪重者拘之三年乃纵之舍舍】中罪二年而舍【其次拘之二年】下罪一年而舍【罪轻者拘之一年】其不能改而出圜土者杀【不改过而逃亡者杀之】虽出三年不齿【虽得纵舍犹三年不与平民齿也】凡圜土之刑人也不亏体【但加以明刑而不伤其体】其罚人也不亏财【但罚以劳役不伤其财也】

掌囚【下士十有二人大府六人史十有二人徒百有二十人主拘系当刑杀之囚】掌守盗贼【窃贿为盗伤人为贼守谓囚而守之】凡囚者【凡拘囚罪人】上罪桎梏而桎【木在手曰桎在足曰梏两手共二木曰桎桎拱】中罪桎梏【不桎之也】下罪桎【不桎之也】王之同姓桎【王之同姓族人则桎其手】有爵者桎【有官爵者则桎其足】以待弊罪【囚之以待断罪】及刑杀【及当刑杀之时】告刑于王【当刑则曰某之罪在小辟当杀则曰某之罪在大辟】奉而适朝【为王欲有所赦宥也】士加明桎以适市而刑杀之【加明刑之版与桎以适于市而刑之杀之】凡有爵者与王之同族【此二者刑杀不适于市】奉而适甸师氏【甸师属天官】以待刑杀【甸师曰王之同姓有罪则死刑焉必适甸师而刑杀者刑于隐亲亲贵贵之义也】

掌戮【下士二人史一人徒十有二人主斩杀戮辱之事】掌斩杀贼谍而戮之【谍谓敌人为奸细者贼与谍大者斩以鈇钺小者杀以刀刃 之谓去衣而磔其尸也 当为 】凡杀其亲者焚之【杀五服之亲者则烧焚之不存其形也】杀王之亲者辜之【杀王之亲者则辜而磔之不全其体也】凡杀人者踣诸市【踣谓僵尸于市使众视而惩之也踣皮北】肆之三日【陈其尸三日乃除之】刑盗于市【盗之罪未至死者亦刑于市以辱之】凡罪之丽于法者亦如之【其他罪犯法者亦刑之于市也】惟王之同族与有爵者杀之于甸师氏【所以亲亲而贵贵也】凡军旅田役斩杀刑戮亦如之【各随其罪之轻重亦司戮司之也】墨者使守门【黥者无妨于禁御故可使守门】劓者使守关【截鼻者不以貌恶远之故可使守关】宫者使守内【宫刑则人道绝矣故使之守内】刖者使守圜【断足者驱禽兽无急行故可使守圜】髡者使守积【货财积于隐处故可使髡髮守之】

司圜【中士二人下士十有二人府五人史十人胥二十人徒一百人 给劳辱之役者】掌五刑之灋【一曰罪 盗贼之家为奴者二曰蛮 征南蛮所获者三曰闽 征闽越所获者四曰夷 征东夷所获者五曰貉 征东北夷所获者】辨其物【辨其衣服兵器之属】而掌其政令【正之则有政使之则有令】帅其民而 盗贼【盗贼之未获者司圜 则帅其众而 执之曰 】役国中之辱事【中国污辱之事司圜 则帅其众而劳役之】为百官积任器【百官任用之器亦其众为积之也】

凡囚执人之事邦有祭祀賓客丧纪之事则役其烦辱之事 掌帅四翟之 【但言四翟则罪 不与也】使之皆服其邦之服【以其所素安也】执其邦之兵【以其所素习也此所谓修其教不易其俗也】守王宫与野舍之厉禁【野舍王行所止也内则使之守王宫外则使之守野舍之厉禁此亦司圜 率之也】

罪圜【百有二十人】掌役百官府与凡有守者掌使令之小事凡封国若家牛助为牵徬其

守王宫与其厉禁者如蜚之事

蜚 【百有二十人】掌役校人养马其在王宫者执其国之兵以守王宫在野外则守厉禁

甸 【百有二十人】掌役畜养鸟而阜蕃教扰之掌子则取焉

夷 【百有二十人】掌役牧人养牛马与鸟言其守王宫者与其守厉禁者如蜚之事

貉 【百有二十人】掌役服不氏而养兽而教扰之掌与兽言其守王宫者与其守厉禁者如蜚之事

周礼句解卷九

卷十

钦定四库全书

周礼句解卷十

宋 朱申 撰

秋官司寇下

布宪【中士二人下士四人府二人史四人胥四人徒四十人 主表刑禁者布以敷施之宪以表示之宪音献】掌宪邦之刑禁【宪表也刑即司寇之五刑禁即士师之五禁也】正月之吉【正月朔日】执旌节以宣布于四方【道路用旌节故布宪执之以宣布刑禁于四方也】而宪邦之刑禁【表示四方使皆知之】以诂四方邦国及其都鄙【诂者以威讓文诂为主邦国诸侯之国都鄙采邑也】达于四海【极于六服之外四海之远】凡邦之大事合众庶【大事谓祀与戎合众庶则用人民也】则以刑禁号令【号以召之令以命之盖以五刑五禁号令之也】

禁杀戮【下士二人史一人徒十有二人 禁民不得相杀戮】掌司斩杀戮者【司犹察也斩杀戮谓使民相斩相杀相戮也】凡伤人见血而不以告者【匿其事而不闻之于官也】攘狱者【攘劫狱囚】遏讼者【止遏民讼】以告而诛之【察此四者以告于司寇而诛戮之】

禁暴氏【下士六人史三人胥六人徒六十人 禁民暴乱】掌禁庶民之乱暴力正者【禁止也乱谓悖于人伦暴谓敢作威怒力正谓胁众从己以邪为正也】矫诬犯禁者【矫曲为直诬善为恶以冒犯刑禁也】作言语而不信者【造作无诚实之言语以惑民也】以告而诛之【禁此三者以告于司寇而诛戮之】凡国聚众庶【以大事聚众庶】则戮其犯禁者以徇【众庶有犯禁者则戮之以徇众】凡奚 聚而出入者则司牧之戮其犯禁者

野庐氏【下士六人胥十有二人徒百有二十人 野道庐舍止宿之地】掌达国道路至于四畿【此遂人所谓涂上有道川上有路以达于畿也】比国郊及野之道路宿息井树【国国中也郊国外也野郊外也遗人三十里有宿十里有庐即宿息之地也井所以共饮食树所以为藩蔽庐氏则巡行而校比之也】若有宾客【四方诸侯朝聘】则令守涂地之人聚 之【涂地皆有人以为之守有宾客则令其人相聚击析以待暴客也】有相翔者诛之【有翱翔觜伺欲为寇盗者诛之】凡道路之舟车犖互者【道路车舟之行或迫隘而相犖触相差互者】叙而行之【叙其先后之行】凡有节者【秉节而行】及有爵者至【有官者来】则为之辟【止行人】禁野之横行径逾者凡国之大事比脩途道路者掌凡道禁邦之大师则令扫道路且以几禁行作不时者不物者

蜡氏【下士四人徒四十人】掌除骴凡国之大祭祀令州里除不蠲禁刑者任人及凶服者以及郊野大师大賔客亦如之若有死于道路者则令埋而置榻焉书其日月焉县其衣服任器于有地之官以待其人掌凡国之骴禁

雍氏【下士二人徒八人谓隄防止水者】掌沟渎浚池之禁【沟渎浚田间通水者池谓陂障之水道必有禁然后可兴利除害也】凡害于国稼者【恐其水害于国及稼也】春令为阱获沟渎之利于民者【穿地为穴以防禽兽谓之阱设机以载禽兽使足不及地谓之获春农事方兴故为阱获以御兽害为沟渎以通水利也】秋令塞阱杜获【秋农事已成故塞之杜之】禁山之苑泽之沈者【依山为苑就泽为沈则专利于已而肆害于物故禁之】

萍氏【如雍氏主水禁者以萍为名比其浮于水上不沈溺也】掌国之水禁【水有灌载之利而犯之则沈溺故有禁】凡酒【司察非时饮者】谨酒【使民节用酒凡此者以酒之能溺人犹水也】禁川游者【禁不乘舟而浮游者亦以防沈溺也】

司寤氏【如萍氏寤觉也主夜觉者】掌夜时【一日一夜有十二时此专掌夜之时】以星分夜【夜则星见晓则星没】以诏夜士夜禁【诏告也夜士夜巡徼之士主夜禁者】御晨行者【日未旦为晨御之者使须明而后行也】禁宵行者夜游者【半夜前曰宵游非夜时虽不行亦禁止之也】

司烜氏【下士六人徒十有二人烜火也】掌以夫燧取明火于日【夫燧取火器也日太阳之精故取明火焉】以鉴取明水于月【鉴取水镜也月太陰之精故取明水焉】以共祭祀之明盥明烛【以明水为粢盛以明火爇烛也】共明水【以充酒也】凡邦之大事【谓祀賔之大事】共坟烛庭燎【设于门外曰坟烛设于门内曰庭燎】中春以木铎脩火禁于国中【为季春将出火先事而戒也】军旅脩火禁【大众所聚宜致谨也】邦若屋诛则为明竈焉

条狼氏【下士六人胥六人徒六十人条除也除道上之狼羴也】掌执鞭以趋辟【执鞭防以作威使行道者趋而避也】王出入则八人夹道【天子用八人夹道而趋辟】公则六人【降于王也】侯伯则四人【降于公也】子男则二人【降于侯伯也】凡誓【凡设誓士军旅】执鞭以呼于前且命之【羣吏聽誓则执鞭使前来聽命】誓仆右曰杀誓馭曰车轡誓大夫曰敢不关鞭五百誓师曰三百誓邦之大史曰杀誓小史曰墨

脩闾氏【下士二人史一人徒十有二人脩治也闾里门也】掌比国中宿互者【宿谓守卫互谓行马谓击柝脩闾氏则校比之也】与其国粥【行而卖物于国中者亦比校之】而比其追胥者而赏罚之【追胥谓伺逐寇盜者既比其人数则勤怠可见勤者赏之怠者罚之】禁径逾者【行不由正路】与以兵革趋行者【用兵器趋行道路者】与驰骋于国中者【奔走驰骋于国中之道者二者皆有禁】邦有故【丧乱寇盜】则令守其闾互【互谓行马所以断出入也守闾门也互之所以防非常之变也】惟执节者不几【有节以达者则无所用乎几察也】

防氏【下士二人徒八人】掌设弧张为阱攫以攻猛兽以灵鼓馡之若得其兽则献其皮革齿须备

庶氏【下士一人徒四人】掌除毒蛊以攻説禴之嘉草攻之凡欧蛊则令之比之

冗氏【如庶氏】掌攻蛰兽各以其物火之以时献其珍异皮革

翬氏【下士二人徒八人】掌攻猛鸟各以其物为媒而掎之以时献其羽翮

柞氏【下士八人徒二十人主除木者柞侧百反】掌攻草木及林麓【攻治也积木曰林山足曰麓】夏日至【夏至之日】令刊阳木而火之【刊谓斫去其皮也山南曰阳阳木以至阳之日刊而火之】冬日至【冬至之日】令剥阴木而水之【剥亦刊也山北曰阴阴木以至阴之日剥而水之则阳木阴木皆不复生矣】若欲其化也【欲其化而为日】则春秋变其水火【则阴木至春又从而火之阳木至秋又从而水之则无萌蘖之生矣】凡攻木者掌其政令【凡治木者皆有政以正之令以命之】

薙氏【下士二人徒二十八主除草者薙替】掌杀草【草害稼穡故杀之】春始生而萌之【春生气始达故萌之而弗治也】夏日至而夷之【夷平也谓迫地而刈之也夏至一阴生故可以夷之也】秋绳而芟之【含实曰绳芟其绳则不成熟矣绳孕】冬日至而耜之【冬至一阳生则用耜耜以去根也】若欲其化也【欲化为土】则以水火变之【以火而烧其芟夷之本末又从而加之以水也】掌凡杀草之政令

柝族氏【下士一人徒二人】掌覆夭鸟之巢以方书十日之号十有二辰之号十有二月之号十有二岁之号二十有八星之号县其巢上则去之

翦氏【下士一人徒二人】掌除蠹物以攻祭攻之以莽草熏之凡庶蛊之事

赤友氏【如翦氏】掌除墙屋以蜃炭攻之以灰酒毒之凡隙屋除其狸虫

蜺氏【如赤友氏】掌去鼃龟焚牡鞠以灰洒之则死以其烟被之则凡水虫无声

壺涿氏【如蜺氏】掌除水虫以炮土之鼓馡之以焚石投之若欲杀其神则以牡槀午贯象齿而沈之则其神死渊为陵

庭氏【下士一人徒二人】掌射国中之夭鸟若不见其鸟兽则以救日之弓与救月之矢夜射之若神也则以犬阴之弓与枉矢射之

衔枚氏【下士一人徒八人】掌司噐国之大祭祀令禁无噐军旅田役令衔枚禁跽呼叹鸣于国中者行歌哭于国中之道者

伊耆氏【如銜枚氏】掌国之大祭祀共其杖咸军旅受有爵者杖共王之齿杖

大行人【中大夫二人主賓客之长官】掌大賓之礼及大客之仪【大賓谓五等诸侯大客谓诸侯之孤卿大夫士礼以本言仪以文言】以亲诸侯【礼仪所以亲睦诸侯】春朝诸侯而图天下之事【春见曰朝因而图其事之可否】秋覲以比邦国之功【秋见曰覲因而比其功之高下】夏宗以陈天下之谟【夏见曰宗谟谋也因而陈其谟之是非】冬遇以協诸侯之虑【冬见曰遇因而合其虑之同异】时会以发四方之禁【时见曰会谓无常时相见也发禁谓征伐有罪也】殷同以施天下之政【众见曰同谓十二歲王不巡守则众诸侯皆来朝也施政谓考其制度也】时聘以结诸侯之好【时聘曰问谓诸侯使大夫来聘亲以礼见之所以结其防好也】殷纁以除邦国之慝【殷纁曰视谓一服来朝之歲天子命以政禁之事所以除其恶行也】间问以谕诸侯之志【天子遣使间歲一问诸侯所以通其志于上下】归脉以交诸侯之福【天子祭祀以胙分赐诸侯所以同其福于上下脈上忍反】贺庆以贊诸侯之喜【诸侯有喜则贺庆以贊之而与之同其乐】致禴以补诸侯之裁【禴祈禳之祭也诸侯有裁则致禴以补之而与之同其忧禴防】以九仪辨诸侯之命等诸臣之爵【九仪谓诸侯之命五公侯伯子男也诸臣之爵四孤卿大夫士也】以同邦国之礼而待其賓客【九仪之名位不同乃所以同邦国之礼也待賓客如下文所云】上公之礼【此九仪之一也】执桓圭九寸【公执桓圭其长九寸】纁借九寸【以织组而成藻饰所以借玉也其长与桓圭同纁早借在夜反】冕服九章【龙山华虫火宗彝五章画之于衣藻粉米黼黻四章綉之于裳】建常九旒【常即交龙之旒也其旒有九】樊纁九就【樊马腹带也纁马繮也以五采饰之而成九匝樊盘】贰车九乘【贰车副车也无饰】介九人【介相賓者也陈于大门外】礼九牢【三牲备曰牢朝享后乃陈于馆】其朝位賓主之间九十步立当车軹摈者五人庙中将币三享王礼再裸而酢飧礼九献食礼九举出入五积三问三劳诸侯之礼【此九仪之二也】执信圭七寸纁借七寸冕服七章【自华虫以下】建常七旒樊纁七就贰车七乘介七人礼七牢【以上皆降于上公二等】朝位賓主之间七十步立当前疾摈者四人庙中将币三享王礼一裸而酢飧礼七献食礼七举出入四积再问再劳诸伯执躬圭【此九仪之三也】其他皆如诸侯之礼【自躬圭外皆同诸侯】诸子执谷璧五寸【此九仪之四也】纁借五寸冕服五章【自宗彝以下】建常五旒樊纁五就贰车五乘介五人礼五牢【以上皆降于侯伯二等】朝位賓主之间五十步立当车衡摈者三人庙中将币三享王礼一裸不酢飧礼五献食礼五举出入三积一问一劳诸男执蒲璧【此九仪之五也】其他皆如诸子之礼【自执蒲璧外皆如诸子】凡大国之孤【孤以君命来聘此九仪之六也】执皮帛以继小国之君【执束帛为摯而饰以豹皮继于子男之后】出入三积不问一劳朝位当车前不交摈庙中无

相以酒礼之其他皆眡小国之君凡诸侯之卿【卿以君命来聘此九仪之七也】其礼各下其君二等【比其君之礼皆降二等】以下及其大夫士皆如之【亦下其君二等大夫九仪之八也士九仪之九也】邦畿方千里【王畿地方千里】其外方五百里谓之侯服【在王畿外】歲一见【其地近故每年一朝见现】其贡祀物【共祭祀之用者】又其外方五百里谓之甸服【在侯服外】二歲一见【地稍遠故二年一朝】其贡嫔物【共嫔妇之用者】又其外方五百里谓之男服【在甸服外】三歲一见【地又遠故三年一朝】其贡器

物【共器物之用者】又其外方五百里谓之采服【在男服外】四歲一见【地又遠故四年一朝】其贡服物【共衣服之贡者】又其外方五百里谓之卫服【在采服外】五歲一见【地又遠故五年一朝】其贡材物【共材用之贡者】又其外方五百里谓之要服【在卫服外要腰】六歲一见【地尤遠故六年一朝】其贡货物【共寶货之贡也】九州之外谓之蕃国【六服在九州内其外则夷服镇服蕃服皆谓之蕃国也】世一见【以其地极遠故嗣君即位乃朝】各以其所贵寶为摯【不拘其所贡也】王之所以抚邦国诸侯者【天子抚安诸侯之法如下文所云】歲徧存【每歲徧问其安否】三歲徧頽【三歲则徧视其治效】五歲徧省【五年则徧察其风俗】七歲属象胥【象胥通言语之官也】谕言语【五方言言不通故使象胥谕之】協辞命【诸侯无辞不相接故使象胥協之此二者七年一次举行】九歲属瞽史【瞽史乐官】谕书名【书名所以同其文故使瞽史谕之】聽声音【声音所以和其声故使瞽史聽之此二者九年一次举行】十有一歲达瑞节【六瑞见宗伯六节见掌节所以达四方而文之也】同度量【度谓丈尺量谓斗斛所以同四方而一之也】成牢礼【若掌客之所掌是也】同数器【若合方氏之所掌是也】修法则【法谓八法则谓八则修谓损益因革之也此五者十一年一次举行】十有二歲王巡守殷国【每十二年王巡守诸侯如不巡守则诸侯皆来朝也】凡诸侯之王事【诸侯朝王之事】辨其位【辨其朝廷賓主之位】正其等【正其尊卑上下之等】協其礼【協其饗飪积膳之礼】賓而见之【使诸侯以賓礼见之】

若有大丧则诏相诸侯之礼若有四方之大事则受其币聽其辞 凡诸侯之邦交【邻国往来】歲相问也【比年一小聘也】殷相聘也【三年一大聘也】世相朝也【嗣君即位乃亲相朝以见聘问皆遣臣也】

小行人【下大夫四人行人之副】掌邦国賓客之礼籍【诸侯名位尊卑之书】以待四方之使者【以待诸侯之臣来使于王者】令诸侯春入贡【春朝之时入贡谓六服所贡也】秋献功【秋覲之时献功谓考绩之功也】王亲受之【亲受其贡与功所以敬诸侯也】各以其国之籍礼之【国有小大故礼有等差必按其书而礼待之也】凡诸侯入王则逆劳于畿及郊劳眠馆将币为承

而摈凡四方之使者大客则摈小客则受其币而聽其辞 使适四方【天子使人于诸侯】協九仪賓客之礼【協合也賓礼五公侯伯子男也客礼四孤卿大夫士也共为九仪】朝覲宗遇防同【见前大行人注】君之礼也【六者诸侯事君之礼】存頽省聘问【见大行人注】臣之礼也【五者天子抚臣之礼】达天下之六节【龙节虎节人节旌节符节管节】山国用虎节土国用人节泽国用龙节【见掌节注】皆以金为之【为尊者将命取不可变为义也】道路用旌节门关用符节【见掌节注】都鄙用管节【都鄙采邑也管节如后世之竹使符也此与掌节守都鄙者用角节不同】皆以竹为之【竹有自然之节将命者期于无失节而已】成六瑞【六等合瑞之玉也四圭二璧】王用璚圭公用桓圭侯用信圭伯用躬圭子用谷璧男用蒲璧【宗伯言执谓执之以行礼也此皆言用谓用之以合符也璚鎮】合六币【六币诸侯所以享王也合者如圭合马璋合皮之类】圭以马【銳首曰圭其币用马】璋以皮【半圭曰璋其币用豹皮圭与璋二王之后用之】璧以帛【璧员而中虚其币用帛】琮以锦【琮方而八面其币用锦璧与琮侯伯用之】琥以绣【琥为虎形其币用绣】

璜以黼【半璧曰璜其币用黼琥与璜子男用之】此六物者【总說上文六币】以和诸侯之好故【以其通情而来则谓之好以其因事而来则谓之故】若国札丧则令赙补之若国凶荒则令赙委之若国师役则令橐饘之若国有福事则令庆贺之若国有祸裁则令哀吊之凡此五物者治其事故及其万民之利害为一书【为此一书所以兴利除害也】其礼俗政事教治刑禁之逆顺为一书【为此一书所以去逆而成顺也】其悖逆暴乱作慝犹犯令者为一书【为此一书将以严而制之】其札丧凶荒厄贫为一书【为此一书所以寬而恤之】其康乐和亲安平为一书【如此则康乐和亲可致矣故又为此一书】凡此五物者【总上文五书】每国辨异之【每国各为五书】以反命于王【行人巡行天下录成五书然后复命于王】以周知天下之故【如此则天下之事可得而徧知矣】

司仪【上士八人中士十有六人 掌賓客摎相之礼】掌九仪之賓客摎相之礼【公侯伯子男五者为賓孤卿大夫士四者为客共为九仪接賓曰摎贊礼曰相】以诏仪容辞令揖让之节【仪以文言容以貌言以言达意谓之辞参合乎上谓之令以手拱人谓之揖先人后己谓之让司仪则以言而诏其节也】将合诸侯【有事而防】则令为坛三成【为坛于国外三成三重也】宫旁一阼【为宫方三百步每旁一阼】诏王仪【告王以见诸侯之仪】南乡见诸侯【南者离明之方取乡明之义也乡向】土揖庶姓【土揖下手揖之庶姓者非王之亲也】时揖异姓【时揖平手揖之异姓者王之外亲也】天揖同姓【天揖举手揖之同姓者王之族人也】及其摎之【摎诸侯以前王】各以其礼【以爵之尊卑而为隆杀】公于上等【坛有三重摎公于第一重】侯伯于中等【摎侯伯于第二重】子男于下等【摎子男于第三重】其将币亦如之【将币以享亦分三等】其礼亦如之【裸将礼同】王燕则诸侯毛【谓以髮白黑分尊卑也朝事尚爵而燕尚齿者燕以示慈惠故也】凡诸公相为賓【诸公之国相朝】主国五积三问【主国主人之国也积财用也于其止宿则有五积以其间阔则有三问】皆三辞拜受【賓三辞不获乃拜而受之】皆旅摎【公之摎九人旅则陈之也】再劳【以其道路之苦故再劳之】三辞三揖【賓三辞每辞一揖】登拜受【賓三辞不获乃登堂拜受】拜送【劳礼重于积问故拜送使人也】主君郊劳【积问劳特遣使而已主君又亲劳之于郊焉】交摎【賓主各陈摎者九人以传宾主之辞】三辞【宾三辞其郊劳之礼】车送拜辱【宾以主君亲劳故乘车出舍门而迎之乃下车拜其屈辱而来也】三揖三辞【三揖以致恭三辞以致让】拜受【宾三辞不获乃拜而受】车送【主君既出宾又乘车送之】三还【主君三还辞之】再拜【宾乃再拜送之】致馆亦如之【賓始至国使大夫受馆主君又以礼亲致亦如郊劳之礼也】致飧如致积之礼【夕食曰飧小礼也故但遣大夫如致积之礼】及将币【賓致币以享主君】交摎【賓始入庙主君迎賓故交摎以 辞】三辞【賓三辞主君之迎】车逆拜辱【主君乘车出大门迎賓而拜其辱】賓车进【賓车于是前进】答拜【主君拜辱而賓答之】三揖三让【主君揖而賓让】每阼止一相【相谓主之摎賓之介也将致敬于庙故每阼止用一相】及庙【及至庙中】惟上相入【惟上摎上介入】賓三揖三让【将登堂故揖而让主君也】登再拜授币【賓既登堂将授币以享主君故主君拜之授当为受】賓拜送币【賓则拜而送币于主君也賓当为摎】每事如初【送币如初将币之礼】賓亦如之【賓读如摎谓以郁鬯礼賓也】及出【賓将出庙】车送【主人以车送賓】三请三进【主君请賓就车每一请则一进欲遽送之也】再拜【既请进则再拜】賓三还三辞【主君每一请则賓亦一还一辞】告辟【賓

告主君言已辟去也辟音避】致饗饔【熟食曰饗生物曰饔主君致之于宾】还圭【賓以圭享主君礼毕则还之也】飧食【享以饮为主食以食为主皆所以待賓也】致贈【賓去而主君贈之以財也】郊送【主君又亲送賓于郊】皆如将币之仪【送逆揖让辞受之节皆同将币】賓之拜礼拜饗饔拜飧食賓继主君皆如主国之礼 诸侯诸伯诸子诸男之相为賓也【侯伯子男之国相朝】各以其礼相待也【各眡其命之数而为之隆杀也】如诸公之仪【其行礼之节一与诸侯同】 诸公之臣相为国客则三积皆三辞拜受及大夫郊劳旅摈三辞拜辱三讓登聽命下拜登受賓使者如初之仪及退拜送致馆如初之仪及将币旅摈三辞拜逆客辟三揖每门止一相及庙惟君相入三让客登拜客三辟授币下出每事如初之仪及礼私面私献皆再拜稽首君答拜出及中门之外问君客再拜对君拜客辟而对君问大夫客对君劳客客再拜稽首君答拜客趋辟致饗饔如劳之礼飧食还圭如将币之仪君馆客客辟介受命遂送客从拜辱于朝明日客拜礼赐遂行如入之积凡侯伯子男之臣以其国之爵相为客而相礼其仪亦如之 凡四方之宾客礼仪【所以相接】辞命【所以相与】饔牢【所以致赐】赐献【及用禽鸟之属】以二等从其爵而上下之【皆自上而降杀以两一从其爵命而已】 凡賓客送逆同礼【来则逆之而有问劳之礼去则送之而有赠送之礼】 凡诸侯之交【邦交之礼】各称其邦而为之币【各称其邦之大小而致其币如二王后用圭璋侯伯用璧琮之类】以其币为之礼【因其币之隆杀而为礼之厚薄】 凡行人之仪【摈相传辞之威仪】不朝不夕【日出为朝面东也日入为夕面西也】不正其主面【不南向】亦不背客【不北向但居賓主之间而已】

行夫【下士三十有二人府四人史八人胥八人徒八十人 主国使之礼】掌邦国传遽之小事【谓乘邮传急遽之事盖事之小而欲速达者】 恶而无礼者【 恶谓吉凶之小事礼籍所不载者】 凡其使也【行夫出而为使】必以旌节【执旌节以通道路也】虽道有难而不时必达居于其国则掌行人之劳辱事焉使则介之

环人【中士四人史四人胥四人徒四十人 主围賓客任器为之守备】掌送逆邦国之通賓客【邦国賓客取道往来者则送迎之】以路节达诸四方【路节谓道路用旌节也达诸四方使无阻也】舍则授馆令聚 有任器则令环之凡门关无几【賓客有路节以出入门关故无几察之者】送逆及疆【送賓迎賓】

【皆及于国之境】

象胥【每翟上士一人中士二人下士八人徒二十人 主通夷狄之言】掌蛮夷闽貉戎狄之国使【八蛮四夷七闽九貉五戎六狄之国遣使来朝贡者】掌传王之言而谕說焉【遠人不晓中国言语故象胥传王言而开谕解說之】以和亲之【如此则遠人之心和而不乖亲而不疎也】若以时入賓【谓蕃国之君世一见之】则協其礼【遠人之礼不同于中国象胥则教之協其礼也】与其辞言传之【遠人之言不通于中国象胥则传其言辞也】 凡其出入送逆之礼节币帛辞令【出则送之入则逆之礼节以相接币帛以致享辞令以相与】而賓相之【接賓曰摈贊礼曰相賓摈】

凡国之大丧诏相国客之礼仪而正其位凡军旅防同受国客币而賓礼之 凡作事王之大事

诸侯【王者征伐四夷之事则用诸侯捍屏】次事卿【若威令文诰之辞】次事大夫次事上士下事庶子【皆量其事体之轻重用之】

掌客【上士二人下士四人府一人史二人胥二人徒二十人 掌賓客牢礼之法】掌四方賓客之牢礼饩献饮食之等数【牢礼谓三牲也饩献谓禽兽也饮谓酒酱食谓膳羞皆以等级而异其杀】与其政治【政以正之治以理之】王合诸侯而飨礼【合五等诸侯而行享食之礼】则具十有二牢【牢具十二者王礼之数也】庶具百物备【庶羞之具百物之品莫不咸具】诸侯长十有再献【诸侯长谓上公之命作伯者用十二献者所以优尊之也】王巡守殷国【王十二年而一巡守则众国皆朝】则国君膳以牲犊【所过之国其君以犊牲供王之膳贵其诚也】令百官百姓皆具【掌客令主国具百牲以供王之百官】从者三公眡上公之礼【王之从行三公其礼比于上公】卿眡侯伯之礼【王之从行卿其礼比于侯伯】大夫眡子男之礼【王之从行大夫其礼比于子男】士眡诸侯之卿礼【王之从行上士其礼比诸侯之卿】庶子一眡其大夫之礼【庶子兼中士下士而言其礼比诸侯之大夫】凡诸侯之礼【此下言王者待诸侯之礼】上公五积【此言待上公之礼其未至】

【也于其止宿先致五积积音渍】皆眡飨牵【其始至也则致夕食眡谓眡其五牢之数也牵谓牵牢而致之也】三问皆脩【以其间阔故致三问也脩者脯之加姜桂者也】羣介行人宰史皆有牢【言公所从行之人皆有牢礼也】飨五牢【此即夕食五牢之数也】食四十【庶羞可食者凡四十品】簠十【簠盛稻粱其数有十】豆四十【豆所以盛醢其数四十】铏四十有二【铏盛羹器也其数四十二】壶四十【壶所以盛酒其数四十】鼎簋十有二【鼎以烹牲簋盛黍稷二者之数各十有二】牲三十有六【牛羊豕三牲具为一牢每牢以九为列牲三十六者则上公四牢也】皆陈【以上皆陈设之】饗饩九牢【饗熟食饩则生气存焉此朝享之后所致之大礼也】其死牢如飨之陈【如飨五牢之数陈于门外】牵四牢米百有二十筥醢醢百有二十饗车皆陈车米眡生牢牢十车车乘有五防车禾眡死牢牢十车车三秬刍薪倍禾皆陈乘禽日九十双股膳大牢以及归三飨三食三燕若弗酌则以币致之凡介行人宰史皆有飨饗饩以其爵等为之牢礼之陈数惟上介有禽献夫人致礼八壶八豆八笾膳大牢致飨大牢食大牢卿皆见以羔膳大牢 侯伯四积【此言待侯伯之礼四积者比于上公降一等也】皆眡飨牢【眡飨四牢之礼】再问皆脩【侯伯止再问又无羣介行人宰史之牢】飨四牢食三十有二簠八豆三十有二【比于上公皆减五分之一】铏二十有八【上公堂上二十二东西夹各十故其数四十二侯伯堂上十二东西夹各八故其数二十八】壶三十有二【亦减五分之一】鼎簋十有二【其数与上公同】腥二十有七【变牲言腥者互见也二十七者三九之数也】皆陈饗饩七牢【降于上公二等】其死牢如飨之陈【如飨四牢之数】牵三牢米百筥醢醢百饗皆陈米三十车禾四十车刍薪倍禾皆陈乘禽日七十双股膳大牢三飨再食再燕凡介行人宰史皆有飨饗饩以其爵等为之礼惟上介有禽献夫人致礼八壶八豆八笾膳大牢致飨大牢卿皆见以羔膳特牛 子男三积【此言待子男之礼三积者又降于侯伯一等也】皆眡飨牵【眡飨三牢之数】一问以脩【亦降一等】飨三牢食二十有四簠六豆二十有四【比于侯伯皆减四分之一】铏十有八【堂上十东西夹各四】壶二十有四【亦减四分之一】鼎簋十有二【惟鼎簋之数公侯伯子男同】牲十有八【二九十八也牲当为腥】皆陈饗饩五牢【降于侯伯二等】其

死牢如殯之陈【如殯三牢之数】牵二牢米八十筥醢醢八十鬻皆陈米二十车禾三十车刍薪倍禾皆陈乘禽日五十双一飧一食一燕凡介行人宰史皆有殯饗飨以其爵等为之礼惟上介有禽献夫人致礼六壶六豆六筯膳眡致飧亲见卿皆膳特牛凡诸侯之卿大夫士为国客【谓诸侯不亲来使卿大夫来聘问也】则如其介之礼以待之【如待诸侯上介之礼】凡礼賓客国新杀礼凶荒杀礼札丧杀礼祸裁杀礼在野在外杀礼凡賓客死致礼以丧用賓客有丧惟刍稍之受遭主国之丧不受飧食受牲礼

掌訝【中士八人府二人史四人胥四人徒四十人訝与逆同主迎賓客者】掌邦国之等籍【谓九仪之等差载于书籍者】以待賓客【以其等差而为隆杀之节】若将有国賓客至【国賓谓诸侯国客谓诸侯之臣至谓来朝聘也】则戒官修委积【遣人掌郊里之委积以待賓客掌訝则戒之使供具也】与士逆賓于疆【与訝士迎賓客于国之境】为前驱而入【既迎于境则为之前驱而入于国也】及宿则令聚及委则致积至于国賓入馆次于舍门外待事于客及将币为前驱至于朝诏其位入复及退亦如之凡賓客之治令訝訝治之凡从者出则使人道之及归送亦如之凡賓客【凡迎賓客之礼】诸侯有卿訝【此言使卑者迎尊者也卿卑于诸侯故使卿訝之】卿有大夫訝【大夫卑于卿故使大夫迎之】大夫有士訝【士卑于大夫故使士迎之】士皆有訝【如上士为賓客则使中下士迎之也】凡訝者【凡迎賓客】賓客至而往【賓客告至乃往迎之】诏相其事【诏谓以言告之相谓以力贊之】而掌其治令【治谓理其事令谓有所使】

掌交【中士八人府二人史四人徒三十有二人掌交通诸侯之好】掌以节与币巡邦国之诸侯及其万民之所聚者【节以为行信币以见诸侯巡行自王国而及诸侯由诸侯而及万民所以通上下之情也】道王之德意志虑【道言也王者德之所存意之所发志之所之虑之所定皆与诸侯万民言之】使咸知王之好恶辟行之【使诸侯万民皆知王之所好而行之知王之所恶而辟之】使和诸侯之好【谓谐和诸侯之心使之好王也】达万民之說【谓通达万民之情使之悦王也】掌邦国之通事而结其交好【邦国通事谓诸侯相朝之礼凡此所以结其交与好也】以谕九税之利【谕告也九税谓九职之税使诸侯征之得以为利也】九礼之亲【九礼谓九仪之礼使诸侯守之各安其分也】九牧之维【九牧谓九州之牧使之小大相维也】九禁之难【九禁谓九法之禁使之避免患难也难去声】九戎之威【九戎谓九伐之兵使之奉法畏威也】

掌察【四方中士八人史四人徒十有六人】阙

掌货贿【下士十有六人史四人徒三十有二人】阙

朝大夫【每国上士二人下士四人府一人史二人庶子八人徒二十人主都家采邑之国治而命于朝】掌都家之国治【掌凡公卿王子弟之都大夫之家凡有治于国者】日朝以听国事故【所作谓之事所遭谓之故朝大夫每日至朝廷而听之】以告其君长【而告之于都家之君长】国有政令【王国有所正之政有所使之令】则令其朝大夫【令都家之吏使之告其君长】凡都家之治于国者【谓都家有事听命于王者】必因其朝大夫【必

因朝大夫以达于王国】然后聽之【然后聽其治也】惟大事弗因【则冢宰聽之】

都则【中士一人下士二人府一人史二人庶子四人徒八十人】阙

都士【中士二人下士四人府二人史四人胥四人徒四十人】阙

家士【亦如之】阙

周礼句解卷十

卷十一

钦定四库全书

周礼句解卷十一

宋朱申撰

冬官考工记第六【郑氏曰古周礼六篇司空之官也司空之篇亡汉兴购千金不得后人录此三十工以为考工记备大数耳今按冬官不名司空而名考工记者盖汉儒名之也】

冬官考工记上

国有六职【谓国家之事有此六种职掌如下文坐而论道以下六条非谓小宰之六职也】百工与居一焉【百工审曲面势以饬五材以辨民器居六职之一也与音预】或坐而论道【王与三公坐而论道经邦此六职之一也】或作而行之【作犹起也行犹为也王公论之士大夫则起而有为此六职之二也】或审曲面势【审察五材之曲直面观五材之形势势】以饬五材【饰犹修也五材金木水火土也】以辨名器【五材既修乃分辨之以为民之器用此百工之事六职之三也】或通四方之珍异以资之【物贵为珍物殊为异通四方之有无而相资以为用此商旅之事六职之四也】或飭力以长地财【地财九谷也必勤力以长成之此三农之事六职之五也】或治丝麻以成之【治丝以成帛治麻以成布此嫔妇之事六职之六也】坐而论道谓之王公【此覆解上文六条谓坐而论道者王与三公之职也】作而行之谓之士大夫【谓作而行之者士与大夫之职也】审曲面势以饬五材以辨民器谓之百工【审察五材曲直方面形势以为民器谓主此事者百工之职也】通四方之珍异以资之谓之商旅【谓主此事者掌商旅之职也】飭力以长地财谓之农夫【谓主此事者掌农夫之职也】治丝麻以成之谓之妇功【谓主此事者掌妇功之职也】粤无镈【粤南蛮地也镈治田器也言其地无铸镈者之名粤曰镈搏】燕无函【燕北狄地也函甲也言其地无函人之名函含】秦无庐【秦西戎地也庐兵戈之柄也言其地无庐人之名庐卢】胡无弓车【胡北夷地也言其地无弓人车人之名】粤之无镈也【此覆解上文四条释粤无镈之义】非无镈也【非是其地无镈手也】夫人而能为镈也【人人皆能为镈故镈工不以名著也夫扶下同】燕之无函也【释燕无函之义】非无函也【非是其地无函人也】夫人而能为函也【人人皆能为甲故函人不以名著也】秦之无庐也【释秦无庐之义】非无庐也【非是其地无庐人也】夫人而能为庐也【人人皆能为庐故庐人不以名著也】胡之无弓车也【释胡无弓车之义】非无弓车也【非是其地无弓人车人也】夫人而能为弓车也【人人皆能为弓与车故弓人车人不以名著也】知者创物【创谓立法于物也知者无所不知故能创造器用】巧者述之【述谓取法于后也巧者无所不能故能仿效为之】守之世谓之工【父子相传不失其业然后名之曰工】百工之事【百工不一其事皆父子世守其业者】皆圣人之作也【圣人知无不知故百工之事皆出于圣人创物】

之知也】烁金以为刃【金性至坚必待火以烁之然后可以为刃烁始灼反】凝土以为器【土性至缓必待水以凝之然后可以为器也】作车以行陆【行陆路者必待车以载之】作舟以行水【行水道者必待舟以载之】此皆圣人之所作也【四者虽百工之事然而知金之可烁土之可凝车之可以行陆舟之可以行水此皆出于圣人创物之知也】天有时【天时有寒温之殊】地有气【地气有刚柔之别】材有美【均之为材料也而有美恶之不同】工有巧【均之为工匠也而有巧拙之或异】合此四者【材既美工既巧又得天时地气四者相合】然后可以为良【以此为器然后极至于善】材美工巧【材料虽美工匠虽巧】然而不良【而所作之器乃不善何也】则不时不得地气也【盖由不得天时地气故不良也】橘逾淮而北为枳【淮今淮河也橘味甘枳味苦以江南之橘移过淮北则化为枳枳纸】鸛鹑不逾济【济水在齐地鸛鹑之禽不过此水故春秋书鸛鹑来巢以为异也鸛其俱鸛欲】貉逾汶则死【貉禽名似狐汶水在鲁地貉兽过此水则死貉户各】此地气然也【此地道之化使然也】郑之刀【郑国之地其刀良】宋之斤【斤斧类宋国之地其斤良】鲁之削【削书刀也鲁国之地其削良】吴粤之剑【吴粤二国之地其剑良粤曰】迁乎其地而弗能为良【虽使五国之人迁于他国之地而制此器则不良者何也】地气然也【盖由物性之宜使然也以上两节言地有气】燕之角【燕地在北方其牛角最坚实】荆之干【荆地在南方多坚木可为弓弩之干】娵胡之筈【娵胡胡子国也近楚其地多干可为箭干娵扶弓筈古老】吴粤之金锡【吴粤在东南多石山产金与锡】此材之美者也【此材之禀天时地气自然而美者也此一节言材有美】天有时以生【阳一嘘而万物生】有时以杀【陰一吸而万物杀】草木有时以生【春夏阳盛故草木生】有时以死【秋冬陰盛故草木死】石有时以泐【石虽至坚或以盛暑而解散也泐勒】水有时以凝【水虽流动或以盛寒而冻结也】有时以泽【水虽冻结又以春时而消泽也泽亦】此天时也【此物之系乎天者然也此一节言天有时】凡攻木之工七【自此而下言工有巧攻治也治木之工其目有七】攻金之工六【治金之工其目有六】攻皮之工五【治皮革之工其目有五】设色之工五【装设采色之工其目有五】刮摩之工五【刮以成质磨以出细为此工者其目有五刮古八反】搏埴之工二【搏团也埴土粘也盖为瓦器者其目有二凡此六者总为三十工也抔团】攻木之工【此覆解上文六条言攻木之工七其目在下】轮【为轮为盖】舆【为舆】弓【为弓】庐【为庐器盖戈防戛矛之柄也庐卢】匠【建国为宫室为沟洫】车【为耒为车】梓【为笋 为饮器为侯此七者攻木之工也】攻金之工【其目在下】筑【为削】治【为戈防】鳧【为钟】防【为量防栗】段【为铸】桃【为剑此六者攻金之工也】攻皮之工【其目在下】函【为甲】鲍【治皮】鞞【为鼓鞞运】韦【阙】裘【为裘此五者攻皮之工也】设色之工【其目在下】画绩【绩言其意画言其事二者相须也画胡卦绩防】钟【深羽】筐【阙】防【练丝此五者设色之工也防芒】刮摩之工【其目在下】玉【治圭璧】珣雕【阙珣侧笔】矢【为矢】磬【为磬此五者刮摩之工也】搏埴之工【其目在下】陶【为瓦】旒【为簋此二者搏埴之工也旒仿】有虞氏上陶【上与尚同虞舜时淳朴未散陶土为器故上陶】夏后氏上匠【夏时营制稍兴为宫室以居处为沟洫以灌溉故上匠】殷人上梓【商礼乐之器渐备故上梓】周人上舆【周则经制广而庶事备故上舆】故一器而工聚焉者车为多【此因周人上舆而言盖车虽一器而用众工为最多也】车有六等之数车軫四尺谓之一等戈秘六尺有六寸既建而迪崇于軫四尺谓之二等人长八尺崇于戈四尺谓之三等戠长寻有四尺崇于人

四尺谓之四等车防常崇于受四尺谓之五等酋矛常有四尺崇于防四尺谓之六等车谓之六等之数凡察车之道【大凡察车高下之法】必自载于地者始也【自从也载于地者谓轮也】是故察车自轮始【轮广则车高轮狭则车卑】凡察车之道欲有朴属而防至不其属无以为完从也不防至无以为戚速也轮已崇则人不能登也轮已卑则于马终古登阨也故兵车之轮六尺有六寸【兵车革路也凡轮之尺寸皆量其圆径之数】田车之轮六尺有三寸【田车木路也】乘车之轮六尺有六寸【乘车玉路金路象路也轮之尺寸不同者以所驾马有高下也乘去声】六尺有六寸之轮【轮之圆有六尺六寸】軹崇三尺有三寸也【軹轴头也崇高也轮径六尺六寸轴头处中故但高三尺三寸也軹纸】加軹与轸焉【舆后横木谓之軹轴上伏兔谓之轸车轴上有轸轸尾上载车軹軹上加舆共高七寸轸卜】四尺也【三尺三寸又加七寸故高四尺】人长八尺【人有长短取中而言之故曰八尺长去声】登下以为节【车之高于人为半故登车下车以此为节则得其宜也】

轮人为轮斩三材必以其时【三材所以为毂也辐也牙也斩之以时者阳木则仲冬斩之阴木则仲夏斩之】三材既具【三材既已具备】巧者和之【必资工之巧者和合三材以为轮也】毂也者以为利转也辐也者以为直指也牙也者以为固抱也轮敝三材不失业谓之完望而眡其轮欲其悞尔而下迤也进而眡之欲其防至也无所取之取诸圜也望其辐欲其掣尔而纖也进而眡之欲其内称也无所取之取诸易直也望其毂欲其眼也进而眡之欲其𨔵之廉也无所取之取诸急也眡其𨔵欲其蚤之正也察其𨔵蚤不𨔵则轮虽敝不匡凡斩毂之道必矩其阴阳【矩谓刻识之也凡斩毂材必辨其向日背日之阴阳方】阳也者稹理而坚【阳木实栗丛致也谓稹理而坚实】阴也者疏理而柔【阴木其体虚空故疏而不密其质弱】是故以火养其阴而齐诸其阳【必以火而炼治之】则毂虽敝不𨔵【虽从而敝亦不坏𨔵音耗】毂小而长则柞【柞谓狭而不广】大而短则𨔵【𨔵危也言不坚固】是故六分其轮崇以其一为之牙围参分其牙围而漆其二𨔵其漆内而中𨔵之以为之毂长以其长为之围以其围之防𨔵其𨔵五分其毂之长去一以为贤去三以为軹容毂必直【非和转之势故欲其直】陈必正【采以约之为文】施胶必厚【附丽之必欲固也】施筋必数【幔角之用必欲多也数朔】𨔵必负𨔵【𨔵覆也𨔵以幔毂必欲其廉之外见而负于𨔵】既摩革色青白谓之毂之善参分其毂长二在外一在内以置其辐凡辐量其𨔵深以为辐广辐广而𨔵浅则是以大𨔵虽有良工莫之能固𨔵深而辐小则是固有余而强不足也故𨔵其辐广以为之弱则虽有重任毂不折参分其辐之长而杀其一则虽有深泥亦弗之𨔵也参分其股围去一为𨔵围揉辐必齐【揉辐以火所以齐曲直】平沈必均【沈辐以水所以均轻重】直以指牙【然辐直则为倨牙曲则为勾故必欲其直指】牙得则无而固不得则有必足见也六尺有六寸之轮𨔵参分寸之二谓之轮之固凡为轮【为轮之法】行泽者欲杼【泽多湿故削其轮之外如剑脊也杼直吕反】行山者欲侔【山多石故轮欲上下相等而圆滑也】杼以行泽【以轮之杼者而行泽】则是刀以割涂也【譬如以刀而割泥也】是故涂不附【故虽行湿地而泥不附者也】侔以行山【以轮之侔者而行山】则是搏以行石也【譬如以圆滑之物而行石也搏音圆】是故轮虽敝不𨔵于𨔵【轮虽为石损敝而不动于𨔵中也𨔵力刃𨔵曹报反】凡揉牙外不廉而内不挫旁不肿谓之用火之善是故规之以眡其圜也【轮中规则圜矣】𨔵之以眡其匡也【𨔵与矩同规圜中矩四围端正是中矩也】县之以眡其辐之直也【以绳县之中绳则辐直矣县】水之以眡其平沈之均

也【其轮而灌以水其平沈适均则平中准矣】量其藪以黍以眡其同也【藪辐间也量之以黍而所受多寡适同焉则中量矣藪素口反】权之以眡其轻重之侔也【权称钟也以两轮分而称之其轻重适侔则中权矣】故可规可萬可水可县可量可权也【六者皆曰可者见其无不善也】谓之国工【则国人无以过其巧矣】

轮人为盖【盖取其圆于车上之所用】达常围三寸【盖之为制上为部中为达常柄通上下也】梠围倍之六寸【下为梠盖扛也盖之材赖之以呈盖顶也梠楹】信其梠围以为部广【广径也部广之围尺有八寸信音申广古旷反】部广六寸部长二尺梠长部之四尺者二十分寸之一谓之枚部尊一枚弓凿广四枚凿上二枚凿下四枚凿深二寸有半下直二故凿端一枚弓长六尺谓之底軹五尺谓之底轮四尺谓之底軫参分弓长而揉其一参分其股围去一为蚤围参分弓长以其一为之尊上欲尊而宇欲卑【上近部则欲其高隤下为宇则欲其低卑音婢】上尊而宇卑则吐疾而霤逯【其势顺霤力又反】盖已崇则难为门也【高则门难容】盖已卑是蔽目也【卑则遮前不见】是故盖崇十尺【高十尺】良盖弗冒弗纁【善为盖者不以衣覆或有衣而不以线系】殷畝而驰不队【队读谓坠如平畝而驰且落不落之】谓之国工【是国之良工也】

輿人为车【车谓五路】轮崇车广衡长参如一谓之参称参分车广去一以为隧参分其隧一在前二在后以揉其式以其广之半为之式崇以其隧之半为之较崇六分其广以一为之軫围参分軫围去一以为式围参分式围去一以为较围参分较围去一以为軹围参分軹围去一以为轡围圜者中规【为圆必中于规中去声】方者中矩【为方必中于矩】立者中县【立者必如县绳之直县】衡者中水【衡者必如止水之平】直者如生焉【如木之生于地】继者如附焉【如木之附于榦】凡居材大与小无并【处材得其所以小入大大者受之而入无兼并之失】大倚小则摧引之则絶栈车欲弇饰车欲侈

辘人为辘【辘车轅也辘张留反】辘有三度【浅深异其数也】轴有三理【言其有常也】国马之辘【种马驾玉路戎马驾革路齐马驾金路道马驾象路】深四尺有七寸【国马高八尺故辘之深四尺七寸深去声下同】田马之辘【驾木路】深四尺【田马高七尺故辘之深四尺】弩马之辘【驾役车】深三尺有三寸【弩马高六尺故辘之深三尺三寸此言辘有三度也】轴有三理【释三理之义】一者以为嫩也【轴之材欲其美而无恶嫩美同】二者以为久也【轴之体欲其坚而可久】三者以为利也【轴之势欲其利而易转此言轴有三理也】轨前十尺而防半之凡任木任正者十分其辘之长以其一为之围衡任者五分其长以其一为之围小于度谓之无任五分其軫间以其一为之轴围十分其辘之长以其一为之当兔之围参分其兔围去一以为颈围五分其颈围去一以为踵围凡揉辘欲其孙而无弧深今夫大车之轅摯其登又难既克其登其覆车也必易此无故惟轅直且无桡也是故大车平地既节轩摯之任及其登阨不伏其轅必縊其牛此无故惟轅直且无桡也故登阨者倍任者也犹能以登及其下阨也不援其邸必縊其牛后此无故惟轅直且无桡也是故辘欲颀典辘深则折浅则负辘注则利准利准则久和则安辘欲弧而无折经而无絶进则与马谋【马所以驾车故车之进则与马谋】退则与人谋【人所以御马故车之退则与人谋】终日驰骋【虽终日用之以驰骋驱骤】左不捷【车左君聽乘捷倦也言尊者在左无捷倦

之病也捷蹇【行数千里【虽行数千里之远】马不契需【契伤也言马不伤于蹄不濡滞于路也契苦结反】终岁御【虽终岁御车】衣衽不敝【衽裳际也车行无动摇故不损御者之衣裳也】此惟辔之和也【凡此三者以辔之和故能如此】劝登马力马力既竭辔犹能一取焉良辔环灞自伏兔不至轨七寸轨中有灞谓之国辔軫之方也【軾舆后横木也】以象地也【軾在下以承上也故象地之方】盖之圜也【盖周围覆车也】以象天也【盖在上以覆下故以象天之圜】轮辐三十【一轮有三十辐】以象日月也【象一月有三十日也】盖弓二十有八【一盖有二十八弓】以象星也【象天有二十八宿也】龙旂九旂【交龙为旂其旂有九诸侯建之】以象大火也【大火苍龙之宿东方之星其属有九】鸟旗七旂【鸟准为旗其旂有七州里建之旗余】以象鹑火也【鹑火朱鸟之宿南方之星其属有七鹑渚】熊旗六旂【熊虎为旗其旂有六师都建之】以象伐也【伐白虎之宿西方之星其属有六也】蛇四旂【蛇为旂其旂有四县都建之】以象营室也【营室武之宿北方之星其属有四】弧旌枉矢【凡旌旗皆有弧以张之又画枉矢于上也】以象弧也【以象弧星之有矢飞行也】

攻金之工【此下言用金锡多寡之法】筑氏执下齐【多锡为下齐筑氏为削则用锡为多齐去声下同】冶氏执上齐【少锡为上齐冶氏为戈防则用锡为少】鳧氏为声【钟鐸之属】防氏为量【斗斛之属量去声】段氏为铸器【钱铸之属】桃氏为刃【刃剑之属】金有六齐【用锡和金其齐有六】六分其金而锡居一【金五分锡一分共六分】谓之钟鼎之齐【钟以击鼎以烹比之斧斤则用锡为差少】五分其金而锡居一【金四分锡一分共五分】谓之斧斤之齐【斧以伐斤以削比之钟鼎则用锡为差少】四分其金而锡居一【金三分锡一分共四分】谓之戈防之齐【戈防皆用以击刺防其挫折故比之斧斤则用锡为多也以上三者皆上齐也】三分其金而锡居一【金二分锡一分共三分】谓之大刃之齐【大刃以施之斩伐防其易亏比之戈防则用锡尤多】五分其金而锡居二【金三分锡二分共五分】谓之削杀矢之齐【削书刀也用以削书杀矢箭也用以田猎皆欲其坚忍不脆比之大刃则用锡又多】金锡半【金一半锡一半】谓之鉴燧之齐【鉴取水于月燧取火于日皆以洁白为上故金锡半之以上三者皆下齐也】

筑氏为削【书刀也刊竹简用之】长尺博寸【削之制长与大】合六而成规【其形容大成规】欲新而无穷【常欲其如新发之于刃用之不穷】敝尽而无恶【虽至敝终无顿缺之患】

冶氏为杀矢刃长寸围寸铤十之重三垓戈广二寸内倍之胡三之援四之已倨则不入已句则不决长内则折前短内则不疾是故倨句外博重二铤防广寸有半寸内三之胡四之援五之倨句中矩与刺重三铤

桃氏为劔【劔工谓之桃氏以能辟除不祥故也】腊广二寸有半寸两从半之以其腊广为之茎围长倍之中其茎设其后参分其腊广去一以为首广而围之身長五其茎长【手所握者谓之茎其长五寸剑身長五倍于茎则共长三尺也腊纳】重九铤【一铤重六两半有零九铤则重六十两也铤劣】谓之上制【此剑之上等】上士服之【勇士之上者能用之】

身長四其莖長【共長二尺五寸】重七鎰【重四十六兩有余】謂之中制【此劍之中等】中士服之【勇士之中者能用之】身長三其莖長【共長二尺】重五鎰【重三十兩有余】謂之下制【此劍之下等】下士服之【勇士之下者能用之】

鳧氏為鐘【鳧入水不溺以名鐘工取其虛浮之義】兩欒謂之銑銑間謂之于于上謂之鼓鼓上謂之鉦鉦上謂之舞舞上謂之甬甬上謂之衡鐘縣謂之旋旋虫謂之干鐘帶謂之間間謂之枚枚謂之景于上之攏謂之隧十分其銑去二以為鉦以其鉦為之銑間去二分以為之鼓間以其鼓間為之舞修去二分以為舞廣以其鉦【音正】之長為之甬長以其甬長為之圍參分其圍去一以為衡圍參分其甬長二在上一下以設其旋薄厚之所震動【薄厚不得其宜則震動不得中】清濁之所由出【聲之清濁出于此】侈弇之所由興【口之侈弇起于此】有說【當推其 之所由出說始銳反】鐘已厚則石【其聲不出】已薄則播【聲散】侈則柞【形大則聲迫窄柞側百反】弇則郁【形小則聲郁而不散】長甬則震【甬鐘柄也甬長則震而不定甬音勇】是故大鐘十分其鼓間以其一為之厚小鐘十分其鉦間以其一為之厚鐘大而短【鐘形大則宜長而失于短】則其聲疾而短聞【疾急也短聞者聲易竭也聞問】鐘小而長【鐘形小則宜短而失于長】則其聲舒而遠聞【舒緩也遠聞謂聲難息也】為遂六分其厚以其一為之深而圓之

防氏為量【防與栗同以名量工取其堅實之義】改煎金錫則不耗【量則鐘鼎之齊必煉之使精而無減耗然後可用也】不耗然後權之【權稱錘也權之所以眡其輕重之齊也】權之然後准之【准取法于水也准之所以眡其高下之平也】准之然後量之【量之以黍所以眡其多寡之均也】量之以為鬴【一鬴容六斗四升鬴音父】深尺【其深一尺】內方尺而圓其外【內方一尺而外圓象天包地外也】其實鬴【四豆為區四區為鬴】其鬯一寸【鬯厚一寸鬯豚】其實一豆【四升為豆】其耳三寸【耳廣三寸】其實一升【四龠為合四合為升】重一鈞【重三十斤】其聲中黃鐘之宮【黃鐘律長九寸上下損益生十二律五聲之中宮聲為君量之聲應之也中去聲】槩而不稅【用槩所以為平也不征其稅所以為公也】其銘曰【刻于量上以銘之其辭如下文所云】時文思索【時是也惟是文德之君思索以求其理】允臻其極【允信也極中也作為比量使天下取信而至于中也】嘉量既成【量成而名之曰嘉所以一天下之法而極其美也】以觀四國【其法度之器可以觀示四方之國也觀音貫】永啓厥后【永久開啓其後世子孫】茲器維則【使後世惟以此器為法則也】凡鑄金之狀金與錫黑濁之氣竭黃白次之黃白之氣竭青白次之青白之氣竭青氣次之然後可鑄也

段氏【闕】

函人為甲【包函不至傷人掌為甲】犀甲七屬【以犀皮次叙聯屬其甲屬謂上旅下旅相績之數屬音注】兕甲六屬【以兕牛皮貫甲】合甲五屬【合犀兕之革貫甲尤堅】犀甲壽百年兕甲壽二百年合甲壽三百年【革堅者用愈久】凡為甲必先為容【容象式也】然後制革權其上旅與其下旅而重若一以其長為之圍凡甲鍛不摯則不堅已敝則桡凡察革之道眡其鑢空欲其窻也眡其里欲其易也眡其朕欲其直也 之欲其約也舉而眡之欲

其丰也衣之欲其无齟也眡其鑽空而窻则革坚也眡其里而易则材更也眡其朕而直则制善也 之而约则周也举之而丰则明也衣之无齟则变也

鲍人之事望而眡之欲其荼白也进而握之欲其柔而滑也卷而搏之欲其无迤也眡其着欲其浅也察其线欲其藏也革欲其荼白而疾澣之则坚欲其柔滑而腥脂之则需引而信之欲其直也信之而直则取材正也信之而枉则是一方缓一方急也若苟一方缓一方急则及其用之也必自其急者先裂若苟自急者先裂则是以博为棧也卷而博之而不迤则厚薄序也眡其着而浅则革信也察其线而藏则虽敝不黦

鞀人为皋陶【鞀人为鼓皋陶以木为之鼓之匡也鞀运陶逃】长六尺有六寸左右端广六寸中尺厚三寸穹者二之一上三正鼓长八尺鼓四尺中围加三之一谓之鼗鼓为皋鼓长寻有四尺鼓四尺倨句磬折凡冒鼓必以啓蛰之曰【惊蛰日冒鼓冒象也】良鼓瑕如积环【其用革之调急随皋陶之周围若环之圆】鼓大而短则其声疾而短闻鼓小而长则其声舒而远闻【义与鳧氏为钟同闻音问】

韦氏【阙】

裘氏【阙】

画绩之事【模成物体谓之画分布五色谓之绩】杂五色东方谓之青南方谓之赤西方谓之白北方谓之黑天谓之 地谓之黄青与白相次也赤与黑相次也 与黄相次也赤与青谓之文【东方青色与南方赤色相杂名之曰文】赤与白谓之章【南方赤色与西方白色相杂名之曰章】白与黑谓之黼【黼为斧形取其断以西方白色与北方黑色相杂为之黼音甫】黑与青谓之黻【黻为两已相背取其辨也以北方黑色与东方青色相杂为之黻绂】五采备谓之绣【绣刺绣也备青黄赤白黑之色】土以黄其象方天时变火以圜山以章水以龙鸟兽蛇杂四时五色之位以章之谓之巧凡画绩之事后素功【谓后于素功也盖先以粉地为质而后可施以五采也记曰甘受和白受采孔子曰绘事后素此之谓也】

钟氏【钟重也染色欲深重】染羽【羽所以饰旌旗及王后之车】以朱湛丹秫【湛渍渐也丹秫赤粟也取汁染明湛子潜反】三月而絜之【絜炊也】淳而渍之【渍染也】三入为纁五入为緌七入为緇【三染为纁谓染朱黑色五染赤汁及黑色为緌七入染汁为黑白緇緌侧留反】

筐人【阙】

防氏【治丝帛而练熟之为防防音芒】涑丝以浼水【浼水灰水也涑音练浼书锐反】沤其丝七日【沤鸟豆反渐也】去地尺暴之【暴步卜反】昼暴诸日夜宿诸井七日七夜是谓水涑【此涑丝之法度】涑白以栏为灰渥渥其帛实诸泽器淫之以蜃清其灰而盪之而挥之而沃之而盪之而涂之而宿之明日沃而盪之昼暴诸日夜宿诸井七日七夜是谓水涑

周礼句解卷十一

卷十二

钦定四库全书

周礼句解卷十二

宋 朱申 撰

冬官考工记下

玉人之事【攻玉之工玉人为长】鎮圭尺有二寸天子守之【鎮取鎮安四方之义】命圭九寸谓之桓圭公守之【公侯伯之圭皆曰命者以其出于王所命也桓取强直有立之义】命圭七寸谓之信圭侯守之【信取尊而不屈之义信申】命圭七寸谓之躬圭伯守之【躬取卑而不信之义以上制度详见大宗伯注】天子执冒四寸【冒圭其形四方其大四寸邪刻其下取覆冒为义】以朝诸侯【诸侯来朝则以其瑞圭锐首上合于天子之冒圭以为验也朝潮同】天子用全【此言裸圭也裸圭一器有瓚有龙有将惟天子则全用玉为之】上公用龙【裸圭以龙为首上公之裸圭以玉饰其首故曰用龙】侯用瓚【裸圭盛鬯处曰瓚侯之裸圭以玉饰瓚故曰用瓚】伯用将【裸圭之柄曰将伯之裸圭以玉饰其柄故曰用将】继子男执皮帛【此上疑有脱文典命曰凡诸侯之适子未誓则以皮帛继子男详见本注】天子圭中必【必与纆同谓以维约其圭之中央防失坠也】四圭尺有二寸以礼天【典瑞曰四圭有邸以祀天旅上帝】大圭长三尺【典瑞曰王搢大圭】杼上终葵首【杼杀也终葵推也为推于其杼上明无所屈也杼直吕反】天子服之【服之则所谓搢之也】土圭尺有五寸以致日以土地【致日度日景也典瑞曰土圭以致四时日月封国则以土地】裸圭尺有二寸有瓚以祀庙【典瑞曰以肆先王以裸宾客】琬圭九寸而缫以象德【缫借玉者也典瑞曰以治德以结好也琬音宛缫音早】琰圭九寸判规以除慝以易行【判半也规半以上剡至首规半以下为琢节也余并见典瑞注琰音冉易去声】璧琕度尺【典瑞曰璧琕以起度琕以善切】好三寸以为度【好璧孔也其径三寸圆者径一而围三则其肉之围凡九寸矣以径三寸加围九寸则得十一寸琕其三寸以为度则盈一尺矣好去声】圭璧五寸以祀日月星辰【见典瑞注】璧琮九寸诸侯以享天子【圆曰璧方曰琮璧以帛琮以锦盖诸伯享天子之礼】谷圭七寸天子以聘女【典瑞曰以和难以聘女】大璋中璋九寸【半圭曰璋曰大曰中则知中璋小于大璋矣其璋则皆九寸】邊璋七寸【邊璋又小于中璋其长七寸】射四寸【其广四寸射音石下并同】厚寸【其厚一寸】黄金勺【三璋皆璋瓚故有勺以盛黄流以黄金为之】青金外【以青金饰其外】朱中【以朱饰其中】鼻寸【鼻谓龙头其高一寸】衡四寸【勺之径广四寸】有缫【所以借璋】天子以巡守【天子巡守所过有事于山川视山川之三等而用二璋也守狩】宗祝以前马【宗宗伯之属祝太祝之属天子巡守则宗祝以前马而致礼】大璋亦如之【言诸侯之大璋亦如邊璋之长七寸射四寸者】诸侯以聘女【言天子用谷圭诸侯用大璋也】瑑圭璋八寸璧琮八寸以頍聘【见典瑞注瑑篆頍工吊反】牙璋中璋七寸【中璋牙璋之小者】射二寸【广二

寸】厚寸【厚一寸】以起军旅以治兵守【见典瑞注】组琮五寸【组与组同言系之以组也组祖】宗后以为权【宗后即王后也以组系琮为称锤以权轻重也】大琮十有二寸【大于五寸七寸之琮故曰大琮】射四寸厚寸是谓内镇【大琮为内镇以见镇圭之为外镇也】宗后守之【犹王之守镇圭也】组琮七寸【宗后五寸而天子七寸者隆杀之辨也】鼻寸有半寸【宗后之制亦如此】天子以为权【以权轻重】两圭五寸有邸以祀地以旅四望【见典瑞注邸抵】瑑琮八寸【以别于礼神故加琢刻也】诸侯以享夫人【诸侯相为宾则夫人有致礼之仪则享夫人者亦施报之礼也】案十有二寸【以玉饰案其高十二寸】防十有二列【以防陈于案上为十二列也防栗】诸侯纯九【以劳诸侯皆用九列】大夫纯五【以劳大夫皆用五列】夫人以劳诸侯【夫人谓天子之三夫人也夫人佐后治内政故王劳宾客而夫人亦以栗劳之阴阳相成之义也然诸侯纯九大夫纯五者则知所谓十二列者劳二王之后也劳去声】璋邸射素功以祀山川以致稍饩【典瑞曰以祀山川以造赠宾客素功者不加琢饰也所谓致稍饩者即造赠宾客之谓也稍去声】

柳人【阙】

雕人【阙】

磬氏为磬倨句一矩有半其博为一股为二鼓为三参分其股博去一以为鼓博参分其鼓博以其一为之厚已上则摩其旁已下则摩其端

矢人为矢【矢箭也】鍬矢参分莛矢参分一在前二在后兵矢田矢五分二在前三在后杀矢七分三在前后四在后参分其长而杀其一五分其长而羽其一以其筈厚为之羽深水之以辨其阴阳夹其阴阳以设其比夹其比以设其羽参分其羽以设其刃则虽有疾风亦弗之能憚矣刃长寸围寸铤十之重三垆前弱则俛【前弱则矢行而低】后弱则翔【后弱则矢行而还】中弱则紆【中弱则矢行而曲】中强则【中强则矢行而起此四者强弱之失其中也】羽丰则迟【羽多则矢重而其行失于缓】羽杀则趯【羽少则矢轻而其行失于急此二者丰杀之失其节也杀去声趯躁】是故夹而摇之【此言相矢之法言宜以指夹矢而摇之】以眡其丰杀之节也【以矢之轻重而知其丰杀之节】挠之【以指挠其榦而曲之】以眡其鸿杀之称也【以矢之强弱而知其鸿杀之称称去声】凡相筈欲生而搏同搏欲重同重节欲疏同疏欲防

陶人为甗实二鬴厚半寸唇寸盆实二鬴厚半寸唇寸甑实二鬴厚半寸唇寸七穿鬲实五鬴厚半寸唇寸庾实二鬴厚半寸唇寸

旃人为簋实一鬴崇尺厚半寸唇寸豆实三而成鬴崇尺凡陶瓶之事髻罍薛暴不入市器中防豆中县防崇四尺方四寸

梓人为笋簴【笋簴钟磬之架也横曰笋直曰簴簴音巨】天下之大兽五【其目在下】脂者【牛羊之属】膏者【犬豕之属】羸者【虎豹之属以其体重毛浅犹裸袒也羸力果反

】羽者【飞禽之属】鳞者【龙蛇之属】宗庙之事【五兽用于宗庙】脂者膏者以为牲【致美味也】羸者羽者鳞者以为笋簋【贵野声也】外骨【属】内骨【鼈属】郤行【若蚓之类】仄行【若蠨之类】连行【若鱼之类】紆行【若蛇之类紆乙俱反】以脰鸣者【蛙黾之属脰豆】以注鸣者【蟋蟀之类】以旁鸣者【蝪蛄之属】以翼鸣者【发皇之属】以股鸣者【斯螽之属】以胷鸣者【荣原之属】谓之小虫之属【骨者二行者四鸣者六皆小虫之属】以为雕琢【凡此皆雕琢其形而饰笋簋也】厚唇弇口出目短耳大胷燿后大体短脰若是者谓之羸属恒有力而不能走其声大而宏有力而不能走则于任重宜声大而宏则于钟宜若是者以为钟虞是故击其所县而由其虞鸣鋭啄决吻数目顙脰小体骞腹若是者谓之羽属恒无力而轻其声清而远闻无力而轻则于任轻宜其声清而远闻于磬宜若是者以为磬虞故击其所县而由其虞鸣小首而长搏身而鸿若是者谓之鳞属以为笋凡撝網援簪之类必深其爪出其目作其鳞之而深其爪出其目作其鳞之而则于眡必拨尔而怒苟拨尔而怒则于任重宜且其匪色必似鸣矣爪不深目不出鳞之而不作则必黷尔如委矣苟黷尔如委则加任焉则必如将废措其匪色必似不鸣矣

梓人为饮器勺一升爵一升觚三升献以爵而酬以觚一献而三酬则一豆矣食一豆肉饮一豆酒中人之食也凡试梓饮器乡衡而实不尽梓师罪之

梓人为侯【侯今之射垛也】广与崇方【崇高也方犹等也高广等者谓侯中也】参分其广【天子射礼以九为节侯道九十弓弓二寸以为侯中高广等则天子侯中丈八尺诸侯于其国亦然】而鹄居一焉【鹄所射也以皮为之各如其侯也居侯中参分之一则此鹄方六尺惟大射以皮饰侯大射者将祭之射也其余有賓射燕射】上两个与其身三下两个半之【两个谓布可以维持侯者也上方两枚与身三设身广一丈两个各一丈凡为三丈下两个半之传地故短也】上纲与下纲出舌寻緼寸焉【纲所以系侯于植者也舌维持侯者上下皆出舌一寻者亦人张手之节也緼笼纲者緼尤粉反】张皮侯而栖鹄则春以功【鹄射之的也张皮侯而栖鹄谓以皮饰侯而用于大射也诸侯以春贡士天子因大射而选士助祭取其中的之功也春上声】张五采之侯则逵国属【五采侯犹今之红心盖朱其中白次之苍次之黄次之黑居外也天子张五采侯以行賓射之礼所以象文德也故逵国属】张兽侯则王以息燕【兽侯画为熊麋鹿豕虎豹之象也天子张兽侯以用之燕射所以示其为民除害也故可以休息而安燕焉】祭侯之礼【将射则先祭侯之神】以酒脯醢【不用牲也醢海】其辞曰【祭侯之祝辞也】惟若宁侯【若汝也寧安也侯之为物捍内蔽外以御敌为任者也有诸侯之象焉故假以为戒敕诸侯之辞言汝当安为诸侯也】毋或若女不宁侯【此若字训如盖责之曰汝等诸侯母如此等不寧之侯母无女汝】不属于王所【以其不宁故不服属于天子之所】故抗而射女【数其不属于王之罪故立其侯而射之也】强饮强食【此祝神之辞勉之使饮食也强上声】诒汝曾孙诸侯百福【汝侯既饮食醉饱当以百福遗汝曾孙之为诸侯也】

庖人为庖器【谓戈防戣矛之柄也庖卢】戈秘六尺有六寸【秘犹柄也】戣长寻有四尺【八尺曰寻戣殊】车防常【倍寻曰常】酋矛常有四尺夷矛三寻【酋夷长短名酋在由反】凡兵无过三其身【八尺为一寻人长八尺三其人身之长则三寻矣】过三其身【设

使过于三寻之身】弗能用也【则兵太长不可得而用之】而无已【而又不止于弗能用也】又以害人【适所以为人之害也】故攻国之兵欲短【凡兵用之于攻敌者则贵乎短】守国之兵欲长【用之于守城者则贵乎长】攻国之人众【此覆解欲短欲长之意谓攻国者用人必多】行地远【其所行之地又甚远】食饮饥【饮食不时故多饥也】且涉山林之阻【又况跋涉山林之险阻】是故兵欲短【有此四者皆不便于长兵故兵欲短也】守国之人寡【守国者用人必少】食饮饱【饮食及时故皆饱也】行地不远【虽往来巡警而所行不远】且不涉山林之阻【又况不跋涉山林之险阻】是故兵欲长【有此四者可用长兵故兵欲长也】凡兵句兵欲无弹刺兵欲无蝟是故句兵棹刺兵搏击兵同强举围欲细细则校刺兵同强举围欲重重欲傅人傅人则密是故侵之凡为受五分其长以其一为之被而围之参分其围去一以为晋围五分其晋围去一以为首围凡为酋矛参分其长二在前一在后而围之五分其围去一以为晋围参分其晋围去一以为刺围凡试庐事置而摇之以眡其蝟也灸诸墙以眡其桡之均也横而摇之以眡其劲也六建既备车不反覆谓之国工

匠人建国【前经谓惟王建国辨方正位者此也】水地以县【先于四角立植以绳垂之而坠取其端直然后置水于地而取其平也县音 置 以县【 谓立八尺之木以为表也水地而得其平则可以量日景矣故置 于其中复以绳垂之而坠欲其表之端直也 鱼列反】眡以景【言所以置 者将以眡日景也】为规识日出之景与日入之景【此言眡日景之法以取东西也立八尺之表于地之平处日出东方则景在表之西日入西方则景在表之东乃于其景之两端画而记之然后以绳贯于所立之表如景之长就地一匝为一大规则所识日出日入之景可以定东西矣东西既定乃以自东至西之长而中屈之以量南北则南北亦可得而定矣识音志】昼参诸日中之景【经久犹恐南北之未正又参诸日中之景焉冬至日行南陆景长一丈三尺夏至日行北陆景短一尺五寸此日中之景也】夜考之极星【极星中星也初昏之时见于正南之位昼参夜考则南北无不正矣】以正朝夕【以日中之景正其朝则地之中得矣以极星正其夕则天之中得矣】

匠人营国【始作而立之谓之建周围而治之谓之营】方九里【上公之国其城方九里天子之城不宜如是之狭也】旁三门【城之四旁各为三门共十二门】国中九经九纬【国中之路纵者九涂为之经横者九涂为之纬纬位】经涂九轨【轨车辙迹也言经涂之广可容九车往来然王城之门既有十二则所谓九经九纬九轨者皆当以十二为数也】左祖右社【正宫在城之中其左为宗庙其右为社稷】面朝后市【其前为朝廷其后为市井朝潮下同】市朝一夫【朝者官吏所防市者商旅所聚必一夫百畝之地然后足以容之】夏后氏世室【此言三代明堂之制夏后氏号为世室也】堂脩二七【夏后氏度以步堂脩二七者谓其南北之深十四步也】广四脩一【堂之广益以四分脩之一则其广十七步有半矣广去声下同】五室三四步四三尺【堂上有五室以象五行东北木室东南火室西南金室西北水室其深皆三步其广皆益以四尺也中央土室其深四步其广益以二尺也】九阶【南面三阶东西北面各二阶共为九阶】四旁两夹【每室四户每户夹以两 共为八】白盛【以蜃灰垺其墙壁也盛成】门堂三之二【门堂门侧之堂也其深广比正堂有三分之二】室三之一【门堂之室其深广比正室有三分之一】殷人重屋【殷人号为重屋重平声】堂脩七寻【商人度以寻一寻八尺七寻则深五丈六尺也】堂崇三尺【崇高也】

】四阿重屋【言四方屋栋皆为重屋故号重屋也】周人明堂【明堂之内有世室有重屋三代各举其一以名之】度九尺之筵【周人度以筵每筵长九尺度待咨反下同】东西九筵【东西之广为八丈一尺】南北七筵【南北之深为六丈三尺】堂崇一筵【其高九尺】五室【与夏制同】凡室二筵【每室一丈八尺】室中度以几【度量也此总言量地之法一几五尺】堂上度以筵【一筵九尺】宫中度以寻【一寻八尺】野度以步【一步六尺】涂度以轨【一轨七尺】庙门容大扃七个闾门容小扃三个路门不容乘车之五个应门二彻三个内有九室【路门之内有九室】九嫔居之【九嫔赞三夫人以佐后而治内政故各居一室嫔频】外有九室【路门之外亦有九室】九卿朝焉【九卿赞三公以佐天子而治外政故其入朝也亦各居一室焉】九分其国以为九分【一国之内画为九分犹井田之法也】九卿治之【三孤六卿合为九卿各治一分】王宫门阿之制五雉【雉城上之堞也五堵为雉则长三丈高于一丈也阿栋也门阿之制五雉则三丈之长者五也】宫隅之制七雉【隅角也宫隅高于门阿故为七雉则一丈之长者七也】城隅之制九雉【城隅高于宫隅故为九雉则三丈之长者九也】经涂九轨【城中经涂可容九车】环涂七轨【环城之涂可容七车】野涂五轨【野外之涂可容五车】门阿之制以为都城之制【都城王子弟所封之邑其城如门阿之制则无过五雉也】宫隅之制以为诸侯之城制【诸侯之城如宫隅之制则无过七雉也】环涂以为诸侯经涂【诸侯经涂可容七车】野涂以为都经涂【都邑经涂可容五车】

匠人为沟洫【此篇载沟洫之制与遂人不同遂人以一夫至万夫言之则以相连属而言也此以一井至一同言之则以开方之法而言之要之考工记未必皆成周之制今各随本文解之不必强为之说也】耜广五寸【耜耒头之金也其广五寸】二耜为耦【两耜相合号为一耦】一耦之伐【二耜合为一尺则所伐之土广一尺矣】广尺深尺谓之【之广深皆一尺则二耜之所伐也 卷】田首倍之【一夫受田百畝其方百步田首则加之方倍而为遂也】广二尺深二尺谓之遂【一夫之田其间有遂以通水其广深倍于 也】九夫为井【九夫之田号为一井其方一里】井间广四尺深四尺谓之沟【一井之田其间有沟以通水其广深倍于遂也】方十里为成【百夫之田其方十里号为一成】成间广八尺深八尺谓之洫【一成之田其间有洫以通水其广深倍于沟也】方百里为同【千夫之田其方百里号为一同】同间广二寻深二仞谓之浍【一同之田其间有浍以通水其广深又倍于洫也仞与寻皆八尺仞音刃】专达于川【之 之水达于遂遂之水达于沟沟之水达于洫洫之水达于浍浍之水则专达于川】各载其名【又以别其水之所从也】凡天下之地埶【泛言天下地埶埶势】两山之间【谓山间之平地】必有川焉【水之源出于山至于平地则会而为川焉】大川之上【谓大川之岸上】必有涂焉【必有道路以通往来】凡沟逆地防谓之不行水属不理孙谓之不行梢沟三十里而广倍凡行奠水磬折以参伍欲为渊则句于矩凡沟必因水势【沟所以导水不因水势之曲直则其流易壅】防必因地势【防所以止水不因地势之高下则其隄易坏】善沟者水漱之【善为沟者水必漱齧之而无所壅也漱瘦】善防者水淫之【善为防者水必淫液之而无所决也】凡为防广与崇方其綯参分去一大防外綯凡沟防必一日先深之以为式【凡制沟防必有定式预先一日深之】里为式【必合一里之广通计之】然后可以传众力【有定法而后可以齐众志】凡任索约大汲其版谓之无任葺屋参分瓦屋四分困 仓城逆墙六分堂涂十有二分窰其崇三尺

墙厚三尺崇三之

车人之事半矩谓之宣一宣有半谓之欂一欂有半谓之柯一柯有半谓之磬折

车人为耒【耒之为器其体曲亦车人为之】庇长尺有一寸中直者三尺有三寸上句者二尺有二寸自其庇縁其外以至于首以 其内六尺有六寸与步相中也坚地欲直庇【土刚则欲直庇深入而易推庇谓耒下前曲木】柔地欲句庇【土之柔处欲曲庇】直庇则利推句庇则利发【解上文】倨句磬折谓之中地【中地之耒形之曲直地磬之折乎庇音次】

车人为车【为大车栢车之工】柯长三尺博三寸厚一寸有半五分其长以其一为之首轂长半柯其围一柯有半辐长一柯有半其博三三寸厚三之一渠三柯者三行泽者欲短轂【泽为沮洳之地用于行泽故利短轂】行山者欲长轂【山为险阻之地用长轂】短轂则利【无却行之失】长轂则安【无倍任之劳】行泽者反輶【輶牙也以为轮之固抱也】行山者仄輶【反则里之滑者在外仄则仄其里之坚者相依】反輶则易仄輶则完六分其轮崇以其一为之牙围栢车轂长一柯其围二柯其辐一柯其渠二柯者三五分其轮崇以其一为之牙围大车崇三柯纁寸牝服二柯有三分柯之二羊车二柯有参分柯之一栢车二柯凡为輶三其轮崇参分其长二在前一在后以凿其钩彻广六尺鬲长六尺

弓人为弓【此弓工也】取六材必以其时【六材干角筋胶丝漆也非天时无以备陰阳之和故取之必以其时】六材既聚【六材既已合聚】巧者和之【非工巧无以全六材之用故资巧者以和之】干也者以为远也【弓所以为远者其力在榦故榦以为远】角也者以为疾也【弓所以疾发者其势在角故角以为疾】筋也者以为深也【角榦资筋以为坚忍以射则中深也】胶也者以为和也【三者得胶然后相合以为和】丝也者以为固也【结而固之在丝故丝以为固】漆也者以为受霜露也【饰而坚之在漆故漆以为受霜露】凡取榦之道七柘为上櫨次之檿桑次之橘次之木 次之荆次之竹为下凡相榦欲赤黑而阳声赤黑则乡心阳声则远根凡析榦射远者用势深者用直居榦之道菑栗不迤则弓不发凡相角秋鞣者厚春鞣者薄犴牛之角直而泽老牛之角紾而昔疾疾险中瘠牛之角无泽角欲青白而丰末夫角之本蹙于 而休于气是故柔柔故欲其孰也白也者孰之徵也夫角之中恒当弓之畏畏也者必桄桄故欲其坚也青也者坚之徵也夫角之未远于 而不休于气是故脆脆故欲其柔也丰末也者柔之徵也角长二尺有五寸三色不失理谓之牛戴牛凡相胶欲朱色而昔昔也者深瑕而泽紾而搏廉鹿胶青白马胶赤白牛胶火赤鼠胶黑鱼胶餌犀胶黄凡昵之类不能方凡相筋欲小简而长大结而泽小简而长大结而泽则其为兽必剽以为弓则岂异于其兽筋欲敝之敝漆欲测丝欲沈得此六材之全然后可以为良凡为弓【弓有六材而治之各以其时】冬析榦【榦欲坚而贞固故冬析之】而春液角【角欲和而温柔故春液之】夏治筋【筋欲散而解缓故夏治之】秋合三材【胶丝漆三者欲其成就而充实故秋合之】寒奠体【奠定也体者弓往来之体也必于寒而奠之则弓体用胶至冬坚而牢也】冰析灋【灋者漆之灋也必于冰而析之则漆灋欲其不动故也灋子召】冬析榦则易【此覆解上文谓于榦坚之时而析之则其势和易也易去声】春液角则合【于角和之时而液之则其气浹洽也】夏治筋则不烦【于筋散之时而治之则其理不乱也】秋

合三材则合【于成材之时而合之则其质不相离也】寒奠体则张不流【体已定则虽张之而不流移也】冰析灋则审环【灋已环则不复有所鼓动也】春被 则一年之事【被于春俟一暮之久而后可用也】析榦必伦析角无邪斲目必茶斲目不茶则及其大脩也筋代之受病夫目也者必强强者在内而摩其筋夫筋之所由幘恒由此作故角三液而榦再液厚其帛则木坚薄其帛则需是故厚其液而节其帛约之不皆约疏数必侔斲摯必中胶之必均斲摯不中胶之不均则及其大脩也角代之受病夫怀胶于内而摩其角夫角之所由挫恒由此作凡居角长者以次需恒角而短是谓逆桡引之则纵释之则不按恒角而达譬如终继非弓之利也今夫菱解中有变焉故按于挺臂中有柎焉故剽恒角而达引如终继非弓之利桥榦欲孰于火而无羸桥角欲孰于火而无燂引筋欲尽而无伤其力鬻胶欲孰而水火相得然则居旱亦不动居湿亦不动苟有贱工必因角榦之湿以为之柔善者在外动者在内虽善于外必动于内虽善亦弗可以为良矣凡为弓方其峻而高其柎长其畏而薄其敝宛之无已应下柎之弓末应将兴为柎而发必动于綮弓而羽綮末应将发弓有六材焉【六者之中榦角为急用】惟榦强之【弓以榦为强以角附榦而安】张如水流【张之如水之顺流】维体防之【弓往来之体防其深浅之失】引之中参维角防之【引弓与三尺之矢相中防正也必其用角之正防柎】欲宛而无负 引之如环释之无失体如环材美工巧为之时谓之参均【得天时材美工巧为三均】角不胜榦榦不胜筋谓之参均【用榦胜一石如角胜二石被筋胜三石三者皆平曰三均】量其力有参均均者参谓之九和【合上材工时角榦筋之六者又以丝漆胶为之辅九者相得而和】九和之弓角与榦权【角与榦皆权平】筋三侔【侔犹等也】胶三錡丝三邸漆三𧯂【錡相称也邸相敌也𧯂有所受也】上工以有余【巧工和之而有余】下工以不足【下工和之则不足】为天子之弓合九而成规为诸侯之弓合七而成规大夫之弓合五而成规士之弓合三而成规【説并见夏官司弓矢注】弓长六尺有六寸【此言人之形貌不同故弓之等制不一六尺六寸弓之制长者】谓之上制【此弓之上等】上士服之【士之上者能用之】弓长六尺有三寸【此得长短之中者】谓之中制【此弓之中等】中士服之【士之中者能用之】弓长六尺【弓之至短者】谓之下制【此弓之下等】下士服之【士之下者能用之】凡为弓各因其君之躬志虑血气丰肉而短寛缓以茶若是者为之危弓危弓为之安矢骨直以立忿执以奔若是者为之安弓安弓为之危矢其人安其弓安其矢安则莫能以速中且不深其人危其弓危其矢危则莫能以愿中徃体多来体寡谓之夹臬之属利射侯与弋徃体寡来体多谓之王弓之属利射革与质徃体来体若一谓之唐弓之属利射深大和无灋其次筋角皆有灋而深其次有灋而疏其次角无灋合灋若背手文角环灋牛筋蕢灋麋筋斥蠓灋和弓 摩覆之而角至谓之句弓【详察谓之覆极善谓之至角独善而筋榦未善谓之句弓弓之 也】覆之而榦至谓之侯弓【角善榦又善而筋独未善可以射侯谓之侯弓】覆之而筋至谓之深弓【非特角榦善而筋亦善故疾而遠又中深故曰深弓】

周礼句解卷十二